



14147/B

INSTITVTIONES

PHYSIOLOGICAE.

INSTITUTIONS

PHYSIOLOGICAL

D. JO. FRID. BLVMENBACHII

PROF. MEDIC. ORDIN.

SOCIET. REG. SCIENTIAR. GOTTING.

ALIARVMQVE MEMBR.

INSTITVTIONES
PHYSIOLOGICAE

ACCEDUNT TABVLAE AENEAE.

GOTTINGAE

APVD JO. CHRIST. DIETERICH.

MDCCLXXXVII.



IN THE FIELD OF MEDICINE

AND IN THE HISTORY OF

THE HUMAN MIND

AND IN THE HISTORY OF

INSTITUTIONS

HISTORICAL



THE HISTORY OF

COLLECTIONS

AND IN THE HISTORY OF

THE HUMAN MIND

AND

IN THE HISTORY OF

V I R O I L L V S T R I

S V I Q V E A M A N T I S S I M O

P E T R O C A M P E R

P R O F E S S O R I M E D I C I N A E H O N O R A R I O

A C A D . R E G . S C I E N T I A R . P A R I S I N A E

S O C I E T A T R E G . S C I E N T I A R . G O T T I N G E N S I S

A L I A R V M Q V E A C A D E M I A R . E T S O C I E T A T V M

M E M B R O

D E D I S C I P L I N A M E D I C A M E R I T I S S I M O

I N S T I T V T I O N E S H A S C E

D. D.

A V C T O R.

1871

CHRYSEAL

PETER O. APPLE

THE NEW YORK

AND NEW JERSEY

THE NEW YORK

THE NEW YORK

THE NEW YORK

THE NEW YORK

THE NEW YORK

THE NEW YORK

THE NEW YORK

P R A E F A T I O.

Quae quondam Boerhaavium, posteaque Hallerum, ad edenda compendia physiologiae compulerunt rationes, iisdem et auctor harum institutionum, ut eas conscribendi consilium susciperet, se permotum fatetur.

Ille enim *): „*propriorum cogitationum explicatione docentem plus proficere, quam si opus ab alio conscriptum interpretari suscipit —, clariorem fere doctrinam, atque animatam plerumque sequi orationem,* & s. p.

) (4

Iste

*) Praef. ad institut. medic. ed. Leydens. quarta. 1727. 8.

Iste vero *): „*etsi antea Boerhaavii libro ad ordinandas praelectiones usus fuerit, proprias tamen postea in paginas dicere incepisse, quod ab istius inde temporibus anatome ita locupletata sit ut a se ipsa plurimum differat,* &c.

Quae tum temporis de anatome Hallerus, ea hodieque multo magis de ipsa physiologia valere neminem infitias iturum speramus, qui vel ea huius disciplinae gravissima capita cogitauerit, quae de respirationis usu primario deque calore animali agunt, tum de digestionem, de bilis genuina indole et functione, de generationis negotio, et quae sunt eiusmodi alia.

Minus

*) Praef. ad *prim. lin. physiol.* ed. Gotting. prim. 1747. 8.

Minus ergo auctori quam aevo quod viuit tribuenda sunt, quae post tot nupera physiologiae incrementa rectius et propius ad naturae veritatem in hisce institutionibus tradidit, quam meritissimis suis antecessoribus tradere licuit.

Quae tamen etiam ex propria penu passim suppeditare ille studuit, siue noviter siue aliter ac haecenus factum est, observata aut explicata, lectores docti et aequi ipsi facile intelligent: praesertim ex notis, quibus subinde subtilius paulo quam in succincto textus tramite licuit, de nonnullis id genus argumentis disputavit.

Non minimam quoque operam in ordine et iunctura totius opellae locavit,

X P R A E F A T I O.

ut nempe capita naturali vinculo et cum quadam facilitate se exciperent, aliud ex alio quasi fluere videretur &c.

Librorum non sterilem citavit farra-
ginem, sed selectum, in quo quidem
habendo duplicem seruauit rationem:
primo enim tironum in gratiam auctores
principes indicauit, aut qui singularia
physiologiae capita studiosius et ex pro-
fesso pertractarunt: tum vero et passim
minus tritos fontes excitauit, nondum,
ut ipsi visum erat, in physiologiae studio
hactenus pro dignitate frequentatos, ut
itinerum auctores, physicos & s. p.

Icones partium melioris notae anno-
tauit, et ex his quidem omnium fre-
quentissime

quentissime Eustachianas, quod Albinianam earum editionem, ut ditissimum et magnopere perfectum in eo genere opus s. thesaurum potius nunquam satis commendandum, in medicorum iuvenum omnium ac singulorum manibus esse merito optet.

Aliquas vero ipsi huic libro addidit figuras proprias, eiusmodi partium quarum aut plane nullae aut non tales inter Eustachianas habentur.

Summus denique in vniuersum et vltimus ipsi fuit finis, ut fida et succincta et captu facilia traderet disciplinae initia, qua uti non iucundior ita vix grauior et vtilior altera in vniuerso medicinae
ambitu

ambitu extat; si modo vera sunt, vt sunt verissima Galeni viri immortalis in fronte *methodi medendi* verba: „*cuiusque morbi tanta est magnitudo, quantum a naturali statu recedit. — quantum vero recedat, is solus nouit qui naturalem habitum ad amissum tenuerit.*

Gottingae d. 15. Novemb. 1786.

Iis quae pag. 449. de aenigmatica istius *vesiculae umbilicalis* in ouulis humanis tenerioribus reperiundae constantia dicta sunt, addere liceat duplex monitum. vix nempe aliter quam in *recentissimo* abortu tenerrimam et corruptioni facillime obnoxiam eam particulam observabilem, tum autem tam exiguam subinde esse eius paruitatem, et vasculi quo *umbilicali* nectitur funi tenuitatem, ut curatissima tunc indagine et cauta encheiresi armatoque opus fit oculo ad eandem eruendam: id quod ipsis hisce diebus comperi, cum ouulum abortivum elegantissimum, vix columbinum ouum mole aequans aperirem, et tenerimum embryonem formicae circ. magnitudine ei inhaerentem deprehenderem, in cuius vero ouuli interiore ambitu primo quidem intuitu nullum *umbilicalis vesiculae* vestigium conspicere poteram. Curatius vero inquirens et amnion paulisper a chorio separans, utique eandem inter utramque istam membranam inueni, perexiguam quidem ita ut vix sinapis semen magnitudine superaret, sed nihilominus luculentissimam, lympham suam plenam filoque tunc facile dignoscendo cum breui et crasso funiculo *umbilicali* a latere iunctam.

SYNOPSIS

SYNOPSIS
SECTIONVM.

- I. de corpore humano viuo in vniuersum. 1
- II. de humoribus corporis humani in vniuersum et de sanguine in specie. 4
- III. de solidis corporis humani in vniuersum, speciatim vero de tela cellulosa. 19.
- IV. de viribus vitalibus in vniuersum, speciatim vero de contractilitate. 31
- V. de sanitate et natura humana. 39
- VI. de sanguinis motu in vniuersum. 47
- VII. de arteriis. 53
- VIII. de venis sanguiferis. 61
- IX. de corde. 65
- X. de viribus sanguinem pellentibus. 85
- XI. de respiratione eiusque vsu primario. 100
- XII. de voce et loquela. 118
- XIII.

- XIII. de calore animali. 129
- XIV. de perspiratione cutanea. 138
- XV. de sensorio et nervis. 156
- XVI. de functionibus systematis nervosi
in vniuersum. 173
- XVII. de sensibus externis in vniuersum,
speciatim vero de tactu. 181
- XVIII. de gustu. 187
- XIX. de olfactu. 191
- XX. de auditu. 198
- XXI. de visu. 204
- XXII. de sensibus internis, aliisque ani-
mae facultatibus. 223
- XXIII. de iis corporis actionibus quae vo-
luntatis arbitrio sunt obnoxiae. 230
- XXIV. de motu musculari. 237
- XXV. de somno. 254
- XXVI. de victu eiusque appetentia. 261
- XXVII. de masticatione et deglutitione. 269
- XXVIII. de digestionem. 279
- XXIX. de succo pancreatico. 289
- XXX. de bile. 294
- XXXI. de lienis functione. 309
- XXXII. de omenti functione. 315
- XXXIII.

XVI SYNOPSIS SECTIONVM.

- XXXIII. de functione intestinorum. 320
XXXIV. de functione systematis vasorum
absorbentium. 334
XXXV. de sanguificatione. 350
XXXVI. de nutritione. 355
XXXVII. de secretione. 363
XXXVIII. de vrina. 374
XXXIX. de sexuum discrimine in vni-
uersum. 383
XL. de functione genitali sexus virilis. 388
XLI. de functione genitali sexus sequioris
in vniuersum. 410
XLII. de menstruis. 421
XLIII. de lacte. 427
XLIV. de conceptione et grauiditate. 436
XLV. de nifu formatiuo. 460
XLVI. de partu eiusque sequelis. 471
XLVII. de hominis nati et nascendi diffe-
rentiis. 479
XLVIII. de incremento, statu et decre-
mento hominis. 490
-

SECTIO

SECTIO I.
DE
CORPORE HUMANO VIVO
IN VNIVERSVM.

§. I.

Tria sunt, quae in corpore humano viuo, cuius functiones ad physiologicam disciplinam pertinent, considerata veniunt *):

solida

*) Ita pridem auctor libri, qui vulgo inter Hippocraticos refertur, *epidemic*. VI. Sect. 8. §. 19. „quae continent corpora, aut intus continentur, aut in nobis cum impetu mouentur, contemplanda sunt. „ qui celebrer locus egregio ansam praebuit ABR. KAAU BOERHAAVE operi, cui tit. *Impetum faciens dictum Hippocrati per corpus consentiens*. LB. 1745. 8.

solida scil. eius, s. continentia:

tum *fluida*, quae istis solidis continentur:

denique, et quod summum est, *vires vitales*, quibus maxime quidem solida ad impulsus fluidorum recipiendos, eademque propellenda, aliosque motus perficiendos, incitantur; quae tamen vires neque ab ipsis quibusdam fluidis omnimode abesse videntur; et in vniuersum organici corporis essentiam quasi constituunt.

§. 2.

Haec vero tria, etsi inuicem reapse inter se distincta sint, ideoque sigillatim heic recensentur, in *viuo* tamen corpore, vtpote circa quod omnis physiologia et vnice versatur, tam intimo nexu iuncta sunt, vt vix ac ne vix quidem alterum absque alterius connubio concipere animo liceat.

Limpidissimi enim corporis nostri humores terreno tamen suo elemento scatent: et solidae contra partes, praeterquam quod ex ipsis istis fluidis primo gignuntur, etiam

iam si maxime siccae nobis videantur, phlegma tamen quoddam continent: denique vix fibrillam, ni fallimur, in corpore viuo, vitali sua vi plane orbam, dicere licet.

§. 3.

Iam vero de singulis his tribus seorsim: et primo quidem de fluidis; vtpote quae et longe maximam *) et primigeniam corporis nostri partem constituunt.

*) CHR. ANDR. KOCH *de proportionibus solidorum ad fluida*
in c. h. Goett. 1737. 4.

SECTIO II.

DE

HVMORIBVS CORPORIS

HVMANI IN VNIVERSVM

ET DE

SANGVINE IN SPECIE.

§. 4.

Quicquid fluidi corpore nostro continetur, id omne ad tres classes principes commode referri videtur.

Est enim vel A) *crudus* ut audit humor, quo maxime chylus spectat, primis quas vocant viis, contentus, in sanguinem vertendus; tum vero etiam quae corporis externa superficie absorbita eidem aduehuntur;

vel B) *sanguis* ipse;

vel denique C) ex sanguine iterum *secreta* liquidum: idemque siue certis vfi-bus destinatum et inquilinum; siue iners et mere excrementitium.

§. 5.

§. 5.

De prima et tertia harum classium alias dicendi locus erit, vbi ad chylosin, et ad secretionem, et ad alias functiones peruentum erit, ad quas singuli humores pertinent. Iam vero de sanguine agamus, principe ac primario ac vere vitali latice, qui omnium reliquorum humorum quasi promus condus dici meretur; vtpote *in* quem crudus quem diximus humor vertitur: et *ex* quo reliqui ad vnum omnes secernuntur et deriuantur: quique, si a paucis corporis partibus discefferis, qualis epidermis est, et arachnoidea tunica, et amnion etc. tum et dentium vitrea substantia etc. per vniuersam reliqui corporis compagem longe lateque discurrit.

§. 6.

Est vero sanguis liquidum sui generis, noti coloris, plus minus intensi: ad tactum glutinosum: calens: hactenus inter naturae arcana referendum, quod nulla adhuc arte ipsi similis liquor effici potuerit.

6. SECTION II.

§. 7.

Hocce liquidum ex viuo homine recentē emissum et vase exceptum sequentia maxime prodit phaenomena *):

Et primo quidem, maxime quamdiu adhuc calet, vapor ex eo ascendit, qui campana exceptus roris ad instar in guttas confluit, *aquosae* indolis, vulgari f. fontanae aquae fatis similis, nisi quod nidorosum odorem habet, singularem (in carniuororum sanguine grauiorem) et quem vere animale dixeris, qualem et vrina adhuc calens, aut funeris recentissime dissecti thoracicum et abdominale cauum spirat. Eiusdem vero aquosi laticis multum quoque reliquis quae dicentur sanguinis partibus constitutivis admixtum remanet.

§. 8.

Interim dumque sensim frigescit sanguis vase contentus, in binas partes secedere incipit. In coagulum nempe primo abit, e
cuius

*) Jo. MART. BUTT *de spontanea sanguinis separatione*.
Edinb. 1760. 8. recens. in cl. SANDIFORT *thesauro*
Vol. II.

cuius superficie mox vndequaque exsudat quasi latex ex flauescente subrubellus, quem *serum* vocant sanguinis; quo plus autem exsudat, temporis progressu, huius feri, eo contractius et mole minus redditur id ipsum coagulum, quod *crassamentum*, item ab aliqua similitudine tum coloris tum scissilis compagis, hepar sanguineum, aut placenta, et, quod a sero circumfusum ipsi innatet, insula audit.

§. 9.

Ipsam vero istud crassamentum facili encheiresi, conquassando nempe aut saepe repetitis vicibus abluendo, denuo in binas partes constitutivas abit; in *cruorem* nempe qui vniuerso sanguini purpureum imperterritat colorem, et qui ablutione secedit a *lymphâ*, quae altera est eaque solidior pars, quare et basin crassamenti eam vocant; cui cruorem magis amicum esse quam sero, vel exinde patet quod nonnisi violentia quadam adhibita ab ea basi secedat. Ipsa autem ea cruoris secretionem lymphâ eo orbata magis magisque pallefcit, usque

A 4 dum

8 SECTION II.

dum denique albi et satis tenacis coaguli habitum prae se fert.

§. 10.

Et hae quidem sunt quaternae partes principes sanguinis. — *Aquosus* scil. eius latex; tum *serum*; hinc *cruor*; denique *lympha*; quae tamen omnia quamdiu integro suo vitali calore praedita sunt, intime mixta, aequabilem et homogenum liquorem constituunt.

Iam de postremis tribus paullo curatius agendum est; aquosus enim quem diximus latex, nihil singularis quod amplius nos morari debeat prae se ferre videtur: imo nec sanguini proprius est, non magis quam aër, ipsi, vt reliquis corporis nostri partibus inhaerens, de quo tamen infra paucis adhuc agetur.

§. II.

Serum itaque gelatinosus humor est, idemque qui maxime vniuerso sanguini viscosum habitum impertit: in vniuersum
albu-

albumini ouorum simillimus *); vtpote qui calori 150 graduum (scalae Fahrenheitiani thermometri) expositus in coagulum album scissile, albumini cocto simile, abit: quale quid etiam, etsi ferius et post 20 demum horas contingere docuit cl. Moscati **), si calx viua ipsi admixta fuerit. Leniter vero exsiccatum serum, sibi ceteroquin commissum, in substantiam pellucidam, gummi arabico quoad externam faciem non absimilem vertitur, quae sensim aequae ac albumen ficcatum in numerosas fissuras, spiralis et plane singularis formae, dehiscit.

§. 12.

Praeter alias autem feri dotes, id maxime memorabile videtur, quod cl. Priestleyi experimentis †) monitus toties com-

A 5 peri,

*) C. GU. PÖRNER *experimenta de albuminis ouorum et feri sanguinis conuenientia*. Lips. 1754. 4.

**) V. EJ. *nuove osservaz. ed Esperienze sul sangue etc.* in *Scelta di opusc. interessanti*. Mediol. Vol. XVI. pag. 102 sq.

†) *Philos. Transact.* Vol. LXVI. P. I. pag. 244 sq.

peri, facilitas fcil. qua aër, cui vas sanguine repletum exponitur, per medium cui crassamentum alte immersum est, ferum, in illud agere, coloremque eius maxime mutare valet, cum e contrario eadem aëris in crassamentum actio longe difficilior imo vix vlla reddatur, quodsi idem, feri loco alio fluido, aqua aut oleo etc. imo et alieno saltim ipsius corporis humani humore, salina v. c. aut vrina tegitur.

§. 13.

Cruor aliam et maxime memorabilem sanguinis partem constituit, et colore et particularum figura, imo et elementis quae ignis tortura ex eo elicit, plurima singularia prae se ferens. Ad maxime elaboratos corporis succos pertinere videtur, qui et in foetu tenerrimo vix ante quartam post conceptionem hebdomadem, nec ante quadragesimam horam in pullis gallinaceis incubatis, apparet: et post graues sanguinis iacturas prae reliquis sanguinis elementis omnium difficillime restauratur.

§. 14.

§. 14.

Globulis constat, a Leeuwenhoekio primum obseruatis, quorum in recenti sanguine perpetua et constans figura, et aequabilis magnitudo, et quod in nullo alio humore aequales (in vnico lacte quodantenus similes) reperiantur, nullum dubitationi concedit locum, quin maxime essentiale et a reliquis quas diximus sanguinis elementis plane diuersum, constituent, etsi longe simplicior eorum forma videatur quam clari nominis viri eandem perhibuerunt. Vt enim de fictitia Leeuwenhoekii ratione eorum sextupla taceam, neque annulorum forma, quam cl. della Torre ipsis tribuit *), neque vesicularum opaco nucleo praeditorum mihi apparuerunt, qualem Hewsonus in iis se deprehendisse

*) Jo. MAR. DELLA TORRE *nuove osservaz. intorno la Storia nat.* Neap. 1768. 8. pag. 95 sq. tab. IV.

EJ. *nuove osservaz. microscop.* ibid. 1776. 4. pag. 83 sq. tab. XIV. fig. 2-7.

Illusionem dioptricam fuisse, experimentis (ipsissimis Turrii globulis vitreis institutis) didicit C. H. KOESTLIN. *v. EJ. fascic. animaduers.* Stuttg. 1780. 4. pag. 12 sq.

prehendisse ait *). Verum non nisi globosa, et si recte vidi, solidae gelatinae specie oculis vsurpauit. Lenticularem quidem, quam obseruatores ipsis tribuunt figuram, non negauerim, mihi saltem non adeo certe visam vt asserere audeam.

Disputatum est num formam mutare possint, quando per angustissimi luminis vasculum ipsis transeundum foret; e sphaericis tunc ouales fieri, posteaque, quando denuo in capacius vas emerferunt, in pristinam globosam formam resilire, credo curato obseruatori Reichelio **); etsi neque hoc mihi ipsi adhuc videre contigerit.

Ipsa vero globosa eorum figura non nisi in viuo aut saltim recenter emisso sanguine cernitur; temporis enim progressu perit; ita vt tunc quasi deliquescere videantur globuli.

§. 15.

In *magnitudine* horum globulorum constituenda dissentiant physiologi. *Hale-
fius*

*) *Philos. Transact.* Vol. LXIII. P. II. p. 303 sq. tab. XII.

**) G. CHR. REICHEL *de sanguine eiusque motu experimenta.* Lips. 1767. 4. pag. 27. fig. III. g. g.

fius eos $\frac{1}{3240}$ vnciae diametro aequare contendit. Senacus circ. $\frac{1}{3300}$. alii aliter.

§. 16.

Color ipsis ruber, imo vniuersi sanguinis rubor ab iis deriuandus videtur. Multimode autem istius coloris intensitas variat, pallidior certe animantibus inique nutritis, aut quae graues haemorrhagias sunt perpeffa; floridior arteriosus, aut qui aëri atmosphaerico, maxime vero vbi dephlogistico expositus fuerit; obscurior venosus, et in fixo aut inflammabili aëre detentus.

§. 17.

In vniuersum, quae augeant ruborem sanguinis eundemque magis intensum reddant, in promptu causae sunt; vnde vero primaria ad eam rubedinem dispositio deriuanda sit, hoc opus hic labor. Hallerus eam in croco martis ponebat, quod sanguis magis quam ossa aliaeue corporis partes ferro scateat, etsi quantitas eius exigua sit, imo mirum quantum in ea consti-

constituenda varient auctores ; ita v. c. Menghinus rationem eius ad vniuersam sanguinis massam faciebat vt 1 : 110. cl. Rhades vero modo vt 1 : 427 imo in aliis experimentis vt 1 : 503 etc.

Sed et hoc scire oportet, id ferrum non nisi calcinato cruore manifestari, cum e contrario si leniter siccatum fuerit, etsi in tenuissimum puluerem redactum, et siue aquae siue argento viuo mobilissimo vehiculo impositum, ne hilum quidem eius a magnete attrahi expertus sim.

§. 18.

Vltima consideranda venit ex principibus quae sanguinis massam constituunt partibus, *lympha* scil. quam et basin crassamenti, alii partem mucosam s. glutinosam, alii fibram sanguinis appellant.

Haec quondam cum sero male confusa est, a quo tamen toto quod aiunt coelo differt, cum iam aëris, maxime frigidioris, contactu in coagulum abeat, calcis vero
viuae

viuae admixtione, qua serum cogi diximus (§ 11) fluida conseruetur, aut si iam coacta sit, eius accessu denuo delique scat.

§. 19.

Modos quibus a cruore separari possit, supra tetigimus (§ 9). Aliis autem artificiis, vt virgulis eandem feriendo, in membranae speciem vertitur, quam ab inuentore Ruyfchianam *) appellant.

Similitudo, quae huiusmodi membranam, arte paratam, et phaenomena quaedam memorabilia in morbis, inflammatoriae maxime indolis, intercedit, haec ipsa quoque ad lymphae de qua agimus coagulum referenda esse demonstrat.

Pertinent illuc, vt pauca tantum e plurimis tangam, crusta sic dicta pleuritica, quae crassamentum sanguinis in vase excepti et stagnantis quandoque obducit; tum et similes pseudomembranae quae ex
visce-

*) RUYSCH *thesaur. anat.* VII. pag. 11. tab. III. fig. 6.
cf. *thesaur.* I. pag. 14 sq. tab. II. fig. E.

visceribus inflammatis transfudare eaque inuestire solent; tum et quodammodo ipsa caduca Hunteri ex vteri impraegnati et oestri venerei igniculis calentis cauo exsudans; porro membranae cellulosae quibus ex peripneumonia pulmones cum pleura subinde coalescere videmus; aut quales post graues in cauum abdominis haemorrhagias nasci solent; et qualia, vt singulare eorum exemplum afferam, lithopædion vulgo sic dictum, in abdomine diu detentum, vicinis visceribus tenaciter annectentia *), coram video. Sed et polypi similiaque coagula, huius ordinis esse videntur.

§. 20.

Haec quae diximus phaenomena, aliaque passim memoranda, summam huius lymphaticae partis dignitatem aperte demonstrant, in qua, si quid sanguini vitalis principii inest, vt omnino verisimillimum videtur, id maxime huicce lymphae inhaerere, apparet.

§. 21.

*) v. *Commentat. Soc. scient. Goetting. Tom. VIII.*

§. 21.

Praeter haëtenus enumeratas partes sanguinis principes, alia elementa ipsi quoque admixta esse, iam monuimus (§ 10).

Aër maxime huc spectat, quem $\frac{1}{33}$ vniuersae sanguinis massae efficere vulgo docent, qui vero hominis viui et sani sanguini non liber et elastica sua specie inest, sed intime subactus quasi et infixus neque facile extricandus. Imo experimentis didici, vel purissimi aëris perexiguam dosin chirurgiae infusoriae encheiresi in venam iugularem canum immissam, vehementissima symptomata excitare, vt palpitantes cordis, soporem, conuulsiones, et si paulo maior fuerit quantitas, ipsam mortem inferre *).

§. 22.

Enarratae partes elementares proportionem relatiua mirum quantum differunt, pro multifaria ratione aetatis, nutrimenti, alio-

*) Pluribus de iis experimentis egi in *medicin. Biblioth.*
Vol. I. pag. 177 sqq.

aliorumque id genus momentorum, quae sanitatem cuius homini propriam constituunt.

§. 23.

Neque magis certi et determinati quid circa relatiuam proportionem sanguinis massae ad vniuersi corporis molem statuere licet. Hallerus eam in adulto ad 30-36 librarum pondo ascendere putat; alii aliter.

SECTIO III.
 DE
 SOLIDIS CORPORIS HVMANI
 IN VNIVERSVM
 SPECIATIM VERO DE
 TELA CELLVLOSA.

§. 24.

Solida *) ex ipsis fluidis ortum ducunt; ita vt in primo gelatinosi embryonis rudimento sensim sensimque solida suis quaeque locis subnascantur, infinitis cohaesione gradibus **) inter se diuersa, a molliissimis et fere pultaceis inde, qualis est substantia medullaris cerebri, ad durissimas vsque, cuiusmodi est cortex vitreus coronae dentium.

B 2

§. 25.

*) HIER. DAV. GAUBII *Spec. exhibens ideam generalem solidarum c. h. partium*. LB. 1725. 4.

**) ABR. KAAU BOERHAAVE de cohaesione solidorum in corpore animali. in *Nov. comm. acad. Petropolit.* Tom. IV. pag. 343 sq.

§. 25.

In omnibus hisce solidis terrea basis plus minus abundat, eaque maxime calcareae indolis, sed acidis (phosphoreo maxime, tum et partim saccharino) iuncta. Cohæsionem autem adiuuant praeter ipsam contextus rationem, tum aëris ipsis infixi copia *), eo maior (vt Halefius vir summus experimentis euicit) quo solidiora; tum gluten quod vocant animale, quale vulgatum illud fabrile est ex animalium partibus solidis eductum. Ortus huius gelatinae ex iis quae de sanguinis indole viscosa dicta sunt explicatu facilis est.

Ferreum elementum cui vulgo magnas ad cohæsionem in corpore humano firmandam partes tribuunt, vix in censum referrem, perexiguam eius quantitatem

cogitans,

*) „Aëris dotes nondum satis notae sunt. — Id interim certum est, ad gluten pertinere, quo omnium firmiterum in vniuersa natura corporum elementa cohaerent, vt omnino neque fere metallum, neque os, neque lapis, neque testa, neque sal dissoluatur, quin aër extricatus prodeat, verba sunt Halleri de corp. hum. functionib. Vol. III. p. 271.

cogitans, vtpote quum durissimarum partium, ossium scil. integrae binae librae vix $\frac{1}{5}$ grani ferri contineant.

§. 26.

Magna pars solidorum corporis nostri *fibrosam* compagem monstrat, ex filis plus minus parallelis contextam. Cernere id est in ossibus, foetuum imprimis, tum in musculari carne, in tendinibus, ligamentis, aponeurosis, membranis quibusdam v. c. dura meninge etc.

§. 27.

Aliis vero partibus diuersa ab hac quam diximus textura est, vt nihil fere fibrosi in ipsis discernere liceat, sed alia sui generis peculiaris compages, quam *parenchyma* graece dicunt, idque visceribus maxime fecernentibus quibusuis proprium: aliud v. c. renibus, aliud hepati etc.

§. 28.

Verum omnibus hisce compagum generibus, siue ad fibram siue ad parenchyma proprium pertineant, communis quae-

B 3 dam

dam *tela* intertexta est, quae *cellulosa* audit, inter primas et principes et maxime memorabiles corporis nostri partes constitutivas referenda *).

§. 29.

Primo enim plures corporis humani partes solidae fere totae quantae ex eiusmodi tela sunt constipatae, quo v. c. continent pleraeque membranae et cartilagine, utpote quas diutina maceratione in laxiorem iterum telam cellulosam resolvere licet. Aliis vero tamen adeo intime intertexta est, ut reliquorum quibus constant partium, receptaculum quasi sit et fulcimentum; ita v. c. durissima ossa antea ex cartilagine constabant, quae ipsa tela erat cellulosa stipata: postea vero succi ossei accessu in laxiorem cellulosam distenta, eoque ipso quasi impraegnata. Imo vix ab vlla corporis nostri parte solida abesse videtur ea tela, si corticem vitreum coronae dentium excipias, utpote in quo

acido

*) DAV. CHR. SCHOBINGER (praeſ. Hallero) *de telae cellulosae in fabrica c. b. dignitate*. Goet. 1748. 4.

acido fortiori commisso nihilum eiusmodi telae simile reperire mihi licuit.

§. 30.

Porro etiam ea tela tanquam sepimentum vicinis partibus, musculis praesertim et membranis interiecta est: aliis tanquam fulcrum adiacet, vasis maxime nervisque: in vniuersum autem commune quoddam vinculum constituit, quo partes omnes ac singulae cum vicinis suis cohaerent.

§. 31.

Duplex exinde per se fluit confectarium: alterum quod ipsa haecce tela cellulosa vniuersae totius corporis compagis eatenus fundamentum constituat, vt si animo concipere liceret omne id quod praeter cellulosam in corpore superest demtum, et cellulosam eam totam situ suo superstitem, nihilominus vniuersi corporis partiumque eius formam remansuram fore.

Alterum, quod ipsius huius fundamenti cellulosi ope nexus et via quaedam inter omnes corporis partes pateat, sintue cete-

roquin natura sua maxime diuersae, siue situ a se inuicem remotissimae; id quod tum ad dirimendas de continuationibus membranarum logomachias, tum ad explicanda quamplurima morbofa phaenomena notari meretur.

§. 32.

Vti vero ea tela cellulosa plerisque corporis partibus solidis ortum et fundamentum praebet, ita ea ipsa lymphaticae quam diximus sanguinis parti originem suam debere videtur, vtpote quam ex peripneumonicorum pulmonibus transfusam in ipsam eiusmodi telam abire vidi, quae mox pseudomembranas constituens viscera ea pleuraenectere solet.

§. 33.

Haec de telae cellulosae natura et dignitate generatim dicta sufficiant. Iam de nonnullis eius varietatibus.

Et primo quidem non vna eius est firmitas.

In vniuersum enim, ceteris paribus, humano corpori *tenerrima* concessa videtur cellu-

cellulosa, si cum eadem tela in animantibus compares; imo ni fallor ipsissima haec cellulosae humanae mollities ad principes hominis praerogativas pertinet, quo ipso tum ad sensum stimulorum subtiliorum tum ad motus aliasque functiones maiore cum perfectione subeundos aptior redditur.

Sed et ipsos homines multa intercedit cellulosae quod ad laxiorem aut firmiorem contextum differentia, respectu aetatis, sexus, vitae generis, climatis etc.

Denique etiam varius est tenor huius telae pro varietate locorum corporis quibus interiacet: ita v.c. laxior in palpebris et praeputio, strictior circa aures etc.

§. 34.

Porro et *usus* telae cellulosae alius praeter eum quem in genere corpori praebere diximus (§ 29, 30.) nominandus venit, quo quidem *cellulae* eius recipiendis non vnus generis fluidis sunt destinatae.

Et quidem maxime halitum ferofum f. aquulam cellulis fuis recipiunt, qua ad unam fere omnes corporis partes irrorantur, lubricantur, et quam fpongiae humidae in modum imbibere videtur haecce tela *).

§. 35.

Praeterea autem aliis quoque nonnullis humoribus recipiendis inferuit quarundam corporis partium tela cellulofa. — Ita ea quae vitreum oculi corpus conftituit, humore eius nominis grauida eft:

quae membranam medullarem offium format (quam vulgo, aſt minus apte, perioſteum internum appellant) medullam continet:

magna

*) Quodſi haec cellulofae telae tenuiſſima *interſtitia*, quibus fluida ſpongiae in modum reſorbent, vaſculorum nomine inſignire lubet, facile concedo quod Gu. HUNTER contenderat, (*medical obſerv. and Inquiries* Vol. II. pag 27 ſq.) hancce de qua agimus telam aeque ac reliquas corporis partes *vaſis* conſtare. Si vero ea ipſi mens erat ac ſi univerſa haecce tela *cylindricis venulis* conſtet, quas anatomicè loquentes vulgo vaſorum nomine ſubintelligere ſolent, cautiſſima tentamina microſcopica, in quibus nempe ab optica illuſione mihi ſatis caui, quae vaſculofa ſpecie mihi imponeret, aliter me ſentire lubent.

magna denique pars mollibus partibus interiecta, reliquum adipem.

§. 36.

Et heic quidem triplex memoranda videtur varietas:

Sunt enim primo partes corporis, quarum cellulosa, etiamsi mollissima et maxime flaccida, numquam tamen in homine sano adipe repletur; qualis ea est, quae palpebris interiacet, et viri genitalibus substrata, etc.

Porro autem numerosis per corpus locis inconstans adeps diffusus est, et is quidem eiusdem generis *) cellulis, quae alias aquulae quam diximus ferosae recipiendae inseruit, inhaerere videtur.

Denique autem quibusdam in locis perpetuus et ni fallor certis et definitis oculis inclusus est adeps, statutis et singularibus vsibus inseruiens, quo v. c. eum referrem, qui montem veneris in pube feminea constituit, et qui peculiarem et circum-

*) Aliter sentientem GU. HUNTERUM v. l. c. p. 33 sq.

circumscriptam glebam formare mihi visus est *).

§. 37.

De *adipe* **) ipso pauca addere liceat, cum is maxime commodus de eo agendi locus videatur.

Oleum est, vnguinosi vegetabilium oleis haud absimile †); blandum, inodorum, leuius aqua; phlogisto constans, phlegmati ope acidi sui generis ††) nuptum.

§. 38.

*) Luculentius adhuc in cadauere femineo *simiae cynomolgi* reperi, cui frigori exposito circumscriptam eam adipis sub pube locati glebam, integram exglubere licuit.

**) GIL. XAV. JANSEN *pinguedinis animalis consideratio physiologica et pathologica*. LB. 1784. 8.

†) JOACH. DIED. BRANDIS *comm.* (praemio regio ornata) *de oleor. vnguinosor. natura*. Goett. 1785. 4. pag. 13 sq.

††) JOACH. JAC. RHADÉS *de ferro sanguinis hum. aliisque liquidis animalium*. Goett. 1753. 4. cap. IV. de adipe humano.

DAV. H. KNAPE (praef. Segner o) *de aculo pinguedinis animalis*. ibid. 1754. 4.

LAUR. CRELL v. cl. *chemisches Journal* 1778. P. I. pag. 102 sq.

§. 38.

Sero in fetu subnascitur, ita vt vix ante quintum post conceptionem mensem certa eius vestigia in eo dignoscere liceat.

Diuersis in locis varia eius est consistencia. Fluidior v. c. qui orbitae inhaeret; durior e contrario et ad seui similitudinem accedens, qui renibus adiacet.

§. 39.

De secretionē eius disputatum est : num scil. ope peculiarium glandularum fiat, quae Gu. Huntero sententia fuit, an tantum per diapedesin ex arteriis transudet? Posterior sententia praeter alia argumenta vel exinde verisimilior videtur, quod et subinde praeter naturam adeps visus fuerit in regionibus alias eo orbis: id quod aptius errore loci ex iniqua vasorum dispositione, quam glandulis contra naturam nouiter exortis explicari posse videtur: ita v. c. in ipso oculi bulbo adeps aliquando repertus est; et simile seuum locum replere solet ex quo testis extirpatus

tus est; imo vix cauum corporis est, in quo non quandoque visa fuerint steatomata.

Sed et in vniuersum glandulae quibus secretionem pinguedinis tribuere annisi sunt viri cl. hactenus ad entia rationis pertinent.

Vtut interim sit, id certo constat, tum secretionem tum reformationem eius celeriter peragi posse.

§. 40.

Vsus adipis multifarius est.

Lubricat solida et motum adiuuat. Nimirum sensilitatem obtundit. Frigus arcet. Demum et cutem aequaliter distendendo pulcritudinem iuuat.

Vt peculiare pinguedinis certis quibusdam locis destinatae vsus taceam, vt medullae ossium etc.

Ad nutritionem vero hominis *) fani vix quicquam conferre videtur.

*) Insecta vero exsanguia, ex adipe quo abundant, praecipuum sui nutrimentum haurire probabilis sane coniectura est P. LYONET, *Tr. anat. de la Chénille qui ronge le bois de Saule.* pag. 428. 483 sq. et praef. pag. XIII.

SECTION IV.
DE
VIRIBVS VITALIBVS
IN VNIVERSVM
SPECIATIM VERO DE
CONTRACTILITATE.

§. 41.

Difficile penſum aggredimur, *ſolidum* nempe *viuum* *), et virium vitalium enarrationem, quibus partes corporis noſtri animantur quaſi, et tum ad ſtimulorum impulſus recipiendos, tum ad motus perficiendos, aptae fiunt.

§. 42.

*) GUALT. FORSTEN VERSCHUIR or. de recentiorum medicorum, imprimis Belgarum, meritis, in phaenomenis et effectibus principii, quod vitam animaleſ conſtituit, indagandis. Groning. 1781. 4.

MATTH. van GEUNS de eo quod vitam conſtituit in corpore animali. Groning. 1758. 4. recuſ. in Sandiforti theſaur. Vol.II.

JO. THEOD. van der KEMP de vita et vivificatione materiae humanum corpus conſtituentis. Edinb. 1782. 8.

§. 42.

Primo autem de solido viuo acturos limites eius definire oportet, vbi facile patet, non magis heic de eiusmodi viribus sermonem esse, quae corpori humano cum reliquis in rerum natura corporibus communia sunt, qualis est elasticitas [cuius ceteroquin virtutes in oeconomia animali multifariae sunt *)]; quam de iis, quae animae competunt, etiamsi magnam harum in corporeas solidi viui vires potentiam esse neminem inficias iturum speramus. Verum vnice de iis agi, quae diuersis organicae corporis nostri materiei generibus insunt, et ni grauitur fallor, ad sequentes maxime ordines redeunt.

§. 43.

Prima scil. et maxime vniuersalis harum virium vitalium species, et quam in inferiore gradu s. limine quasi reliquarum ponere licet, *contractilitas* est (sit venia barbarae

*) JO. HENR. SCHVLZE *de elasticitatis effectibus in machina humana*. Hal. 1738. 4. recuf. in Halleri collect. anat. Vol. III.

barbarae voci, qua rem veteri Latio ignotam designare oportet) simplex scil. ad se contrahendum nifus. Haec vis, vt mihi quidem videtur, in omni tela cellulosa residet, aequè late ergo ac ipsa ea tela patet, ideoque per vniuerfum fere corpus regnare dicenda. Neque male fortassis exinde *vis cellulosae* appellanda.

§. 44.

Alterà harum virium vitalium, *irritabilitas* audit Halleriana, quae muscolari vnice fibrae competit, ideoque *vis muscularis* dicenda. Singulari plane motu oscillatorio et quasi tremulo se manifestat, vel exinde a simplici contractione distinguendo quod longe facilius ad quemuis cuiusuis stimuli acrioris accessum excitetur.

§. 45.

Tertia est *sensibilitas*, s. quod vnice nervosae medullae cum sensorio communicanti conueniat, *vis neruea* dicta, qua quidem efficitur, vt si partes ea praeditae stimulis in eas agentibus irritatae fuerint, sensorium exinde afficiatur.

§. 46.

Haec virium vitalium triga *communium* nomine venire potest: cum plus minus aut omnibus fere aut plurimis saltem corporis partibus, quas *similares* vocauere veteres, competat.

§. 47.

At enim vero praeter has quarta adhuc excitanda venit, *vita* scil. *propria*; sub qua denominatione eas intelligo vires, quae singularibus quibusdam corporis partibus, peculiaribus functionibus destinatis, conueniunt, neque ad ullam priorum virium communium classem referri possunt.

A priori quod dicunt, sanae rationi neutiquam repugnat, eiusmodi partes, quae textura, fabrica, et functione plane singulari a reliquis differunt, viribus quoque peculiaribus ad eas singulares actiones peragendas a natura instructas esse.

A posteriori autem, curata naturae observatione docemur, esse vtique partes,
viscera

viscera praefertim, quae motus adeo singulares produnt, vt vix ac ne vix quidem ab vna alteraue communium quae diximus virium deriuari possint, sed vitae cuidam propriae tribuenda videantur.

Exemplo sint iridis motus; erectio papillae in mamma muliebri; motus fimbriarum tubae Fallopianae; actio placentae; et vteri ad partum; descensus testium in foetu masculo; et ni fallor magnam quoque partem vniuersum secretionis negotium.

§. 48.

Denique et quinto loco nominandus venit *nifus formatiuus*, qui tanquam causa efficiens totius negotii generationis, (latissimo scil. sensu sumti, quo nempe et nutritionem et reproductionem tanquam sui modificationes complectitur) considerari debet, vtpote qui efficiat, vt materies situe genitalis situe nutritia, destinatis ipsi locis recepta et ad statutam maturitatem perducta, debitam formam induat, et in eiusmodi partes abeat, quae postmodum

iis quas recensuimus viribus, contractilitate nempe, aut irritabilitate, aut sensilitate, aut demum vita propria, instruantur.

§. 49.

De nifu hocce formatiuo pluribus dicetur, vbi ad generationis negotium peruentum erit;

ita de irritabilitate ad motum muscularem; de sensilitate ad actionem systematis neruosi;

de vita propria passim prout occasio feret.

De contractilitate autem pauca adhuc sigillatim monendi hic locus est.

§. 50.

Per vniuersum fere corpus eam regnare dixi, quatenus nempe tela cellulosa dominatur.

Inest ergo iis primo loco partibus quae totae quantae e tela cellulosa constipatae sunt, membranis v. c. Nam has contractiles esse nemo infitiabitur, vel tunicae dartos constrictionem cogitans, aut cutaneos spasmos aut peritonei, quod solum intestina herniosorum quandoque iugulasse visum est.

Porro

Porro visceribus quae maximam partem ex eiusmodi tela sunt conflata, quo v. c. pulmones pertinent, quorum extimam superficiem crebris viuisectionibus edoctus valde contractilem, neutiquam vero vt Varniero nuper asserere placuit, vere irritabilem reperi.

Imo nec ab ossibus abesse contractilitatem tum alueoli docent, quos post dentium lapsum constringi vulgo notum est, tum necrosis morbosa, qua constat, emortuo osse euulso, nouum os, quo antea cingebatur, sensim sensimque ad natiuam vsque fere crassitiem et formam se contrahere.

Vti vero dentium substantiam vitream tela cellulosa carere supra monuimus (§ 29) ita et hacce contractilitate destitui, exinde verisimile mihi videtur, quod parte eius vel carie exesa vel casu defracta, quicquid eius restat, non vt in alueolis fieri modo diximus contrahatur, sed irreparabili hiatu perennet.

§. 51.

Ipfa porro haecce telae cellulosae se contrahendi facultas ad primas et principes roboris et sanitatis fulcra referenda, et in ea *tonus* partium a Stahlio, acerrimi ingenii viro, adeo ornatus, ponendus videtur; vtpote quae tela, vt vnum exemplum plurium loco in medium proferam, in homine sano aquosum laticem cuius meminimus, spongiae in modum resorbet, et dehinc contractilitate sua in venas lymphaticas propellit; in morbofo contra statu, tono suo orba, (atonica facta) haerente oppletur aqua, oedemati aliisque id genus cachexiis ortum praebens.

§. 52.

Denique ex vniuersali huius contractilitatis per totum corpus dominio eius in reliquas vires vitales influxus et quasi contagio, tum vero etiam ex infinitis eius in diuersis hominibus modis et gradibus magna eius vis ad sanitatem cuius homini propriam et ad temperamenta constituenda apparet.

SECTIO

SECTION V.
DE SANITATE
ET
NATURA HUMANA.

§. 53.

Haecce tria (§ 1) quibus enarrandis hucusque occupati fuimus, in corpore humano viuo perpetuo inuicem *agunt* et *reagunt*. Fluida nempe agunt tanquam stimuli in solida; haec vero vi sua vitali tam ad recipiendam eam stimulorum actionem, quam ad reagendum in ea, instructa sunt. Et in sano quidem homine omnis hicce siue agendi siue reagendi modus certo et definito quasi *aequilibrio* alteri respondet.

§. 54.

Accedit praeterea mirandus partium, etsi remotissimarum, *consensus*, non vno ex fonte deriuandus *).

C 4

Alius

*) v. de diuersis istis sympathiae fontibus DAN. LANG-
HANS de consensu partium c. h. Goett. 1749. 4.

Alius enim ad nervos redit eorumque tum stupenda anastomosium retia, tum plexuum et gangliorum intricatam texturam; quorum ope stimulorum impulsus sensorio communicati in remotiores exinde partes reagere possunt.

Alius ad vasa referendus vtriusque generis, sanguifera scil., et lymphatica absorbentia.

Alius ad fabricae quandam similitudinem et exinde natam sympathiam.

Vt telam cellulofam taceam, quam, ut commune vniuersi corporis vinculum constituere vidimus ita etiam consensionem partium quam maxime iuuare posse, per se intelligitur.

§ 55.

Denique et summum naturae mysterium huc pertinet, animae scil. cum corpore suo connubium, et multifaria et ingens alterius in alterum potentia; de qua cum alias pluribus agatur, heic interim paucissimis tantum notasse sufficiat, praeter

ter voluntatis in plerosque musculos apertum imperium, alias quoque esse facultates quae vim suam, vel citra omne voluntatis subsidium, in corpus exercent.

Pertinent huc e. g. coeci et mere animales innati instinctus, qualis est qui ad venerem stimulat.

Est porro sensuum internorum et maxime quidem phantasiae, et quae eius ope sufflamantur animi pathematum ingens in corpus dominium.

Est denique eorum interuentu etiam cum nobilioribus et altioris ordinis animi facultatibus corporis commercium et mutuus influxus.

§. 56.

Multifaria hacce solidorum et fluidorum et virium vitalium consensione (§ 53), partium sympathia (§ 54), et animi cum corpore intima contagione (§ 55) *vita* viget et *sanitas*, quibus autem non vna eademque latitudo est, sed quae infinitis gradibus inter se discrepant.

C 5 §. 57.

§. 57.

Vitae enim diuersi gradus inter bina extrema locantur, quorum alterum vita maxima audit; alterum vita minima.

Maxima dicitur, quando in vigore aetatis functiones corporis summum perfectionis fastigium attigerunt, *ακμὴν* graeci vocarunt; athleticum etiam dixeris statum.

Minima e contrario, quando functiones, etsi ceteroquin pro statutis circumstantiis perfectissime secundum naturam, modo lentius peraguntur; qualis est vita foetus in vtero, eoque minor quo ipse tenerior et origini suae propior; ita in vniuersum dormienti vita minor quam vigilant; seni minor quam in virili aetate constituto et f. p.

§. 58.

Sanitatis autem non minor varietas: imo cuius homini propria est dicenda *): cum et quos sanissimos vocamus, inter se
tamen

*) GU. FR. AD. GERRESHEIM *de sanitate cuius homini propria*. LB. 1764. 4.

tamen pro sanguinis diuersa constitutione, toni porro reliquorumque virium vitalium varietate, multimode discrepent, alter hinc aliter ab iisdem stimulis in corpus agentibus afficiatur etc. Fortassis etiam cuius propriae etsi vix obseruabiles idiosyncrasiae; cuius ex vi consuetudinis aliarum rerum, etsi ceteroquin innocuarum, impatientia; aliarum etsi insolitarum ferendi facilitas, imo subinde desiderium.

§. 59.

Et is ipse quoque cardo esse videtur, in quo *temperamentorum* toties agitata natura et varietas vertitur, vtpote quae in ipsa ea tum partium, sanguinem constituentium proportionem et miscelam (§ 22), tum virium quae enarrauimus vitalium diuerso vigore, tum etiam vario exinde in animam agendi et huius in corpus reagendi modo, consistit, vnde tam peculiaris erga stimulos sensus, quam singularis ad motus perficiendos maior minorue facilitas fluit.

§. 60.

§. 60.

Varietas hinc temperamentorum reuera infinita: neque vnquam ad certas et definitas classes redigenda. Quodsi tamen quodammodo redigere libuerit, commodè quatuor vulgatis eorum ordinibus acquiescere poterimus: quibus nempe in phlegmaticum, sanguineum, cholericum et melancholicum diuiduntur.

§. 61.

Haec enim diuisio etsi eam Galenus incongruo fundamento superstruxerit a sanguinis elementis male constitutis mutuato, tamen si ab eo iniquo fundamento discefferis, ceterum naturae satis consona videtur, ita vt tam singulorum hominum, quam cuiusuis hominis pro varia aetate diuersa temperamenta, commodè ad eas IV classes principes referri possint. Tennellae enim iuuantili aetati phlegmaticum tribuere licet. Iuuenili sanguineum. Virili cholericum. Senili melancholicum.

Sed vt iam monuimus graduum et mixturarum in temperamentis adeo infinita

nita est varietas, vt quibus volupe fuerit, combinationes aut diuisiones et ordines eorum alios atque alios constituere, patentissimum sibi apertum videant campum.

§. 62.

Vniuersus autem omnium quae hactenus tetigimus facultatum et legum complexus, quibus functiones corporis humani per totum vitae decursum ad ipsam vsque mortem reguntur et peraguntur, *natura humana* audit; vnde disciplinae quam agimus physiologicae nomen natum est.

§. 63.

Ipsae autem istae functiones haud inepte in quatuor classes diuisae sunt; quae diuisio etsi non exceptione maior neque naturae ad vnguem adaequata, tamen in memoriae subsidium commode recipi potest.

Et quidem I^a eorum *vitales* complectitur functiones, ideo dictas quod continua et intemerata earum actio prae reliquis ad vitam sustinendam necessaria sit; quo
ergo

ergo sanguinis circulum, et in homine nato respirationem referunt.

II. *animales*; quibus maxime animantia ab alterius regni organicis corporibus distinguuntur; quo scil. in homine animae cum corpore commercium, sensus praefertim, et motus muscularis spectant.

III. *naturales*, quae nutriendo corpori inferuiunt.

IV. *genitales*, quae circa speciei propagationem versantur.

Iam singulas earum adeamus; auspiciaturi a vitalibus.

SECTION VI.
DE
SANGVINIS MOTU
IN VNIVERSVM.

§. 64.

Sanguis vt vidimus principibus corporis partibus proximam originem, reliquis autem perpetuum nutrimentum praebet, ideoque per vniuersi corporis qua late patet intimos et extremos recessus, paucissimis exceptis (§ 5.) debet distribui; id quod reapse fieri tum subtiliore vasorum repletionem, tum vulgata experientia docemur, qua constat vix paucas corporis partes vel aciculae apice vulnerari posse quin sanguis exinde prodeat.

§. 65.

Vitalis autem iste latex, non, quae veterum opinio erat, Euripi in modum eiusdem ordinis venis detentus itque reddit-
que

que tantum, sed circulo quem vocant, in orbem ita mouetur, vt a corde per arterias in vniuersum corpus delatus inde a venis exceptus iterum ad cor reuehatur.

§. 66.

Stabiliuit hunc sanguinis circuitum post paucas et fatis vagas antecessorum voces *)

Guil.

**) Infelix SERVETUS, tumque vir summus ANDR. CAESALPINUS propius ceteris qui vulgo in hunc censum referuntur ad sanguinis genuini circuitus notitiam accessisse videntur.

SERVETI scil. paucas voces huc referre liceat, physiologica dissertatione contentas, quam operi famulo sibi que fatali et impensae raritatis inseruit, cui titulus: *Christianismi restitutio* &c. (Viennae Allobrog.) 1553. 8. Extat ea dissertatio libro istius operis Vto de trinitate diuina in quo agitur de spiritu sancto, vbi inter alia sequentibus:

„*Vitalis est spiritus qui per anastomoses ab arteriis communicatur venis, in quibus dicitur naturalis.*„

CAESALPINI vero „de venis ultra vinculum intumescantibus, non citra, memorabile problema quo parum a vera sanguinis motus notitia abfuisse eum in aprico est, extat Ej. *Quaestionum medicarum* L. II. Quaest. 17. pag. 234.

Guil. Harvaeus immortalis opusculo
a. 1628 edito *).

Temporis vero progressu maxime tum
autopsia ad microscopium **); tum quod
cerea aliaue id genus massa arteriis iniecta
idem iter legere visa est; porro etiam
sanguinem ex viuo animali in aliud, aut
in hominem transfundendi heroicis tenta-
minibus; aliisque experimentis quae in
viuis animantibus institui possunt, extra
omnem dubitationis aleam positus est †).

§. 67.

*) *Exercitatio anatomica de motu cordis et sanguinis in
animalibus*, GUIL. HARVEI Angli, med. regii &c.
Francof. sumptib. Guil. Fitzeri. a. 1628. 72 paginis
4. c. fig. æn.

**) Ad demonstrandum sanguinis motum in ranis &c.
maxime commodus est equuleus Lieberkühni
quem *machinam ad ranas* vulgo vocant.

Quodsi in calidi sanguinis animante eundem
contemplari lubet, aptissima sunt oua incubata,
maxime quartae et quintae incubationis diei,
microscopio simplici quale Lyonetianum est,
subiecta.

†) G. REMVS *experimenta circa circulationem sanguinis
instituta*. Goett. 1752. 4.

D

V. HALLER

§. 67.

Quaenam huius motus in homine sano statuta celeritatis mensura sit, vix vlllo modo definiri poterit. Differt enim in hoc quoque non homo tantum ab homine; sed et magna circa id momentum varietas intercedit quoad aetates; imo vero etiam quoad corporis diuersas partes.

In vniuersum etiam venosus sanguis lentius paulo labi videtur quam arteriosus, et quando per truncos vasorum agitur celerius quam vbi vasa minima percurrit: etsi has celeritatis diuersitates nimias fecerint quondam phýsiologi.

Vulgo interim sumunt mediam velocitatem sanguinis in aortam delabentis eam esse, vt quouis pulsu 8 circ. vnciarum spatium percurrat, id quod ad 50 circ. pedes in minuto primo rediret.

§. 68.

v. HALLER de sanguinis motu experimenta anatomica. *Commentarior. societ. scient. Goetting.* Tom. IV. ad a. 1754.

Ej. de eodem argumento Sermo II. *operum minor.* Tom. I. p. 63 sq.

LAZ. SPALLANZANI v. cl. *de' fenomeni della circolazione* &c. *Mutin.* 1773. 8.

§. 68.

Cruoris globuli axin legere videntur; eosdemque prae ceteris sanguinis elementis velocius agi dictum est. Nescio ex certone experimento; an ex vulgatis tantum hydraulices legibus male ad sanguinis circuitum applicatis; male inquam, cum in vniuersum ineptire sit, vitalis laticis motum, quo per viuidos animati corporis canales agitur, ad eas mere mechanicas leges reuocare velle, quibus aqua in hydraulicis machinis propellitur. — Mihi fane istam globulorum praerogatiuam oculis vere vsurpare nondum datum est.

§. 69.

Certius persuasus sum eos globulos vehiculo reliquorum sanguinis partium innatantes delabi solum, minime vero simul circa propriam axin rotari; in vniuersum autem praeter eum de quo agimus sanguinis motum *progressiuum*, vix statutum ipsi quoque inesse motum alterius generis, quem *intestinum* vocant; etsi subigi quan-

doque sanguinis elementa, vbi pro varia directione aut diuisione vasorum eorumque anastomosibus diuersimode impelluntur, nullum dubium sit.

§. 70.

Haec de sanguinis motu in vniuersum. Iam ad eius disquisitionem propius acceduri optime defungi putamus, si prius de vasis quibus sanguis continetur egerimus, tumque vires rimemur, quibus ea vasa ad propellendum et recipiendum sanguinem animantur.

SECTIO VII.

DE

A R T E R I I S.

§. 71.

Quae sanguinem a corde acceptum per totius corporis compagem distribuunt, vasa, *arteriae* vocantur *).

Hae in vniuersum minus capaces sunt quam venae; sed textura longe solidiore, magis compacta, valde elastica, et vt Wintringhami experimentis constitit, perquam robusta.

§. 72.

Triplici autem constant membranarum strato **):

D 3

I. scil.

*) GER. van SWIETEN *de arteriae fabrica et efficacia in corpore humano*. LB. 1725. 4.

**) De variis circa numerum et differentiam tunicarum arteriae sententiis cf.

ALEX. MONRO (pat.) in *medical Essays and observations* Vol. II.

1. scil. extimo, quod tunicam cellulofam propriam vocabat Hallerus, neruofam Albinus, cartilagineam quondam Vefalius, alii tendinosam etc. Ex tela cellulofa ftipata conftat, exterius laxiore, quo propior vero fequenti, eo magis compacta; illic vafculis fanguineis perreptatur **); in vniuerfum autem fummum arteriae impertit tenorem et elaterem.

2. ftratum medium ex fibris transuerfis conftat, figurae lunatae f. falcatae; fubftantiae quafi carneaе, vnde tunica muscularis audit ipfique prae ceteris vitalis arteriarum vis inefle videtur.

3. intima denique membrana, politiffima et glaberrima fuperficie cauum arteriae inueftit.

Haec

DE LASÔNE in *Mém. de l'acad. des fc. de Paris* a. 1756.

B. S. ALBINI *annotat. academ.* L. IV. pag. 30 fq. tab.

V. fig. I.

VINC. MALACARNE *della offervaz. in Chirurgia Taurin.*

1784. 8. Vol. II. pag. 103 fq.

**) FR. RUYSCH *respons. ad ep. problematicam* III. it. *thesaur. anat.* IV. tab. III.

Haec in truncis et maioribus ramis satis distincta; minus in tenerioribus ramulis.

§. 73.

Quicquid autem est arteriae in corpore humano id omne ex alterutro trunco principe ortum ducit;

quorum alter est arteria pulmonalis, quae ex antico cordis ventriculo orta in pulmones abit (— *Tab. I. f. g. h.* —)

alter est aorta quae a postico cordis ventre orsa reliquo vniuerso corpori prospicit (— *Tab. I. n. t.* —)

Hi trunci in ramos abeunt, rami in ramulos & f. p.

§. 74.

Vulgata opinio fert per vniuersum systema sanguiferum ramos iunctim sumtos capaciores esse trunco ex quo orti sint. Vereor autem, vt haec nimis vniuersaliter enunciarint, imo vt subinde diametri mensuram male cum ea areae confuderint, qui ita statuerunt auctores; mihi saltem non vna vice non in vasis cera infarctis,

D 4 quibus

quibus clari physiologi ad id genus experimentorum abusi sunt, sed vt res exigere videtur, in recentissimorum funerum intermeratis vasis periculum facienti, (v. c. in innominata et quae ex ea nascuntur carotide et subclauia dextris, tum in brachiali et in quas diuiditur radiali et cubitali,) ex diametro trunci et diametris ramorum triangulum rectiangulum enatum est, cuius hypothenu-
 fae quadratum ex vulgatissimo Pythagorico theoremate aequale erat summae quadratorum baseos et catheti *).

Imo in minimorum ordinum arteriolis Hallerus ipse trunculis maiorem concessit capacitatem quam ramusculis; ita vt ad minimum vulgaris iste calculus neuti-
 quam vniuersalis, sed si vnquam sane ad paucorum saltem ordinum vasa restringendus videatur.

§. 75.

Singulis truncis ramisque *conica* vulgo tribuitur figura, ac si nempe aduersa cordi
 basis

* V. d. KEMP l. c. pag. 51.

basis capacior esset auerso extremo. Sed et hoc hypotheticum videtur: cum curate id genus vasorum consideranti in vniuersum non nisi vere cylindricum appareat; extentque potius quarundam arteriarum exempla, quae progressu latefcent, quo v. c. mammariae internae pertinent, imo ipse aortae arcus, ad radicem suam angustior. In vniuersum etiam dilatari pauxillum videntur arteriae, maiores certe, antequam in ramos diuergunt.

§. 76.

Numerum diuisionum trunci arteriosi in ramorum et ramusculorum progressiuam seriem, ad vltimos eius fines, nullo modo vniuersaliter determinari posse patebit consideranti ingentem varietatem, qua in diversis corporis partibus, visceribus maxime &c. vel citius, vel post plures demum diuisionum ordines ad vltimos limites pertingunt arteriolae.

Hinc dissensus auctorum quibus eiusmodi calculos inire volupe fuit, vbi v. c.

Keilius ad 50, Hallerus ad 20 tantum eiusmodi diuisionum numerat.

§. 77.

Post multifarias huiusmodi diuisiones, tum et anastomoses quibus vicini arteriarum rami inuicem nectuntur, ad fines demum suos pertingunt, quibus nempe in *venarum* origines transeunt; ita vt continuo tramite limitibus vix definiendis in eas abeuntes reflectantur, vnde sanguis iam venosus factus qui modo arteriosus erat, versus cor reuehatur.

§. 78.

Etſi autem haec continua vaſorum vtriusque generis immediata coniunctio infinitis corporis locis ad oculum vt dicunt, pateat, dubium tamen adhuc videtur, num hic vnicus tantum et ſolus arteriarum in venas tranſitus ſit, an praeterea quibusdam ſaltem locis per intermedium quoddam parenchyma iſte ſanguinis ex vltimis arteriolarum finibus in venarum origines tranſitus fiat?

Sunt

Sunt sane phaenomena quaedam, quo v. c. erectiones pertinent, et quo fortassis etiam erubescencia referenda est, quae eiusmodi mediatum vasorum vtriusque generis nexum saltem non improbabilem reddunt.

§. 79.

Porro autem alius plane generis vascula ex arteriolis passim ortum ducere videntur; eaque maxime duplicis indolis. *Serosa* scil., adeo nempe angusta ut in homine sano non cruoris globulos, sed vehiculum tantum eorum (§ 69.) recipere valeant; tum vero etiam *secretoria*, quae non nisi statutos humores fecernendos (§ 4.) ex sanguinis arteriosi massa attrahant.

§. 80.

Quod ad priora attinet, quae *serosa* diximus, monere oportet, neque de Boerhaavianis fictitiis vasorum flauorum et alborum ordinibus sermonem esse, quae aequae fictitiae Leeuwenhoekii rationi sextuplae globulorum sanguinis quondam adapta-

adaptauerant: neque de Vieussenii et Ferreinii vasis neuro-lymphaticis, quibus viscera magnam partem constare contenderant hi viri, quae autem non firmiori niti talo videntur.

Sed de vasis decoloribus quae non nisi sanguinis impetu, in morbis quibusdam inflammatoriis quam vehementissime urgente; vel etiam naturae ope siphonis anatomici imitamento, in conspectum veniunt; eiusmodi sunt v. c. vasa corneae, vix nisi in funere hominum, qui chemosi grauissima laborantes diem suum obierunt, cera replenda.

§. 81.

Secretoria e contrario vasa ab his diversa videntur et maxime visceribus fecernentibus et glandulis conglomeratis propria, itidem subtiliore iniectione eruenda, quando v. c. parotidis arteriae impulsae, per Stenonianum ductum emanat. Sed de his infra ex professo differendi locus erit.

SECTIO

SECTIO VIII.

DE

VENIS SANGVIFERIS.

§. 82.

Qui per arterias in vniuersum corpus distribuebatur sanguis, eundem venarum ope exinde ad cor reuehi oportet.

Hae vt functione ita et structura valde opere ab arteriis differunt, si minimas exceperis quarum ab his discrepantia non adeo in sensus incurrit.

§. 83.

Sunt autem venae, si a pulmonali discesseris, arteriis in vniuersum capaciores; item ramosiores; decursu et diuisionum ratione multo inconstantiores; textura autem molliores, longe minus elasticae, attamen valde tenaces et mirum in modum expansiles.

§. 85.

§. 84.

Tunicæ ipsis tenuiores, vt contentus sanguis quodammodo transpareat; etiam numero pauciores quam in arteriis, vtpote quæ vnice ad cellulofam quandam, nervosæ arteriarum quadantenus faltem fimilem, et intimam politiffimam, qualis fere arteriarum quoque eft, redeunt.

Mufcularis non nifi truncis cordi proximis data eft.

§. 85.

Ifta intima autem in longe plurimis capaciorum venarum, quarum fcil. diameter lineam circ. fuperat, paffim in elegantiffimæ ftructuræ valuulas, facile obfequiofas, facciformes abit, plerumque fimples, non raro bigatas, quandoque triplices, ita difpofitas, vt fundus facculi originem venæ fpectet, limbus vero cordi ex aduerfo pofitus fit.

Defunt vero hae valuulae in quarundam partium venis, vt in iis encephali, pulmonum &c., item in vniuerfo fyftemate venae portarum.

§. 86.

§. 86.

Venarum ramusculi (quos vero potius radículas vocare oporteret) cōfluunt in ramos, hi demum in sex truncos principes.

binas scil. cauas, alteram superiorem
(— *Tab. I. a.* —) alteram inferiorem
(— *Tab. I. b.* —)

quatuorque venae pulmonalis truncos
(— *Tab. I. i.* —)

Vnica portarum vena id sibi priuum habet, quod truncus eius hepar ingressurus primo arteriae fere in modum in ramos diuidatur, quorum vero extremi furculi in cauae inferioris radículas transeunt, sicque denuo in truncum coalescunt.

§. 87.

Quae de communi sententia circa lumina ramorum nimis vniuersaliter enuntiata, quod nempe lumine trunci capaciora sint, aut de conica vaforum singularium figura, ad arterias dicta sunt (§74. 75.) ea ceteris paribus de venis quoque valent.

Sunt

64 SECTIO VIII. DE VENIS SANG.

Sunt et inter has rara exempla vasorum remotiore a corde loco capaciorum; quo v.c. poplitea pertinet vbi condylos femoris transit.

Ita et quae de finibus arteriarum dicta sunt (§ 77. 78. 80.) mutatis mutandis ad origines quoque venarum referri poterunt.

S E C T I O I X .
D E
C O R D E .

§. 88.

Duplex vt vidimus (§ 65.) venas et arterias intercedit commercium: alterum scil. in extremis vtriusque generis vasorum finibus (§ 77); alterum in fonte communi, corde nempe, quo trunci principes vniuersi systematis sanguiferi conueniunt.

§. 89.

Est autem cor *) primum quasi agens et mouens totius machinae humanae, vt-
pote

*) GUIL. COWPER *myotomia reformata* (posth.) Lond. 1724. fol. max. tab. XXXVI-XL.

RAYM. VIEUSSSENS *traité nouveau de la structure du coeur*. Tolos. 1715. 4.

JO. DE SENAC *traité de la structure du coeur, de son action, et de ses maladies*, ed. II. (curante cl. PORTAL) Paris. 1777. II Vol. 4.

ROB. PERCEVAL *tentam. physiolog. de corde*. Edinb. 1780. 8.

pote quod primariae vitali functioni, sanguinis scil. circuitui a quarta minimum inde post conceptionem hebdomade, ad vltimum vsque vitae terminum fubeundae, perpetua et vere miranda vi inferuit.

§. 90.

Sanguinem enim alternis vicibus ita mox recipit mox propellit vt primo eundem ex vniuerso corpore per vtramque venam cauam, superiorem nempe (— *Tab. I. a.* —) et inferiorem (— *b.* —) itemque ex propriis suis carnibus per venarum coronarium (— *w. x.* —) commune ostium valvula peculiari instructum **) in sinum anteriorem (— *c.* —) ipsique appensam auriculam (— *d.* —) recipiat, et exinde in ventriculum eiusdem lateris (— *e.* —) deducat.

§. 91.

**) CASP. FR. WOLFF v. cl. de orificio venae coronariae magnae. in *Act. acad. scient. Petropol.* a. 1777. P. I.

PETR. TABARRANI de eod. argum. in *Atti di Siena* Vol. VI.

§. 91.

Ex hoc ventriculo antico f. vt quondam ad brutorum cordis rationem vocabant, dextro, per arteriam pulmonalem (— *f.g.h* —) quae veteribus vena arteriosa audiebat, in pulmones impellitur sanguis; vnde redux quaternas intrat venas pulmonales (— *i* —), arterias venosas vocabant antiquiores; in communem ipsis sinum (— *k* —) annexamque huic auriculam (— *l* —) delatus, quae sinistra olim appellabant, rectius nunc postica.

§. 92.

Pergit dehinc in eiusdem lateris ventriculum (— *m* —) vnde denique per arteriam aortam (— *n.t* —) in vniuersum reliqui corporis systema arteriosum simulque *) per arterias coronarias in ipsam cordis substantiam distribuitur.

§. 93.

Ex vltimis istius systematis ramulis in primas systematis venosi radículas trans-

E 2

gressus,

*) cf. ACHILL. MIEG v. cl. *Specimen II. observationum botanicarum* &c. Basil. 1776. 4. pag. 12 sq.

gressus, vtramque denuo subit venam cavam, ex arteriis autem coronariis eiusdem nominis venas, et sic vniuersum quem profecuti sumus circuitum iterato relegit.

§. 94.

Hunc autem sanguinis per cordis caua circulum et regularem successuum motum maxime dirigunt et tumultuariis eius regressibus praecauent *valvulae* quibus ostia eius principalia cinguntur; ventriculorum nempe margines vbi finibus suis proximi sunt, tum et duo magna ostia arteriosa ex iisdem ventribus orientia.

§. 95.

Ita annulus s. tendo venosus, qui limites sinus et ventriculi anterioris constituit, in huius cauum descendens in tres valvulas quasi tendineas abire videtur *), quarum singulae quondam iterum tres apices tribuebant, easque inde valvulas triglochines s. *tricuspidales* vocabant, quae
trabibus

*) EUSTACHII tab. VIII. fig. 6. — tab. XVI. fig. 3. —
SANTORINI tab. posth. IX. fig. 1.

trabibus carneis adhaerent, vulgo muscoli papillares dictis.

§. 96.

Simili modo limites sinus et ventriculi postici constituit alius id genus annulus, in binas valuulas abiens *), quas ab aliqua formae similitudine *mitrales* vocauerunt.

§. 97.

Ostio autem cum arteriae pulmonalis †), tum et arteriae aortae **) inhaeret ambitu longe minor sed elegantis formae et carneis fibris instructa valuularum *semilunarium* s. sigmoidearum triga.

§. 98.

Facile vero patet, quomodo his diuersi generis valuulis cautum sit, ne sanguis perturbato et confuso motu in ea caua vnde aduenit, relabi possit. Obsequiosae enim cedunt venienti sanguini. Obstant

E 3

autem

*) EUSTACHII tab. XVI. fig. 6.

†) EUSTACHII tab. XVI. fig. 4.

**) EUSTACHII tab. XVI. fig. 5. — MORGAGNI *aduersat. anat.* I. tab. IV. fig. 3. — SANTORINI l. c.

autem quo minus retroagi possit, quod ab ipso reuersuro sanguine veli turgidi in modum expandantur et ita ostia claudant.

§. 99.

Quae in foetu cauae ascendentis ostio praetensa est valuula Eustachiana, in homine nato longe plerumque plus minus sensim deletur, adeo vt tunc pristinae functioni vltro subeundae inepta reddatur; neque vero ea porro opus est, cum via sanguini per pulmones strata, reditui eius ex istis visceribus valuulis quas diximus semilunaribus caueatur et vrgens a tergo sanguis nonnisi praecedentem sequi possit.

Quodsi tamen contingit vt sanguinis e corde dextro in pulmones transitui impedimentum quoddam obstet, tunc et motu retrogrado e sinu dextro in venas cauas repelli haerentem sanguinem, pulsus docet venosus, in superiore earum praeter naturae ordinem tum obseruabilis.

§. 100.

Disputatum est, sinantne semilunares valuulae ventriculos omnimode et perfecte
 euacuari,

euacuari, an relabatur potius aliqua sanguinis pars ab ipsarum expansione intercepta? *)

Obferuationes in ranis imo vero in pulli incubati corculo institutae, in istis quidem animantibus cor plane euacuari docent; vtrum vero et in ipso homine, eoque sano, res ita se habeat, nondum certo constat, quid quod si vnice structuram et mechanismum harum valuularum quales in dissecto corde se praebent, in physiologicis spectare liceret, contrarium magis probabile videretur.

§. 101.

Textura cordis plane peculiaris est. Carnea quidem sed maxime stricta et compacta, et a vulgato musculorum habitu mirum quantum abhorrens.

E 3

Fibra-

*) Ita post WEITBRECHTVM aliosque, cl. FEL. FONTANA, *ricerche filosofiche sopra la Fisica animale*. Florent. 1775. 4. pag. 101 sq.

Verum argumentis cl. viri respondit pridem HALLERUS in nouis litterar. Goettingensib. tum nuper quoque qui vernacula reddidit Fontanae librum cl. E. B. G. HEBENSTREIT. Lips. 1785. 8. pag. 328 sq.

Fibrarum fasciculis constat, plus minus obliquis, hinc illinc singulariter ramosis, varia et mira directione contortis et vorticosis, certis stratorum ordinibus sibi invicem incumbentibus, in septo vtriusque caui intermedio arcte compexis, cinctis ad basin ventriculorum filis cartilagineis quaternis quae, ut vniuersam fibrarum cordis texturam nupera cl. Wolffii industria curatius eruit *); et quae carneam ventriculorum compagem fulciunt quasi et a sinuum fibris distinguunt.

§. 102.

Hae vero carneaе fibrae tum nervis suis mollissimis, tum vero maxime ingenti apparatu vasorum sanguiferorum, a coronariis ortorum, infinitis ramusculis undique perreptantur **), adeo ut Ruyfchius totam cordis fabricam mere contextam

*) *Act. acad. scientiar. Petropol. pro a. 1780 sq. maxime a. 1781. P.I. pag. 211 sq. de textu cartilagineo cordis; f. de filis cartilagineo-offeis, eorumque in basi cordis distributione.*

**) *RUYSEN thesaur. anat. IV. tab. III. fig. 1. 2.*

textam apparere ex sanguiferis vbique fistulis scripserit.

§. 103.

Hacce autem tum structura (§ 90 sq.) tum textura (§ 101 sq.) cor ad perpetuos et aequabiles suos motus aptum redditur, qui in vniuersum adeo redeunt, vt alternis vicibus, modo atria modo ventriculi, mox systole constringantur, mox diastole relaxentur.

§. 104.

Et eiusmodi quidem rhytmum in ea contractionis dilatationisque vicissitudine seruant, vt quoties atria se constringunt, ad sanguinem ex pulmonibus et venis cavis reducem in ventriculos expellendum, hi ipsi eodem tempore relaxentur et ad recipiendam eandem sanguinis vndam aptentur; sequenti vero momento, quando nunc ventriculorum est, recenter impletorum, vt se constringant et sanguinem in binos arteriosos truncos propellant, relaxentur interim atria, nouumque denuo

ingurgitent quasi aduenientem sanguinem venosum.

§. 105.

Systole ventriculorum, cui $\frac{1}{3}$ temporis vniuersi pulsus cordis impendi statuunt, maxime quidem ita peragitur, vt exteriora cauorum latera versus sepimentum intermedium constringantur, quod dextrum ventrem a sinistro separat; quae contractio, maxime si conicam horum cauorum figuram cogites, fatis iam depletioni eorum sufficere videtur.

At enim vero praeterea quoque in ea systole apex cordis versus basin eius trahitur, vti non solum toties in animantibus tam frigidi *) quam calidi sanguinis
sed

*) In nullius animantis viuisectione cor sub systole sua vere breuiari luculentius vidi praeterquam in ea colubri natricis, quae serpentis specie in syluis vrbi nostrae vicinis quandoque 4 pedum longitudine capta et viua cultello subiecta, cor quauis diastole ad binas minimum lineas longitudine superabat systoles suae mensuram.

sed et in ipso viuo homine obseruatum est **).

Quae autem contrarium probare videtur vulgaris experientia, qua cordis apicem in systole sua mamillam sinistram ferire, ideoque prolongari potius videtur, nullam vim habere patebit consideranti, ictus istos vnice deberi tum irruentis in atria sanguinis venosi impetui, tum eo explosi e ventriculis arteriosi; quo vniuersum cor versus eam costarum regionem pellitur.

§. 106.

Qui autem systolica ista cordis contractione excitatur impetus sanguinis expulsi, cum arterioso systemate eundem excipiente ita communicatur, vt quaeuis cordis systole
in

**) Non absolute tamen necessariam esse eam longitudinis in systole cordis diminutionem, praeter alia doceor anatis corde fere toto quanto perfecte offeo, quod ex liberalitate amicissimi C. F. MICHAELIS in collectionem meam transiit et a basi inde vsque ad ipsissimum apicem continua offescentia riget; in lateribus vero carneam seruauerat substantiam cuius ope laterali motu ventres suos emulgere et sanguinem contentum expellere valebat.

in iis reliqui corporis arteriis, quae aut tactu explorari possunt et ad minimum $\frac{1}{8}$ lineae luminis sui diametro superant, aut quorum pulsus alio modo persentisci potest, ut v. c. in aure interna et oculo facile fit, singulari modo sensibilis sit, quem arteriarum diastolen vocant; de qua tamen, vtrum nempe ipsarum arteriarum actioni tribui possit, infra quaerendi locus dabitur.

§. 107.

Vtut interim sit, id sane experientia docet, in sano homine pulsum quem vocant arteriarum modo quo cor mouetur exacte respondere perfecteque synchronum esse; quid quod et in morbosa pulsus intermissione vno eodemque temporis momento et cordis et arteriarum rhythmus cessat, eodemque momento denuo pergit.

§. 108.

Variat autem numerus pulsuum cordis in homine sano infinitis modis, maxime quidem respectu aetatis, tum vero etiam aliarum conditionum quae quavis aetate vale-

valetudinem cuius homini propriam constituunt, ita ut certam circa eum normam definire impossibile sit. Liceat tamen ea afferre, quae nostro sub coelo *) in varia hominum aetate communiter expertus sum, ubi primis post natiuitatem diebus in neonato quiete dormiente per minutum horae primum circ. 140 numerari pulsus;

anno 1^o. ad finem vergente circ. 124.

2^{do}. ad 110.

3^{io}. et sq. ad 96.

aetate qua dentes lactei cadere solent ad 86.

pubertatis tempore circ. 80.

aetate virili ad 75.

circa sexagesimum aetatis annum 60.

in prouectioribus vero aetate vix duo reperi, quibus eodem senii gradu idem pulsuum numerus fuerit.

§. 109.

Sequiori sexui ceteris paribus pulsus frequentiores quam virili.

Et

*) Parum differunt meae rationes ab iis quae GU. HERDEN ex anglico coelo exhibuit. v. *Medical Transact.* Vol. II. p. 21 sq.

Et si habitum corporis spectes, procerioribus hominibus pauciores quam paruis, id quod ipse in nanis et gigantibus expertus sum.

§. II. 110.

Quod vero eas pulsuum varietates spectat quae ex rebus vulgo sic dictis non naturalibus fluunt, clima frigidius lentiores eos facit, ita vt v. c. Groenlandorum ceteroquin bene valentium cor non nisi terdecies ad quadragies in minuto primo pulset *).

Post pastum vero frequentiore fieri pulsum, aequè ac post feminis iacturam, item peruigilio, aut corporis exercitatione aut animi pathemate, vulgo tritissimum est.

§. III.

*) Satis bene respondet huic obseruationi lentor pulsuum eorum animalium quae hyemali tempore sopore perenni sepulta sunt. Criceto v. c. cui aestiuo tempore ad 150 pulsus sunt in minuto primo, si vero hyemalibus mensibus effossus fuerit, corculum eodem temporis spatio vix quinquagies pulsat. — cf. amicissimi SULZER *Naturgesch. des Hamsters* p. 169.

§. III.

Haec de pulsu sano, cuius tractationem potius ad cor tanquam ad fontem suum, quam ad arterias in quibus eundem explorare mos est, referre, naturae consentaneum videtur.

Et ita quidem cor ad vltimum vsque vitae halitum perpetuo tramite pulsatur; tunc autem non omnes eius partes simul silent, sed dextro eius ventri cum appenso ipsi atrio ea est praerogatiua, ut sinistro aliquamdiu superuiuat *).

Cum

*) Accidit tamen quandoque, etsi rarissime, ut nimia sanguinis venosi congestione oppressum cor dextrum, contra naturae ordinem prius paralyticum fiat quam sinistrum; id quod haud ita pridem in cuniculi viuisectione expertus sum. Postquam enim (id quod in horum animalium timidiorum sectione viua solemne est) iam ab initio tumultuatus et perturbatus fuerat cordis rhythmus, ita ut subinde quaternae atriorum contractiones sibi raptim succederent immotis interim ventriculis, antequam cor filebat, cum posterius interim continuo pulsare pergeret. Octonis ita transactis minutis primis excidi cor, quod adhuc sinistra sui parte convellebatur, et aquae frigidae immerfi, ubi eloto sanguine

Cum enim post extremam expirationem redeunti per venas cauas sanguini via sueta in pulmones, nunc collapsos, praecludatur, interea autem sanguis iste quem ipsi cordi sinistro paulo antea reddiderant, iam per aortam expulsus sit et venosum sanguinem a tergo vrgeat; fieri aliter non potest, quam quod hic versus cor praeceps datus et quasi arietans feriat atrium dextrum: et quod hoc ipsum contra eius impetum luctet adhuc aliquamdiu, postquam iam sinistrum cor vita defunctum est.

§. 112.

sanguine contento istius quoque dimidii motus omnis cessabat. Cum vero tribus iterum minutis elapsis cor quod iam non amplius irritabile videbatur, volae manus calidae imposuissim, denovo idem ventriculus sinister per plura minuta pulsare incepit, etsi dexter, et vtriusque lateris atria immota manerent.

HALLERI celebre experimentum, quo, ligatis in animante viuo venis cauis, et secta eidem arteria pulmonali effecit, vt cor sinistrum itidem superuineret dextro, ad sequentem potius pertinet sectionem.

§. 112.

Ex eadem autem postrema sanguinis sub agone versus cor dextrum congestione, per se ratio fluit, quare maiores arteriae post mortem minus repletae appareant. †)

Eidemque etiam causae maiorem amplitudinem cordis dextri, qua in adulti maxime hominis funere, sinistrum excedere

†) Tritissimum et hodie explicatu facillimum phaenomenon ERASISTRATO quondam imposuisse ut spiritum inde arteriis inesse opinaretur, ieiunae eius aevi physiologiae indulgenter tribuendum.

Sed et nostris temporibus extitisse virum qui eas obsoletas fallacias recoqueret, imo vero rara pertinacia non vno libello defendere auderet, mirabuntur posterì.

Inter alia quibus a physiologice doctis popularibus suis refutatus est, opuscula, maxime huc spectant:

cl. P. MOSCATI *osservazioni ed esperienze sul sangue fluido, e rappreso &c.* Mediol. 1783. 8.

et cl. BASS. CARMINATI *Risultati di sperienze, e osservazioni sui vasi sanguigni, e sul sangue.* Ticin. 1783. 4.

dere constat †) post Weiffium ††) tribuere studuit cl. Sabatier *).

§. 113.

Vniuerso autem quem haecenus profecuti sumus cordis motui limitando et quasi dirigendo inferuit denique *pericardium*, cui tanquam carceribus suis inclusum laxè inhaeret.

Saccus est membranofus, fatis capax, figurae contenti cordis accommodatus **), a mediaſtiniſ ortus, qui etſi fatis tener videatur, adeo tamen tenax eſt, vt ex Wintſinghami experimentis omnes alias id genus membranas in corpore humano firmitate longe ſuperet.

Ad ſummi autem momenti partes pertinere pericardium vel ex eo colligitur, quod

†) SAM. AVRIVILLIVS *de vaſorum pulmonalium et cauitatum cordis inaequali amplitudine.* Goetting. 1750. 4.

††) JAC. NIC. WEISS *de dextro cordis ventriculo poſt mortem ampliori.* Altorf. 1767. 4.

*) ANT. CHAVM. SABATIER E. *in viſis animalibus ventriculorum cordis eadem capacitas.* Pariſ. 1772. 4.

**) V. HALLER *elem. phyſiol.* Tom. I. tab. I. fig. 1. 2.

quod aequè late per animalium rubro sanguine praeditorum classes patere videatur ac cor ipsum *); et vix vnum alterumue extet exemplum cordis humani omni pericardio contra naturam plane orbi; quale est quod Dinklerus memoriae prodidit **).

§. 114.

Rore feroso madet, quem ipsa cordis vascula arteriosa exhalare videntur.

F 2

Neque

*) De hystrice erinaceo mira est dissensio anatomicorum, quorum alii pericardium ipsi negant, alii tribuunt. Ex horum numero sunt LANCISIVS, HALLERVS &c. Ex istorum vero post BLASIVM, PEYERVM, HARDE-
RVM, maxime cl. OCTAVIAN. TOZZETTI (in patris *Relaz. d'alcuni viaggi in diverse parti della Toscana* ed. 2. Tom. VII. pag. 166 sq.). Mediam inter utramque sententiam tueri videtur DUVERNEIUS, qui erinaceo mediastinum esse pro pericardio scribat.

Saepius iteratis erinaceorum dissectionibus vidi huic animantium generi in vniuersum pertenuè esse et minus definitae formae pericardium, a vicina mediastini tela laxiore ortum: quandoque vero adeo tenuissimum et non nisi tenerrimis et laxis cellulis conflatum, ut vix genuini pericardii nomen mereatur.

**) v. cl. SANDIFORT *Natuur- en genees-kundige Biblio-
theek* Vol. II. pag. 661.

Neque dissimilis humor pari modo in ipsas cauitates cordis transfudare ipsarumque parietes illinire videtur.

Vterque in statu sano serosae indolis est, cui non nisi inflammato corde lymphæ quoque exsudans succedit, quæ vero in extima cordis superficie pilos vulgo sic dictos et pericardii cum ipso corde concrementa, in interioribus vero istis cauis, polypos genuinos (§ 19.) gignit.

SECTIO X.

DE

VIRIBVS SANGVINEM PELLENTIBVS.

§. 115.

Consideratis hucusque quibus sanguis continetur organis, iam de viribus agendum est quibus eadem ad eundem promouendum instructa sunt.

Et primo quidem eas rimemur quae cordi insunt, et procul dubio omnium principes et longe maximae censerī debent, tum vero ad secundarias progrediamur et subsidiarias, quae cordis actionem non parum fane adiuuare videbimus.

§. 116.

Cordis vires curato calculo subiici nequire facile patebit consideranti, neque volumen proiecti ab ipso vno pulsu san-

F 3 guinis,

guinis, nec stadii quod haec proiecta vnda percurrit mensuram, nec temporis quo delabitur celeritatem, rite constitui, multo minus vero obstaculorum certam rationem iniri posse, quae cordis viribus iterum multa demunt & f. p.

§. 117.

Circiter tamen quodammodo aestimari potest cordis potentia, inuicem collatis, quae de his omnibus probabili coniectura constant; ita v. c. si media ratione (§ 23) sanguinis molem ponimus librarum 33 = unc. 396; pulsum autem numerum facimus = 75 in minuto primo, f. 4500 singula hora (§ 108); et quavis ventriculi sinistri systole expelli ab eo sanguinis uncias 2 credimus; sequetur, quavis hora vniuersum sanguinis pondus circ. $22\frac{3}{4}$ vicibus cor transiisse.

Impetum autem quo transiens iste sanguis a contractis cordis carnibus propellitur, praeter propter colligere licet ex miranda violentia et altitudine quibus maiori
arteria;

arteria, cordi vicina, vulnerata sanguis ex ea subfultim prorumpit; vtpote quem v. c. ex adulti hominis carotide sub primis cordis contractionibus minimum vltra 5 pedum menfuram profilire vidi *).

§. 118.

Quodsi vero porro fontes eruendi sunt, qui cordi tantum roboris, idemque tam perpetuum et aeuiternum, impertiunt, prima et princeps nominanda venit eius

F 4

irrita-

*) HALESII experimenta, quibus sanguinem profilientem tubis vitreis eisque praelongis excepit, quos arteriis viuorum animantium applicauerat, tuncque altitudinem saltus metitus est, ea quidem, vt omnia viri ad huiusmodi disquisitiones nati, elegantia sunt. Quodsi tamen exinde vires cordis ponderare volueris, meminisse oportet, quantum in iis experimentis sanguinis columna, quae in tubi cauo suspensa haeret et exitus nescia, ventriculo sinistro cordis incumbat, eundem grauet &c.

HALESII calculi interim eo rediebant vt sanguinem ex humana carotide ad altitudinem 7 pedum cum dimidio profilire poneret, superficiem ventriculi sinistri aequalem faceret 15 vnciis quadratis, sicque columnam sanguineam constitueret quae pondere librar. 51. 5. eidem ventriculo incumbat, eiusque systole victa propellatur. *Statical Essays*. Vol. II. pag. 40. ed. Lond. 1733. 8.

irritabilitas (§ 44), qua scil. maxime quod diurnitatem eius spectat (§ 89), omnes reliquas humani corporis partes musculosas longissime superare, euictum est *).

Et quidem ipsos cauitatum parietes ab aduena sanguinis vnda irritari et ad systolen subeundam instigari celebri Halleri experimento constat, cuius supra obiter meminimus [pag. 80. n. *)] et quo pro arbitrio siue dextris siue sinistris cordis partibus diuturnioris motus praerogativam concedere poterat, quodsi nempe alterius lateris partibus stimulum suum, sanguinem scil. prius detraxerat †).

§. 119.

Sanguinis tum quantitate rite constituta, tum qualitate intemerata, actio eius in cor, huiusque in eundem reciproca reactio

*) v. de ea cordis praerogatiua subtiliter disputantem cl. FONTANAM l. c. qui eam limitare quodammodo voluerat. Sed et his pridem respondit HALLERVS in indice litterario Goettingensi.

†) v. HALLER de motu cordis a stimulo nato. in Commentar. soc. scient. Goettingens. Tom. I.

reactio tam aequabiliter et regulari facilitate procedit, vt quieto homini vix vllus ex eius circuitu sensus oriri debeat.

Quodsi vero aut multitudine sanguinis oppletur, aut inopia eius laborat, maxime vero vbi cuiusque generis heterogenea v.c. miasmata morbofa, aut elasticus aër, aut pharmaca venis infusa &c. vitali isti latici admixta fuerint, cor exinde siue exagitatam contra naturam, siue debilitatum, functioni suae rite subeundae impar, multimodis a statuto motus sui tramite deflectit; quid quod et eiusmodi aliena, vt aër venis inflatus &c. haud ita pridem mortui animalis cor iners denuo in motus suos redigere valent.

§. 120.

Disputatum autem est, et quidem nuperis maxime temporibus, anne summa ista cordis irritabilitas ipsis sui carnibus insita sit, anue potius ab aduentitia et quidem, vt clari nominis quibusdam viris placuit, a neruorum in eas influxu deriuandus?

F §

dus?

dus? Infra opportunus dabitur locus de vniuersa ea disquisitione differendi, vbi ad doctrinam de irritabilitate musculari peruentum erit, ad quam nempe proxime spectat. Heic interim monuisse sufficiat, nos quidem indies magis magisque persuaderi, esse irritabilitatem peculiarem plane, fibrae musculari vnice propriam vis vitalis speciem, a neruea vi probissime distinguendam (§ 44. 45). Ab altera autem parte non minus extra omnem disputationis aleam positum videri, esse quoque praeterea satis magnam *neruorum* in cordis actionem imperium; id quod tum neruorum cardiacorum peculiaris habitus, mollities, et quasi nuditas, ac plexuum eorum singularis dispositio *), tum vero maxime ingens cordis cum longe plurimis,

vel

*) cf. praeceptoris mei in disciplina anatomica, desideratissimi, pientissimi, Jo. ERN. NEUBAVERI *descriptio neruor. cardiacorum* Jen. 1772. 4. tab. I.

V. HALLER, ad figuram cordis lateris sinistri ANDERSCHII discipuli sui, diuinatio, in *nov. Commentar. soc. scient. Goettingens.* Tom. II. tab. ad pag. I.

vel diuerſiſſimi ordinis functionibus humani corporis conſenſio demonſtrat; cuius rei teſtimonio, ne multus ſim, vel vnice animi pathematum ad vnum omnium vel in ſaniſſimo homine, tum et primarum viarum in multis aduerſae valetudinis generibus, cum corde momentaneam ſympathiam nominari ſufficiat.

§. 121.

Verum praeter haec vitales cordis vires, alia quoque ipſi ineſt, mechanica ab eius ſtructure pendens, quae itidem ad ſuſtinendum ſanguinis circuitum haud parum valere videtur. Contractis nempe ſyſtole ſua cavitatibus eius, et ſanguine inde expulſo, vacuum oritur, in quod ex vulgata *derivationis* lege, vicinum ſanguinem irruere oportet; cum enim reſſui propulſae undae valvulae obſtent, nihil ſupereſt quam quod ſanguinem ex venarum truncis aduenam deglutiant quaſi et ingurgitent *).

§. 122.

*) ANDR. WILSON'S *Enquiry into the moving powers employed in the circulation of the blood.* Lond. 1774. 8. pag. 35 ſq.

§. 122.

Iam vero inquirendum anne et quae-
nam praeter cor ipsum ad sanguinis in
orbem motum promouendum reliquis ipsius
circuitus organis concessae sint vires;
quales vel a priori, vt vocant, suspicari
licet, cum parum probabile videatur na-
turam functionem principem a qua ani-
malium sanguiferorum vita proxime pendet,
vnico tantum organo commisisse, cuius
vitia tunc nimis faciliter fatalia ipsis ce-
dere debuissent. A posteriori autem exi-
stentia eiusmodi virium, quas secundarias
vocare licet, et quae cordis actionem vel
subleuare, vel subinde fere totam com-
pensare valeant, non vno argumento pro-
batur; quo v.c. motus sanguinis in eius-
modi partibus pertinet, ad quae cordis
ipsius vires vix ac ne vix pertingere pot-
erunt: qualis est qui in hepatis systemate
venoso, aut in placenta vterina obserua-
tur; vt numerosa taceam exempla fetuum
absque vlllo cordis vestigio natorum*) &f.p.

§. 123.

*) cf. v. c. CAR. WERN. CVRTIVS *de monstro humano cum
infante gemello* I.B. 1762. 4. p. 39 sq. fig. 4.

§. 123.

Et huc quidem inprimis *arteriarum* functiones pertinere earumque ad sanguinis circuitum promouendum non minimae potentiae esse videntur: etsi genuina earum in sanguinem agendi ratio et modus nondum ad liquidum demonstrari possit.

In vniuersum enim haud exigua arterias intercedit cum ipso corde similitudo: tunicam v. c. ipsis esse muscularem (§ 72. 2) tritissimum est.

irritabilis porro earum natura post egregios cl. Verschuir labores *) vulgo innotuit.

et vti singularis neruorum cardiacorum ad ipsum cor ratio est, ita et hinc illinc †) insignio-

et pluribus v. HALLER *opera minora* Tom. III. p. 33.
it. Gu. COOPER in *philos. Transact.* Vol LXV, p. 316.

*) GUALTH. VERSCHUIR *de arteriar. et venar. vi irritabili: eiusque in vasis excessu: et inde oriunda sanguinis directione abnormi.* Groning. 1766. 4.

†) cf. v. c. in cl. WALTERI *tabulis neruor. thorac. et abdominis* hepaticam dextram tab. II. O. tab. III. I. — lienalem tab. II. P. tab. III. m. tab. IV. o. — mesen-

infigniores arteriarum rami miris nervorum mollium retibus ambiuntur *).

§. 124.

Denique et pulsare arterias neminem fugit, et quidem vehementer pulsare, ita ut v. c. popliteae pulsus, si alterum crus alterius genu imponimus, non modo istud ipsum sed et longe maius pondus simul cum eo subsultim eleuare possit; imo vero a longo inde tempore tum systolica contractio tum diastolica remissio ipsis tribuitur, quam alternis vicibus simili ritmo cordis respondere aiunt.

Verum hoc vltimum etsi ipsorum sensum nudo testimonio confirmari vulgo creditur, non vnus tamen generis adhuc premitur dubiis **): maxime si quaeritur

anne

mesentericam superiorem tab. II. Q. tab. III. f. —
mesentericam inferiorem tab. II. T. — aliasque
plures.

*) HALLER *de nervor. in arterias imperio* Goetting.
1714. 4.

**) TH. KIRKLAND'S *Inquiry into the present state of*
medical Surgery. Lond. 1783. 8. Vol. I. p. 306 sq.

anne haec micatio quam explorans digitus sentit propriae arteriarum vi fit tribuenda, an vero non nisi cordis impulsui; ita vt arteriae motus vnice ab impetu pendeat, quo sanguis in aortam proiicitur, eiusque latera premit.

Viui sectiones huic liti discernendae haud sufficiunt. Est enim quod in calidiorum animantium viua sectione arteriae maiores pulsare, est et quod easdem alia vice immobiles videas *). In ipso homine viuo et aortae et arteriae pulmonalis truncos vicinos motu caruisse, aliquando obseruandi occasio fuit: sed, quod addere oportet, in fabrica monstrosa id erat. Sunt etiam arteriae, quas saepe vehementer pulsare sentimus, et quas tamen fere immobiles esse anatome docet, cuiusmodi est carotis cerebialis, petrosi ossis canali infixae & f. p.

§. 125.

*) cl. DE LAMURE *récherches sur la cause de la pulsation des artères* &c. Montpel. 1769. 8.

§. 125.

Omniſus rite penſitatis, res eo redire videtur, vt *diaſtole* quidem arteriis maioribus natura ſua conueniat, eaque irruenti cum impetu ſanguini tribuenda ſit, qui tunicas earum expandat *), quae momento poſt ad natiuam ſaltem craſſitiem redeant; vtque eidem impulſui lateralis quoque axis motus tribuendus ſit, quem in arteriis maioribus, quodſi ſerpentina flexione decurrunt, et laxiori cellulofae inhaerent quandoque obſeruare licet.

Genuinam vero *ſyſtolen* ſ. ex natiua iſta craſſitie in arctiorem conſtrictionem ipſas in ſtatu ſano vix vllam exercere putamus, quamdiu nempe cor functioni ſuae rite ſubeundae, ſufficit: vtique vero eas ea facultate pollere concedimus, corde aut deficiente aut vitioſa offificatione alioque morbo laborante, vbi tunc vices eius ab arteriis ſuſtineri,

*) cl. ARTHAUD *Diff. ſur la dilatation des artères* Par. 1771. 8.

cl. JADELLOT *Mém. ſur la cauſe de la pulſation des artères*. Nancej. eod. 8.

sustineri, sanguinemque vitali earum vi propelli probabile est.

§. 126.

Cum porro vires cordis ad vasa sanguifera minimi ordinis, ad fines sc. artiarum, et radículas venarum neutiquam pertingere posse persuasum esset egregiis quibusdam physiologis, maxime Whytio *), sanguinis promotionem in ea systematis parte *oscillationi* cuidam vasorum continentium minimorum commiserunt, cuius ope contenta propellantur; eodemque fibratili motu haud infeliciter quoque vsi sunt ad demonstrandam inflammationis naturam &c.

Et reuera sunt non vnius generis phaenomena tam physiologica, qualia ad calorem animale dicentur, quam pathologica, in spasmis, praesertim febrilibus
obser-

*) cf. EJ. *physiological Essays, containing an inquiry into the causes, which promote the circulation of the fluids in the very small vessels of animals &c. &c.* ed. 2. Edinb. 1781. 12.

obseruanda, quae huiusmodi oscillatoriae facultati fauere videntur, etiamsi oculo armato in viuisectionibus nulla vsurpari possit.

§. 127.

Restat iam *venarum* quoque quicquid, praeter radículas earum superest, adminicula scrutari, quibus ad reuehendum tandem cordi sanguinem instructa sunt. Et his quidem primo intuitu longe minus actiuarum virium quam reliquis systematis sanguiferi partibus inesse, quid quod refluxus vitalis laticis in ipsis contenti versus cor maxime impetui a tergo vrgentis sanguinis arteriosi, et valuulosaearum structurae, quae relapsum sanguinis impediat, tribuenda videtur; quarum quippe valuularum ad sanguinis flumen iuuandum efficaciam demonstrant stases et infarctus iis venarum infimi ventris systematibus solemnum, quae valuulis destituuntur.*)

At

*) G. E. STAHL *de vena portae porta malorum*. Halae 1698 4.

At enim vero inesse nihilominus etiam venarum truncis vitales quasdam vires, non vno argumento fit probabile; vt venarum hepatis exemplo, et placentae veterinae (§ 122) &c.

Sed et experimenta a cl. Verſchuir primum instituta vitali venarum vi fauere neminem fugit.

Et eſſe reuera venarum extremis truncis musculare ſtratum ſupra tetigimus (§ 84).

§. 128.

Et hae quidem ſunt vires ſanguinem pellentes primariae et ab ipſa vaſorum eundem continentium ſtructura pendentes. Taceo enim quae aut pondus aut attractio aut aliae eiſmodi communes corporibus proprietates in eundem agere valent.

Sed et remotiora huius functionis adminicula omitto, quae homini nato ab aliis naturae ſuae functionibus, reſpiratione v. c. aut musculari motu &c. accedunt.

SECTIO XI.
DE
RESPIRATIONE
EIVSQVE
VSV PRIMARIO.

§. 129.

Qui cordi tam loci vicinitate †) quam functionis mutuo commercio valde coniuncti sunt, *pulmones*, viscera sunt bina, in homine nato ampla, sed pro voluminis ratione leuia, ita vt aquae innatent, spongioso imo quasi spumoso, attamen simul satis tenaci parenchymate contexta *).

§. 130.

†) EUSTACHII tab. XV. fig. 1-6.

*) Primus curatius in pulmonum naturam inquisiuit MALPIGHIVS epistolis II. de iis ad Borellum datis. vtor editione subiuncta TH. BARTHOLINI *de pulmonum substantia et motu diatr.* Hafn. 1663. 4.

Breuem horum viscerum notitiam ex bonis fontibus collegit cl. G. FR. HILDEBRANDT *diff. de pulmonibus* Goett. 1783. 4.

§. 130.

Replent pulmones vtrumque thoracis cauum, pleurae faccis contigui *), quibus se aequae ac reliquis thorace contentis partibus tanquam modulo applicant et accommodant.

G 3 §. 131.

*) Celebres sunt triumphus, quos HALLERVS, maxime ab a. inde 1744-52. de HAMBERGERO egit, qui memorabili contumacia, tam elasticam aërem in thoracico cauo, quam vtriusque generis intercostalium muscutorum antagonismum defendere ausus erat. Adeant quorum interest de ea lite

G. ERH. HAMBERGERI *de respirationis mechanismo et usu genuino diss. una cum scriptis, quae ad controversiam de mechanismo illo agitatas pertinent.* Jen. 1748. 4.

HALLER *Mém. sur plusieurs phenomenes importants de la respiration; fondé sur les experiences; ad calcem operis sur la formation du coeur dans le poulet &c.* Lauf. 1758. 12. Vol. II. pag. 201-364.

C. F. T. (cl. TRENDELENBURG patr.) *continuatio controversiae de mechanismo respirationis Hambergiano &c.* Goett. 1749. 4.

EJ. *fernere Fortsetzung der Hallerischen und Hambergischen Streitigkeiten vom Athembolen.* Rostoch. 1752. 4.

Relationes Goettingenses de libris novis Vol. IV. pag. 477 sq.

§. 131.

Pendent quasi e spiritali fistula quam *asperam arteriam* vulgo dicunt, quae praeter tunicam intimam, muco sublitam, et huic subiacentem nerueam, maxime sensilem, ex musculosa constat quae nerueam ambit, et praeter posticam faciem arcubus falcatis cartilagineis inconstantis numeri, distinguitur.

§. 132.

Ipse vero haec aspera arteria postquam thoracem ingressa est primo in *bronchiarum* truncos bifurcatur, hae vero, prout altius in pulmonum lobos, horumque lobulos penetrant, magis magisque denuo in ramos hique iterum in ramusculos iterata diuisione abeunt, euanescentibus simul tam cartilagineis annulis, quam musculari tunica, donec denique extremis suis finibus in ipsas eas cellulas terminantur, quae maximam et principem pulmonum substantiam constituunt, vtpote quae animam quam ducimus alternis vicibus recipiunt et emittunt.

§. 133.

§. 133.

Cellulis autem istis aëreis neque forma neque magnitudo *) eadem videtur. Ista in vniuersum polyedrica. Haec, si superficiei earundem amplitudinem spectes, vix definienda **); si vero capacitatem, ea in pulmonibus adulti hominis valide inspirantis, ad 60 circ. vncias cubicas redibit; ingens enim magnitudo ad quam aperto thorace inflati pulmones exorbitare possunt, non huius loci est.

§. 134.

Ambiuntur autem et inuicem nectuntur hae cellulae aëreae vulgari ista sed tenerrima tela cellulosa, quam vniuersi corporis commune vinculum constituere nouimus. Vtriusque vero generis cellulas probe distinguere oportet. Aëreas istas in sanis et recentissimis humanis pulmonibus ita distinctas et separatas vidi, vt

G 4 spiritus

*) KEILIVS luxurianti suo iatromathematico indulgens genio vltra 1744000000 cellulas vtrique pulmōi tribuebat.

**) LIEBERKÜHNIVS superficiem cellularum aërearum pulmonum aequalem faciebat 1500 ped. quadratis aequae hyperbolice.

spiritus tenerrimo bronchiarum ramulo caute inflatus singularem faltem cellularum regionum eleuaret, neutiquam vero exinde vel in ipsi vicinas cellulas, vel in vulgarem eam telam cellulofam penetraret, quae istis aëreis cellulis interiecta est. Quodsi vero animam vrferis, ruptis aëreis cellulis, et cum ambienti tela cellulosa confusis, facile hanc vltro permeat, tumque vniuerfus pulmo inflari videtur.

§. 135.

Ipsam hancce tenerrimam telam cellulofam, quae aëreis pulmonum cellulis interiacet, perreptant infinitae propaggines vaforum pulmonalium vtriusque generis, arteriae sc. (— *Tab. I. f g. h.* —) et quatuor venarum (— *Tab I. i* —), quorum rami bronchiarum ramos comitantur *), postea autem toties repetita diuisione demum in immensi plane numeri reticulatas anastomoses exilissimae subtilitatis abeunt. Haec stupendae sane fabricae reticula, vndiquaque istam telam cellulofam penetrantia

*) EUSTACHII tab. XXVI. fig. 13.

trantia, aëreas cellulas arcte cingunt, ita ut insignis ea sanguinis moles, quae continuo tramite ista vascula permeat, non nisi tenuissimis membranulis (quae vix millesimam pollicis partem crassitie aequare statuebat Halefius) ab inspirati aëris contactu seiuncta sit.

§. 136.

Vti vero singulis bronchiarum ramusculis proprium esse cellularum aërearum quasi racemum vidimus (§ 134), ita et singulis cuiusvis racemuli cellulis proprium quasi esse videtur systema vasculorum sanguiferorum, cuius ramusculi inuicem quidem in miranda ea reticula nectuntur, quibus vero vix vlla cum vicinorum racemulorum vasculis anastomosis intercedere videtur. Docent haec ni fallor tam observationes microscopicae in ranarum et serpentum viuorum pulmonibus institutae, quam subtiliores humanorum pulmonum iniectiones, quin et phaenomena pathologica in vomitis aliisque id genus topicis pulmonum vitiis spectanda.

§. 137.

Insignis denique memorandus quoque venit apparatus vaforum lymphaticorum, quibus maxime communis tunica pulmones cingens est reticulata, et ad quae numerosae pertinent glandulae lymphaticae s. conglobatae, ab alterius ordinis vicinis glandulis quas bronchiales vocant, quibuscum vulgo male confunduntur, probissime distinguendae *).

§. 138.

Thorax quo pulmones continentur fundamento constat osseo et cartilagineo, caueae quodammodo simili, quod in vniuersum quidem satis firmum est et stabile, ita tamen, vt pleraeque eius partes plus minus obsequiosae, motibus quos respirationis negotium exigit, aptae fiant **).

Maxime

*) cf. cl. PORTAL in *Mém. de l'Ac. des scienc. de Paris* a. 1780.

**) Genuinum thoracis mechanismum et motum primi curatius indagarunt praeterito saeculo

Jo. SWAMMERDAM, vir summus, *tract. de respiratione vsuque pulmonum*. LB. 1677. 8.

Maxime id valet de sex genuinarum costarum paribus, quae supremo pari subiecta, et eo mobilia sunt, quo inferiora, seu quo longiora tam ipsa eorum corpora, quam appendices eorum cartilagineae, quibus amphiarthroseos specie cum sterni marginibus vtriusque lateris iuncta sunt.

§. 139.

Marginibus harum costarum interiacet duplex musculorum intercostalium stratum diuersae quidem fibrarum directionis, vna vero eademque actione consentiens.

Basi

Jo. MAYOW, cuius laudes infra dicentur, *tract. de respiratione* &c. Oxon. 1668. 8.

MALACH. THRUSTON *de respirationis usu primario*. Lond. 1670. 8.

HALLERI de eo capite merita modo tetigimus.

E nuperioribus praeter eum maxime memorandi veniunt

cl. J. G. AMSTEIN (praef. Oettinger) *de usu et actione musculor. intercostalium*. Tubing. 1769. 4.

cl. THEOD. FR. TRENDLENBURG fil. *de sterni costarumque in respiratione vera genuinaque motus ratione*. Goetting. 1779. 4.

BORDENAVE et cl. SABATIER in *Mém. de l'Ac. des scienc. de Paris* a. 1778.

Basi autem totius caueae fornicis in speciem subtentum est diaphragma *), memorabilis musculus, et, vt Halleri vocibus vtar, post cor facile princeps; cuius ad respirationis mechanismum partes, pridem egregiis viuisectionibus demonstrante magno Galeno **), maxime a phrenico neruo †) pendere videntur.

Antagonistico motu plerumque alternat cum abdominalibus musculis, obliquis praefertim vtriusque ordinis et transuersis.

§. 140.

*) HALLER *de musculis diaphragmatis* Bern. 1733. 4.

Id. *icon. anatom. fascic. I. tab. I.*

B. S. ALBINI *tab. musculor. tab. XIV. fig. 5. 6. 7.*

J. G. RÖDERER *de arcubus tendineis musculor. progr. I.*
Goetting. 1760. 4.

SANTORINI *tab. posth. X. fig. I.*

**) *De anatomicis administrationibus* L. VIII. cap. 8. sed totus liber experimentorum ad respirationem spectantium ditissimus est.

†) EPHR. KRÜGER *de neruo phrenico* Lips. 1759. recus.
in cl. SANDIFORT *thesauro* Tom. III.

cl. WALTER *tab. nervor. thorac. et abdominis. tab. I.*
fig. I. n. I.

§. 140.

Ita ergo instructus thorax in nato homine viuo alternis vicibus sub quauis inspiratione dilatatur, insequente vero expiratione, denuo in arctiorem formam restituitur.

Et inspirando quidem maxime versus latera, et deorsum ampliatur, ita vt corpora earum quae diximus costarum (§ 138) eleuentur, inferiorque earum margo quodammodo extrorsum agatur; diaphragmatis vero fornix simul aliquantum deprimatur et planior fiat.

Quae vero de sterno contendunt, quod eodem tempore inferiore sui parte antrosum agatur, id quidem in tranquilla sani hominis respiratione nunquam obseruare potui.

§. 141.

Et hic quidem alternus thoracis motus in homine sano et qui suae spontis est, inde a partus hora ad vltimum vsque vitae

vitae halitum per totam vitam eum in finem continuatur, ut pulmones ipsi, simili perpetua vicissitudine ad hauriendum spiritum expandi, postque ad emittendum eundem denuo cogi possint.

§. 142.

Tenetur enim homo cum reliquis calidi sanguinis animalibus ea necessitudine, ut aërem haustum non diu retinere possit, sed paulo post iterum dimittere et cum nouo haustu huius vitalis pabuli, ut ab antiquissimis inde temporibus aër audiebat *), commutare debeat. Siquidem vulgatissima constat obseruatione, accidere inspirato et intra pulmones contento aëri etiamsi purissimus fuerit, breui temporis momento eiusmodi memorabiles mutationes

*) Quam antiquissima sit aëris tanquam vitae pabuli notio vel ex l. de flatibus constat, qui inter Hippocraticos fertur, cuius auctor triplex humani corporis alimentum statuit, cibum sc., potum et aërem; hunc vero postremum ideo tanquam vitale pabulum a reliquis duobus distinguit, quod non sine vitae discrimine vel exiguo tempusculo eo carere possimus.

nes quibus plane inquinatus et nisi renovatus iteratae inspirationi ineptus redditur. †).

§. 143.

Quaeritur autem cuiusmodi ergo sint hae mutationes, quas aër inspiratus in pulmonibus patitur, et quas minime, ut quondam fiebat, ex nescio qua elateris iactura, sed ex elementorum decompositione deriuare licebit. Est enim atmosphaericus quem spiramus, aër, mirabilis plane mistura diuersi maxime generis elementorum, quippe qui, ut tot heterogenea taceam, qualia sunt v. c. aërea simplicissimarum plantularum seminia, effluvia odorantia, pulueres aliaque sexcenta, quae plerumque

†) cf. magni HARVAEI de *succi alibilis aërei necessaria renouatione*, cum celebri astronomiae Prof. JO. GREAVES disputationem, in huius *Description of the pyramids in Aegypt.* pag. 101 sq. ed. Lond. 1646. 8.

it. immortalis eius popularis EDM. HALLEY *Discourse concerning the means of furnishing air at the Bottom of the Sea in any ordinary Depths.* in *Philos. Transact.* Vol. XXIX. No. 349. pag. 492 sq.

que atmosphaerae innatant,) nunquam non aqueis vaporibus plus minus grauidus est, neque vnquam electrica et magnetica materie destitutus; et qui ipse denique, etsi ab his omnibus discefferis, tamen iterum ex non vnus generis aëriiformi substantia compositus est, dephlogisticata sc., phlogisticata et fixa.

Proportio autem horum elementorum pro diuersitate locorum et ratione corporum, maxime organicorum, in iis degentium valdopere variat; vulgo interim statuitur ineffe plerumque atmosphaerico, aëri circ. $\frac{1}{4}$ dephlogisticati aëris, $\frac{1}{16}$ phlogisticati et $\frac{1}{16}$ fixi. *)

§. 144.

*) Fixus vero aër et phlogisticatus iterum non nisi gradu ab inuicem differre videntur. Cl. KIRWAN vtrumque pro dephlogisticato habet, qui si phlogisto saturatus tantum fuerit fixus reddatur; si vero eodem abundet plane phlogisticatus fiat. Probabilem sane esse hanc distinctionem vel. cl. LICHTENBERGII, collegae coniunctissimi, experimentis doceor, quae ipsi egregie respondent.

§. 144.

Constat autem quavis inspiratione, quae fc. adultus homo et tranquille animam ducens 30 circ. pollices cubicos aëris haurit, eum dephlogisticati aëris quadrantem decomponi et magnam partem cum phlogisticato et fixo commutari; ita ut exspiratus iterum aër, vase rite exceptus, flammam vel prunas ipsi immixtas citissime extinguat, calcem ex aqua eius praecipitet, pondere specifico atmosphaericum aërem longe superet &c. *)

§. 145.

- *) Vt experirer quamdiu animal certam aëris cuiusdam speciei quantitatem iterato haurire possit antequam lethalis ipsi cedat, tres v. c. eiusdem circ. magnitudinis et roboris canes paratos habui, quorum primo vesicam 20 circ. pollices cubicos aëris *dephlogisticati* continentem, tubuli ope in resectam asperam arteriam ligavi. Hic elapsis 14 horae minutis ultimo exspiravit.

Alteri eandem vesicam *atmosphaerico* aëre inflatam illigavi; et hic minuto sexto ad finem vergente periit.

Tertio denique eandem vesicam ultima prioris canis *phlogisticata* expiratione turgentem applicavi, et hic quarto iam minuto vita defunctus est.

H

Phlogisticatus

§. 145.

Probabile est dephlogisticati aëris igneas partes †), ea decompositione in pulmonibus liberatas, arteriosum intrare sanguinem et ita per corpus deferri, basin e contrario fixi aëris cum phlogisto ac venoso sanguine ad cor dextrum reuehi et tanquam fuligines (vt veteribus loqui placuit) per pulmones excerni.

Floridior

Phlogisticatus ita aër e vesica postmodum aptiori vasi immissus, ea quae supra tetigi phaenomena prae se ferebat.

Instrumentorum quibus ad haec experimenta curate instituenda vtor, descriptionem et iconem dedi in *medic. Biblioth.* Vol. I. pag. 174 sq. tab. I.

†) Magna iam pars memorabilium horum phaenomenorum quibus nuperis lustris et physica de aëribus factitiis disciplina et physiologia negotii respirationis tam egregie ditata et illustrata est, iam ante centum et quod excurrit annos innotuit acutissimi ingenii medico Jo. MAYOW, cuius *de sal-nitro et spiritu nitro-aëreo* (quo nempe nomine dephlogisticatum aërem insigniuit) tractatum Oxon. 1674. 8. editum, magna cum voluptate legi et relegi.

Floridior arteriosi sanguinis color *), obscurior vero venosi, et similitudo colorum qui sanguini impertiuntur quodsi aëris de quibus agimus speciebus expouuntur (§ 16.) egregie his omnibus respondent.

§. 146.

Foetui porro in vniuersum vtriusque generis sanguis minus ab inuicem discrepans, quam homini, qui iam respirauit, ideo quod iste nondum proxime per proprios pulmones igneum hausit aërem.

Postquam autem infans natus est, nouus infueti elementi sensus, in quod aquatile haecenus animal defertur, totque alii noui plane stimuli nouis corporis motibus et maxime thoracis dilationi et primae simul inspirationi ansam praebere videntur.

Pulmonibus autem hac prima inspiratione dilatatis noua sanguini via per eos-

H 2

dem

*) Jo. ANDR. HAMMERSCHMIDT *de notabili discrimine inter sanguinem arteriosum et venosum.* Goetting. 1753. 4.

dem patet, ita vt ab vmbilicalibus vasis reuulfus ad thoracem deriuetur.

Cum vero iste inspiratus aër ea quam diximus elementorum fuorum decompositione nocius et pulmonibus molestus reddatur, simplicissimis naturae medicatricis conaminibus tribuo subsequenter motum, quo venenatam quasi eam mephitim iterum expirat et nouo pabuli haustu commutat.

Quae omnia, maxime si respirationis ad sanguinis circuitum magnas partes cogitas, vel vulgatissimo experimento Hookeano †) demonstratas, celebre *problema* Harvaeanum *) melius explicare mihi videntur,

†) Nomen tulit quod maxime a ROB. HOOKE ornatum fuerit v. TH. SPRAT *hist. of the royal Society* Lond. 1667. 4. pag. 232. Sed pridem a VESALIO institutum et ob elegantiam valdopere commendatum est. *de c. b. fabrica* pag. 824.

*) GU. HARVEY *de circulat. sanguinis*, ad Jo. Riolanum. pag. 258. ed. Glasgov. 1751. 12. et maxime *Exerc. de gener. animal.* pag. 263. ed. princ. Lond. 1651. 4.

videntur, quam pleraque alia tentamina, quibus physiologi nodum eum soluere studuerunt **).

**) conf. v. c. PETR. JAC. DAOUSTENC *de respiratione*
Lugd. 1743. 4. pag. 54 sqq.

ROB. WHYTT *on the vital and other involuntary motions of animals* pag. 222. ed. Edinb. 1751. 8.

SECTIO XII.

DE

VOCE ET LOQVELA.

§. 147.

Principem respirationis functionem considerauimus. Quid vero ad chylum sanguini subigendum et multis aliis modis ad vniuersam fere functionum naturalium classem (§ 63. III.) conferat, alias dicetur. Iam ad reliquas eius vtilitates.

Et primo quidem de *voce*, quae nato homini *) competit et a pulmonibus proficiscitur, pridem rite monente Aristotele, qui nulla animalia esse vocalia dixit, nisi quae pulmonibus respirant. Vocis enim nomine proprie sonus venit, exspirati spiritus ope formatus in larynge, magni artificii plena machinula quae summae

*) P. L. M. MALOET et JAC. SAVARY E. *ut ceteris animalibus ita homini sua vox peculiaris* Paris. 1757. 4.

mae spiritali fistulae, tanquam capitulum columnae, imposita est *).

§. 148.

Constat autem haec machinula variis cartilaginibus in capsulae quasi formam coadunatis **), quae magno et mirando musculorum apparatu †) instructae tam iunctim simul sumtae, quam pro vocis varietate nonnullae earum sigillatim mobiles redduntur.

§. 149.

Primaria autem prae ceteris ad vocem edendam particula *glottis* est, angustius

H 4 spiri-

*) FABR. AB AQUAPENDENTE *de visione, voce, et auditu.* Patav. 1603. fol.

JULIUS CASSERIUS PLACENTINUS *de vocis auditusque organis* Ferrar. 1600. fol.

JAN. MARÇ. BUSCH *de mechanismo organi vocis huiusque functione.* Groning. 1770. 4.

**) EUSTACHII tab. XLII.

MORGAGNI *adversar. anatom. prim.* tab. II.

SANTORINI *observat. anatom.* tab. III. fig. 1. 2. 3.

†) B. S. ALBINI *tab. musculor.* tab. X. fig. 1-15. tab. XI. fig. 45-48. tab. XII. fig. 1-7.

spiritalis fistulae ostium, cui suspenſa quaſi praeſigitur epiglottis. Iſtius enim oſtii marginibus rite allisam auram e pulmonibus expulſam, fieri ſonoram, nullum dubium eſt.

§. 150.

De eo autem diſputatum eſt, quatenam ipſae glottidi ad modulandam vocem contingant mutationes? an ſcil. diducatur ſaltem et viciffim coarctetur, quae, poſt Galenum, Dodarti ſententia fuit, anne potius a tenſione et relaxatione ligamentorum eius, vocis varietas pendeat, vt Ferreinius contenderat.

Hic ergo vocis organon primarium fiſſibus, ille vero tibiis comparabat.

Omnibus rite collatis vociferantem glottidem vtriusque generis mutationes ſubire credimus, ita tamen, vt quae a tenſione ligamentorum, maxime thyreoarytaenoideorum *inferiorum* (quae ſunt *cordae*

dae vocales Ferreinii) ipsi contingunt, potiores videantur *).

§. 151.

Omnem autem eam, cuiusvis generis sit, glottidis mobilitatem a numerosis qui ad laryngem pertinent musculis dirigi, eleganti constat experimento, quo nempe ligatis sectisue nervis aut recurrentibus aut ipsis vagis, animantium vocem aut demissam reddere aut plane tollere licet. *)

H 5

§. 152.

*) Experimenta de ea lite dirimenda Goettingae instituta v. in cl. JO. G. RUNGE *diff. de voce eiusque organis* LB. 1753. 4.

it. cf. JOS. BALLANTI in *Commentar. instituti Bonon.* T. VI.

et cl. VICQ-D'AZYR in *Mém. de l'ac. des scienc. de Paris* a. 1779.

*) De celebri experimento pridem a GALENO instituto, cf. praeter alios

W. COURTEN in *Philos. Transact.* N. 335.

MORGAGNI *ep. anatom.* XII. N. 20.

et maxime P. P. MOLINELLI in *Commentar. instituti Bonon.* T. III.

§. 152.

Sibilus homini cum auiculis canoris communis est. His eo fine inferuit larynx in vtrumque asperae arteriae extremum bipartitus. Iste vero, etsi vnico et communi larynge instructus, tamen labellorum coarctatione ea animalcula, vt mihi videtur, imitari didicit †).

§. 153.

Cantum vero, qui ex loquela et harmonica vocis modulatione compositus est, homini proprium dicerem, et summam eius vocis organorum praerogatiuam. *Sibilus* enim auibus connatus est: verba etiam quodammodo pronunciare numerosae aues, imo et canes quandoque docentur. De genuino vero cantu vtrum idem in brutis animantibus vnquam successerit, valde dubito: cum e contrario vix vllam extare

†) In vniuersum flexilissimum esse laryngem humanum ad imitandas animalium voces vel ferocissimarum gentium exemplo constat. cf. v. c. de Nouae Guineae orbis australis incolis, quos *Papus* vocant, NIC. WITSEN *Noord-en Oost-Tartarye* ed. 2. Amst. 1705. Vol. I. pag. 165.

extare barbaram gentem crediderim cui non cantus solemnis sit *).

§. 154.

Loquela ipsa vocis est singularis modificatio quando linguae maxime adminiculo, tum etiam partim labiorum, dentium, palati, et nasi ope in litterarum formationem componitur.

Vocis hinc et loquela differentia patet; cum ista in ipso larynge formetur; haec vero si a paucis quorundam gentium exemplis discefferis (Sinenfium v. c. quibus litterae quasi homonymae ipsius vocis varia modulatione distinguuntur) reliquorum quae diximus organorum singulari mechanismo determinetur.

Vox porro brutis cum homine communis est, et neonato etiam competit,
neque

☞ De Aethiopibus v. c., Grönländis, Canadensibus, Californiis, Kamtschadalibus &c. testimonia itineratorum fide dignissimorum ad manus habeo; ita ut mihi quidem paradoxon sapere videantur, quae Roussavivus de cantu contendit, quod homini non natura sua convenire videatur &c. *Dictionn. de Musique* Vol. I. pag. 170. ed. Genev. 1781. 12.

neque a miseris infantibus, qui inter feras adoleuerunt, nec ab iis qui furdi nati sunt, plane abest. Loquela vero non nisi rationis culturam et vsum sequitur, ideoque non minus ac ea ipsa soli ac vnico per vniuersum animale regnum homini tanquam priuilegium conuenit. Brutis quippe instinctus quo natura sua instructa sunt, sufficit; homini vero hisce aliisque adminiculis ad vitam proprio quasi Marte sustentandam destituto, rationis et loquela praerogatiua concessa est, quorum ope sociali quo a natura destinatus est vinculo vtens, desideria sua patefacere, iisque mederi possit.

§. 155.

Ipse vero loquela et litterarum pronunciationis mechanismus vere mirandus, post paradoxum hominis Franc. Mercur. ab Helmont *) egregia tentamina maxime

*) *Ej. alphabeti vere naturalis Hebraici delineatio.* Sulzbac. 1657. 12.

xime Jo. Wallisii †) et Jo. Conr. Ammanni *) vltterioribus disquisitionibus plurimum illustratus est.

Prae ceteris naturae adaequata videtur Ammanni litterarum diuisio in I. VOCALLES, II. SEMIVOCALLES, et III. CONSONANTES.

I. VOCALLES **) diuidit in a) *simplices*
a. e. i. y. o. u.
et b) *mixtas* ä. ö. ü.

II. SEMIVOCALLES ipsi sunt vel a) *nasales*
m. n. ng. (i. e. n ante g German.)
vel b) *orales* (f. linguales) r. l.

III.

†) Ej. *Grammatica linguae Anglicanae, cui praefigitur de loquela f. sonorum omnium loquelarium formatione tract. grammatico - physicus.* Vtor ed. VI. Lond. 1765. 8. (ed. curante TH. HOLLIS)

*) Ej. *surdus loquens* Amst. 1692. 8. ed. princeps — auct. prodiit f. t. *diff. de loquela* ib. 1700. & al.

**) De harum formatione v. cl. CHR. THEOPH. KRATZENSTEIN tentamen praemio coronatum resoluendi problema ab acad. scient. Petropolit. propositum: de natura et charactere sonorum litterarum vocalium &c. Petrop. 1781. 4.

III. CONSONANTES denuo dispescit in

a) *sibilantes* (f. successive pronunciatas) *h. g. ch. f. sch. f. v. ph.*

b) *explosivas* *k. q. d. t. b. p.*

et c) *duplices* (f. compositas) *x. z.*

§. 156.

Denique et aliarum quarundam humanae vocis modificationum mentio iniicienda est, quae symptomaticae aut animi nonnullis pathematibus aut violentioribus affectionibus organorum respirationis quandoque superuenire solent: et quarum plures, ut risus et fletus homini propriae esse videntur.

§. 157.

Plures quidem earum sibi inuicem valde cognatae sunt, ita ut saepe una in alteram transeat: pleraeque etiam non vno modo sese exerunt &c.

In vniuersum tamen *risu* breues et quasi abruptae expirationes se excipiunt. *)

Fletus

*) FR. LVPICIVS *de risu*. Basil. 1738. 4.

Fletus inspirationes ciet altas, quae cito cum longioribus subinde interruptis expirationibus alternant *).

Suspirium longa constat et valida inspiratione quam subsequenter expirationem *gemitus* nonnunquam comitari solet **).

Tussis celer est et sonora exspiratio altam inspirationem excipiens †).

Sternutatio violentior est et fere convulsiva exspiratio quam brevis et vehemens inspiratio praecesserat. ††)

Singultus e contrario sonora constat et brevissima sed itidem quasi convulsiva inspiratione †††).

Verum

*) JO. FR. SCHREIBER *de fletu* LB. 1728. 4.

**) DAV. C. IMM. BERDOT *de suspirio* Basil. 1756. 4.

†) JO. MELCH. FR. ALBRECHT (praef. Hallero) *experimenta in vivis animalibus circa tussis organa exploranda instituta*. Goetting. 1751. 4.

††) MARC. BEAT. L. JAC. PORTA *de sternutatione* Basil. 1755. 4.

†††) C. JO. SIG. THIEL *de singultu* Goetting. 1761. 4.

Verum et *oscitatio* *) huc referri poterit, quae plena, lenta et longa inspiratione, simili insequente expiratione perficitur, diductis simul late mandibulis; ita ut et aër faucibus ampliatis haustus Eustachianas subeat tubas. Id sibi praeterea prium habet, quod facile ad imitationem excitet: causa procul dubio in recordatione grati ex oscitatione sensus quaerenda.

*) JUST. GODOFR. GÜNZ (praef. Walthero) *de oscitatione*
Lips. 1738. 4.

SECTIO XIII.

DE

CALORE ANIMALI.

§. 158.

Homo viuis cum reliquis mammalibus et cum auibus id priuum habet prae ceteris animantibus, quod natiuis eorum corporis calor, medii in quo viuere solent fuetum calorem longe superet. In ipso tamen homine id memorabile quod aliis animantibus earum quae diximus classium, calore suo utique cedere videatur; ita ut hic nostro sub coelo, vulgo circa 96mum ° scalae Fahrenh. subsistere soleat, cum iam in aliis mammalibus, et magis adhuc in auibus eum gradum haud parum excedat *).

§. 159.

*) Eum quorundam animalium calidorum statum excipiendum esse, quo hyemali somno sepulti torpent, vix monitu opus est. Tunc enim ut ple-

I rasque

§. 159.

Et is quidem natiui caloris gradus in homine fano tam constans est et perpetuus, vt in vniuersum, pro sanitate cuius propria, exigua saltim paucorum graduum differentia ludat, etiamsi homo vel gelidissimi climatis rigori, vel torridi coeli feruori expositus fuerit. Quae enim Boerhaavii opinio fuit hominem haud viuere posse in eiusmodi medio quod fervore excedat natium eius calorem animale, post cel. peregrinatoris et Georgiae quondam gubernatoris H. Ellis egregias obseruationes *), a plurimis physiologicis doctis hominibus ex professo quod aiunt, singularibus experimentis †) est refutata

rasque reliquas animalis oeconomiae functiones aut plane cessare aut mirum in modum languescere constat, ita et natius eorum calor ad teporem fere frigidiusculum reducitur.

*) *Philos. Transact.* Vol. I. P. II. a. 1758. In animalibus vero antea iam expertus erat cl. ARN. DUNTZE. v. *Ej. exper. calorem animale spectantia* LB. 1754. 4.

†) DUHAMEL et TILLET in *Mem. de l'ac. des scienc. de Paris* a. 1764.

cl. BLAGDEN et DOBSON in *Philos. Transact.* a. 1765.

futata *). Quid quod in eo ipso magna hominis praerogatiua constet, quod nullae terrarum zonae adstrictus, vniuersum quate late patet terraqueum orbem degere et tam freti Hudsonis, vbi argentum viuum sponte congelatum est **), aut nouae Zemblae †) rigores, quam Senegae littoris ††) torrentes ignes perferre, valeat.

I 2 §. 160.

*) Imò vero notum est, Europaei quoque coeli aesti- vos feruores quandoque suctum caloris humani gradum superare; id quod ipse expertus sum d. 3. Aug. 1783. quo die in Alpibus Lucernensibus versabar, et circa meridiem cum viro praestantiss. SCHNYDER DE WARTENSEE mercurium thermomé- tri Fahrenheitiani vmbroso in loco vltra 100° ascen- sum videbam, qui tamen quoties thermometrum corpori rite applicabam fere ad 97mum ° subsidebat.

**) TH. HUTCHINS (Governor of Albany Fort in Hud- son's bay) *Experiments for ascertaining the point of mercurial congelation* Lond. 1784. 4. pag. 66 sq.

†) GERRIT DE VEER *waerachtighe Beschryvinghe van drie Seylagien, ter werelt noyt soo vreemt gheboort &c.* Amst. 1598. 4 transv. (quae est ed. princeps famosi itinerarii).

††) cl. J. P. SCHOTTE *on the Synochus atrabiliosa which raged at Senegal a.* 1778. Lond. 1782. 8. p. 74 sq.

§. 160.

Iam vero in focum mirandi istius ignis quo perfusi calemus inquirendum est; quem, ut veterum de eo somnia taceam, recentiorum alii ab electrica materie et nervis *), alii ab attritu e motu progressivo sanguinis **), alii a frictione elementorum solidorum †), alii aliunde deriuare fategerunt.

§. 161.

Verum omnes hae hypotheses tanta premuntur difficultate quanta e contrario simplicitate sua eaque naturae phaenomenis egregie respondente, se commendat ea doctrina qua pulmones natiui caloris *focum*, dephlogisticatam aëris quem spiramus partem (§ 143.) *fomitem* eius faciunt;

*) Jo. SHEBBEARE'S *practice of physik* Vol. I.

**) Nuperum haec BOERHAAVII sententia defensorem nacta est cl. CRELL ad calcem versionis EJ. vernaculae dissertationum cl. DOBSON et BLAGDEN, quas modo citauimus. Helmst. 1778. 8.

†) cl. ED. FRYER *cogitationes physiologicae de vita animalium et vegetabilium* LB. 1785. 8.

ciunt; cuius doctrinae primas quasi lineas duxit laudatus Jo. Mayow quam vero nostris temporibus longe emendauit auxit et vltro ornauit cl. Crawford *).

§. 162.

Summa vero Crawfordianae theoriae eo redit, vt respiratio haud secus ac combustio ad phlogisticos quos vocant processus pertineat; quibus phlogiston corporibus inhaerens, accessu ignis liberati sensibilis (qui ab infixo igne hactenus insensibili probe distingui debet) expellitur.

Phlogiston enim et ignea materies sibi contraria sunt elementa, et quo plus vnus eorum inhaeret corporibus eo minus ipsis inest alterius elementi; fixus v. c. aër non nisi $\frac{1}{67}$ eius ignis continere perhibetur, qui aequali ponderi atmosphaerici aëris inhaeret & f. p.

Experimentis vero constat, esse atmosphaerico aëri maiorem cum phlogisto quam

I 3

cum

* v. Ej. *Experiments and observations on animal heat and the inflammation of combustible bodies* &c. Lond. 1779. 8.

cum igne affinitatem, ita vt lubenter cum isto se coniungat eiusque loco ignem qui hactenus ipsi infixus erat iam liberatum dimittat.

§. 163.

Quodsi ergo cum hisce praemissis respirationis phenomena comparamus verisimillimum vtique videtur simili processu calorem animale[m] oriri.

Differt enim vt vidimus quem exspiramus aër mirum quantum ab eo quem antea hauseramus, cum ignita sui parte orbis phlogisto e contrario et fixi aëris basi grauidus reddatur (§ 145.)

§. 164.

Probabile itaque est, igneam spiritus quem ducimus partem in pulmonibus subtilissima adire vasa sanguifera non nisi tenuissimis sepimentis ab ipsis aëreis receptaculis distincta (§ 135.) et inde per venosum pulmonum ad arteriosum aortae systema deduci, hincque per vniuersum corpus distribui.

Tum

Tum vero et quidem in minimis praefertim vasculis cum phlogisto quod vbiuis offendit commutari. Hoc ipsum vero eius loco sanguini immixtum per venosum systema ad cor dextrum et per arteriam pulmonalem in pulmones reuehi, vbi ex iis quas modo tetigimus affinitatis legibus a recenter inspirato aëre denuo recipiatur et nouum eius accessu liberatum igneum elementum iterata vice sanguinem intret.

§. 165.

Respondent his, quae de diuersitate arteriosi sanguinis a venoso passim tetigimus; respondent porro quae de diuerso cuiusuis calore specifico perhibentur *): vtpote quem in arterioso sanguine = 11 $\frac{1}{2}$ in venoso vero non nisi = 10 faciunt;

I 4 imo

*) Pridem GALENVS non vno loco contenderat ventriculū cordis finistrum dextro calidiorem esse, cf. v. c. EJ. *de temperamentis* I. II. pag. 34. ed. Oper. Bas. 1562. Cl. I. et L. *de inaequali temperie* ed. cit. Cl. III. pag. 88-sq.

Pluribus videtis TH. SCHWENKE *haematologiam* Haag. 1743. 8. pag. 31.

imo vero et respondent, quae de actione vasorum sanguiferorum minimi ordinis supra tetigimus (§ 126).

§. 166.

Valde enim probabile videtur, esse quoque ipsis hisce vasculis minimis suas partes, quarum actione vel excitata vel depressa ista ignei elementi per corpus delati cum phlogisto in corpore haerente commutatio et calor inde oriens animalis vel augeatur vel minuatur.

Memorabilia enim phaenomena, quibus constat calorem animale, (si nempe thermometro exploratur, non vero fallaci solum sensatione aestimatur) in vniuersum sibi fere perpetuo similem manere *), vix augeri aestiuus caloribus, vix minui hierno rigore, imo vero quibus compertum est increfcere subinde calorem corporis si frigidae immergimur †), id demonstrare videntur

*) cf. cl. CRAWFORD in *Phil. Trans.* Vol. LXXI. P. II.

†) cl. G. PICKEL *experimenta physico-medica de electricitate et calore animali.* Wirceb. 1778. 8. pag. 91 sq.

videntur, esse pro vario calore medii istius in quo versamur, variam quoque actionem systematis vasorum minimorum; ita ut frigore exposita (quo quidem tonum eorum excitari probabile est) maiorem ignei pabuli cum phlogisto quantitatem commutent maioremque calorem excitent, minorem vero quoties in asthenico et relaxanti medio detenta torpent.

SECTIO XIV.

DE

PERSPIRATIONE CVTANEA.

§. 167.

Adeo diuersissimae sunt functiones cutis, qua corpus humanum obducitur, vt enarratio earum vix commode vno eodemque capite comprehendere possit, sed longe aptius quaeuis earum ad eam quo pertinet actionum classem referenda videatur.

Est enim cutis primo loco tactus organon, de quo ad functiones animales sermo erit.

Est porro et inhalationis instrumentum, quo ad reforescens lymphaticarum venarum systema pertinet, quod ad functiones naturales dicetur.

Est vero etiam *perspirationis* officina et eo quidem nomine multis modis cum *respirationis*

spirationis negotio conuenit, neque inepte eadem in tractatione nostra proxime sequi debere, visa est,

§. 168.

Cutis autem triplici constare dicenda est membrana. *Corio* sc. , et quae id ipsum interiacente *reticulo* supercontegit *cuticula*. De singulis seorsim.

§. 169.

Et quidem *cuticula* *) s. epidermis extimum est corporis tegmen, aëri expositum, cuius quidem elementi proximum contactum in homine sano vix aliae corporis partes, si a dentium cortice et respirationis viis et tubo alimentari discesseris, impune perferre possunt.

§. 170.

Textura epidermidis simplicissima est vasis et neruis et poris destituta, in vniuersum parum organica, maxime tamen
singula-

*) AL. MONRO (patr.) or. de *cuticula humana*. oper. ed. Angl. Edinb. 1781. 4. pag. 54 sq.

singularis †), et pro semipellucida sua teneritate mirum in modum tenax, ita ut macerationi aliisque corruptionis generibus diutissime resistat.

§. 171.

Origo eiusdem dubiis quidem adhuc præmitur. Verisimile interim est, eandem ex subiecto ipsi corio cum pilorum bulbis

†) Crassissima ingentium quorundam animalium epidermis ex verticalibus fibrillis compacta est, quae situ suo boleti igniarii texturam quodammodo aemulantur. Interior eius superficies porosa apparet, quam subiacentis cutis filamenta, quasi holosericea, penetrant. Luculentissime singularem eam fabricam in praeparatis ex *balaenae mysticeti* cute depromtis coram video.

Similis quodammodo textura in humana cuticula morbose affecta quandoque observatur; ut in haereditario morbo cutaneo quo angulus sic dictus hystricinus homo cum infantibus suis laborabat. v. G. EDWARDS's *Gleanings of natural history* Vol. I. tab. CCXII. pag. 3 sqq.

Verum et clauus pedis digitorum et occallescentia cuticulae quae calcaneo substrata est in adultis hominibus et qui plerumque nudipedes incessebant, non multum subinde ab ea textura abhorret.

billis efflorescere; cui corio innumeris praeterea iisque tenerrimis fibrillis adhaeret *).

Omnium corporis humani partium simularium facillime reproducitur.

§. 172.

Dignitatem eius ad oeconomiam corporum organicorum vel vniuersitas ea demonstrat qua per vtrumque eorum regnum reperitur; quid quod et in tenello embryone a tertio ad minimum inde post conceptionem mense praeparata cernitur.

§. 173.

Subterlinitur autem cuticula mucosa membranula quam ab inuentoris †) de ea opinione, *reticulum* Malpighianum vocant.

Muci

*) GU. HUNTER in *medical obs. and Inquir.* Vol. II. p. 52 sq. tab. I. fig. 1. 2. Improbabilis ceterum mihi videtur egregii viri coniectura, qua has fibrillas vasa esse excretoria materiei perspirabilis hariolatur &c.

†) v. MARCELL. MALPIGHII *tetras anatomicar. epistolary.* Bonon. 1665. 12.

Muci, facile dissolubilis, habitum praefert fert, et vix unquam nisi in seroto Aethiopum a cuticula aequae ac a corio integrum separari et genuinae propriae membranulae forma exhiberi potest *).

§. 174.

Primariam hominum caloris sedem constituit **). Omnibus enim corium candidum est, cuticula tantum non omnibus albida semipellucida, aethiopibus unice paullo ex griseo obscurior. Reticulum vero mucosum in homine nato pro aetatis et vitae generis et climatis varietate, quin et ex morbosa constitutione, varium †).

Ita

*) Primus in ea quam diximus aethiopum parte id praestitit amicissimus SÖMMERRING, cuius liberalitate egregium id genus praeparatum collectionem meam anatomicam ornat. cf. *Ej. über die körperl. Verschiedenh. des Negers vom Europäer* ed. 2. pag. 46 sq.

**) B. S. ALBINI *diff. de sede et causa coloris aethiopum et caeteror. hominum. c. icon. colorib. distinct.* LB. 1737. 4.

†) Pluribus de his ex professo egi l. *de generis humani variet. nativa* pag. 61–77. ed. 2dae.

Ita v. c. ex quinque varietatibus, in quas genus humanum optime diuidi mihi videtur 1^{mae}, quae praeter Europaeos, occidentalis Asiae, et Africae borealis incolas, vt et Grönlandos et Esquimotas completitur, reticulum plus minus albidum est.

2^{dae} quo reliqui Afiani spectant, sub-fuscum ad oliuaceum vergens.

3^{iae} ad quam aethiopes pertinent, nigricans *).

4^{tae} s. Americae reliquae habitatoribus, fere cuprei coloris.

5^{tae} denique, sub qua vniuersi maris pacifici incolas intelligo, plus minus fuscum.

Omnes autem ac singulas hasce coloris varietates non minus ac reliquas quibus homo ab homine et gens a gente differre videtur adeo inuicem confluere quasi, alteram in alteram ita mutuo transire &c. vt non nisi plane arbitrarias earum diuisiones

*) Jo. NIC. PECHLIN *de habitu et colore aethiopum*, qui vulgo et Nigritae L. Kilon. 1677. 8.

cl. CAMPERI de eodem argumento oratio extat in EJ. kleiner. *Schriften*. Vol. I. P. I. pag. 24 - 49.

siones et classes constituere vix monitu opus est.

§. 175.

Corium ipsum, cui reticulum cum epidermide tegminis loco sunt, membrana est sui generis, porosa *), tenax, valde dilatabilis, variae crassitiei, in vniuersum vero ex tela cellulosa stipata, et quidem arctissime in extima superficie; laxius in pagina interiore, qua [paucis corporis regionibus exceptis (§ 36.)] plerumque vulgarem adipem continet.

§. 176.

Scatet vero corium praeter *neruos* et *venas absorbentes*, de quibus alias dicendi locus erit, innumeris *vasculis sanguiferis* quae ad extimam eius superficiem penetrant, et, quod felicior iniectio docet, eandem quasi arctissimis reticulis subtilissimae texturae obtegunt.

§. 177.

*) B. S. ALBINI *annotat. acad.* L. VI. tab. III. fig. 1-5.

§. 177.

Porro etiam eidem fere vndique inspersa est *folliculorum sebaceorum* ingens farrago, qui subtilissimo et limpido et aegre siccante *) oleo cutem perungunt †), quod neque cum vulgari fudore, neque cum eo cui hircitans odor est, et quo singulares tantummodo corporis partes infestari solent, confundi licet.

§. 178.

Denique et omne fere corium *pilis* ††) varii generis oblitum est, et maxime quidem breuibus tenellis, plus minus lanuginosis, quibus praeter palpebras et penem virilem, et volas manuum plantasque pedum vix alia pars plane destituta erit; tum vero variis corporis locis longioribus, singularibus vsibus destinatis, capillamento,

super-

*) v. cl. LYONET *lettre à M. LE CAT* pag. 12.

†) CHR. GOTTL. LUDWIG *de humore cutem inungente*.
Lips. 1748. 4.

††) JO. PH. WITTHOFF *de pilo humano*, Duisb. 1750. 4.
cf. *Commentar. societ. scient. Goetting.* Vol. II.

superciliis, ciliis, vibrissis, mystace, barba, et iis qui sub alis et in partibus obscenis crescunt.

§. 179.

In vniuersum quidem homo plerisque ceteris mammalibus minus pilosus est. Intercedit tamen et heic diuersas gentes varia differentia. Vt enim de iis gentibus taceam, qui et hodiernum aut barbam aut aliarum quarundam partium pilos studiose euellunt, sunt alii qui iam natura sua quasi depiles videntur, quo v. c. Tungusas et Burätas pertinere, vulgo constat. Ab altera parte a fide dignissimis itinerum auctoribus relatum accepimus Nadigsdae incolas, quae ad australiores Kurilikas insulas pertinet, singulariter pilosos esse *).

§. 180.

*) cl. KING in splendido opere cui tit. *a voyage to the pacific Ocean for making Discoveries in the Northern Hemisphere*. Vol. III. pag. 377.

cf. MÜLLER *Samml. Russisch. Geschichte* Vol. III. pag. 31 et 174.

§. 180.

Neque minor varietas longitudinis, flexilitatis, crispitudinis, et maxime coloris, tam a climatis potentia, aetate, aliisque secundum naturam causis, quam a morbose subinde intemperie, ut in leucaethiopibus, pendens, et plerumque oculorum colori respondentis.

§. 181.

Peculiaris porro est pilorum in quibusdam corporis partibus directio, spiralis v. c. in vertice; sursum diuergens in pube; in brachii auersa facie, fere ut in simia satyro contraria directione versus cubitum tendens, (a humero nempe deorsum, a carpo vero sursum); ut de superciliis et ciliis taceam.

§. 182.

Oriuntur vero pili ex interiore corii facie, quae adipe scatet, et quidem singulari bulbulo ipsi satis firmiter inhaerent*),
qui

*) Bulbulum enim magis firmandis quam nutriendis pilis inferuire, exinde suspicor, quod ii pilorum

qui duplici constat inuolucro **); extimo vasculoso, ouali; interiore cylindrico, quod epidermidi cōtinuum videtur †), et elasticis istis filamentis ex quibus pilus ipse compingitur, et quorum 5 ad 10 numerant, inuolucro est.

§. 183.

Oleofo halitu nunquam non peruncti sunt pili, et fere incorruptibiles. Omnium quoque corporis humani partium maxime idio-electricae videntur. Facillima item eorum nutritio, quin et, nisi cutis ipsa simul male affecta fuerit, post defluuium ipsorum reproductio.

§. 184.

Vniuersa haec corporis integumenta praeter alios quibus inferuiunt vsus, maxime

cinni qui subinde in meliceridibus et steatomatibus omenti et maxime ouariorum reperti sunt, quales dum haec scribo ad manus sunt, bulbis omninode careant, quod nullibi infixi melleo isti sebo nuda tantum contineantur.

**) DUVERNEY *oeuvres anatomiques* Vol. I. tab. XVI. fig. 7. 9-14. tab. XVII. fig. 3 sqq.

†) B. S. ALBINI *annotat. academ.* L. VI. tab. III. fig. 4. 5

xime ad excretoria corporis organa pertinent, quorum ope aliena quaevis et quae retenta nocitura forent, ex principe humorum massa eliminari et exterminari possint *).

Monstrant id miasmata, exanthematum specie illinc delata; monstrant alii, moschi aliorumque eiusmodi ingestorum odores per cutem spirantes; monstrant sudores, aliaque id genus phaenomena.

§. 185.

Inprimis vero per hasce vias fluidum transpirat, quod ab acutissimi ingenii viro, qui primus eius dignitatem ex professo indagare studuit, *perspirabile Sanctorianum* audit †).

K 3

Monere

*) ABR. KAAU *perspiratio dicta Hippocrati, per univ-
sum corpus anatomicè illustrata* LB. 1738. 8.

†) *Ars SANCTOR. SANCTORII de statica medicina. apho-
rismor. sectionibus VII comprehensa. Vener. 1634.
16. quae est plenissima genuina ab ipso auctore
curata editio celebris opusculi, quod BOERHAA-
VIVS ipsis Hippocraticis aphorismis praeferre nullus
dubitavit.*

Monere autem liceat vulgo alienissima et maxime heterogenea excrementa eo communi nomine comprehendi, quae probe ab inuicem distinguere oportet. Sudorem maxime a genuino perspirabili.

Ille etenim aqueus latex est, subfalsus, et qui vix vnquam ex corpore sano et tranquillo fonte sua prodit.

Hoc vero, de quo vnice nobis heic fermo est, aëriforme fluidum est, permanenter elasticum, eidemque quod per pulmones exspiramus quam simillimum *).

§. 186.

Itidem enim phlogisto grauidum est, itidem calcem ex aqua eius praecipitat, itidem tam flammae alendae quam respirationi sustentandae ineptum est &c.

§. 187.

Quantitas huius fluidi, quod ex corporis superficie spirat, (quae in adulto iustae

*) v. C. DE MILLY et cl. LAVOISIER in *Mém. de l. ac. des sc. de Paris* a. 1777. pag. 221 sq. 360 sq.

iustae staturae homine circ. 15 pedes quadratos aequat) vix ad calculum certum reduci poterit.

Quae enim inde a Sanctorii tempore excogitatae sunt ad corporis pondus explorandum librae *), huicce fini male respondere, ex iis quae modo de multifaria materie dicimus, quae praeter ipsum perspirabile cutem transfudat, facile intelligitur.

Infinitis vero modis ludere rationem perspirationis in singulis hominibus pridem compertum est: in vniuersum tamen etiam gentilitiam quandam varietatem et in hoc quoque capite locum habere ex iis, quae a fide dignissimis auctoribus de singulari et fere specifico odore perhibent, quem Caraibaeorum **), Groenlandorum †),

K 4 Aethio-

*) SANCTORII *Comm. in Iam Fen Imi L. Canon. Aui-*
cennae. Venet. 1646. 4. pag. 781.

cf. JO. ANDR. SEGNER *de libra, qua sui quisque cor-*
poris pondus explorare posset. Goetting. 1748. 4.

**) THIBAUT DE CHANVALON *voyage à la Martinique.*
Paris. 1763. 4. pag. 44.

†) DAV. CRANZ *Hist. von Grönland. ed. 2. pag. 179.*

Aethiopum *) aliorumque barbarorum cutis transpirat, extra dubitationis aleam positum videtur.

§. 188.

Collatis nunc quae de vasculosa cutis fabrica (§ 176), et de analogia perspirabile inter et exspiratum aërem (§ 186); tum et alias (§ 166) de vasorum minimorum ad calorem animale excitandum potentia dicta sunt, verisimile sane videbitur curatius rem pensitanti magnam sane intercedere pulmonum actionis cum cutanea perspiratione similitudinem; et alternam consensionem; ita ut altera alteram quodammodo adiuuare posse, subleuare, et si forte turbata fuerit, aliquatenus saltem compensare censenda sit.

§. 189.

*) (cl. ESTWIK) *history of Jamaica* Lond. 1774. 4. Vol. II. pag. 352 sq. 425.

Plane specificum quem Aethiopes, et quidem maxime *Angolenses*, transpirant odorem mihi ipsi non vna vice in variae aetatis et vtriusque sexus id genus hominibus obseruandi occasio fuit.

§. 189.

Quadrant certe in eandem sententiam non vnius generis phaenomena tam in sano quam morbofo statu obseruanda.

Ea v. c. quibus foetus humanus et reliquorum mammalium a pullo incubato differt *).

K 5 Singu-

- *) Calor animalis in foetu humano et reliquorum mammalium ab ipsa matre cum qua secundinarum ope cohaeret, sustinetur. Haec igneum pabulum ipsi transmittit, phlogisticatum contra sanguinem ab eo recipiens. Itaque ipsum neque respirare neque transpirare necesse est.

Aliter vero cum pullo incubato comparatum est. Huic quidem non magis quoque respiratio competit, neque ea opus habet, cum igneum ipsi pabulum ab incubante adueniat matre. Vt vero phlogiston, huius ignis accessu in ipso euolutum exitum habeat, *porosa* ouo concessa est testa, per quam transpirare oua, maxime si calori exposita fuerint, notissimum est.

Quam facilis vero sit tam ignis materni ad pullum transitus, quam phlogisti ex eodem reductus, patebit ea consideranti quae alias de analogia inter oui albumen et serum sanguinis (§ 11), tum et de facilitate dicta sunt, qua aëri per serum in crassamentum sanguinis agere, licet (§ 12).

Singulare porro partium quorundam in calidis animalibus frigus, (vt nasus canum &c.) quod haud inepte a minore vasculorum, quibus scatent, actione phlogistica repetendum videtur:

Vti e contrario aucta eorum vasculorum in partibus quibusdam actione, morbosa nonnulla symptomata explicatu facilia essent, vt aestus singularis in volis manuum apud hecticos obseruandus.

Alterna quoque quam diximus compensatione, qua pulmonum et cutis functiones mutua sibi ferre subsidia probabile est, aliquid sane lucis affulgere videtur iis phaenomenis pathologicis, vbi homines nati et adulti pulmonibus fere in totum tabe confectis aut alia labe vitiatis tamen aliquamdiu superuixerunt, imo vero per plures annos respirationis vsu fere plane caruisse visi sunt *).

§. 190.

*) Memorabile id genus exemplum cl. TACCONI memoriae prodidit in *Comment. instituti Bononiens.* Vol. VI. pag. 74 sq.

§. 190.

Verum denique et *tubi alimentaris* interioriorem superficiem praeter reliquas suas functiones primarias, haud abfimili quoque phlogistico munere defungi fane non improbabile videtur.

Vnica enim haec est corporis interioris pars, cui praeter pulmones atmosphaericus aër patet; patere vero vtique, et deglutire nos magnam aëris vim, probatione vix eget.

Mutari autem deglutitum eum aërem simili fere ac in pulmonibus ratione, eiusdem in vniuerso alimentari tubo contenti indoles demonstrat †).

Conuenit praeterea cum his omnibus stupenda vasculorum sanguiferorum congeries in tantam intestinorum superficiem interioriorem effusa quasi, quam vulgo vniuersi corporis extimae superficiei aequalem faciunt.

†) Id quod iam magni fane ingenii viro, et si paradoxo, JO. BAPT. v. HELMONT, peripectum fuit. v. Ej. *de flatibus* L. Sect. XLIX. p. 405 sq. ed. Op. 1682. 4.

SECTIONIO

SECTIO XV.

DE

SENSORIO ET NERVIS.

§. 191.

Ad alteram iam humani corporis functionum classem delati sumus, quae *animales* complectitur (§ 63. II.), quorum ope commercium corpus inter et animi facultates alitur, et quae ideo quod, ut res ipsa fert, vnice animatis corporibus organicis conveniant, latius vero simul quam vitales functiones per vniuersum animale regnum dominantur, nomen suum iure quodam sibi vindicare videntur.

§. 192.

Organa vero quae functionibus istis exercendis maxime praesunt, cerebro constant vtriusque generis, cum adhaerente ipsi medulla spinali, et nervis ex triplici
hocce

hocce fonte oriundis *). Quae quidem omnia haud inepte ad binas classes principes, *sensorii* scil. et *neruorum* referri poterunt, quorum illud quidem omne id complectitur quod praeter nervos et eas partes, quae ad origines eorum proxime pertinent, in vniuerso eo systemate superest et propius ad vinculum spectat, quo ipsa neruorum officia cum parte nostri nobiliore, animae scil. facultatibus, nectuntur.

§. 193.

Nititur ea diuisione elegans cl. Sömmerringii obseruatio †), qua relatiuam eorum organorum vtriusque classis molem
animae

*) EUSTACHII tab. XVIII. fig. 2.

cl. MAYER *Abb. vom Gehirn, Rückmark u. Ursprung der Nerven.* Berol. 1779. 4.

cl. AL. MONRO (fil.) *observations on the structure and functions of the nervous system* Edinb. 1783. fol.

cl. VICQ-D' AZYR tam in *Mém. de l' acad. des sc. de Paris* a. 1781. quam in *Ej. Planches anatomiques* quorum nuper P. I. Paris. fol. prodiit.

†) v. *Ej. diff. de basi encephali* Goetting. 1778. 4. p. 17. et pluribus *Id.* citato de aethiopum anatome l. pag. 59 sq.

animae facultatibus ita respondere animadvertit, vt quo tenuiores sint animantium nerui, respectu alterius ordinis partium, quas sensorii nomine comprehendimus; eo magis ea animi facultatum praestantia emineant: eoque respectu hominem maximo gaudere cerebro dici posse, si eius molem cum tenuitate neruorum exinde orientium, non vero pondus eius cum totius corporis pondere comparaueris.

§. 194.

Ipsum vero cerebrum *) praeter osseam caluariam triplici tegitur inuolucro: dura et pia meninge, et quae vtramque interiacet arachnoidea.

§. 195.

Dura meninx **) quae tanquam periosteum encephali cauum inuestit, in varia quasi sepimenta exporrecta, falce maxime
cum

*) EUSTACHII tab. XVII. XVIII.

HALLERI *icones anat.* fascic. VII. tab. I. II. III.

SANTORINI tab. posth. II. III.

**) JO. LADMIRAL *icones durae matris in concava et convexa superficie visae* Amst. 1738. fasc. I. II. 4.

cum cerebri hemisphaeria, tum cerebellum diuidit, tentorio †) autem, lobos cerebri posteriores fulcit et ne subiacens cerebellum premant praecauet.

Porro autem variis fui duplicaturis finis sic dictos venosos *) continet simulque fulcit, eorumque pressioni praecauet; quibus sanguis encephali ad cor relabitur; quem

†) Memorabilis est caluariae ossium lamina, quae in non vnus generis mammalibus tentorii illius duplicaturam penetrat idemque firmat. Perperam quidem CHESELDENIVS (*anat. of the bones* cap. 8) osseum illud tentorium non nisi *feris* tribuit, cum idem et in equino genere et phocis &c. repererim. De vsu eius interim ambigendum videtur. Qui enim vulgo eidem tribuitur, (nuper adhuc a LAUR. NIELL *de cerebro* Edinb. 1780. pag. 4.) vt in velociter salientibus mammalibus cerebellum tueatur, minus arridet, cum et vsus aliaque lentiora animantia eiusmodi osseo tentorio instructa sint, velocissimus e contrario ibex, cuius cranium ad manus habeo, eo careat.

*) VIEUSSENS *nevrograph. vniversal.* tab. XVII. fig. 1.

DUVERNEY *oeuvres anatom.* Vol. I. tab. IV.

HALLERI *icones anat.* fascic. I. tab. VI.

cl. WALTER *de morbis peritonaei et apoplexia.* Berol. 1785. 4. tab. III. IV.

quem sanguinem et peculiari indole gaudere **) aiunt, et insigni quantitate memorabilem esse constat, quam decimae ad minimum parti vniuersae sanguinis massae aequalem faciunt.

§. 196.

Proxima duram meningem excipit *arachnoidea*, a teneritate dicta, vasis sanguiferis destituta (§ 5), quae non magis ac dura membrana sulcos ac liras cerebri distinguentes intrat, sed vniuersam tantum eius molem intendit.

§. 197.

Aliter vero cum intima cerebri meningē comparatum est, quae *pia mater* prisca audiebat, quaeque vndiquaque cerebri corticem arcte comitatur †), ita ut innumera quibus picta est vasa sanguifera infinitis ramusculis ipsum eum corticem penetrent

**) cl. DAN. JO. TAUBE *de sanguinis ad cerebrum tendentis indole*. Goetting. 1747. 4.

†) RUYSCHII *respons. ad ep. problematic. nouam* Amst. 1670. tab. X.

penetrent et quasi perforent; hincque divulsa ab ipso cerebro pia meninx, vt extrema facie glaberrima est, ita e contrario interiore pagina villosa sit et muscorum quasi radículas aemuletur quibus limo inhaerent *).

§. 198.

Compositum autem est cerebrum maius minusque multifariis partibus diuersae cum texturae tum figurae, sed ignoti plerumque hactenus vsus, quae maxime quaternis sic dictis ventriculis distinguuntur, quorum inuicem nexum nuper curatius eruit cl. Monro, et ex quibus anteriores et quartus chorioideos continent plexus, itidem dubiae adhuc functionis.

§. 199.

Omnibus vero vtriusque cerebri partibus duplex est substantia, altera cinerea, quam et corticalem vocant, etsi non vbi-vis exteriorem occupet locum, altera candida

*) B. S. ALBINI *annotat. acad.* L. I. tab. II. fig. 1-5.

dida s. medullaris, quibus ex obseruatione cl. Sömmerring *) tertia adhuc interiacet subalbidi coloris, maxime in cerebelli arbore vitae, tum et in lobis cerebri posterioribus conspicienda.

§. 200.

Cinereae substantiae **) ad medullarem proportio decrescit vergente aetate; maior enim infantibus, minor adultis. Fere tota immenso plane tenuissimorum vasculorum, tam sanguiferorum quam minoris ordinis albidorum (§ 79) contextu constat, quorum exigua pars exinde in medullarem penetrat †), quae ipsa praeter haec
vascula

*) *De basi encephali* pag. 63.

cf. cl. GENNARI *de peculiari structura cerebri* Parmae 1782. 8. tab. II. III.

**) MALPIGHI *de cerebri cortice c. rel. de viscerum structura Exercit.* Lond. 1669. 12.

RUYSCH *de cerebri corticali substantia ep. problematic.* XIIma Amst. 1699. 4.

cl. CHR. FRID. LUDWIG *de cinerea cerebri substantia.* Lips. 1779. 4.

†) B. S. ALBINI *annotat. academ.* L. I. tab. II. fig. 4. 5.

vascula et tenerrimam cellulofam, pultaceo quasi parenchymate constare videtur, in quo dioptrica aliaque id genus subsidia nihil constantis et definitae texturae adhuc detegere potuerunt *).

§. 201.

Gaudet vero cerebrum perpetuo sed leni motu †), respirationi ita respondente, ut arctatis expirando pulmonibus eleuetur paulo cerebrum, dilatato vero inspirationis ope pectore, iterum subsideat ††).

L 2

§. 202.

*) cf. cl. METZGERI *animadversiones in doctrinam nervorum*. Regiomont. 1783. 4.

†) Memorabile phaenomenon primus curatius descripsit Jo. DAN. SCHLICHTING in *Commerc. litter. Norico* a. 1744. pag. 409 sq. tum vberius in *Mém. présentés à l'ac. des sc. de Paris* T. I. pag. 113.

Causas vero eius numerosis viuisectionibus sagaciter eruit HALLERVS. v. discipuli eius, Jo. DIT. WALSTORF *experimenta circa motum cerebri, cerebelli &c.* Goetting. 1753.

cf. etiam post cl. DE LA MURE labores, LORRY de eodem argumento dissertationes in *Mém. présentés* T. III. pag. 277 sq. 344 sq.

††) Exoptata haud ita pridem usus sum opportunitate eum motum luculentissime in adulto homine observandi

§. 202.

Oblongata quam vocant medulla in
spinalem abit *), dorsali vertebrarum flexili
tubo

seruandi et de eodem pericula instituendi. Erat is
adolescens 18 annorum, cui, postquam ante lu-
strum ex alto delapsus caluariae ossa supra fron-
tem ad sinistram futurae coronariae latus diffre-
gerat, ingens exinde natus ossium hiatus non
nisi communibus integumentis et molli cicatrice
erat obtectus. Hicce hiatus foueam quasi forma-
bat plus minus profundam: maxime nempe pro-
fundam quando dormiebat: vigilantia contra pla-
nitiorem: variam porro pro respirationis diuerso
rhythmo, ita ut alte subsideret, quoties inspiranti
animam retinere iubebam: inflaretur vero imo
in turgentem tumorem ascenderet, quando vali-
dam expirationem diutius protrahebat. Erat prae-
terea in fundo foueae pulsus observabilis, reliqui
arteriosi systematis pulsui perfecte synchronos,
qualis PETRIOLO, VANDELLO aliisque quondam
HALLERI aduersariis imposuisse videtur, qui arte-
riosum eum motum cum singulari altero, qui
respirationi vnice respondet, inepte confundebant.
— Obiter adiecisse liceat adolescenti isto ex *sinistri*
lateris vulnere capitis, *dextri* lateris brachium et
crus hemiplectica euasisse.

*) JO. JAC. HUBER *de medulla spinali* Goetting. 1741. 4.

— Icon adiecta redit inter Hallerianas fascic.
I. tab. II.

tubo contentam, iisdemque quas cerebrum cingere vidimus membranis vestitam; duplici quoque constantem substantia, ita tamen ut cineream interiorem candida exterior amplectatur.

§. 203.

Et ex utroque isto fonte, cerebri nempe cum cerebello, et medullae spinalis, oriuntur denique *nerui* *), funiculi isti plus minus albicantes, plusque minusue molles, qui per reliquas corporis humani partes molles, tantum non omnes, distribuuntur.

§. 204.

Constat enim post tot innumera Halleri aliorumque summorum observatorum experimenta †), esse non unius generis

L 3 partes

propriae HALLERI eiusdem partis icones extant ibid. fascic. VII. tab. IV. V.

cl. MONRO (fil.) *on the nervous system* tab. X. fig. I.

*) cl. ROL. MARTIN or. *de proprietatibus nervor. generalioribus*; praemissa EJ. *instit. neurologicis*.

†) v. HALLER de partibus c. h. sensibilibus in *Commentar. societ. scientiar. Goetting.* T. I.

et de iisdem Sermo III. in *nov. Comment. Goetting.* T. III.

PETR.

partes corporis nostri similes, in quibus neque cultus anatomicus, et a fallaciis sibi cauens oculus, genuinum neruorum vestigium, neque chirurgicae observationes *), et viuificationes a manu exercitata saepius

PETR. CASTELL *experimenta quibus consistit varias h. c. partes sentiendi facultate carere.* Goetting. 1753. 4. tum tres integrae collectiones ad ingentes lites facientes, quae super iis scriptis Goettingensibus per vniuersam Europam excitatae sunt. viz.

Sull' insensibilita e irritabilita — dissertazione, trasportata da J. G. V. PETRINI. Rom. 1755. 4.

Sulla insensitivita ed irritabilita Halleriana opuscoli raccolti da G. B. FABRI. Bonon. 1757-59. IV Vol. 4, et quae HALLERO ipso curante prodit s. t. *Mémoires sur la nature sensible et irritable des parties du corps humain.* Lausann. 1756-59. IV Vol. 12,

*) In miro dissensu imo contradictione de tendinum aliarumque, quae textus mox dicet partium in homine laesarum sensu, mihi quidem semper visum est negatiuis testimoniis plus ponderis inesse quam positiuis, ideo quod nihil fallacius cogitari possit quam aegrotorum iudicium de *dolorum internorum sede.* Vt enim exempla hominum taceam, quos toties de partibus pridem amputatis, quasi adhuc dolentibus conquestos esse nubes testium extat, vulgatissimum est aegros videre, de topico et fixo partis cuiusdam dolore diutissime querulos,

saepius repetitae †), vllum vnquam sensum deprehendere potuerunt.

Et

querulos, quem tamen post fata in funeris dissectione intemeratum et integerrimum reperis, alium contra, subinde remotissimum chronica labe affectum, cuius molestum sensum aeger fallens ad alienam plane et insontem sedem retulerat.

Et ita quidem v. c. longe faciliores explicatu mihi videntur querelae Syphiliticorum &c. de doloribus putatitiis ossium, quam tot contrarii experientorum euentus, quales ipse in hominibus vidi, quorum medulla studiose et consciis aegrotis vellicata nihil plane ingrati sensus excitauit.

†) Indies enim magis magisque conuincor, quantis cautelis et quanta exercitatione et saepe iterata eiusdem experimenti in non vnus generis animantibus repetitione opus sit in legibus physiologicis ex viuisectionibus constituendis. Ipse enim, vt exemplo de medullae putatio sensu, cuius modo memini, porro vtar, quando in pluribus tam mammalibus quam auibus experimentum repetebam, valde dissimili euentu id cedere vidi. Pleraque enim id genus animalia medullam cylindrici cuiusdam ossis sibi destrui passa sunt absque vlllo doloris signo; alia perfecte simili modo tractata vix adhuc appropinquante instrumento conuellerantur, eiulabant &c. Fieri potuit, vt hi, nouorum cruciatuum timore praeoccupati ad insontem plane instrumenti accessum conuellerentur; fieri

Et quidem illuc pertinent praeter nudam telam cellulofam, epidermis cum reticulo mucofo, pilis, et vnguibus.

porro cartilagines et offa cum periofteo et medulla.

tum tendines, aponeurofes, ligamenta.

item pleraeque membranae latiores, vt dura meninx et arachnoidea; pleura cum mediaftinis et pericardio; peritoneum. Sed et cornea &c.

pleraeque etiam abforbentis fyftematis partes, maxime vero ductus thoracicus.

denique et fecundinae, cum ymbilicali fune.

§. 205.

Neruorum vltimae quidem ex ipfo fenforio origines cultelli et oculorum aciem adhuc fugiunt; quid quod et sub iudice lis eft an cuiusuis lateris nerui ex eodem an vero ex oppofito fenforii latere ortum ducant?

vero etiam potuiffet, vt aliqua iftorum animalium, praecedentis doloris vehementia quafi obtufa; levio- rem medullae ftimulationem non fenfiffent, etiamfi neruulis praedita fuiffet.

ducant? *) fauere videbantur posteriori opinioni phaenomena pathologica **). Et in opticis fane neruis veram id genus decussationem locum habere nuper euicit cl. Sömmerring †).

§. 206.

In decursu suo ††) neruorum medullam piaë meningis continuatio quaedam comitatur ita vt tenerrime vasculosum corticem †††) nanciscatur. Simulac vero cerebrum aut spinalem medullam egressi sunt singularem plane habitum prae se ferunt, quo ab omnibus fere reliquis cor-

L 5

poris

*) Diuersas de eo argumento auctorum sententias studiose collectas exhibet cl. LASSUS *sur les découvertes faites en Anatomie* Par. 1783. 8. pag. 299 sq.

**) cf. MEIN. SIM. DU PUI *de homine dextro et sinistro* LB. 1780. 8. pag. 107 sq.

†) v. *Hessische Beyträge zur Gelehrsamkeit* P. I. et IV. it. F. N. NÖTHIG (præf. SÖMMERRING) *de decussatione neruor. opticor.* Mogunt. 1786. 8.

††) cf. cl. PFEFFINGER *de structura neruorum* Argent. 1782. 4.

†††) GUL. BATTIE *de principiis animalibus* Lond. 1757. 4. pag. 126.

poris partibus similiaribus distingui possunt, pliculas nempe transuerfas plus minus oblique angulosas, pridem P. P. Molinello *) dictas, qui easdem haud incongrue lumbrici rugis aut asperae arteriae annulis comparauit.

§. 207.

Passim nerui, singularium maxime ordinum, quales intercostales sunt et vagi, gangliis distincti sunt, nodulis scil. compactioris texturae et ex cinereo subrubelli coloris, sed nondum satis definiti vsus. Prae caeteris interim arridet Zinnii quondam nostri sententia †), qui eos intimius connectendis et quasi contexendis eiusmodi filis nerueis inferuire statuebat, quae

*) *Comment. instituti Bononiens.* T. III. 1755. p. 282 sq. fig. I. 2.

Quam MOLINELLI obseruationem nuper plurimis confirmarunt et vltro ornarunt cl. viri FEL. FONTANA et AL. MONRO: hic opere saepius citato; ille *Tr. sur le venin de la vipere.* Flor. 1781. 4. Vol. II.

†) *Mém. de l'acad. des sc. de Berlin* Vol. IX. a. 1753.

quae ex diuersis fontibus in gangliis conueniunt; adeo vt quoduis ex iis denuo egrediens filum singula antea ingressa fila participet *).

§. 208.

Neque multum diuersa ratio esse videtur *plexuum* ex simili concursu et reticulatis anastomosibus diuersorum neruorum, similique contextu filorum, in quos diuisi tunc secedunt nerui, orientium.

§. 209.

Vti vero primae neruorum origines ita et tantum non omnium vltimi termini quibus extremi eorum ramuli finiunt, adhuc in obscuro latent. Quodsi enim a paucis iis neruis discefferis, qui in medullofam quasi membranam abeunt, vt
 opticus

*) conf. post alios de gangliis ex professo agentes cl. HAASE de iis diff. Lips. 1772. 4.

Jo. CAVERHILL Tr. of ganglions Lond. eod. 8.

cl. SCARPA anatom. annotat. L. I. de neruor. gangliis et plexibus. Mutin. 1779. 4.

cl. PROCHASKA de structura neruorum Vindob. 1780. 8.
 it. cl. MONRO l. c.

opticus in retinam, et mollis septimi paris in zonam, laminis spirali-
bus cochleae auris contentam, reliquorum vltima fila-
menta in viscera, musculos, corium &c.
penetrantia, adeo cum earum partium pro-
prio parenchymate confusa in pulpam
quasi deliquescunt, vt rimanti oculo de-
nique se subducant.

SECTION XVI.

DE

F V N C T I O N I B V S

SYSTEMATIS NERVOSI

IN VNIVERSVM. †)

§. 210.

Senforio ita cum nervis exinde per vni-
 versi fere corporis compagem distributis,
 integrum constare vidimus systema, me-
 dium quasi constituens cuius ope quamdiu
 vita viget, mutuam animam inter et cor-
 pus commercium alitur *).

§. 211.

†) cf. ad vniuersam hancce sectionem praeter nume-
 rosos alios auctores, passim iam citatos, aut infra
 nominandos,

cl. TISSOT *Tr. des nerfs et de leurs maladies* T. I.

C. STUART *de systematis nervosi officiis* Edinb. 1781. 8.

cl. PROCHASKA *adnotat. academic. fasc. III. sect. I.*

*) v. cl. Jo. H. RAHN *Exercit. de causis physicis sympa-
 thiae* I. (de miro inter animum et c. h. consensu)
 Turic. 1786. 4.

§. 211.

Et proxime quidem anima cum iplo cerebro coniuncta videtur, quippe quam praerogativam, cum plerorumque sensuum instrumentorum cum eo vicinitas, tum admirabilis eius ex tam singularis figurae et structurae partibus compositio, maxime vero effectus morbosarum eius affectionum, quam verisimillimam reddit.

§. 212.

Quid quod et ea quam innuimus singulari partium quarundam encephali forma aut situ eo se deduci passi sunt physiologorum nonnulli, ingenio suo indulgentes, ut hancce illamue earum pro ipsissima animae sede et quasi regia venditare anniterentur; ad quam scil. dignitatem alii glandulam pinealem †), alii cerebellum, alii

†) Cartesianae hypothese pondus aliquod accedere videbatur sectionibus mente alienatorum, quibus pinealis glandula calculis obfessa reperta est. Verum curatior observatio docuit non in mente captis solum, verum et in sanissimis hominibus tantum non omnibus, inde a 12mo circ. aetatis anno
idem

alii corpus callosum *), alii pontem sic dictum Varolii eleuare studuerunt.

§. 213.

Neque tamen omnis neruosi systematis energia vnice ab encephalo pendere censenda est, sed et spinali medullae, imo vero et ipsis neruis haftenus sane vires suae propriae sunt, vt musculis conuellendis sufficiant; quibus quippe viribus propriis alendis et sustinendis vasculosus istorum organorum cortex (§ 205) inseruire videtur. Homini tamen huiusmodi vires neruorum propriae minores et maior e contrario eorum ab ipso encephalo dependentia, quam aliis animantibus, frigidi praesertim sanguinis.

§. 214.

idem conarium margaritaceis quasi arenulis obfideri: cf. cl. SÖMMERRING *de lapillis vel prope vel intra glandulam pinealem sitis, s. de acervulo cerebri* Mogunt. 1785. 8.

*) Tam cerebelli quam callosi corporis fictitias eas praerogatiuas mascole refutauit b. ZINN *experim. circa corpus callosum, cerebellum, duram meningem in viuis animalibus institut.* Goetting. 1749. 4.

§. 214.

Duplex autem maxime vniuersi systematis nervosi officium est. Alterum ut eius ope aliae partes, et quidem imprimis musculi voluntatis imperio subiecti, ad motum cieantur; de qua quidem functione alio loco pluribus. Altera vero, ut sensationi inferuiant et sensibiles impressiones quibus corpus afficitur, tanquam nuncii ad sensorium deferant, illincque perceptionem excitent & s. p.

§. 215.

Verum denique et ea sensorio accedit facultas, ut sensationes a nervis in illud agentibus acceptas non ad eosdem saltim, sed et ad alios dehinc nervos referre et reagere possit; cuius rei documento citasse sufficiat retinae a lumine affectae in sensorium actionem, huiusque exinde ad iridem vel constringendam vel dilatandam reactionem.

§. 216.

Et quidem ex eodem maxime postremo hocce fonte tam phantasiae et animi pathematum

thematum in corpus humanum quamplurimos effectus, de quibus infra paucis adhuc differendi locus dabitur, quam neruosi systematis per integrum fere corpus multifarios consensus *) (§ 54) eiusdemque in vniuersas fere reliquorum ordinum oeconomiae animalis functiones, ad vnam fere omnes, miram potentiam, deriuare licebit.

§. 217.

Esse haec quae enarrauimus munera neruosi systematis, experimentis et observatione extra omnem dubitationis aleam positum videtur. Iam vero modum explicare, quo haecce organa muneribus istis defunguntur, hoc opus hic labor est.

§. 218.

*) G. EGGER (auctore LAUR. GASSER praestantissimo anatomico) *de consensu neruorum* Vindob. 1766. 8. recus. in cl. WASSERBERG collect. fasc. II.

cf. quoque cl. CAMPERI de consensu neruor. egregias observationes, insertas commentario cl. COOPMANS in AL. MONRO (patr.) *tract. de nervis* Harling. 1763. 8.

it. cl. ISENFLEMM *Vers. einiger praktischen Anmerk. über die Nerven* Erlang. 1774. 8. pag. 116 sqq. et alias.

§. 218.

In vniuersum quidem variae de ea sententiae ad binas classes principes referri possunt: quarum altera nervosi systematis actionem in oscillatorio motu ponit: altera vero eandem ad fluidi cuiusdam motum refert, de cuius vero indole denuo physiologi certant, aliis spiritus animales †) in vasis decurrentes, aliis materiem quandam igneae, aut electricae, quid quod et magneticae analogam statuentibus & f. p.

§. 219.

Quanquam vero neutram istarum sententiarum meam adhuc facere velim, id tamen monere liceat, pleraque argumenta, quibus vnius hypotheseos affectae alteram impugnare studuerunt eodem fere gradu rudia mihi videri quo subtilissimas e contrario esse oportet, — si quae sunt —, siue oscillationes istas nervorum, siue fluida ipsis contenta.

§. 220.

†) cf. cl. MICHELITZ *scrutinium hypotheseos spirituum animalium* Prag. 1782. 8.

§. 220.

Imo vero si quid recte video vtraque sententia haud inepte iunctim stare posse videtur, fluidum nempe quoddam nerueum, stimulorum in illud agentium ope commotum, et in oscillantem vibrationem tractum.

§. 221.

Fluidi enim neruini existentiae praeter alia fauere videtur neruosi systematis, maxime vero cerebri ipsius structura, aliis quibusdam visceribus fecernentibus fatis analogia. Neutiquam vero ideo iam tubulis et canalibus opus esse quibus eiusmodi fluidum per nervos distribui debeat, non magis ac in charta emporetica alioque filtro &c. per se patet.

Multo minus etiam nugacibus de rapida celeritate calculis immorari operae pretium est, quibus spiritus animales nervosos suos canales peruolitare passim censuerunt.

§. 222.

Oscillationi vero neruorum, dummodo a rudibus istis chordarum tensarum simulacris abstineas, sed talem cogites qualis et in tenerrima cerebri pulte locum habere potest, plurima quoque phaenomena physiologica ad amissim respondere videntur. Auditum fane oscillatione excitari ad liquidum demonstratum est. In visu simile quid contingere, etiam si non totus a Leon. Euleri partibus stare velis, valde opere tamen probabile est. Sed et reliquorum sensuum actionem parum ab eiusmodi oscillatorio motu abhorrere, post summi Newtoni de eius existentia coniecturas †), Hartleji sagacitas felicissimo fane successu ita verisimile reddidit, vt exinde etiam primo associationem idearum, huius vero ope dein porro longe plurimas animae facultatum functiones ingeniosissime explicaret *).

†) v. Ej. *Quaestiones ad calcem optices*. Qu. 23. p. 355. ed. Lond. 1719. 8.

*) DAV. HARTLEY'S *observations on man, his frame, his duty, and his expectations*. Lond. 1749. II Vol. 8.

 SECTIO XVII.

DE

SENSIBVS EXTERNIS

IN VNIVERSVM

SPECIATIM VERO DE

T A C T V.

 §. 223.

Alterum vt vidimus neruorum officium in eo consistit, vt externarum rerum impressiones sensorio communicent; fitque hoc ope sensuum externorum, qui vigiles quasi sunt corporis, animae vero instructores.

Et de his quidem folis heic nobis sermo est. Nam et stimulum ad alium ponendam, aut famem aliasue id genus voces naturae internas inter sensus referre, pridem monente Hallero, subtilitatis fuerit.

M 3

§. 224.

§. 224.

Memorable autem est, nullam dari functionum oeconomiae animalis classẽ tantae in diuersis hominibus varietati subiectam, quam eam de qua agimus, sensuum externorum: vtpote quos infinite fere respectu aciei, aut subtilitatis, aut modi quibus ab iisdem stimulis in aliis aliter atque aliter afficiuntur, diuersitas intercedit; eaque tam natiua †), quam vsu et exercitatione acquisita.

§. 225.

Et merito quidem in horum sensuum enarratione a *tactu* inchoemur: vtpote qui omnium

†) Ita singularis quorundam hominum acute cetera sentientium, dispositio est, vt vna saltim alteraue stimuli specie, aliis hominibus grauiter sensibili, plane non afficiantur.

Noui v. c. virum Anglum, sensuum acie aequae animi dotibus praecellentem, acute inprimis olfacientem, pulueris tabacini abstemium &c., qui vero vnice in *resedae odoratae* floribus ne minimum vnquam odoratus vestigium deprehendere potuit.

Exempla hominum qui tantum hunc illumue colorem distinguere nequiuerunt, vulgatiore sunt.

omnium primus in homine nato se manifestet, et cuius organon per vniuersam corporis superficiem latissime pateat, et qui longe plurimis rerum externarum proprietatibus afficiatur.

§. 226.

Non solum enim aliquas rerum qualitates vnice tactus ope percipimus, vt calorem, duritiem, pondus &c. sed et de quibusdam, etiamsi aliis quoque sensibus pateant, tactus tamen adminiculo certiores demum reddimur, vt de figura, distantia &c.

§. 227.

Minus etiam quam alii sensus fallaciis obnoxius est; et cultura et studio tantae perfectionis capax, vt aliorum sensuum, praesertim visus, defectum quodammodo supplere possit *).

§. 228.

In vniuersum quidem sensus huius organon †) cutis est, de cuius fabrica su-

M 4

pra

*) cf. cl. ROL. MARTIN in *Schwed. Abhandl.* Vol. XXXIX a. 1777.

†) F. DE RIET *de organo tactus* LB. 1743. 4. recens. in HALLERI collect. anat. T. IV.

praegimus; proxime tamen eidem inferuiunt corii papillae, variae in variis corporis partibus figurae, plerumque quidem verrucosae *), alibi fungosae **), alibi filamentosae †) &c. quibus omnibus cutaneorum nervorum extremitates pulporum penicillorum in modum terminantur.

§. 229.

Longe principalia vero tactus instrumenta prae reliquis iterum *manus* sunt: quarum cutis etiam singularia plurima prae se fert. In volis scilicet et vtrinque ad digitorum articulos ad facilitandam complicationem fulcata est et depilis; extremi vero digiti tam manuum quam pedum, domestica facie elegantissimis ductibus plus minus spirales lirati ††); exteriore vero siluestri vnguibus scutellati.

§. 230.

*) DAV. CORN. DE COURCELLES *icones musculor. capitis* tab. I. fig. 2. 3.

**) B. S. ALBINI *annotat. academ.* L. III. tab. IV. fig. 1. 2.

†) RUYSCH *thes. anat.* III. tab. IV. fig. 1. *thes.* VII. tab. II. fig. 5.

B. S. ALBINVS l. c. L. VI. tab. II. fig. 3. 4.

††) GREW in *philos. Transact.* n. 159.

§. 230.

Sunt vero scutiformes eiusmodi *ungues* *) non nisi homini paucisque praeter eum mammalium generibus, (quae nempe itidem manibus instructa sunt et tactu excellunt †),) eum in finem concessi, ut explorantium digitorum pressioni resistent paulo, et ita actionem eorum adiuuent.

Corneae sunt naturae, in vniuersum tamen epidermidi comparandi: nam et reticulum ipsis subiacet, in aethiopibus nigricans ††); huicque denique subiectum corium, periosteum extremae digitorum phalangis tenaciter adhaerens: quae omnes partes constitutivae unguium in longitudinem

M 5

dinem

*) B. S. ALBINI *annotat. acad.* L. II. tab. VII. fig. 4.5.6.

†) Simiae praesertim, papiones, et lemures, plerique etiam cercopithecii: utpote quibus omnibus digitorum apices in quaternis quibus gaudent manibus mollissimi, et humanorum digitorum in modum spiralibus lineis distincti sunt.

††) B. S. ALBINVS *de habitu et colore aethiopum* fig. 3.

dinem striatae sunt; postico margine (qui in manibus lunula signatus est,) fulco reflexae illinc cutis insident, vnde indies sensim incrementes ita antrorsum paulatim protruduntur, vt quouis circ. semestri in integrum renouentur.

 SECTIO XVIII.

DE

G V S T V.

 §. 231.

Sapores lingua percipiuntur et quodammodo etiam vicinis interni oris partibus cutaneis; palati praesertim medii, faucium, buccarum, imo et labiorum; attamen his omnibus non nisi acrium et grauiter amarorum sensus aliquis est *).

§. 232.

Princeps vero gustus instrumentum *lingua* est †), idemque maxime agile, obsequiosum, mutabilis formae; mirabilis texturae carnea, aliquatenus cordis texturae comparandae.

§. 233.

*) GREW's *anatomy of plants* p. 284 sq.

cl. PETR. LUCHTMANS *de saporibus et gustu* LB. 1758.

4. p. 58 sqq.

†) MALPIGHII et FRACASSATI *epistolae de lingua* Bonon. 1665. 12.

§. 233.

Tegitur autem inuolucris ad cutis similitudinem accedentibus: epithelio nempe, quod ipsi cuticulae locus est, reticulo Malpighiano *), et papillosa denique membrana cuius structura parum ab ea corii abhorret.

§. 234.

In eo maxime differt, quod epithelium, loco cutanei vnguinis, muco illiniatur et humectetur, ex coeco foramine Meibomiano **) et reliqua expansione glandulosa Morgagnii †) oriundo; tum vero et papillarum conformatione, quas vulgo in petiolatas, obtusas et conicas diuidunt ††), quarum istae paucissimae lunata quasi serie ad

*) In canibus ouibusque versicoloribus plerumque etiam linguam et fauces reticulo variegato conspicua vidi.

**) cf. JUST. SCHRADER *observat. et histor. e HARVAEI L. de generat. animal. p. 186.*

†) MORGAGNII *adversar. anat. prima tab. I.*

††) RUYSCH *thes. anat. I. tab. IV. fig. 6.*

B. S. ALBINI *annotat. acad. L. I. tab. I. fig. 6-II.*

ad radicem linguae positae sunt, reliquae vero variis magnitudinis gradibus promiscue linguae tergum, et maxime margines et apicem ubi nempe acutissime gustat, obfident *).

§. 235.

Et haec quidem papillas adeunt extrema filamenta nervi lingualis quinti paris **), quorum ergo adminiculo proxime nos gustare probabile est.

Nonum enim par †) et qui itidem linguam adit ramus octavi ††), magis motibus linguae multifariis ad manducandum, deglutiendum, loquendum &c. inferuire videntur.

§. 236.

*) cf. HALLERI egregia linguae hominis vini descriptio in *Dictionn. encyclopéd.* ed. Ebrodun. Vol. XXII. p. 28.

**) Jo. FR. MECKEL *de quinto pare nervorum cerebri.* Goetting. 1748. 4. pag. 97. fig. I. n. 80.

†) cl. Jo. F. W. BÖHMER *de nono pare nervorum cerebri.* Goetting. 1777. 4.

††) v. HALLER *icon. anatom.* fasc. II. tab. I. lit. g.
cl. MONRO *on the nervous system* tab. XXVI. *

§. 236.

Oportet autem, vt lingua rite sapiat, eandem humidam, sapienda autem liquida esse et salibus solutis scaterere †); quodsi enim aut ipsa lingua aut res ipsi admotae siccae sunt, tactu quidem eas explorare potest, quo in vniuersum exquisitissimo gaudet, non vero sapere tunc dicenda est.

Quando vero acutissime sapit, papillae apicem linguae eiusque margines obsidentes reuera erigi aliquantisper videntur.

†) BELLINI *gustus organum nouissime deprehensum*. Bonon. 1665. 12.

SECTION XIX.
DE
O L F A C T V.

§. 237.

Olfactu effluvia rerum odorata percipimus, quae quidem inspiratione hausta eam maxime membranae Schneiderianae *) partem feriunt, quae narium septi vtramque paginam et conuexas concharum facies obuestit.

§. 238.

Quaquam enim vniuersae nares internae †) cum vicinis qui in easdem hiant sinibus

*) CONR. VICT. SCHNEIDER *de osse cribriformi et sensu ac organo odoratus* Witteb. 1655. 12. quod quidem classicum opusculum in historia physiologiae quasi epocham constituit, non solum quod primus in eo functionem olfactus rite constituerit auctor, sed maxime quod veterum de eius organo tanquam emunctorio cerebri somnia dissipauerit.

†) SAM. AURIVILLIUS *de naribus internis* Upsal. 1760. 4.

sinibus ††), simili humida membrana obductae sint, varia tamen huic diuersis in locis natura esse videtur.

Ea enim quae nares spectat pars, reliquae cuti similior, sebaceis folliculis et vibrissis exinde nascentibus obsita est.

Quae vero narium septo et conchis adhaeret, fungosa est et cryptis muciferis scatet.

Quae denique sinuum frontalem, sphenoidalium, ethmoidalium et maxillarium parietibus inducitur, omnium tenerrima est, infinitis vasculis sanguiferis, roscidam exhalantibus aquulam, pertexta.

§. 239.

Is enim princeps, ne dicam vnicus sinuum istorum vsus esse videtur *), ut laticem

††) cf. HALLERI *icones anat.* fasc. IV. tab. II.

DUVERNEY *oeuvr. anatom.* Vol. I. tab. XIV.

SANTORINI *tab. posth.* IV.

*) Odoratum enim inferuire hos sinus, parum vero si quid vnquam ad vocem et loquelam conferre, (quae tot physiologorum opinio fuit,) pluribus demonstrari

laticem eiusmodi aquosum praebeant qui primo in triplices narium meatus delatus, exinde in proxima quae diximus odoratus instrumenta diffluat, eademque perpetuo irrorando, eam ipsis impertiat statutam humiditatem, sine qua sagacitas huius sensus stare nequit.

Huicque fini ipso etiam situ variorum istorum sinuum ita prospectum est, ut quouis capitis situ semper tamen ex vno alteroue ros ille in olfactus officinam depluere possit.

§. 240.

Fungosa vero quam diximus membranae nasalis pars, qua nempe maxime olfacimus, praeterquam quod itidem innumeris vasculis sanguiferis perreptetur (vel ideo memorandis quod nulla alia corporis vasa spontaneis haemorrhagiis tam saepe
tamque

monstrari *prolus. de sinibus frontalib. Goetting. 1779. 4.* argumentis usus multifariis tam ex osteogenia, quam ex anatome comparata, et ex phaenomenis pathologicis depromtis.

tamque facile obnoxia sint) nervis praefertim primi paris *), tum et a binis ramis quinti paris instructa est, e quibus autem non nisi primum istud par ipsi olfactui proxime inferuire videtur **); reliqui vero communi earum partium sensationi, quae v. c. sternutationem excitat &c.

§. 241.

*) cl. METZGER *nervorum primi paris historia* Argent. 1766. 4. recuf. in cl. SANDIFORT *thesauro* Vol. III. cf. cl. MONRO *on the nervous system* tab. XXIV.

**) cf. cl. LODER *observatio tumoris scirrhusi in basi cranii reperti*. Jen. 1779. 4. — Historiam exhibet anosinae quae nervorum primi paris compressionem insecuta erat. Huic quidem alia Jo. MERY observatio opponi posset, qui eosdem nervos vitiatos vidit intemerato ceteroquin olfactu. Quae vero et me tamen mouent, ut nihilominus primo isti pari potiores ad ipsum odoratum partes tribuam, maxime ex anatome comparata hausta sunt argumenta, ubi sagacissimis mammalibus, quorum crania ad manus habeo, v. c. elephantis, ursi, canis, bisulcorum ruminantium, erinacei &c. amplissima quoque sit et numerosissimis canaliculis perforata lamina horizontalis ossis cribri-formis.

§. 241.

Extrema autem primi istius paris filamenta non vt in tactus et gustus organo fit, in papillas abire, sed in spongiosum et aequale istius membranae parenchyma quasi deliquescere videntur.

§. 242.

Neonatis arcta est et valde adhuc imperfecta odoratus officina. Sinus praesertim quos diximus vix adhuc vlli: hincque et olfactus ipse serius demum, efformatis sensim naribus internis, infantibus succedit; eo acutior posthac quo ampliora et curatius quasi efficta redduntur ea instrumenta †).

§. 243.

†) Vti enim ea animantia mammalia, quae reliquis olfactus acie praestant, qualia modo citauimus, amplissima instructa sunt olfactus officina; ita et inter humani generis varietates barbarae nonnullae gentes, quae sagacitate eminent, amplioribus quoque gaudere videntur odoratus instrumentis.

Ita cranium Indi Americae borealis, (gentis suae ducis, qui ante 30 circ. annos Philadelphiae capite plexus est) quod a cl. MICHAELIS exinde

§. 243.

Id denique memorabile, vix alium esse sensum externum, cuius tam magna cum ipso sensorio et sensibus internis conspiratio, et quasi in eosdem imperium sit quam odoratus.

Nullus

reportatum collectioni meae craniorum diuersarum generis humani varietatum ornamēto est, nares internas mirandae capacitatis prae se fert: adeo ut v. c. conchae mediae in bullas insignis ambitus quasi inflatae sint, et sinus singulares ipsis contentos, a SANTORINO primum observatos, nunquam alias tam vaegrandes viderim.

Proxime ad eam amplitudinem accedunt nares internae aethiopum, quorum tria crania ad manus habeo, etsi valdopere inuicem discrepantia, in vniuersum tamen olfactus officina latiore conspicua, quam et in iisdem hominibus curate obseruauit cl. SÖMMERRING *über die körperl. Verschiedenb. des Negers* &c. pag. 22.

Respondent autem his relationes testium fide dignissimorum de stupenda fere istorum barbarorum odoratus sagacitate.

de Indis v. c. Americae borealis cf. post alios URLSPERGER *Nachr. von der Großbritann. Colonie Salzburg. Emigranten in America* Vol. I. p. 862.

de aethiopibus vero v. *Journal des Sçavans* a. 1667. p. 60.

Nullus tantis idiosyncrasiis obnoxius; nullus aptior animi deliquiis tam excitandis quam fugiendis &c.

Neque alius delicatiorum et dulciorum impressionum capax videtur, ita vt Rousseauius aptissime odoratum *sensum imaginationis* appellarit †).

Neque aliae sensationum species tam viuidam recordationem excitare videntur, quam quae specificis odoribus in memoriam reuocantur.

†) *Emile* T. I. pag. 367.

SECTIO XX.

DE

A V D I T V.

§. 244.

Sonus tremula corporum elasticorum collisione excitatus perque aërem propagatus, ita auditu percipitur *), vt primo conchiformi *aure externa* cartilaginea **) [paucis nostratibus mobili †)] exceptus; conchae ope collectus quasi; in meatum auditorium amari-

*) cf. praeter tritissima DUVERNEII, VAISALVAE et CASEBOHMII de auditus organo scripta

J. MERY ap. LAMÿ *explication des fonctions de l'ame sensitive* Paris. 1683, 12.

VIEUSSENS *de la structure de l'oreille* Tolos. 1714. 4.

B. S. ALBINI *annotat. acad.* L. IV. tab. I. II.

LE CAT *théorie de l'ouïe* Paris. 1768. 8.

cl. MONRO *on the nervous system* tab. XXVII-XXXI.

**) B. S. ALBINI *annotat. academ.* L. IV. tab. IV.

†) v. JO. RHODIVS ad SCRIBON. LARGVM p. 44 sq.

JO. ALB. FABRICIVS *de hominibus ortu non differentibus.* Opusculor. pag. 441.

amaricante aurigine perunctum ††) delatus; *membranam tympani* in declivi positam fulcoque fere annulato ossis temporis inhaerentem, et meatum istum ab aure media separantem, feriat.

§. 245.

Pone istam membranam auris media s. ipsum *tympani cavum* ita positum est, ut fundo suo sursum simulque introrsum spectet.

Ternaque *) continet *ossicula auditus*, quorum extimum, sc. *malleus*, manubio suo membranae tympani adhaeret; processu spinoso, antrorsum verso, in adulto certe homine annulato quem diximus fulco plerumque accrescit; capitulo vero globoso ab *incudis* corpore excipitur.

N 4

Incus

††) cf. Jo. HAYGART in *medical observ. and Inquiries* Vol. IV.

*) Quantum enim quod inde a FRANC. SYLVII temporibus vulgo recipiunt ossiculum, et *lenticulum* vocant, si optima et plurima ex adulto homine exempla consulueris, nullum esse, pluribus ostendi opere osteologico pag. 144 sq.

Incus ipsa processu suo longiore extremo in mediam quasi tympani cauitatem porrecto *stapedis* capitulo iungitur.

Hic autem denique, basi sua fenestrae insidens ouali, vestibulum spectat labyrinthi, in quod sonus, tympani membranae allifus, trium horum ossiculorum iunctura propagatur.

§. 246.

Sed et Eustachii *tuba* *) ex intimis faucibus in tympani cauum penetrat: et scala cochleae inferior eodem tendit, cuius ostio, quod *fenestram rotundam* †) vocant, peculiaris membranula est praetensa. Vtriusque vero partis vsus nobis quidem nondum adhuc satis declaratus videtur.

§. 247.

In absconditis denique ossis petrosi recessibus labyrinthus latet s. *auris intima* trifarias iterum complectens partes:

vestibulum

*) EUSTACHIUS *de auditus organis*. opusculor. p. 161. sq.

†) cl. SCARPA *de structura fenestrae rotundae* &c. Mutin. 1772. 8.

vestibulum nempe, quod medium reliquis duabus interiacet, et in quod praeter fenestram ovalem tam quina *canalium semicircularium* retrorsum positarum ostia, quam superior scala *cochleae* antrorsum sitae, hiant.

§. 248.

Ipse hic labyrinthus aquulam continet
quae cl. Cotunnii nomen fert, et quam
binis canaliculis reforberi docuit, quos
ipse v. cl. *aquaeductus* *) vocat, cl. Mec-
kel *diuerticula* **), quorum alterum ex
ipso vestibulo, alterum e scala inferiore
cochleae ortum ducit.

S. 249.

Nervus vero mollis septimi paris, cum duro (qui postea *aquaeductum* Fallopii †) permeat) porum acusticum internum ingressus, medullofa sua filamenta cribrato

N 5

eius

*) cl. COTUNNI de aquaeductibus civis humanae Neap.
1760. 4.

•) cl. PH. FR. MECKEL de *labyrinthi auris contentis*.
Argent. 1777. 4.

†) FALLOPII *observat. anatom.* pag. 27 b sq. ed. Venet.
1561. 8.

eius fundo ††) immittit, quae partim vestibulum et canales semicirculares petunt, praesertim vero in ipsam cochleae basin ita abeunt, vt ad instar medullofae zonulae, striis plexiformibus elegantissime distinctae, inter binas septi cochleae laminae decurrant *).

§. 250.

Oscillatorius itaque tremor quem antea (§ 245) ad fenestram vsque oualem prosecuti eramus, exinde in vestibulum propagatur, vbi denique mediante ista aquula (§ 248) ipsissimos ferit nervos auditorios per labyrinthi anfractus tanto artificio distributos.

§. 251.

Modificando autem impetui soni in tympani membranam illisi perque tympani cauum propagandi, praeter mallei et stapedis

††) cf. BRENDÉLII *analecta de concha auris humanae* Goetting. 1747. 4.

Id. *de auditu in apice conchae* ib. eod. 4.

*) cf. ZINNII *observat. botanic.* Goetting. 1753. 4. p. 31 sq.

dis mufculos **), qui voluntatis arbitrio
tendi aut relaxari videntur †), chorda
quoque tympani ††) media inter mallei
manubrium et incudis crus longius ince
dens, inferuire cenfetur. *)

**) B. S. ALBINI *tab. mufcular. tab. XI. fig. 29.*

†) EUSTACH. *de auditus organ. pag. 157.*

cl. CALDANI *institut. physiolog. pag. 245 fq.*

††) JO. FR. MECKEL *de quinto pare nervor. cerebri fig.*
I. x. 71.

•) cl. COTUNNI l. c. § LXXXVIII.

MARHERR *praelect. in BOERH. institut. Vol. III. p. 343.*

SECTIO

SECTIO XXI.

DE

V I S V. *)

§. 252.

Vifus instrumenta, oculi **), globi sunt
 verfatiles, nervis fuis opticis, [de quorum
 decuffatione fupra dictum eft (§ 205.)],
 tanquam petiolis ita affixi, vt eorum in-
 fertio non ex directo corneae et iridis cen-
 tro obuerta, fed pone eam axin imagina-
 riam, paulo propius verfus nafum fita fit.
 (— Tab. II. fig. 1. h. —)

§. 253.

*) cf. ad hanc fectionem cl. PRIESTLEY *history and pre-
 fent ftate of discoveries relating to vifion* &c. Lond.
 1772. II Vol. 4.

et in tyronum vfum cl. HAESELER *Betrachtun-
 gen über das menfchliche Auge* Hamburg. 1771. 8.

**) EUSTACHII tab. XL.

HALLERI *icon.* fasc. VII. tab. VI.

Sed inftar omnium ZINNII quondam noſtri
deſcr. anat. oculi humani Goetting. 1755. 4. —
 recudi fecit cl. WRISBERG collega coniunctiffimus
 ib. 1780. 4.

§. 253.

Constat autem quivis bulbus varii ordinis tunicis, quibus diuersae densitatis pellucidissimi humores complectuntur, ita ut ab antico bulbi segmento fenestrato in fundum vsque ipsi ex aduerso positum, luminis radiis via pateat.

§. 254.

Et extimum quidem bulbi inuolucrum *sclerotica* est (— *Tab. II. fig. 1. a; fig. 2. a.* —) cuius vero anticum quasi hiatum explet perspicibilis *cornea* (— *fig. 1. b.* —), lamellofa, plus minus conuexa, tanquam segmentum minoris globi e maiore paulo prominens. †)

§. 255.

Proxime scleroticae cauum inuestit *chorioidea* (— *fig. 1. c.* —); vasorum sanguiferorum, maxime venarum vorticosarum, diues; vtraque pagina pigmento nigro

†) AD. JUL. ROSE *de morbis corneae ex fabrica eius declaratis*. Lips. 1767. 4.

gro tincta, quod concauae eius faciei mucī specie laxē saltim adhaeret.

§. 256.

Chorioidea vero amplectitur denique *retinam* *), intimam communium istarum bulbi tunicarum, ipsius nerui optici [scleroticam et chorioideam perforantis **)] propaginem medullarem, elegantissimae structurae †).

§. 257.

*) B. S. ALBINI *annotat. academ.* L. III. pag. 59 sq. L. IV. pag. 75 sq. L. V. pag. 66 sq.

**) v. cl. WALTER *de venis oculi &c.* Berol. 1778. 4. tab. I. fig. 2. tab. II. fig. 2.

†) Vasa retinae sanguifera egregiae pulcritudinis in sepe viua aquis submersa demonstrare, primus docuit JO. MERY in *Mém. de l'acad. des sc. de Paris, avant 1699.* T. X. pag. 656. et a. 1704. pag. 265.

Pulcherrime vero radiatam retinae faciem e lepore pridem elegantissima icone exhibuit ZINNIUS *Commentar. soc. scient. Goetting.* Tom. IV. a. 1754. tab. VIII. fig. 3.

e cuniculo nuper cl. FONTANA *sur le venin de la vipere.* Vol. II. tab. V. fig. 12.

elegantissime plicatam in bubonis oculo coram video.

§. 257.

Terminatur anticus chorioideae limbus cingulo celluloso, (— *fig. 1. d.* —) quod *orbiculum ciliarem* vocant, cuius ope respondentem fulco scleroticae tenacius inhaeret; et a quo binae aliae diuersi generis membranae, iris nempe et processus ciliares, tanquam expansi orbes discedunt.

§. 258.

Iris [cuius postica facies (— *fig. 2. c.* —) pigmento fusco obducta, *uvea* audit,] anterior est, versus corneam leniter conuexa aqueo humore vndiquaque alluta; angustior paulo versus nasum, latior qua tempora spectat. Textura ei cellulosae stipitatae, absque ullo fibrae muscularis vestigio; in vniuersum membrana sui generis est, pridem monente Zinnio *), et nequam chorioideae propago; antica pagina (— *fig. 1. e.* —) in aliis aliter colorata, et quamdiu vitali turgore viret, floccosam speciem mentiens.

§. 259.

*) *Commentar. societ. scientiar. Goettingens. Tom. IV. pag. 199.*

§. 259.

Vasa etiam iridis sanguifera maxime in eadem pagina antica decurrunt, et in foetu in *membranam pupillarem* [— *fig. 2. d. —*] *) continuantur, cuius vsum, ut nempe expansam retineat iridem dum bulbus rapida quasi celeritate increfcit, eademque ita ad futurum motum aptior reddatur &c., alibi pluribus ad naturam exposui †).

Septimo dein aut octauo grauiditatis mense, cum oculi globus iam ad insignem magnitudinem increuit, ea membrana centro suo fatiscere incipit; eiusque vasorum elliptici arcus sensim sensimque retrahuntur, tuncque ni grauitur fallor *annulum iridis interiorem* efficiunt, cuius certe ante eum terminum nullum in foetuum oculis vestigium reperire potui.

§. 260.

*) *Elegantis structurae membranulam primus obseravit FRANC. SANDYS, celeberrimus praeparatorum anatomicorum artifex; descripsit vero primus et iconem exhibuit EVER. JAC. WACHENDORF* *Commerc. litterar. Nor. a. 1740. hebd. 18.*

†) *Commentat. societ. scient. Goettingens. T. VII.*

§. 260.

Posterior binorum quos diximus orbium (§ 257) *ligamentum* f. *corpus ciliare* audit, retrorsumque magis vergens ab iride distat; limbo extimo crassiore †) adhaeret orbiculo ciliari (§ 257), interiore vero tenuiore marginem capsulae lentis cingit; itidem fusco quod bis iam diximus pigmento perfusum.

Antica eius pagina (— *fig. 1. f.* —) uveae obuerfa, striata est,

postica (— *fig. 2. b.* —) vitreo incumbens corpori distinguitur septuaginta circ. plicis elegantissime floccosis, vasorum apparatu ineffabilis plane subtilitatis et pulcritudinis conspicuis, quas *processus ciliares* vocant.

§. 261.

†) Ipsum huncce crassorem limbum in bisulcorum oculis percurrit canalis ciliaris a cl. FONTANA primum visus (*sur le venin de la vipere* Vol. II. tab. VII. fig. 8. 9. 10.) et a v. cl. ADOLPH. MURRAY curatius descriptus *nov. actor. Upsaliens.* Vol. III.

§. 261.

Continentur autem hocce bulbo cuius membranas haftenus descripsimus, triplicis maxime ordinis *humores*.

Et quidem posticam ac longe maximam globi partem replet *vitreus*, innumeris guttulis in totidem cellulas *membranae hyaloidae* ita distributus, vt vniuersum hocce corpus membranaceo-lymphaticum singularem tremulae gelatinae speciem prae se ferat.

§. 262.

Antrorsum corpus hocce vitreum adhaerentem sibi habet et *zona ciliari* cingit capsulam, qua *lens crystallina*, aquula Morgagnii circumfusa, continetur.

Ipsa vero lens itidem pellucidissima constat cellulosa, sed longe densiore ea vitrei corporis, tamque paucoscatente humore, vt digitis excepta, tenacissimum sed mirae claritatis aemulari videatur gluten.

§. 263.

Reliquum oculi interni spatium denique *aqueo humore* limpidissimo repletur, et ab expanso iridis orbe in binas *cameras* diuiditur: anteriorem sc. eamque capacior, quae corneam ab iride dirimit; posteriorem vero magis arctam, qua uvea a ciliari corpore distat.

§. 264.

Pretiosissimae autem hae corporis partes, ut Plinius sen. haud inique vocauit oculos, tam situ suo quo in orbitis reconditae sunt, quam palpebrarum valuatis tegminibus ab externis iniuriis seruantur munitae.

Et *palpebrarum* quidem duplicaturae interiacent multiplici serie coagmentati *folliculi sebacei* Meibomiani *): extremi autem earum margines triplici aut quadruplici serie *ciliorum* †) fimbriati, *tarfis*
O 2 cartilagi-

*) H. MEIBOMII *de vasis palpebrarum nouis ep.* Helmst. 1666. 4.

†) B. S. ALBINI *annotat. academ.* L. III. tab. III. fig. 4.

cartilagineis expansi sustinentur, motusque eorum super bulbo iisdem facilitatur.

Superiora autem, vt Ciceronis verba mea faciam, *superciliis* obducta, sudorem a capite et a fronte defluentem repellunt, et nimiam quoque lucem quodammodo arcent.

§. 265.

Lubricandis denique oculis et nitori eorum conseruando et heterogeneis eluendis inferuiunt *lacrumae*, quarum princeps fons glandula est conglomerata in orbitae tecto exteriora versus recondita. Numerosi ei sunt, sed tenerrimi ductus excretorii, quos in vtroque oculo per nycthemerum ad binas circ. vncias lacrumarum excernere ferunt: quarum posthac reformationi destinata sunt puncta lacrumalia, vnde porro per cornua sic dicta limacum in faccum eiusdem nominis, exinde vero denique in narium meatum infimum deferuntur.

§. 266.

§. 266.

Tantum de fabrica organi visus prae-
mittere necesse erat. Iam ad ipsas eius
functiones, s. visus rationem accedamus.

Lucis itaque radii acutiore angulo,
quam qui 48 graduum est, in conuexam
corneam incidentes, eandem transeunt;
et quidem vt tam densitas quam figura
huius medii affert, insigniter in ea ipsa,
minus paulo in humore aqueo ad axin
refringuntur.

Quotquot dehinc eorum pupillam per-
vadentes in lentem illabuntur ipso hocce
magis adhuc denso medio, magis quoque
adhuc refringi necesse est.

Vitrei vero tenuioris iterum medii
ope cauetur, ne nimis breui foco coëant,
sed is ipse elongatus in retinam incidat,
rerumque obiectarum imaginem, eamque,
vt natura rei fert, inuersam exhibeat.

§. 267.

Et quidem ea diuersa istorum medio-
rum densitas summum diuini creatoris

opificium declarat, vtpote qua duplici aberrationi radiorum, ob diuersam nempe refrangibilitatem colorum, et ex figura lentium, ita medetur, vt radii nihilo minus in eundem denique focum colligantur †).

§. 268.

Celebre autem problema, quo quaeritur, quomodo ergo erecta videamus obiecta, quorum tamen imago inuerfa retinae exhibetur, facile videtur solutu consideranti, inuerfa vocari non nisi respectu habito ad alia, quae erecta exhibentur.

Nunc vero, cum non quorundam saltem sed omnium ac singularum rerum obiectarum, et nostri ipsius corporis &c. imagines eodem plane relatiuo situ a retina excipiuntur, omnium ac singulorum situs et relatio aequae bene sibi respondent

ac

†) V. LEON. EULER *sur la perfection des verres obiectifs des lunettes* in *Mém. de l'ac. des sc. de Berlin.* 2, 1747. pag. 274.

ac si reuera erecta exhibita fuissent, ita ut animae (cui non ipsa haec imago sed sensus saltim eius illapsu excitatus communicatur) ab omni confusionis errore perfecte cautum sit †),

§. 269.

Cum autem longe plurimae ad acute et distincte videndum requirantur conditiones, iisdem multifariis quoque functionibus partium mire prospexit creator.

Et primo itaque cum sufficiente quidem aut definita tamen neque nimia et perstringente lucis quantitate ad claritatem visus opus sit, duplici modo ita cautum est, ut primo pro ratione fortioris debiliorisue luminis maior minorue quoque eius radiorum quantitas in lentem illabatur; tum vero etiam ut adhuc superflua et claritati officiens eius pars absorbeatur.

Prius efficitur iridis motu; posterius pigmento nigro.

†) cf. cl. GRIMM *de visu*. Götting. 1758. 4.

§. 270.

Iridi ea memorabilis inest mobilitas, qua se lucis rationi ita accommodat, ut fortiori luci exposita expandatur et pupillam arctet, debiliori vero luce affecta ipsa retrahatur et pupilla dilatetur. †)

Hunc motum diuersimode explicare sategerunt physiologi; aliis eundem ex vario sanguinis in vasa eius impulsu declarantibus, aliis putatitios iridis musculos fingentibus, quibus eum committerent &c. Neutrum vero locum habere posse, sed longe probabilius et magis naturae phaenomenis accommodate causam iridis motus proximam ex vita eius propria (§ 47.) repetendam esse, singulari scripto nuper ostendi; remotiorem, ut supra iam innuimus (§ 255), vero non nisi ex ipsius sensorii reactione deriuare licebit.

§. 271.

†) ZINN de motu uveae 1757, in *Commentat. societ. scientiar. Goettingens.* Tom. I.

cl. FEL. FONTANA dei moti dell' iride Lucc. 1765. 8.

§. 271.

Pigmenti autem fusci, cuius toties iam meminimus (§ 255. 258. 260.), functio, ut nempe superfluum lucem absorbeat, et magna hinc eius ad bene videndum dignitas, praeter alia argumenta ex animalium varii ordinis oculorum dissectione haurienda, maxime leucaethiopum morbosa constitutione demonstratur, quibus ex defectu huius pigmenti molesta visus teneritudo et lucis impatientia nascitur †).

§. 272.

Porro vero requiritur, ut focus refractorum radiorum rite se ad retinam habeat, ita ut punctum visionis neque nimis elongatum pone eam, neque nimis breue vitreo corpori incidat.

Posterius vitium myopibus est convexiore cornea et lente magis gibba praeditis.

O 5

priori

†) Pluribus de iis egi tam L. *de generis humani varietate nativa* ed. 2. pag. 106-122. quam diff. *de oculis leucaethiopum*.

priore vero presbytae laborant, vtpote quibus contraria earum oculi partium conformatio contingit.

§. 273.

Cum vero perfecte sanus oculus et remotiores et propiores obiectas sibi res aequae distincte cernere possit, eundem peculiaribus eo fine instructum esse facultatibus oportet, quibus se pro varia ea obiectorum distantia accommodare possit *); et haec quidem mutationes oculi internas maximam sane partem perfici pressione musculorum bulbi rectorum, praeter alia argumenta luculentissime doceor singulari plane fabrica et obsequiosa flexilitate scleroticae in phocae Grönländicae oculo, cui animanti amphibio cum alternis peradeo diversae densitatis media videndum sit, natura ea fabricatione ad amissim prospexit †).

§. 274.

*) cl. H. W. MATH. OLBERS *de oculi mutationibus internis* Goetting. 1780. 4.

†) *Commentat. societ. scient. Goettingens.* T. VII. p. 62. fig. II. f. g. h.

§. 274.

Iisdem etiam musculis vigilis hominis oculi, perpetuo fere etsi insensibili motu agitantur et in directum obiectae rei aduersum axem componuntur.

Quanquam enim vniuersa retina sensu praedita sit, non tamen vndiquaque accipiendis rerum imaginibus aequae apta.

Primo enim ad verum bulbi axem, vbi nempe neruus ingreditur opticus, humanum †) oculum coecutire, notissimo Mariotti experimento vulgo constat.

Reliquae autem retinae *principalis focus* et qui princeps distinctae visionis instrumentum censeretur debet, in imaginarium incidit bulbi axem, qui centro corneae et totius bulbi respondet; quod tamen, vt nuper in Boerhaavium animaduertit cl. Kaestner, non ita intelligendum est,

ac

†) Humanum dico oculum; nam in quorundam animalium oculis, quos ad manus habeo, phocae v. c. et hystricis, verus et imaginarius axis idem est, neruo optico corneae et pupillae centro ex directo aduerso.

ac si immoto oculo vnicum saltem obiecti punctum distincte et viuide videre liceret, et ad quoduis aliud distinguendum oculi axem mutare necesse esset, quum potius integri obiecti vnica et integra simul sensatio oriatur *).

§. 275.

Habitus autem oculi axem momentanea facilitate versus obiectum dirigendi, vsu demum et exercitatione acquiritur. Demonstrat hoc tum eorum exemplum quibus postquam coeci nati fuerant adulta demum aetate visus restitutus est †), tum et infantium tenellorum, vtpote qui vix ante tertium aetatis mensem ad eam facilitatem pertingunt.

§. 276.

Eidemque habitus et consuetudinis vi tribuendum videtur, quod binis oculis obiecta tamen vnica tantum cernamus; nam

*) *In optica quaedam* BÖERHAAVII et HALLERI commentatur ABR. GOTTH. KAESTNER. Lips. 1785. 8. p. 7.

†) v. cl. BORTOLAZZI *sopra una cieca nata guarita*. Verona. 1781. 8. p. 99 sq.

nam et neonati itidem diplopes videntur, et post varios oculorum morbos itidem aliquamdiu superstes visa est diplopia, vfu demum et exercitatione superabilis.

§. 277.

Caeterum vtriusque oculi iuncta acies eam singuli oculi ex Jurini asserto non nisi decima tertia parte superat.

Quid quod, pridem obseruante summo pictore Leon. da Vinci ad distantiam obiectorum iudicandam vnico tantum vti oculo praeſtat †).

§. 278.

In vniuerſum autem oculi aciem eo redire, vt viſionis angulus ad minimum 34 minutis *ſecundis* maior eſſe debeat, elegantiffimis experimentis demonſtrauit vir ſummus, quondam noſter, Tob. Mayer: ſimulque ſummam humani oculi perfectiōnem et exinde comprobauit, quod iſte terminus

†) cf. LAMBERT *ſur la partie photométrique de l'Art du peintre* in *Mém. de l'ac. des ſcienc. de Berlin* a. 1768. pag. 80 ſq.

terminus visionis quavis sub luce, situe solis meridiana, situe debilis lucernae sibi perinde fere similis maneat, ita ut vel tantopere imminuto lumine vix tamen quicquid de claritate visus decedat †).

§. 279.

Ad infinitam exinde minutiem imaginum rerum obiectarum concludere licet, quae in retinam proiiciuntur ††), et quae nihilominus tanta vi eidem quasi imprimuntur, ut certis sub circumstantiis vestigia earum supersint adhuc, etiam si obiectum ipsum non amplius oculo obuerfetur *).

†) TOB. MAYER *experimenta circa visus aciem* in *Commentar. soc. scient. Goettingens.* Tom. IV.

††) DE LA HIRE *accidens de la vue* pag. 375.

*) GASSENDI *vita PEIRESKII* pag. 175 sq. ed. Hagenc. 1655. 4.

cl. FRANKLIN'S *Letters on philos. subjects* ad calcem *Ej. Exper. on electricity.* Lond. 1769. 4. p. 469 sq.

cl. ROB. WAR. DARWIN *experimenta noua de spectris s. imaginibus ocularibus, quae obiectis lucidioribus antea visis, in oculo clauso vel auerso percipiuntur.* LB. 1785. 4.

Sed maxime cf. de hisce, multisque aliis affinis visus phaenomenis elegantissima obseruata cl. MEISTER in *Hamburg. Magaz.* Vol. XXIII. P. III.

SECTIO

SECTIO XXII.
 DE
 SENSIBVS INTERNIS
 ALIISQVE
 ANIMAE FACVLTATIBVS. *)

§. 280.

Et hisce ergo, quos hactenus indagauimus, sensibus externis potiori nostri parti, animae, ideae aduehuntur; nihil enim ut tritissimum theorema fert, est in intellectu quod non antea fuerit in sensu.

§. 281.

*) cf. classicas SULZERI de animae facultatibus dissertationes, Actis Berolinensibus sparsim insertas; collectas in Ej. *vermischten philos. Schriften* Vol. I. Lips. 1773. 8.

it. cl. E. PLATNER *Anthropologie*.

et cl. BONNETI varia huius argumenti scripta, maxime autem Ej. *Essai de psychologie* cuius nuperrima ed. extat T. VIIIvo collectionis operum viri amicissimi.

§. 281.

Suscipiendis autem et conseruandis hisce ideis sensuum adminiculo comparatis, iisdemque rite dehinc vtendis, non vnus generis inferuiunt animae facultates a corporeis, quae vidimus viribus vitalibus toto quidem quod aiunt coelo diuersis (§ 42.), neruosi tamen systematis ope proxime cum istis corporeis viribus ita iunctis, vt mirum exinde animi et corporis commercium nascatur et alatur (§ 210 sq.).

§. 282.

Et prima quidem earum virium, ea-que quasi in inferiore gradu posita, facultas est *percipiendi*, cuius ope anima impressionum in sensuum organa factarum conscia fit.

§. 283.

Iuuat autem eam facultatem, alia, eaque altioris dignitatis *attentio*, quae animum in ideam aliquam excitatam ita dirigit, vt de ea vnice et quasi tota cogitet.

§. 284.

§. 284.

Conseruandis autem ideis, quae perceptae erant, iisdemque viuidius quoque excitandis et associandis inferuiunt aliae binae facultates, quas *sensus internos* vocant, memoria nempe et phantasia; quae etsi valde affines sibi sunt, ita tamen distinguendae vt *memoria* signis magis rerum arbitrariis recipiendis et custodiendis inferuire videatur; †) *phantasia* e contrario ipsas potius imagines fuscitet, tanquam praesentes denuo exhibeat, illustret; et quidem viuidissime eas quae aut voluptatis aut taedii sensum excitant.

§. 285.

In vniuersum autem eadem grata ingrataue sensationis varietate nititur quoque facultas appetendi et auerfandi, et si rem subtilius pensitemus, totius *voluntatis* fundamentum.

§. 286.

†) G. GOTTL. RICHTER *de natura, lae, et praesidiis memoriae humanae* Goetting. 1752. 4.

cl. E. PLATNER *de vi corporis in memoria* Spec. I. H. Lips. 1767. 4. recuf. in cl. BALDINGERI *sylloge opusc. medico-pract.* Vol. III.

§. 286.

Et ex eodem phantasiae fonte derivandi etiam sunt animi *affectus* s. commotiones, quibus singulos homines pro multifaria maxime temperamentorum diuersitate (§ 59) aequae diuersimode subiectos esse videmus, et quorum intima et momentanea cum corporis functionibus consensio numerosis exemplis luculentissime patescit †); ita ut v. c. vix vllum sit animi pathema, quod non in cordis motum aut ciborum appetitus et digestionis rationem aliquam vim exferere valeat; ut singulares effectus taceamus, quibus v. c. pudor in erubescentiam, amor aut odium in sexuales functiones, ira in bilis secretionem &c. agere constat.

Quid quod et respectu istorum effectuum, quos animi commotiones in corporis oeconomiam exercent, eosdem generatim in excitantes et deprimentes diuidere licet.

Prioris

†) cf. desideratissimi DE MARÉES elegans *de animi perturbationum in corpus potentia specim.* Goett. 1775.4.

Prioris ordinis sunt gaudium, amor, spes, ira &c.

Posterioris timor, tristitia, nostalgia aliaeque desiderii species, terror, inuidia.

§. 287.

Haecenus enarratae animi facultates brutis cum homine communes sunt, etsi hic perfectione earum ista impense plane superet; cum nulli v. c. animantium memoria tam ingentis ambitus et tam ferreae quasi tenacitatis; nulli tanta phantasiae viuacitas et animi pathematum lethalis subinde vehementia &c.

§. 288.

Summa tamen humanae mentis praerogatiua in eo consistit, quod ea sola ac vnica *rationis* vsu polleat, cuius nempe ope iudicare, ideas abstractas sibi formare valet, &c. et cuius praeterea summa quoque in plerasque reliquas animi facultates potentia est; cum reliquis animantibus multifarii eius loco *instinctus* s. coeci et inuoluntarii impetus concessi sint, ad actiones fini-

bus suis respondentes fubeundas; quorum e contrario, praeter venereos stimulos, vix ulli homini competunt.

§. 289.

Ingens autem diuersitas, qua animales instinctus et humana ratio ab inuicem abhorrent, meridiana luce clarius patefcet consideranti

instinctus connatas esse facultates, rationis e contrario vsum non nisi cultura et educatione acquiri:

instinctus sibi similes manere, neque augeri &c. rationis vero vsum limitum plane expertem esse:

instinctus statutae saltem cuiusuis animalium generis vitae rationi, climati &c. adaequatos esse, et vel ex eo capite homini plane non conuenire, vtpote cui nulli climati, nulli vitae generi adstricto vniversus habitationi destinatus sit terrarum orbis: ex qua autem ipsa illimitata praerogatiua multifaria quoque oriuntur desiderata quibus simplex instinctus neutiquam
respon-

respondisset, rationis vero vfus aequè multifario modo ad amiffim fatisfacere potest.

Denique vero et alia rationis vfum fequitur hominis praerogatiua, loquelaefcil. vfus, quem fupra iam tetigimus (§ 154), et quì ipfi vnico ac foli conuenit, cum brutis e contrario non nifi vox concessa fit.

SECTIO XXIII.

DE

IIS CORPORIS ACTIONIBVS

QVAE VOLVNTATIS ARBITRIO

SVNT OBNOXIAE.

§. 290.

Duplici defungi neruos officio vidimus (§ 214). Altero fentiendi ; mouendi altero. Prioris rationem haecenus profecuti sumus. Iam vt paucis de postremo agamus restat.

§. 291.

Et quidem in vniuersum partium humani corporis motus ita ad duas classes reuocare solent, vt alii voluntatis arbitrio regantur, alii non item.

Huius exempla vulgo citantur rhythmus cordis , tum intestinorum aliorumque quorun-

quorundam viscerum motus peristalticus
&c.

Istius vero ordinis censentur longe plerorumque reliquorum muscutorum motus.

Denique autem ambigitur adhuc de nonnullorum indole, vt respirationis, sternutationis, tensionis membranae tympani, &c. quos alii ad arbitrarios, alii ad involuntarios, alii ad mixtos referunt.

§. 292.

At enimvero curatius ea diuisione pensitata facile intelligitur grauibus eam premi difficultatibus, ita vt sane limites inter eiusmodi classes definire vix sit possibile.

Pauci enim ab vna parte excitari poterunt corporis nostri functiones, in quas voluntatis imperium plane nullum esse dicere liceat, maxime si et imaginationis et animi pathematum cum voluntate connubium spectes.

Ab altera autem, exempla sunt functionum muscularium, quae etsi natura sua plane arbitrariae sint, vi tamen consuetudinis, (cuius in vniuersum summum est circa motus animales momentum et dignitas,) quasi inuoluntariae redduntur.

§. 293.

Posterioris generis sunt primo loco eiusmodi musculares motus, qui etsi alias voluntate regantur, certis tamen sub circumstantiis inscio, imo vero et inuito subinde animo agunt.

Ita v. c. *inuita* contingit nobis nictitatio appropinquante versus oculum digito amici, etiamsi non tangat; — aut flexio digiti annularis, quae nempe in plerisque hominibus digiti minimi flexionem sequi solet &c.

Inscio vero animo artus quandoque mouemus quamuis altissimo sepulti somno.

Ab.

Ab altera vero parte exempla etiam sunt musculorum, qui etsi longe plerumque voluntati rite obediant, quibusdam tamen in casibus eam sequi recusent: quo v. c. referre licet difficultatem, manu et pede *eiusdem* lateris *contraria* directione circulum describendi, aliique id genus motus, qui etsi voluntarii et quidem ex facillimis fient, si singuli exerceantur, difficillime tamen peraguntur quoties certis quibusdam aliis motibus iunguntur †).

§. 294.

Quod vero eos motus attinet, quos nullatenus voluntatis imperio obnoxios esse censent, vix praeter vteri ad partum spasmos, alium novi omni exceptione maiorem.

De cordis enim pulsu celebris extat historia Angli tribuni militum, quem cordis et arteriarum motum pro arbitrio suppressere potuisse, grauiissimorum medicorum

P 5

Bay-

†) cf. WINSLOW in *Mém. de l'ac. des scienc. de Paris*
1739.

Baynardi et Cheynei autoptarum habemus testimonium †).

Et ventriculi motum voluntarium esse posse, ut ruminatio in vniuersum docere videtur, ita luculentissime in viro comperi ruminante, cui ea affectio plane arbitraria erat.

Iridis motus etsi in longe plerisque hominibus inuoluntarius sit, accepi tamen ab idoneis testibus exemplum viri, qui eidem, adhibito quodam singulari nixu, impetare et pupillam etiam in tenebricosa luce arctare poterat.

Et ita multifaria sunt motuum genera quae etsi plerumque absque animae imperio peragantur quibusdam tamen hominibus voluntarii sunt, praesertim si attentio *) et phantasiae sufflaminatio accesserit. Ita noui homines, qui quouis momento sibi spasmodicam cutis horripilationem

†) CHEYNE'S *Treat. of nervous diseases* p. 307 sq.

*) cf. *Rapport des Commissaires chargés par le Roi de l'Examen du magnétisme animal*. Paris. 1784. 4. pag. 16.

nem excitare possunt, simulac ingratarum quarundam sensationum ideam sibi resuscitant & f. p.

§. 295.

Explicare haec forte liceret ex reactione sensorii, quae aequè bene imaginationis ope, stimulum agentem repraesentantis, quam stimulo ipso reuera in sensorium agente, excitari posse videtur. Sunt sane quamplurima oeconomiae animalis phaenomena eiusmodi explicationi egregie respondentia; vt variae v. g. causae erectionem virilis virgae excitantes &c.

§. 296.

De voluntariis motibus in vniuersum id denique adhuc annotare liceat, esse eos ex characteribus primis et principibus, qui animale regnum a vegetabili distinguunt: vtpote qui vti nulli vnquam plantae conueniunt, ita e contrario neque a longe simplicissimis animalium generibus absunt.

§. 297.

§. 297.

In nobismetipsis autem iidem motus
luculentissimum praebent documentum in-
timae harmoniae, qua anima cum corpore
suo conspirat, quod vel rapidam celerita-
tem cogitanti patebit, qua exercitati fidi-
cinis digitorum, aut cuiusvis loquentis
organorum sermonis multifarii motus se
excipiunt.

 SECTIO XXIV.

DE

MOTV MUSCULARI.

 §. 298.

Proxima autem longe plerorumque corporis nostri motuum organa, musculi sunt, qui inter omnes eiusdem partes similes maximam molem constituunt.

§. 299.

Duplici autem praesertim charactere a reliquis partibus similibus distinguuntur musculi; altero a fabrica eorum desumpto; altero quem singulare vis eorum vitalis genus praebet.

§. 300.

Fabrica vero ea †) carnea est ex fibris sui generis, pallidissime subrubellis, ita compacta ut quisque musculus ex fibrosis
 primo

†) E. S. ALBINVS *hist. muscular. hominis* L. I.

primo lacertis, lacerti porro e fibrarum fasciculis, hi autem iterata huiusmodi progressiua diuisione denique ex minutissimis istis fibris et fibrillis carneis constat †).

§. 301.

Cingitur autem musculus celluloso involucro, quod ipsum in substantiam eius penetrans totique quasi intertexta, lacertis primo, tum fasciculis, denique ipsis etiam fibris et fibrillis sepimento fit.

§. 302.

Praeterea autem vniuersa musculorum compages infinitis plane vasis sanguiferis et filis nerueis perreptatur; e quibus haec in inuisibilem pulpam deliquescere et cum fibris musculosis intime commisceri videntur; ista vero vel tenerrimis hisce fibris ita intertexta sunt, vt totis istis carnibus exinde satur nascatur sanguinea rubedo, qua

†) De microscopica harum fibrarum motricium indagine cf. WYER. GUL. MUYS *de carnis musculosae structura*. LB. 1730. 4.

cl. PROCHASKA *de carne musculari* Vienn. 1778. 8.

qua vero elota; natiuus ipsis restituitur quem diximus (§ 300) pallor.

§. 303.

Plerisque denique musculis et hoc accedit, quod in tendines abeant, partes itidem quidem fibrosas, attamen adeo diversissimae indolis †) respectu coloris, texture, elateris &c. vt facillimo negotio vtriusque generis fibrarum discrepantia patefcat, et ea physiologorum opinio refutetur, qui tendineas fibras e muscularibus sensim subnasci putauerunt, eo praefertim phaenomeno seducti, quo infantium musculis, si cum iis adutorum comparaueris, proportionem plus inesse carnae partis quam tendinosae constat.

§. 304.

Alter quem citauimus (§ 299) musculi character exclusiuus, *irritabilitas* est Halleriana *), cuius notionem et a contractilitate

†) cl. ADOLPH. MURRAY *de fascia lata* Upsal. 1777. 4. pag. 6 sq.

*) Hallerianam voco irritabilitatem non quod primus inuenerit eam Goettingensis scholae fidus, qui

tractilitate differentiam supra quidem iam exhibuimus (§ 44), vltiorem autem eius indaginem heic loci prosequamur.

§. 305.

Est autem haec irritabilitas, f. vis muscularis, f. insita f. propria, omnibus partibus musculosis communis quidem, sed non omnibus eodem gradu, vtpote quo aliae partes alias longe antecellere observatum est †).

Princi-

qui ipse vir summus toties antecessorum suorum a GRISSONII inde temporibus de irritabilitate placita laudavit, sed quod primus eandem pro dignitate prosequutus fuerit, innumeris vniuersionibus illustrauerit, auxerit, totiusque ab ipso ita instauratae doctrinae summam in vniuersa oeconomia animali vim et potentiam demonstrauerit; tum vero etiam vt eandem a GAUBII irritabilitate distinguam, qui vir meritissimus eam physiologicam vocem ad morbosam sensilitatem solidi viui, transtulit.

†) v. HALLER de partibus c. h. irritabilibus in *Commentar. soc. sc. Goetting. T. II.*

et de iisdem in *Nov. Commentar. Goetting. T. IV.*

Ex innumeris aliis de eodem capite auctoribus citasse sufficiat

cl.

Principatus debetur musculis cauis qui functionibus vitalibus et naturalibus inferuiunt, et quidem inter omnes vt supra iam dictum est (§ 118) eminet cor, cuius praesertim interior superficies viuacissima et maxime diuturna gaudet irritabilitate.

Proxime cor excipit ea praerogatiua tubus intestinalis, imprimis tenuium: quae et in calidi sanguinis animantibus quandoque adhuc irritata contrahuntur, silente iam corde ipso.

Haec sequitur ventriculus,
hunc vesica vrinaria &c.

Inter reliquos musculos insignis iterum est irritabilitas eorum qui respirationem spectant, vt diaphragma, intercostales, triangularis sterni.

Sequuntur

cl. ZIMMERMAN *de irritabilitate* Goett. 1751. 4.

cl. OEDER *de eadem*. Hafn. 1752. 4.

JAC. EBERH. ANDREAE (praef. PH. FR. GMELIN) *de eadem*. Tubing. 1758. 4.

Alios nonnullos iam passim diximus.

vt et integras tres collectiones scriptorum ad eandem facientium (v. pag. 166.)

Q

Sequuntur ceteri muscoli.

Minor, aut aliqua tamen inest arteriis
(§ 123).

item truncis venarum thorace contentis
(§ 84).

Adhuc minor, si genuina est irritabilitas, reliquis venis sanguiferis (§ 127).

§. 306.

Aliis quibusdam partibus magnus ipse in ea doctrina arbiter, Hallerus, irritabilitatem male tribuisse mihi videtur, quae quidem *contractilitate* (§ 50 sq.) praedita esse experimentis comperi, irritabilitatem vero nunquam in iisdem observare potui.

Pertinent huc venae lacteae, glandulae, vesica fellea, vterus, tunica dartos et virga virilis.

Sed non maiori iure ab aliis tributam video irritabilitatem iridi, extimae pulmonum faciei &c. quibus tamen omnibus partibus si quid recte video non magis ea

vis

vis conuenit quam telae cellulosae et partibus ex ea stipatis, integumentis communibus, meningibus, pleurae &c., peritoneo &c., periosteo, membranae medullari, tendinibus, aponeurosis &c.; aut visceribus parenchymate proprio (§ 27) constantibus, hepatis, spleni, renibus, secundinis, cerebro cum reliquo systemate nervoso &c. quae partes ad vnam omnes ut musculari fibra, ita irritabilitate eidem vnice propria omnino carent.

§. 307.

Vti autem irritabilitatem muscularem cum *contractilitate* cellulosae subinde confusam vidimus, ita ab altera parte nuperis maxime temporibus eandem ad *nervositatem* referre placuit viris nonnullis cl. †).

Q 2

Quam-

†) Maxime huc pertinent celebres lites de nervorum in cordis motum potentia, de opii in cor et nervos agendi ratione &c.

cfr. praeter alia scripta egregia, passim alias citata

Quanquam vero neutiquam infitianda sit neruorum in muscularem motum imperium, de quo mox paucis agendum erit, neque vel minimam muscularis carnis fibrillam exhibere liceat, quae neruosa pulpa plane orba dici possit, neutiquam tamen haec obstare videntur, quin irritabilitatem pro vi sui generis, aequae a nervea quam a contractilitate luculentissime differentem, habeamus. Deest enim ab vna parte ea vis omnibus aliis partibus non-musculosis, etiamsi ceterum neruorum ditissimae sunt, vt corium, tot neruosa viscera &c.; ab altera vero non nisi musculosam carnem genuina irritabilitatis phaenomena exhibere videmus; ita vt vel his praeter plurima alia argumenta iunctim ponderatis rationi magis consonum videatur, singularia ea phaenomena singulari fibrae

ROB. WHYTT'S *Essay on the vital and other involuntary motions of animals* Edinb. 1751. 8. et auctius in operibus ib. 1768. 4.

cl. JO. AUG. UNZER *erste Gründe einer Physiol. der eigentl. thierischen Natur thierischer Körper.* Lips. 1771. 8.

fibrae muscularis texturae tribuere, quam nervis eandem imputare, qui tot aliis corporis partibus cum musculis communes sunt, attamen ne tenuissimum quidem vllae irritabilitatis vestigium in ipsis excitant. Taceo tot alia magni ponderis argumenta exinde v. c. petita, quod nulla obseruetur relatio gradum inter irritabilitatis partis cuiusdam et nervorum copiam ad eandem accedentium & f. p.

§. 308.

Ipsae autem nervorum summae partes quibus utique in musculos agere notissimum est, eo potius redire videntur, ut tanquam *remotiores* f. *excitantes* motus muscularis causae considerari possint, minime verò cum *proxima* f. *efficiente* confundi debeant, quae sola ac vnica insita musculosae carni irritabilitas erit.

Agunt v. c. animi pathemata in sensorium, reagit hoc in nervos cordis ita ut irritabilitatem eius excitent, quae palpi-

tationem aliasue motus eius anomalias efficit.

Agit voluntas in sensorium, reagit hoc in nervos brachii, hique tunc eodem modo tanquam remotiores causae motum muscularem excitant, qui vero proxime ab ipsa irritabilitate efficitur & s. p.

§. 309.

Et huicce quidem vtriusque generis causarum ad motum muscularem concurrentium distinctioni ad amussim respondent experimenta, quae tam de paralyfi partium quae sectis aut ligatis nervis ad eas pertinentium superueniunt †), quam de irritabilitate nihilominus tunc diutissime subinde superstitite, toties capta sunt.

§. 310.

Quaenam vero sanguinis quo musculi plenissimi sunt (§ 302) ad actionem eorum sit efficacia nondum adhuc liquido constat.

Steno-

†) Jo. H. v. BRUNN *experimenta circa ligaturas nervorum in vivis animalibus instituta* Goetting. 1753. 4.

Stenonianum fane experimentum *) ita plerumque cedere solet, vt ligaturam aortae abdominalis itidem insequatur paralysis crurum posteriorum †).

§. 311.

Praeter infinitas hasce quas adhuc indagauimus vires musculorum communes, singulis iam accedunt propriae et aduentitiae, ex varia eorum figura, situ &c. oriundae, mechanismo cui destinatae sunt ad amissim respondentes.

§. 312.

Et in vniuersum quidem eo ex capite musculi diuidi solent in cauos et solidos; quorum isti vt vidimus voluntatis imperio non proxime subiecti ad vitales et naturales magis functiones pertinent, ideoque non amplius huius loci sunt, vbi de voluntariis vt vocantur, qui nempe ad animalium functionum ordinem spectant, loquimur.

Q 4

§. 313.

*) STENONIS *elementor. myologiae spec.* Florent. 1667. 4. pag. 86.

†) v. COURTEN in *philos. Transf.* No. 335. p. 500.

v. HALLER in *Commentar. soc. sc. Goetting.* T. IV. p. 293.

§. 313.

Verum et hos ipsos ingens intercedit differentia. Vt enim de varia eorum magnitudine taceam, diuersissima ipsis est lacertorum et fasciculorum dispositio ac fibrarum directio, partisque praesertim carnea ad tendineam habitus et relatio, denique et decursus ac insertio ratio &c.

§. 314.

Longe plurimis tamen fusiformis plus minus oblonga est forma, ita ut ventricosae eorum carnes utrinque in tendineas abeant funes, inertes quidem et omnis irritabilitatis expertes, qui ossibus plerumque infixi vectium more eos mouent.

§. 315.

Vti enim paucissimi sunt muscoli tendinibus destituti, qualis est latissimus colli; ita et tantum non omnes ossibus affiguntur, excepto nempe iterum quem modo citauimus, it. cremastere ut vulgo se habet, azygo uvulae, plerisque qui oculi bulbum mouent &c.

§. 316.

§. 316.

Istis autem viribus tam communibus (§ 304 sq.) quam propriis (§ 311 sq.) instructi muscoli actionibus suis defungendis apti sunt, qui itidem in communes et proprias diuidi possunt.

§. 317.

Communis, quae nempe proxime ex irritabilitate fluit, omnibus est, ut carnes eorum breuiores fiant, rigidiores, plerumque etiam inaequabiles ac quasi angulosaе, et quod celebri experimento Glissoniano †) constare videtur, ut simul detumescant paulo.

Menfuram vero istius imminutionis cum Jo. et Dan. Bernoullio aliisque iathromathematicis ad communem calculum reuocare, vetat praeter alia ingens differentia eo respectu primo musculos

Q 5 cauos

†) GLISSON *de ventriculo et intestinis* pag. 191 sq.

Sed prior iam idem experimentum Londinensi scientiar. societati exhibuerat JONATH. GODDARD. v. BIRCH's *hist. of the royal Society* Vol. II. p. 356. 411 sq.

cauos et solidos ; tum vero etiam hosce posteriores ipsos intercedens.

§. 318.

Actiones musculorum propriae (§ 316) viribus eorum propriis respondent, et quod per se exinde fluit, adeo infinitis modis variant, vt ad nullas plane generaliores leges referri possint.

Quae enim vulgo statuitur regula, quemuis musculus attrahere dum agit obsequiosiore partem cui infigitur versus alterum magis fixum, ea ipsa ex sapiente Winslovii monito †) quam maxime relatiua et diuersis limitationibus obnoxia est; ita vt v. c. ex duabus istis partibus modo haec modo illa mobilior reddi possit, quando altera interim *coniuncta* plurium aliorum musculorum actione figitur et stabilis redditur.

Sed et contraria ratione flexorum actio etsi plerumque antagonists suis extensoribus ita praeualere videntur vt corpore perfecte

†) *Mém. de l'ac. des scienc. de Paris* 1720.

perfecte quieto brachia, digiti &c. paulo flexi sint, non tamen vnice ex vi quam ad eam flexionem subeundam impendere videntur, sed maxime ex voluntaria laxatione extensorum, quibus ipsis succurrimus quasi, aestumari debet.

§. 319.

Quibus omnibus denique accedit peculiaris cuiusuis musculi *mechanismus*, singulis quibus proxime destinatus est motibus adaequatus †).

Iuuant eum praeter statutam cuius figuram, non vnus generis alia adminicula, vt ligamenta annularia quibus nonnulli cinguntur; adeps, qua plurimi perfusi sunt; ros lymphaticus quo ad vnum omnes scatent; et quod primo loco citari oportebat, sceleti ipsius conformatio, maxime quod apophysium structuram attinet, tum quod articulationum coniugationem; quid quod et integra ossa, vt patellas

†) Jo. ALPH. BORELLVS *de motu animalium* Rom, 1680
sq, II Vol. 4;

patellas et ipsis similia sesamoïdea vnice motui quorundam muscutorum facilitando destinauit natura.

§. 320.

Compenfatur ita aut faltem minuitur ea inenitabilis virium iactura, quae ex vniuerfi corporis conformatione et ftatura neceffario fluit, vbi ob acutum multorum muscutorum infertionis angulum, aut huius prope hypomochlium vicinitatem multum eius vis decedit, quam fi remotiore loco aut obtufiore angulo eos funes infertos fingimus, iidem exferere potuiffent.

§. 321.

Et fic quidem corpori nostro circ. 450 et quod (pro fexuali aut indiuiduali varietate) excurrit, musculis inftituto, duplex nafcitur fummi momenti commodum, mobiliffimae cum membrorum tum vniuerfi corporis agilitatis, et mirandi eiusdem roboris laborumque patientiae. Vtrumque partim quidem ab ipfa muscutorum perfectione

fectione pendet, ad quam non minus ac ad ipsorum ossium perfectionem adolescente demum aetate pertingimus, partim vero vsu quoque demum ac exercitatione acquiritur, quae quantum in musculis tam roborandis quam agillime mouendis valeant, funambulorum, saltatorum, cursorum, athletarum, baiulorum et barbarorum aut quos prisca tulit aetas hominum exempla demonstrant.

SECTIO

SECTIO XXV.

DE

S O M N O.

§. 322.

Vtraque neruosi systematis actio, cuius historiam hucusque absoluimus, sentiendi sc. et mouendi, ita fatigatur diurno usu ut nocturna ipsi quiete opus sit ad refo-cillandas vires, quas quidem gelidae mor-tis imago, *somnus* †), restituit.

§. 323.

Est autem somnus functio perfecte pe-riodica, qua commercium animi cum cor-pore suspensum quasi filet, et cuius phae-nomena iam sigillatim recensenda, si quæ alia, fluido cuidam nerueo non inepte re-spondere videntur.

§. 324.

†) STEPH. DICKSON *de somno* Edinb. 1783. 8.

RQB. CLEGHORN de eodem argumento. ib. eod. 8.

§. 324.

Sunt autem praeter alia praecursores et nuntii somni magis magisque sensim ingrauescens sensuum externorum hebetudo, et musculorum plerorumque voluntatis arbitrio subiectorum, maxime longorum, relaxatio; sanguinis item venosi versus cor congestio, et incommodi indeniati oscitationis ope leuamen; denique etiam in ipso quasi ultimo vigiliarum et somni limine, et vnius in alterum transitu singularis cuiusdam delirii brevis species.

§. 325.

Ipse tunc somni phaenomena eo redeunt, ut animales functiones in totum si-
leant, reliquae autem ad vnam fere omnes
segnius paulo et quasi torpidae procedant:
nam et pulsus somno sepultis lentior, et
calor animalis ceteris paribus aliquanto
imminutus, ut et perspiratio parcior, di-
gestio iniquior, excretiones (si ab ea ra-
riore masculi feminis discefferis,) sup-
pressae &c.

§. 326.

§. 326.

Causae quae somnum inducunt *remotiores*, in promptu sunt. Vt enim ipsa narcotica taceam, maxime illuc faciunt virium animalium dispendium ex fatigatione praegressa, aut vigiliis &c.; vis consuetudinis, et quae ex eodem partim fonte vires suas somniferas habent tenebrae, silentium, quies &c.; tum et lenes et vni-formes et continuae in quosdam sensus agentes impressiones, vt murmur riuuli aut aspectus segetis zephyro agitatae &c.; porro pastus praegressus †), frigus intensius corporis periphericum *), aliaque sanguini-

†) cl. DAN. LANGHANS *de causis ortae a pastu somnolentiae* Goetting. 1747. 4.

*) Hinc periculi plenissima et tamen fere inuincibilis totiesque lethifera somnolentia rigente sub dio homines corripientis, cuius placidissimi quidem mortis generis numerosa lugubria monumenta in niualibus Sti Gotthardi cacuminibus vidi.

Similia pericula, quae cl. BANKS cum SOLANDRO aliisque sociis in terra del fuego subiit graphice describuntur in priore COOKII orbis periplo apud cl. HAWKESWORTH Vol. II. pag. 47 sq.

sanguinem ab encephalo deriuantia, pediluua, clysmata, ipsae denique grauiiores haemorrhagiae & f. p.

§. 327.

Et ipsae istae quas posteriore loco diximus remotiores causae ad *proximam* ducere poterunt, vtpote quam, omnibus collatis, in imminuto sanguinis versus encephalum tendentis flumine ponendum esse, verisimillimum videtur.

Respondet huic causae singulare phaenomenon, quod mihi ipsi oculis vsurpare licuit in homine viuo, cuius supra iam memini, cui, quoties et quamdiu dormitabat, cerebrum simul desidebat, interdium vero vigilantibus copiosiore sanguine turgebat.

Respondet etiam eidem ab altera parte peruigilium, quod nempe sanguinis versus caput congestiones sequi solet.

§. 328.

Somni mensura quidem magnam partem ab aetatis, corporis habitus, tempera-

R

menti

menti &c. varietate pendet: in vniuersum tamen omnia eo conspirant, longiorem somnum aut imbecillitatis comitem esse, (vt in tenellis infantibus et filicerniis videmus,) aut fatuitatis et torporis vberimum fontem.

§. 329.

Somno reſecti expergiſcimus, et is quidem in vitam reditus ſimilibus fere ac ex ea in ſomnum tranſitus ſtipatur ſymptomatibus; oſcitatione ſc. quam vero tum plerumque pandiculatio comitatur, ſenſuum etiam aliquali hebetudine & ſ. p.

§. 330.

Caſſae vero euigilantes, iis quae ſomnum inducunt reſpondere videntur:

proxima nempe erit ſanguinis fluentum copioſius ad encephalum rediens.

remotae, praeter conſuetudinis vim, cuius heic magna potentia eſt, ſtimuli varii generis, ſintue externi ſenſus ſopitos excitantes, ſintue interni, iidemque aut in
corpus

corpus proxime agentes vt vesicae repletio; aut mediante phantasia systema nervorum afficientes, quod somniorum est.

§. 331.

Sunt autem *somnia* imaginationis quasi lusus, quibus rerum perceptarum species renocat, seque iisdem exercere et agitare videtur.

Eius autem facultatis nulla ante tertium aetatis mensem in neonatis observare potui vestigium.

Et sunt adulatorum exempla qui nunquam se somniasse asseruerunt †).

Plerumque quidem confusa sunt et inordinata id genus nocturna phantasmata;

R 2

est

†) Et quod maxime mirandum, sunt inter eos homines viuidissimae imaginationis! — Nam de summo v. c. viro GOTTH. EPHR. LESSING hoc relatum legimus (v. *Götting. Magaz.* 1781. P. I.)

Et ipse generosissimam novi foeminam maximi ingenii, de qua idem constabat,

cf. LOCKE's *Ess. concerning human understanding* Vol. I. pag. 74. ed. Lond. 1726. 8.

est tamen quandoque ut et rationis miranda testentur vestigia *).

In vniuersum autem magna corporeorum stimulorum ad excitanda somnia videtur esse potentia, feminis v. c. ad lubricas species, nimiae repletionis ad anxia visa &c. Imo exemplum accepimus relatum hominis, cui dormienti somnos pro lubitu fuscitare poterant amici, quando leniter eundem alloquendo somnii materiem suppeditabant †). Verum hoc ad mixtum praeter naturam statum somni et vigiliarum referendum videtur, quo et vere morbosa noctambulorum affectio spectat ††).

Sed et in vniuersum somnia pro eiusmodi status mixti specie habere placuit Lockio aliisque.

*) cfr. v. c. quae de se ipso retulit huc facientia cl. HOLLMANN *pneumatolog. psycholog. et theol. natural.* Goetting. 1780. 8. pag. 196.

†) cl. BEATTIE *dissertations moral and critical.* Lond. 1783. 4. p. 217.
cf. CLEGHORN l. c. p. 38 sq.

††) G. GOTTL. RICHTER *de statu mixto somni et vigiliae quo dormientes multa vigilantium munera obeunt* Goetting. 1756. 4.

SECTIO XXVI.

DE

VICTU EIVSQVE APPETENTIA.

§. 332.

Vt virium animalium dispendium somno, ita naturalium et ipforum corporis elementorum fucceffiua iactura victu reparatur.

§. 333.

Efficacissime autem ad eundem comparandum et assumendum compellunt voces naturae diuerſi quidem generis, ſed eodem tendentes, intolerandi nempe ab vna parte cruciatus famis et ſitis, ab altera dulciſſimae ſed non minus potentes appetitus illecebrae,

§. 334.

Et *famis* quidem ſtimulum alii in mutuo affricu rugarum vacui ventriculi quae-

R 3

ſiuere,

fiuere, alii in eo quod caput rei videtur, nempe in copiosiore non solum affluxu humorum inquilinorum, salinae maxime, gastrici liquoris et bilis, sed et acrimonia irritante, quae iisdem tunc superuenire solet nisi ingestis eidem tempestiue caveatur.

§. 335.

Sitis vero magis in ipsarum faucium et oesophagi molestissima siccitate, tum et in singulari stimulo ab acrium, salinorum praesertim, ingestione orto, quaerenda videtur.

§. 336.

Necessitas quidem utrique huic stimulo satisfaciendi pro varietate aetatis, habitu corporis, et maxime vis consuetudinis plus minus vrgens est, ut vix certi quid de ea statui possit; in vniuersum tamen eo res redire videtur, ut homo adultus et sanus, qui suae spontis est, [cui nempe nec phanaticis deliramentis nec aliis praeter naturam affectionibus istae voces naturae

turae

turæ obtunduntur †),] ne vnam quidem diem absque notabili virium prostratione, vix vero ultra octiduum sine vitæ discrimine esu carere queat.

§. 337.

Potum vero etsi eius desiderium vehementius urgere videtur, minus tamen ad vitam et sanitatem necessarium esse, docere videntur tum numerosæ calidorum animalium species, mures, coturnices &c. quibus nulla potandi necessitas imposita est, tum vero et ipsorum hominum exempla, qui omnis generis potulentorum plane defueti, diutissime sani et vegeti vixerunt *).

§. 338.

Quod vero *victum* attinet, quo istis naturæ vocibus internis facimus fatis, dis-

R 4 putatum

†) cf. post innumeros alios de diuturna inedia auctores, JAC. BARTHOL. BECCARIUS in *Commentar. instituti Bononiens.* T. II. P. I.

it. FLOR. JAC. VOLTELEN *memorab. apositiæ septennis hist.* LB. 1777. 8.

*) v. cl. G. BAKER in *medical Transact. publ. by the College of Physic, in Lond.* Vol. II. p. 265 sq.

putatum est, cuinam ex binis classibus principibus, animalis sc. aut vegetabilis, humani corporis fabrica magis respondeat, et cui ergo homo proxime a natura destinatus videatur?

§. 339.

Herbiuorum natura sua hominem esse post aliorum argumenta ex figura dentium *) aut longitudine intestinorum hominis **) desumpta, Rousseauius acute sane exinde comprobare studuit, quod femina natura sua vnipara sit et binis prouisa mammis †) &c.; quibus omnibus exempla etiam addere liceret ruminacionis humanae, vtpote quam affectionem nonnisi herbiuoris competere notissimum est.

Carniuorum e contrario qui cum Helvetio ††) faciunt hominem, ad breue eius

*) GASSENDI *ep. ad* JO. BAPT. V. HELMONT. *Oper. ed.* Florent. 1727. fol. T. VI. p. 17.

**) JO. WALLIS in *philos. Transact.* No. 269.

†) *sur l'origine de l'inégalité parmi les hommes* pag. 196 sq.

††) *de l'homme* T. II. p. 17.

eius intestinum coecum et similia argumenta prouocant.

§. 340.

At enim vero curatiore obseruatione luculentissime docemur neutiquam hominem ad alterutrum saltem, sed potius natura sua ad vtrumque istorum alimentorum genus destinatum esse: cum et dentes eius, maxime molares, tum et intestinorum fabricae quae modo citauimus momenta, medium quasi teneant inter easdem ferarum et herbiuororum partes: maxime vero etiam articuli ratio qua condyli mandibulae humanae offi temporum iuncti sunt eandem eius praerogatiuam demonstrant.

§. 341.

Et si vera sunt, vt sunt verissima, quae alias de hominis priuilegio monuimus, cui, latius quam cuiuis alii animanti, vniuersus patet terrarum orbis, facile exinde fluit, tum alterutro saltim victus genere male ipsi consultum fuisse, cum tot

nunc commodè habitet regiones etiamſi
vnius tantum alteriusue ordinis alimenta
ipſi praebeant.

§. 342.

Eſt vero homo omnium quae nouimus
animalium longe maxime omniuorum,
quod non ſolum ab vna parte ingenti da-
pum varietate ex vtroque organico regno
parata luxuriari, verum ab altera etiam
vnico fere eodemque ſimpliciſſimo victu
ſanus ac vegetus viuere poſſit.

Ita enim, vt pauciſſima ſaltem tangere
liceat exempla, innumeri homines hodie-
num vnice vegetabilibus veſcuntur, ſolani
tuberibus, caſtaneis, dactylis &c. qui et
aboriginum generis humani victus fuit,
vtpote, quos primo fructibus et radicibus,
tum frumentis et leguminibus vitam ſu-
ſtentaffe veriſimillimum eſt †).

Mauri

†) cf. coniunctiſſimi HEYNE *opuscula academica* Vol. I.
pag. 366 ſq.

Mauri nomades fere solo gummi Senegalico viuunt *).

Kamtschatkae totque aliorum littorum accolae piscibus.

In ipsa Europa Morlachi fere vnice carne **).

Imo vero barbarae nonnullae gentes carnibus crudis, quod fane quondam de Samojedis †), Esquimotis ††) et de australis Americae quibusdam nationibus *) infitiri non poterat.

Nec

*) cl. ADANSON in *Mém. de l'ac. des scienc. de Paris* a. 1778.

**) GIUS. ANT. PUJATI *rislessioni sul vitto Pitagorico*. Feltr. 1751. 4.

†) (DE KLINGSTAEDT) *Mém. sur les Samojedes et les Lapons* 1762. 8.

††) PETR. KALM de *Esquimaux, gente Americana* Åboæ. 1756. 4.

cl. CURTIS in *Philos. Transact.* Vol. LXIV. P. II. pag. 381. 383.

*) JO. WINTER ap. HAKLUYT *principal navigations of the English nation* Vol. III. p. 751.

Nec minoris momenti singularia circa
potulenta quarundam gentium occurrunt.

Plurium v. c. insularum, quae tropicos
interiacent, maxime in mari pacifico in-
colae aqua dulci omnimode carent, eius-
que loco lacte nucis cocos vtuntur.

Alii aquam marinam bibunt, et quae
sunt id genus alia innumera, hominem
omniuorum quam apertissime demonstrantia.

SECTION XXVII.
DE
MASTICATIONE
ET
DEGLUTITIONE.

§. 343.

Masticationi solidioris victus inferuit maxime inferior maxilla, aequae ac superior triplicis generis dentibus munita.

Incisoribus nempe qui plerisque †) hominibus scalpriformes sunt, et demordendo frusto inferuiunt.

Caninis

†) Plerisque inquam; nam ut singularium hominum exempla taceam, quibus subinde incisores obtusos esse videmus, id notasse liceat, me in pluribus mumiarum craniis dentes istos primores crassa et obtusa corona praeditos vidisse, ita ut parum a molarum configuratione abhorrerent. Et cum eadem crania, quae huiusmodi memorabilem varietatem prae se ferebant, quod ad vniuersam figuram et habitum singulari isti et fallere nesciae antiquissimae Aegyptiorum

Caninis robustis, conicis, quibus duriora diffringimus.

Molaribus denique variae magnitudinis ad conterendum aptis.

§. 344.

Iungitur autem mandibula reliquo capiti articulo memorabili, qui medium inter arthrodiam et ginglymum tenet; et meniscis praeterea duobus cartilagineis instructus cum sufficiente robore ac firmitate summam quaquauerfum obsequiosam mobilitatem conciliat.

Deorsum itaque eam maxillam agunt, dum os aperimus, maxime quidem biuenter, quem tamen nonnihil iuuare videntur geniohyoidei et mylohyoidei.

Redu-

gyptiorum physiognomiae egregie responderent, quam in idolis, sarcophagis, et statuis veteris Aegypti cernere licet, probabile sane videri posset, fuisse eam peculiarem dentium formam antiquissimis Aegyptiis propriam, ita ut gentilitiae notae, fortasse etiam characteris loco haberi possit, quo vetustissimas et maxime genuinas munias a similibus ferioris aevi funeribus medicatis distinguere liceat. — Pluribus de his egi in *Göttingisch. Magaz.* a. 1780. P. I.

Reducunt eandem dum morſu aliquid abſcindimus, et ingenti quidem vi conſtringuntur dum dura frangimus, maſſeteres praefertim et temporales.

In latera mōuent eandem cum mandimus pterygoidei interni et externi.

poſteriores etiam antrorſum eam ducere valent.

§. 345.

Retinentur et diriguntur et ſubiguntur dentibus mandenda, buccinatores et flexilima ac mutabilis formae lingua (§ 232).

§. 346.

Simul autem dum manducamus emulgetur quaſi *ſaliua*, quae aquoſus latex eſt, ſaponaceae quaſi indolis, parca ſcatens terra, (quae tartaro dentium et ſublingualibus calculis ortum praebet,) perpetua linguae aſſuetudine inſipidus etſi ſalis microſmici paululum continet, antiſepticus *) ſimulque

*) PRINGLE *on the diſeaſes of the army*. Append. pag. XLVIII. L. LXI ſq. edit. Lond. 1765. 4.

simulque resoluens et qui vegetabilia, maxime farinacea, facile fermentare faciat †).

§ 347.

Fontes eius triplicis ordinis glandulae sunt conglomeratae, quibus latera et interiora mandibulae obsidentur.

Maximae earum, *parotides*, (vel ideo memorabiles, quod facillime metastasibus obnoxiae sunt,) salivam suam Stenoniani ††) ductus ope pone dentem molarem medium superiorem excernunt.

Quam

†) MACBRIDE'S *experimental Essays* p. 16.

Hinc barbararum quarundam gentium artificium ex manis radicibus potum parandi inebriantem.

Brasiliensium v. c. ex radicibus iatrophae *manibot.* v. HANS STADEN *warhaftig Historia und Beschbr. eyner Landtschafft der wilden, nacketen, grimmigen Menschfresser Leuthen &c.* Marpurg. 1557 4. L. II. c. 15.

Maris pacifici incolarum ex piperis *methystici* radicibus. cf. amicissimi G. FORSTER *voyage round the world* Vol. I. p. 406 sq.

it. de ultimo COOKII itinere ipsique fatali splendidum opus Vol. I. p. 316 sq.

††) STENONIS *observationes anatomicae* p. 20.

Quam *submaxillares* suppeditant, ea per Whartonianos *) ductus effluit.

Minimarum denique, *sublingualium*, per numerosos ductus Rivinianos **).

§. 348.

Augetur salivae excretio, cuius ex Nuckii arbitraria quidem sententia †) ad integram vsque libram intra duodecim horas secerni vulgo putant, tum stimulo, tum mechanica pressione et quasi emulsione.

hac scil. (cui parotidum praesertim situs ad mandibulae articulum fauet,) ubi duriora manducamus, quae affluente isto latice egregie molliuntur.

illo vero aut reuera praesente, dum nempe acriora ingerimus, quae ipso isto affluxu utiliter diluuntur; aut etiam phantasiae ope excitato: quo et salivae affluxus pertinet, qui avidiorem cibi appetentiam sequitur.

§. 349.

*) WHARTONIS *adenographia* p. 110.

**) RIVINVS *de dyspepsia* Lips. 1678. 4.

AUG. FR. WALTHER, *de lingua humana* ib. 1714. 4.

†) NUCKII *salographia* p. 29 sq.

§. 349.

Miscetur autem praeterea salivae, tum mucus ex labialibus et genalibus glandulis oriundus †), et qui linguam obducit, tum roscida aquula quam molles oris partes transfudant.

§. 350.

Et hacce quidem salivali inquilinorum humorum mixtura ingesto frusto masticationis ope affusa, id ipsum non solum magis magisque in pultaceum et commode deglutiendum vertitur bolum, sed et simul iam ad vltiorem digestionem et assimilationem praeparatur.

§. 351.

Ipse vero deglutitionis mechanismus *) etsi maxime compositus videatur et reuera longe plurimarum diuersi generis partium coniunctis viribus peragatur, in vniuersum

†) DE COURCELLES *icones musc. capitis* tab. IV. e. e. e.

*) FR. BERN. ALBINVS *de deglutitione* LB. 1740. 4.

cf. etiam cl. HAASII *musculi pharyngis velique palatini observationibus illustrati* Lips. 1784. 4.

sum tamen eo redit, ut primo lingua versus propriam radicem retracta ideoque intumescens et quasi rigescens, dorso suo excavato bolum excipiat, unde in faucium isthmum deuolutus ab ampliato et ipsi quodammodo occurrente pharyngis infundibulo non sine singulari et violentiore nixu, quem quasi pro vitae propriae specie habere possis, accipiat, et dehinc ternorum pharyngis constrictorum †) ope in oesophagum depellatur; quae vero omnia citissime se excipiunt et breuissimis absolvuntur.

§. 352.

Pandendae autem huicce viae, securaeque eidem reddendae, variis natura prospexit adminiculis.

Et linguae quidem in eo negotio magni momenti motum moderatur os hyoideum.

Ne autem quidquam ingestorum aberrans quasi siue choanas siue Eustachii

S 2

tubas

†) EUSTACHII tab. XLII. fig. 4. 6.

SANTORINI tab. posthum. VI. fig. 1.

B. S. ALBINI tab. musculor. XII. fig. 23. 24.

tubas ingrediatur, palato molli cautum est, quod æque ac dependens ab eius arcuato laqueari uvula, peculiaribus musculis tenditur et istos recessus claudit †).

Glottidem vero ipsa tuetur lingua, cum larynx eodem momento quo deglutire conamur, sursum et antrorsum tractus abscondatur quasi sub retracta linguae radice, ipsique apprimatur, ita ut glottis insuper arcuata et epiglottide sua munita ab heterogeneorum illapsu tutissime tecta servetur.

§. 353.

Iuvat denique etiam deglutitionem mucī magna vis, quo uniuersa ea via lubricatur, quemque praeter linguales fontes, alias dictos (§ 234), maxime tonsillarum numerosi sinus *), tum et ipsius pharyngis innumerae cryptae muciparae praebent.

§. 354.

†) SANTORINI *tab. posthum.* IV. — VI. fig. 2. — et VII.

B. S. ALBINI *tab. musculor.* XII. fig. II. 27. 28.

*) B. S. ALBINI *annotat. acad.* L. III. tab. III. fig. I. n.

§. 354.

Ipse vero *oesophagus*, quem deglutienda antequam in ventriculum pertingere possunt vltro transire debent, carnosus canalis est, angustus quidem et valde robustus, simul autem obsequiosus et dilatabilis et maxime sensibilis, tunicisque constans, si a longe diuersa eorum crassitie discefferis, reliqui alimentaris tubi tunicis, haud dissimilibus †).

exteriore nempe musculosa, fibris contexta tam longitudinalibus quam transversis annulatis.

media neruea, vtrinque in laxiorem abiens cellulosa, cuius ope tam praecedenti quam subsequenti tunicae nequitur.

intima denique, mucro glaberrimo lubricata.

§. 355.

Ita ergo agit hicce canalis, vt aduenientem haustum aut bolum excipiat quidem

S 3 dem

†) v. MATTH. van GEUNS in *Verbandelingen van de Maatschappye te Haarlem* T. XI, p. 9 sq.

dem, mox autem super eodem se constrin-
gat eundemque inferiora versus vltro
propellat, et si bolus est, quasi infarciat
vsque tum diaphragma superauerit, et
ita denique in ipsum ventriculi cauum
delabatur.

SECTIO XXVIII.

DE

D I G E S T I O N E.

§. 356.

Est autem digestionis officina *ventriculus* in vniuersum magis quam vllum aliud viscus animantibus ad vnum fortassis omnibus communis, et si exinde dignitatem interaneorum aestumare velles, omnium facile princeps dicendus.

§. 357.

Humanus quidem ventriculus †) insignis amplitudinis utrem refert, in adulto plerumque trium et quod excurrit aquae librarum capax, duplicique ostio instructus:

superno altero, quod *cardiam* nominaverunt, quo nempe oesophagus plicata et

S 4 obliquius

†) EUSTACHII tab. X. fig. 1. 2. 3.

RUYSCH thes. anat. II. tab. V. fig. 1.

SANTORINI tab. posth. XI.

obliquius recedente apertura in ipsum stomachum dilatatur, eiusdemque fundum, sinistrorsum locatum, spectat:

altero inferiore, in quod dextra eaque angustior ventriculi pars abit, quodque *pylorum* vocant, et quod in vicini duodeni cauum paululum descendit.

§. 358.

Situs autem ventriculo non idem est vacuo ac repleto; cum *ille* flaccidus ita dependeat in abdominale cauum, vt maior eius curvatura deorsum spectet, pylorus autem sursum directus plicatum cum duodeno angulum efficiat †):

hic vero cibus turgens maiore ista curvatura antrorsum voluatur *), ita vt pylorus tunc rectiore via in duodenum tendat, cardia vero e contrario in angulum quasi complicata occludatur.

§. 359.

†) VESALIUS *de c. b. fabrica* L. V. fig. 14. 15.

*) *Id. l. c.* fig. 2.

§. 359.

Tunicæ ventriculū constituunt quaternæ principes, tribus aliis mere cellulosis quæ istas interiacent, distinctæ.

Extima istarum ventriculo cum reliquo tubo intestinali tantum non omni communis est, et in omenta infra dicenda, continuatur.

Excipit hanc, cellulosa tunica ipsi iuncta *muscularis* valde memorabilis, cum ab ea tum insignis ventriculi irritabilitas (§ 305), tum motus eius peristalticus infra memorandus pendeat. Contexta autem est stratis fibrarum muscularium †), quæ quidem vulgo in tres ordines diuidere solent, vnum nempe longitudinalium et binos circularium; (rectarum nempe et obliquarum fibrarum;) quæ tamen infinitis adeo modis variare constat, vt, vix quidquam certi de earum directione et distributione statuere liceat.

§ 5

Sequitur

†) cf. post HALLERVM BERTINVS in *Mém. de l'ac. des sc. de Paris* a. 1761.

Sequitur tertia membrana princeps, quam *nerueam* vocant, inepta sane appellatione, cum ex cellulosa constet stipata, vtraque pagina in laxiorem abiente, quibus exterius muscolari, interius villosae mox nominandae, nectitur. Firma autem est et robusta, adeo ut totius ventriculi basis dicta sit.

Intima denique, quam et abusive villosam vocant, mollissima est, quasi spongiosa, porosa, et in numerosas complicata rugas †), ita ut area eius longe amplior sit quam ea ceterarum quae diximus tunicarum; passim cellulas exhibet minutissimas ††), iis tamen longe maioribus, quibus reticulum ruminantium elegantissime distinctum est *), aliquomodo comparandas.

Muco intima eius superficies obducitur, ex cryptis ut videtur muciparis oriundo,
quae

†) RUYSCH *thes. anat.* II. tab. V. fig. 2.

††) ID. I. c. fig. 3. 4. *

*) PERRAULT *Essais de physique* Vol. III. tab. XIV. fig. I.
 cl. BUFFON *hist. naturelle* Vol. IV. tab. XVII. fig. 2. 3.

quae sane ad pylorum satis luculenter distinguere licet.

§. 360.

Insigni instruitur ventriculus neruorum apparatu †), vnde tam summam eius sensibilitatem repetere licet, (qua tam facillime ab omnis fere generis stimulis afficitur, sicutue externi, frigoris &c., sicutue interni aut ab ingestis, aut ab ipsis humoribus inquilinis profecti:) quam ingentem illum et plane mirabilem consensum, quem cum longe plerisque reliqui corporis functionibus alit; quo praesertim et animi commotionum ad vnam omnium in ventriculum imperium, et huius e contrario organi eiusque integritatis in animi serenitatem potentissimus influxus pertinet ††).

§. 361.

†) cl. WALTER *tab. neruor. thorac. et abdom. tab. IV.*

††) cf. cl. JO. H. RAHN *mirum inter caput et viscera abdominis commercium* Goetting. 1771. 4.

DID. VEGENS *de sympathia inter ventriculum et caput.*
LB. 1784. 4.

§. 361.

Sed non minus memorabilis vasorum quoque ventriculi sanguiferorum et copia et functio est, vtpote cuius arteriolae infinitis ramusculorum seriebus cellulosas eius membranas perreptantes, proximi fontes esse videntur *succi gastrici* qui ex intima ventriculi superficie perpetuis quasi riuulis destillat.

§. 362.

In vniuersum quidem is succus salinae haud dissimilis apparet, nisi quod ex cl. Spallanzani experimentis †), a fermentatiuis viribus plane alienus sit, quod ad reliqua autem itidem saponaceae indolis, aequae antisepticus, validissimum menstruum, ipsum lac postquam in ventriculo
leniter

†) *Dissertazioni di fisica animale e vegetabile.* Mutin. 1780. 8. Vol. I.

gall. prodiit Genév. 1783. 8. c. praefat. cl. SENEBIER, experimenta cl. Gosse recensentis, quibus hic emeticas aëris atmosphaerici vires deprehendit, iisdemque ad vltiorem succi gastrici indaginem feliciter vsus est.

leniter coactum est, sensim iterum resolvens ††).

§. 363.

Et ipsi quidem huicce succo principes in digestionis negotio partes tribuendae videntur, qui victum, si nempe bene mansus et saliali menstruo rite subactus fuerit, ultro resolvit et in pultaceum chymum vertit *).

§. 364.

Adiuvant autem eam maximi momenti functionem non vnius generis vires accessoriae et quasi subsidariae, inter quas *motus peristalticus* eminet, quo cibalis ea puls perpetua undulatoria agitatione conquassatur et subigitur **); efficacissima utique

††) cl. VERATTI in *Commentar. instituti Bononiens.* Tom. VI.

*) Quid quod et in funere ipsum ventriculum tunc inertem et vi sua vitali orbem subinde macerare et quasi digerere videtur. cfr. cl. JO. HUNTER *on the digestion of the stomach after death.* in *philos. Transact.* Vol. LXII.

**) cf. WEPFERI *cicutae aquaticae historia et noxae.* innumeris locis.

vtique commotio etsi neque tam ingens eius vis sit, qualem quondam iathromathematici fecerunt, neque omnis digestio vnice ab ea pendeat, qui aliorum error fuit.

§. 365.

Ad reliquas autem eiusmodi facultates adiutrices pertinet tum alter motus a preli abdominalis rhytmo ventriculo accedens; tum calidissima huius visceris sedes, quod ab insigni vicinorum vasorum et viscerum sanguinis copia fouetur, quem ipsum fortum tanti olim aestimarunt, vt coctionis voce pro digestionem vterentur.

§. 366.

Temporis periodum constituere, quo ingesta iunctis hisce quae hactenus enarrauimus (§ 361 sq.) viribus in chylum mutantur vix possibile videbitur cogitanti, quam multifaria ratione id pendeat cum a qualitate et quantitate ingestorum, tum a vario virium digerentium virtutis gradu, sed et a curatiore aut negligentiore masticatione

catione qua ingesta ad digestionem prae-
parantur &c.

In sano enim homine vegetus ventri-
culus digestibiles ingestorum partes non
prius dimittit quam in pulvem versae sint.
Vnde per se liquet pro victus varietate
varium quoque ad eius digestionem tem-
pus requiri †), quod tamen si quid in
vniuersum de eo constituere licet eo red-
ire videtur, vt intra tertiam ad sextam
vsque post pastum horam ventriculus ple-
rumque contentam pulvem sensim sensim-
que per pylorum emiserit.

§. 367.

Est autem *pylorus* ††) annularis lim-
bus, non vt aliae ventriculi interni ru-
gae vnice a villosa eius tunica formatus,
sed et a subiacentis nerueae fasciculis,
quid

†) cfr. Jo. WALAEVS *de motu chyli* pag. 534. ed. LB.
1651. 8.

††) cl. LEVELING *diff. sistens pylorum* &c. Argent. 1764.
4. recus. in cl. SANDIFORT *thes.* Vol. III.

quid quod et a muscularis membranae
singularibus quibusdam fibris: quae omnia
fere conoideum ventriculi exitum consti-
tunt, qui fere vt vteri ostium in vagi-
nam ita in duodenum porrigitur, et ab
eodem quasi comprehenditur.

SECTIO XXIX.

DE

SVCCO PANCREATICO

§. 368.

Chymo, postquam pyloro expulsus est, novae et graues in duodeno †) (breui sed valde memorabili intestinalis tubi tractu) vicissitudines subeundae sunt, antequam alibilis chylus ex eo separari possit; quo quidem fine denuo varii ordinis humores inquilini ipsi affundi debent, inter quos maxime eminent bilis et succus pancreaticus.

§. 369.

De utroque seorsim; et quidem de pancreatico latice primo agamus loco, quod reliquis binis humoribus resoluentibus, quos

†) LAUR. CLAUSSEN *de intestini duodeni situ et nexu* Lips. 1757. 4. recens. in cl. SANDIFORT *thes.* Vol. III. et huius ipsius cl. Leidenfis Professoris *tabulae intestini duodeni* LB. 1780. 4.

quos hactenus absoluimus, salivae nempe et gastrico humori tam quod ad indolem quam functionem valdopere affinis videatur.

§. 370.

Quanquam enim non nisi difficulter purus et sincerus sani animantis pancreaticus humor haberi possit, omnia tamen quae de eius natura curatius indagata comperimus, eo conspirant, esse eum in uniuersum salivae quam simillimum. Et vix hodiernum adhuc operae pretium foret memorare erroneas hypotheses physiologicas Franc. Sylvii †), eiusque asseclarum Regn. de Graef ††), Flor. Schuyl †††) aliorumque, de putatitio huius humoris acore, pridem ab egregiis viris Pechlino *), Swammerdamio **) et

†) de chyli a faecibus aluinis secretionem I.B. 1659. 4.

††) de succi pancreatici natura et usu ib. 1664. 12.

†††) pro veteri medicina ib. 1670. 12.

*) de purgantium medicamentorum facultatibus ib. 1672. 8.

**) Observationum anatomicar. collegii privati Amstelodamensis. P. II. in quibus praecipue de piscium pancreate eiusque succo agitur. Amst. 1673. 12.

et Brunnero ***) mascule refutatas, nisi monitorio documento essent, quam funesta et mortifera euadere possit praxis medica, nisi saniori physiologiae superstructa fuerit!

§. 371.

Verum et similis huic de qua agimus lymphae ac salivae fons est, *pancreas* †) nempe, quae omnium corporis humani glandularum conglomeratarum longe maxima est, et vniuersa sui structura proxime cum salivalibus glandulis conuenit; etiam in hoc, quod canales eius excretorii tenuissimis radiculis orsi, sensim confluentes, denique in communem ductum abeant, cui nomen a Jo. G. Wirsüng, qui eandem primus a. 1642 in humano funere eruit et promulgauit ††).

T 2

Penetrat

***) *experimenta noua circa pancreas* Amit. 1683. 8.

†) *SANTORINI tab. posthum. XIII. fig. I.*

††) *Figura ductus cuiusdam cum multiplicibus suis ramulis nouiter in pancreate a JO. GEORG. WIRSÜNG Phil. et Med. Doct. in diuersis corporibus humanis obseruati.*

Penetrat autem hicce ductus duodeni membranas, et succum quem ex ea glandula hauserat perpetuo stillicidio in cauum huius intestini plorat.

§. 372.

Denique et excretio huius succi iisdem viribus promoueri videtur, quas et supra ad salivae excretionem diximus; pressione nempe et stimulo.

Istius nempe ope emulgetur maxime quando ventriculus repletus ipsi pancreati incumbit.

Irritamenta autem sunt lymphae pancreaticae effluxum excitantia tum ipse adhuc crudus quasi chymus ex pyloro recens aduena, tum bilis eodem ac pancreaticus succus ostio effluens.

§. 374.

observati. Paduae 1642. haec inscriptio est tabulae istius archetypae, sed impensae raritatis, quam WIRSÜNGIVS ipse fieri curauerat et cuius exemplo me donauit cl. CALDANI.

§. 373.

Vfus huius fucci procul dubio ille est, vt chymum diffoluat, maxime si quid in ventriculo iniquius digestum fuerit; in vniuersum autem vberrimo fui accessu eam pultem magis magisque inquilinae humorum naturae assimilet et ad chyli-
ficationem aptiorem reddat.

SECTIO XXX.

DE

B I L L E.

§. 374.

Bilis secretioni destinatum est *hepar* †), viscus homini ponderosissimum, maximum, (praesertim foetui, quo propior origini suae materno in vtero fuerit), cuius vero summam in animali oeconomia dignitatem vel ex eius vniuersitate ponderare licet, qua animantibus rubro sanguine praeditis omnibus, non minus ac cor ipsum commune est.

§. 375.

Est autem hepatis substantia sui generis, quae vel primo intuitu ab ea aliorum viscerum distinguitur, parenchymate constans notissimi coloris et tenerae texturae,

†) EUSTACHII tab. XI. fig. 3. 4.

RUYSCH thes. anat. IX. tab. IV.

SANTORINI tab. posth. XI.

turae, quod nervis perreptatur numerosis*), tum venis lymphaticis, [maxime in vtraque eius superficie conspiciendis **),] ductibus porro biliferis, et denique quae his ipsis ortum suum praebent vasis sanguiferis †); ingentis numeri et insignis partim magnitudinis, sed diversi ordinis, de quibus seorsim nonnulla monenda sunt.

§. 376.

Et primo quidem loco nominanda venit *portarum vena*, cuius singularem et ab uniuerso reliquo systemate venoso abhorrentem habitum ac decursum supra iam paucis tetigimus (§ 86). Ex longe plerarumque nempe venarum visceralium in-

T 4

fimi

*) v. cl. WALTER opus pluries iam citatum, maxime tab. IV.

**) MAUR. v. REVERHORST *de motu bilis circulari eiusque morbis* tab. I. fig. 1. 2.

RUYSCH *ep. problem. V.* tab. VI.

WERNER et FELLER *descriptio vasor. lacteor. atque lymphaticor.* Fascic. I. tab. III. et IV. etsi in easdem icones animaduertit cl. FR. AUG. WALTER *annotat. academicae.* p. 101 sq.

†) v. HALLER *icones anat.* fascic. II. tab. II.

fimi ventris confluxu truncus formatur, qui cellulosa vagina, f. capsula vulgo sic dicta Glissonii ††) fultus, ad ipsum in hepar ingressum denuo in ramos et dehinc quo altius hi in eius substantiam penetrant in infinitas alias exilissimae denique subtilitatis ramificationes diuiditur, totum illud viscus vndiquaque perreptantes. Quare vniuersum illud systema iam pridem a Galeno cum arbore comparatum est, cuius radices in abdominale cavum dispersae, rami vero hepatis infixi haereant. *)

§. 377.

Alterum vasorum sanguiferorum genus quo hepatis prouisum est, *arteria* sc. *hepatica* e coeliaca ortum ducit, capacitatem quidem et diuisionum seriebus portarum vena longe inferius, ut tamen etiam vniuersum hepar perreptet et in subtilissimos ramusculos distribuatur.

§. 378.

††) GLISSONII *anatomia hepatis* p. 305 sq. ed. 1659.

*) de venar. arteriarumque dissectione p. 109. ed. Oper. Basil. 1562. Cl. I.

§. 378.

Vtriusque vero ordinis extremi fines in genuinas abeunt venulas, quae sensim confluentes denique in insignes venosos truncos concurrunt, qui *venae cauae* inferiori inferuntur.

§. 379.

Ipsi autem hi extremi fines, quibus isti *venae portarum* ac *arteriae hepaticae* ramusculi in *venae cauae* radículas trans-eunt, summae subtilitatis tenuissima vas-cula constituunt in exilissimos glomerulos conuoluta †), qui Malpighio quondam imposuerunt, ut eos pro acinis glandulosis, hexagonis, cauis, secretoriis haberet ††).

§. 380.

Ex iisdem vero vasorum sanguineorum glomerulis oriuntur denique *pori biliarii*, ductus nempe tenerrimi, qui felleum la-ticem sanguini detrahunt, et in commu-

T 5 nem

†) NEST. MAXIMEOW. AMBODICK *de hepate*. Argent. 1775. 4.

††) *de viscerum structura* pag. II. ed. Lond. 1669.

nem demum ductum hepaticum confluentes eundem ex jecore excernunt.

§. 381.

Iam vero quaesitum est, ex quonam sanguine proxime fecernatur bilis, num ex arterioso, an vero ex eo quem portarum vena aduehit?

Etsi autem priori sententiae fauere videatur primo intuitu aliarum secretionum analogia, utpote quas ad arterias pertinere vulgo constat, curatiores tamen indagatione facile docemur, longe principes sane si non in uniuersum omnes biliosae secretionis partes deberi portarum venae: utpote cuius tristis et phlogistico grauidus sanguis ad amissim respondet fellis indoli, quae e contrario mirum quantum a florido et ignito arterioso sanguine abhorret, quem coeliaca proxime ex aorta jecori transmittit.

Quod vero argumentum ab analogia petatum attinet, primo facile patet, ipsam
porta-

portarum venam cum arteriae quodad distributionem similis sit, ipsi quoque quodad secretoriam functionem aequiparari posse; tum vero eidem quam tuemur sententiae fauere etiam analogiam quae hepar inter et pulmones intercedit, quippe apud quos etiam vasa magna pulmonalia functioni istorum viscerum principi destinata sunt, bronchialis e contrario arteria, eorundem nutritioni, quo et ni grauitur hallucinamur, arteriae hepaticae vsus redire videtur; etsi faciles largimur, posse eam fortassis etiam aliquid, sed certo minoris momenti et aduentitii nec satis adhuc liquidi ad secernendam bilem conferre.

§. 382.

Secretus autem biliosus *latex hepaticus* lento sed continuo tramite per hepaticum ductum destillat; et si vacuum fuerit intestinum duodenum statim per communem choledochum ductum illinc delabitur; quamdiu vero istud chymo turgeat, aliam bili interim viam legere opus est, tuncque
ex

ex hepatico per *cysticum ductum* in felleam vesicam recipitur ibique aliquamdiu affer-
vatur, et iam *bilis cysticae* nomine venit †).

§. 383.

Est vero *vesica fellea* oblongus sacculus fere pyriformis, concauae jecoris faciei adhaerens, tribusque constans membranis.

extima scil. quae non totam cystidem cingit, et peritonaei propago est.

media, quam *nerueam* vocant, quae ut in ventriculo et intestinali tubo et lotii vesica ita et heic robur et tonum ipsi conciliat.

intima

†) Boui aliisque brutis praeterea peculiare ductus sunt *hepato-cystici*, quibus felleus latex ex ipso jecore in vesicam defertur. v. *observat. anatom. collegii privati Amstelodamens.* P. I. Amst. 1667. 12. p. 16. fig. 7.

it. PERRAULT *Essais de Physique* T. I. p. 339. tab. II.

Temere autem eiusmodi ductus humano quoque hepati tribuere sategerunt nonnulli. v. c. DE HAËN in *rat. medendi contin.* P. II. p. 46 sq. tab. X. fig. 1.

it. PITSCHER in *anat. u. chirurg. Anmerk.* Dresd. 1784. 8. tab. I.

intima denique †), quam quodammodo intimae ventriculi membranae (§359) comparare licet; itidem nempe infinitis vasculis sanguiferis pertexta, itidem quoque rugis distincta ††), quae subinde elegantissime cancellata reticula exhibent.

§. 384.

Ceruix huic vesicae conicus est in ductum cysticum abiens, serpentino ductu anfractuosus, et interius valvulis nonnullis falcatis praeditus *).

§. 385.

Retinet receptam bilem, donec ex declivi directione reclinato nempe et supino corpore, sponte sua elabatur, aut ex cystide pressione vicini intestini ieiuni ac ilei,

†) RUYSCH *epist. problem. quinta tab. V. fig. 3.*

††) cl. CASP. FR. WOLFF *de usu plicarum quae in vesiculis felleis nonnullorum corporum inveniuntur. in Act. Acad. scient. Petropol. a. 1779. P. II.*

*) ID. cl. WOLFF *de vesiculae felleae humanae, ductusque humani cystici et choledochi superficiebus internis l. c. P. I. tab. VI.*

it. cl. FR. AUG. WALTER *l. c. tab. I.*

ilei, tum et coli transuersi quando scybala illuc transeunt **), emulgeatur.

Stimuli etiam duodeno inhaerentes, bilis illuc deriuationem promouere poterunt.

Quid quod et insignis vesicae contractilitas, quam viuisectiones et phaenomena pathologica docent, (etsi omni irritabilitate destituta sit [§ 306]) istam excretionem iuuare posse, sane non improbabile videtur; maxime vbi vis stimulans contentae bilis accesserit.

§. 386.

Haec enim etsi in vniuersum quidem hepatico isti latici (§ 382) simillima sit, ea tamen mora et stagnatione concentratur quasi, tenacior et amarior redditur: quo et praesertim venae cystidis lymphaticae †) conferre videntur, aquosas bilis contentae partes sensim absorbentes.

§. 387.

**) cl. CALDANI *institut. physiolog.* p. 364 sq. ed. Patav. 1778. 8.

†) v. REVERHORST l. c. tab. II. fig. 4.

RUYSCH l. c. tab. V. fig. 4.

WERNER & FELLER l. c. tab. II. fig. 5.

§. 387.

Iam ergo de ipso felle agamus, summae dignitatis humore animali, et de cuius indole ac usu a quatuor inde lustris plura quam de ullo alio corporis nostri fuisse innumeris fere scriptis disputata et controuersa accepimus.

Et quidem quae de eo enarrabimus ad cysticum proxime spectant, quod et perfectior censendus, et paratu ad disquisitionem facilius sit.

§. 388.

Exhibet autem bilis ex funere recenti hominis adulti sani desumpta laticem paulo viscidum, coloris ex brunneo prasini †), inodorum, et si cum brutorum felle comparaueris saporis parum amaricantis.

§. 389.

Partes eius constitutivae etsi non sponte aut tam facili encheiresi adhibita feculant

ac

†) De coloris in bile varietate v. BORDENAVE *analyse de la bile* in *Mém. présentés &c.* T. VII. pag. 611. 617.

ac eae quae sanguini insunt, non adeo difficulter tamen indagari possunt, et reuera aliquam etsi non nimis vrgendam cum sanguineis elementis analogiam prae se ferre videntur.

Est enim et bili primo loco *aqueum* vehiculum, quod pars eius salialis nuperis quibusdam audit, et cum aqueo sanguinis elemento, quodammodo etiam, etsi non ab omni parte, cum sero eius comparari licet.

Porro et pauxillum albae et grumosae materiei ex ea separari potest, quae remotiorem quandam cum plastica sanguinis *lymphæ* similitudinem habere dicenda est.

Denique autem, et quod caput rei est, *phlogistico principio* *) abundat bilis, a venoso portarum sanguine eodem elemento quam grauidissimo, facile deriuando.

§. 390.

*) De huius elementi summa in felle dignitate v. GUL. MOORE *de bile* Edinb. 1780. 8. p. 21 sq.

§. 390.

Principi huic parti inflammabili, quae iam in bile ficcata, multo luculentius autem in calculis felleis †) vel eo se manifestat, quod igni admota facile flammam concipiat, qualitates quas diximus singulares, quae hunc humorem inquilinum ab aliis distinguunt, color v. c., sapor &c. tribuendae, et ab altera parte vires eius mox memorandae magnam partem exinde deriuandae videntur.

§. 391.

Redit enim bilis indoles non eo, ut saponis in modum oleo aequae amica ac aquae sit, et bina haec elementa miscere ac combinare valeat; (qui Boerhaavi-
nus

†) Et si enim magna choieolithos intercedat varietas quod ad figuram, crySTALLIFICATIONEM &c. in eo tamen quotquot eorum indagaui, (et eos indagandi Goettingae frequens occasio est) conveniebant ut facile inflammabiles essent, textura eorum autem ad eam *spermatis ceti* quodammodo accederet.

nus error post Schröderi †) quondam nostri egregia experimenta ab aliis confirmata et ulterius aucta ††), iam a plerisque physiologis depositus est;) sed ut contraria plane ratione elementa ea si iam mixta fuerint, disiungat iterum et separet *), ipsa quidem nullatenus alcalina **) acrimoniae tamen et acidae fermentationi aequae resistat ac putredini & f. p.

§. 392.

Et his rite perpenſis genuinus idemque ingens et multifarius vsus quem bilis

†) EJ. experimentor. ad periorē cysticae bilis indolem explorandam captorum Sect. I. Goetting. 1764. 4.

††) Paucos e multis citasse sufficiat:

SPIELMANN de natura bilis Argent. 1767. 4.

GER. GYSB. TEN HAAF de bile cystica LB. 1772. 4.

G. CHR. UTENDÖRFER exper. de bile Argent. 1774. 4.

DAV. WILLINK consideratio bilis LB. 1778. 8.

SEB. GOLDWITZ neue Versf. zu einer wahren Physiol. der Galle. Bamberg. 1785. 8.

*) MARHERR praelect. in BOERHAAVII institut. Vol. I. p. 463. 478. ed. 1785.

**) cf. curatas WACHENDORFII et WOERTMANNI bilis bubulae analyses in Huj. diff. de bile, utilissimo χυλοποιήσεως instrumento. Ultraj. 1745. 4.

lis in chylicationis negotio praestat per se fluit.

Primo nempe ex mixta ea et aequabili chymosa pulte quam ventriculus in duodenum dimiserat, et pancreas succo suo vltro diluerat, dum tenuium intestinorum tubum vltro legit, faeces sensim praecipitat, chylosumque cremorem ab iisdem separat.

Simul autem bilis ipsa in binas partes secedit, aquosam alteram, alteram phlogisticam; haec, faecibus adhaerens easque tingens cum iisdem postmodum excernitur, altera vero, ni grauitur fallimur, chylo admixta ad sanguinem redit.

Ita sanguini molestum phlogiston primo in hepate detrahatur et ad singularem et vtilissimum humorem perficiendum vertitur; postmodum autem quando usu isto defunctus est ille humor, tanquam superflua imo vero nocitura pars inter excrementa reiicitur et eliminatur.

Praeterea etiam bilis fixatum aërem, qui chymo adhuc inhaerebat, vltro euolvit et exterminat; intestinali autem tubo stimuli loco prodesse, eundemque ad motum peristalticum vegetius fubeundum instigare videtur.

Vt alias vtilitates taceam vulgo bili tributas mihi vero non adeo probabiles, v. c. vt et in ieiumum ventriculum regurgitare et appetitum excitare possit, quod in sano homine vix contingere puto & f. p.

SECTIO XXXI.

DE

LIENIS FUNCTIONE

§. 393.

Hepati tum vasorum commercio tum functionis affinitate proxime iunctus est *lien* †); a sinistris ipsi aduersus; figura sua oblonga *), in vniuersum quidem vicinis visceribus quibus adiacet, se quasi accommodans, multifariis vero ceteroquin varietatibus formae, numeri, aliisque naturae quasi lusibus obnoxius **).

V 3

§. 354.

†) Quicquid ad sua vsque tempora de liene innotuerat, studiose collegit, et succincte exhibuit CAR. DREINCOURT fil. *de lienosis* ad calcem opusculor. Patris, ex ed. BOERHAAVII p. 720 sq.

tum vero cf. CHR. LUD. ROLOFF *de fabrica et functione lienis* Erf. ad Viadr. 1750. 4.

*) EUSTACHII tab. XI. fig. 8. 9.

BIDLOO *vindiciae delineationum anat. contra animadu.* RHYSCHII LB. 1607. 4. tab. III. fig. 1.

**) v. cl. SANDIFORT *Natuur en genees-kundige Bibl.* Vol. II. p. 345 sq.

§. 394.

Color ipsi liuidus, textura vero plane singularis, mollis, friabilis, facile lace-randa, ideoque duplici inuolucro membranaceo munita, quorum interius lienis proprium est, exterius autem ab omento proficisci videtur.

§. 395.

Situs vero et volumen lienis praeterquam quod non minus ac figura eius singularibus subinde varietatibus ludant, in vniuersum etiam pro diuersa repletione ventriculi varius est; turget nempe sanguine quamdiu vacuus laxè dependet stomachus; quando hic vero turget, tunc ab eo ipso pressus emulgetur lien.

Sed et alio et quidem perpetuo etsi leni et aequabili motu agitatur, respirationem nempe sequente cuius primario instrumento, diaphragmati nempe, proxime subiectus est.

§. 396.

§. 396.

Texturam spleni quondam tribuebant cellulofam, eamque paffim cauernofis penis corporibus comparabant; fallaci plane argumento, quod curatiore humani lienis indagine in totum refutatur †). Hoc enim docemur, vniuerfum hocce viscus fere totum quantum e vasis conflatum effe fanguiferis, pro mediocri eius mole longe ampliffimis; ita vt omnium corporis humani partium fanguinis ditiffimum extet.

§. 397.

Et quidem arteria lienalis, ingenti tunicarum tenuitate et robore, W in tringham i experimentis demonftrato, conſpiciua, in infinitos ramufculos diuiſa, vltimis demum ſuis finibus pulpoſos penicillos refert, qui dein venulis linealibus originem praeſent, ſenſim ſenſimque in per amplos et laxos facileque dilatabiles truncos confluentibus.

V 4

§. 398.

†) v. LOBSTEIN diſſ. *nonnulla de liene ſiſtens*. Argent.
1774. 4.

§. 398.

Nectitur autem et fulcitur ingens haec sanguineorum vasorum congeries parco parenchymate celluloso, vnde venae absorbentes lymphaticae oriuntur, quarum trunci in sima maxime lienis facie inter vtrumque quod diximus inuolucrum eius membranaceum, decurrunt *).

§. 399.

Ipfa vero haecce laxa et sanguinis capacissima lienis textura iis egregie respondet, quae supra (§ 395) de sanguineo huius visceris turgore diximus: et ex eadem quoque purpurei laticis in liene congestionem et lentiore refluxu, considerata simul viscerum, quae spleni proxime adiacent, natura, peculiaris illustratur sanguinis lienalis indoles, quae ipfa demum functioni

*) Singulares et paulo paradoxas HEWSONIS, viri ceteroquin praestantissimi, opiniones de functione lienis, cuius vasa lymphatica pro ductibus excretoriis habet &c. v. in opere eius posthumo, cui tit. *Experimental Inquiries* P. the 3d. Lond. 1777. §. C.II. S. XLV sq. XCV sq.

functioni huius aenigmatici visceris, toties disputatae, lucem impertire videtur.

§. 400.

Est autem sanguis quem lien praebet fluidissimus, resolutus, qui difficillime cogitur et serum suum iniquius a crassamento dimittit; colorem porro prae se fert liuidum, obscurum, qualis in foetu est; quae quidem omnia satis aperte phlogistici elementi abundantiam demonstrare videntur: quam et facili experimento et quod vix fallit ulterius probatam comperi, quando humani lienis recenter dissecti segmenta et taleolos dephlogistico exposui aëri, cuius accessu laetissime rubebant, aër ipse vero igne suo ita sensim orbus, phlogisto e contrario lienoso inquinabatur.

§. 401.

Hisce omnibus collatis, quando denique consideramus esse lienem vnicum id genus viscus, quod omni, praeter vasa quae diximus et quae ultimato versus he-

par tendunt, excretorio ductu destituitur, pronum est concludere vsum eius non nisi eo redire, quod hepatis functioni inferuiat, et ad bilis praeparationem partes suas, easque phlogisticas, conferat.

§. 402.

Nouum autem huic sententiae accedit pondus vtilissima obseruatione, qua bilem cysticam iis in animantibus quibus antea lien excisus est, [quod singulare experimentum ab antiquis inde temporibus faepissime instituerunt †)] subinde pallidam, phlogisti inopem, et lymphaticas eius particulas grumorum ad instar coactas, videre licet.

†) J. H. SCHULZE *de splene canibus exciso* Hal. 1735. 4.

SECTIO XXXII.

DE

OMENTI FUNCTIONE.

§. 403.

Omentum gastrocolium f. magnum †) (quo nomine a paruo f. hepaticogastrico *) distinguuntur), singularis plane peritonaei propago est, proxime a ventriculi extimo inuolucro ortum ducens.

§. 404.

Quamquam enim innumerae fere sint peritonaei in cauo abdominali continuationes, et omnes ac singulae eo cauo contentae

†) EUSTACHII tab. IX.

HALLERI *icones anat.* fasc. I. tab. IV. K. M. — et colicam appendicem quam ipse Goettingae a. 1740. indagauerat, ib. R.

ROB. STEPH. HENRICI *descript. omenti et icones nouae.* Hafn. 1748. 4.

*) EUSTACHII tab. X. fig. I. G. H.

HALLER l. c. Q.

tentae partes haecenus eo obducantur, ut aperto abdomine nihil plane offendas quod non eodem obiectum sit, variis tamen id fieri rationibus constat, in classes quasi redigendis.

Est enim ut aliis partibus obiter tantum praetensum sit peritoneum, aut aliquam saltem earum faciem inuestiat, quale quid in renibus, intestino recto, lotii vesica, quodammodo etiam pancreate et fellea cystide obseruatur.

Est etiam ut alia viscera quamquam etiam abdominalis caui parietibus adsideant, altius tamen in ventrem prominentia longe maxima sui superficie peritoneo cingantur, quod v. c. de hepate, liene, imo vero et de ventriculo et utero muliebri, quid quod et de testibus immaturioris masculi foetus dicere licet.

Diuerfa ab his ratio denuo est intestinalis tubi (quicquid eius praeter rectum restat,) qui tubus in medium usque abdominis cauum adeo penetrauit, ut latissimos

mos peritoneaei processus fecum traxerit quasi, quibus suspensus adhaeret, mesenterium et mesocolon; cuiusmodi singularibus istius membranae processibus etiam ligamenta vteri lata annumeranda sunt.

§. 405.

Denique vero omnium longissima et singularis peritoneaei continuatio *omentum* est; amplius, tenerrimae texturae inanis faccus, a ventriculi curvatura maiore dependens, intestinorum maxime tenuium tractui praetensus, et giris eorum arcte se applicans, horumque interstitiis quodammodo se insinuans.

§. 406.

• Praeter vasa sanguifera, quibus omentum pingitur, striis quoque s. taeniis adiposis distinctum est, passim reticulatis, (vnde vernaculum haec membrana nomen impertitum habet), et quae in obesis subinde ad molestant neque periculo carentem molem crescunt; quibusque in vniuersum

sum omentum halitu quasi pinguiusculo vndiquaque perungitur.

§. 407.

Et egregiis quidem viris visum est, plurimisque argumentis vltius adstruere fategit summus Hallerus, resorbtioni dicatum esse eum adipem et ad hepar advehi, vt oleum bili suppeditet &c. de quibus vero omnibus valde dubitare mihi liceat, vtpote qui nihil adiposi sanæ bili inesse persuasum habeam, neque poros eiusmodi resorbtioni inferuientes ne quidem in ranis repererim quibus eos tribuebat Malpighius †), longe minus vero in humano de quo agimus omento.

§. 408.

Verior autem omenti vsus videtur de quo omnes conueniunt, vt intestina lubricet, adeoque perpetuum eorum motum adiuuet et faciliat: qui et vsus esse videtur

†) de omento, pinguedine et adiposis ductibus pag. 96. ed. 1669.

tur similibus sed exiguarum burfularum, quibus colon *) et rectum **) passim obfessum est.

Tum vero etiam ut eorundem coalitui cum peritoneo praecaveat, qua uniuersum primarum viarum officium turbaretur.

§. 409.

Minus se contrario probabile videtur, quod vulgo dicunt, arcendo quoque frigori destinatum esse; qui sane usus in sani hominis omento quod neutiquam adipe onustum esse debet, vix ullus locum habere poterit.

Singularem interim omentorum, praefertim etiam parui s. hepaticogastrici, structuram consideranti haud improbabile videtur, esse praeter recensitas aliam adhuc et quidem fortassis principem eius utilitatem, nobis adhuc ignotam, comparatae anatomes ope ultro inuestigandam.

*) cl. WALTER *tab. nervor. thorac. et abdom. tab. II. m. m. m.*

**) BIDLOO *anatomia hum. corporis tab. XXXIX. fig. 6. C. C. C. D. D. D.*

SECTIO

SECTION XXXIII.

DE

FUNCTIONE INTESTINORVM

§. 410.

Ipse vero intestinalis tubus, cui praetenditur omentum, et in quem delatum vidimus (§ 367. 368) chymum, ulterius in eodem ita elaborandum ut chylus a faecibus separari possit, in binas diuiditur tractus principes, tenuium sc. et crassorum; de quorum functionibus seorsim.

§. 411.

Tenuia †) autem iterum in ternas sectiones dispescunt: duodeni, ieiuni et ilei.

Illi a longitudinis ratione, obiter habita nomen inditum est.

Isti

†) CHR. BERNH. ALBINI *Specimen anat. exhibens novam tenuium hominis intestinor. descriptionem.* LB. 1724. 8.

Isti a habitu, quod nempe in recenti funere collapsum appareat, quasi inane, cum pultaceum tunc contineat liquamen; quod vero in hoc postremo iam faeces deposuit, et fixatum haftenus aërem extricauit, ita vt vltimum hocce intestinum tenue, idemque longissimum, quod a gyris denominarunt, magis turgens et quasi inflatum, imo iam quodammodo crassorum in modum in bullas hinc illinc diuisum appareat.

§. 412.

Tunicæ tenuium in vniuersum similes iis quas ad ventriculum diximus (§ 359).

Extima mesenterii propago est.

Muscularis ex duplicis ordinis fibris constat: longitudinalibus nempe, interruptis, exterius decurrentibus, maxime ea in facie intestini, quæ mesenterio ex aduerso opposita est; tum vero interioribus annularibus s. falcatis, qui lumen tubi angustant, cum priores contra eundem breuiorem reddant. Ab vtrisque viuidissima et

X

diu-

diutissima intestinorum irritabilitas pendet, cuius alias meminimus (§ 305).

Nervæa ex cellulosa compingitur stipata; et facili encheiresi, flatu præsertim, iterum in spumofam quasi telam resolui potest †); in eadem quoque vasorum sanguiferorum ad meseraica ††) pertinentium elegantissimæ arbusculæ*) distributæ sunt; eademque intestinis ut ventriculo tenacitatem et robur impertit.

Intima denique, quæ in tenuibus magis quam in reliquo alimentari tubo *villosæ* nomen vere meretur, iunctim cum præcedentis membranae interiore facie hinc illinc in iuga undulata et plicas rugosas abit, quæ in inflatis et exsiccatis intestinis falcatam aciem præ se ferunt, tumque valuulæ Kerkringianæ appellantur **).

§. 413.

†) B. S. ALBINI *annotat. acad.* L. II. tab. IV. fig. 1. 2.

††) EUSTACHII tab. XXVII. fig. 2. 4.

*) B. S. ALBINI *diff. de arteriis et venis intestinorum hominis* c. icon. colorib. distinct. LB. 1736. 4.

Ej. *annotat. acad.* L. III. tab. I. II.

**) KERKRINGII *spicilegium anatomicum* tab. XIV. fig. 1. 2.

§. 413.

Ipsi autem *villi* quorum ingenti vi †) intima ea tenuium superficies arctissime obsita est, et quorum elegantissimam structuram subtilissime vasculosam primus curatius indagavit Lieberkühnius ††), quamdiu chylo vacuum est intestinum, laxe pendulis quodammodo comparari possunt perulis, molli contextu spongioso intus scatentibus; quando vero intestinali eo lacte resorpto turgent, tunc forma mutata fere phalli esculenti speciem prae se ferunt.

§. 414.

Cinguntur autem ad basin suam hi villi innumeris *folliculis glandulosis*, qui maxime nerueae tunicae inhaerent, ostiolo autem perexiguo in cauum intestinale penetrant, illincque mucum suum tradunt, quo vniuersus ille tubus intus oblitus est.

X 2

Triplices

†) Circ. ad 500,000 contineri tenui intestino adulti hominis, LIEBERKÜHNII ratio est.

††) de fabrica et actione villorum intestinor. tenuium hominis. LB. 1745. 4.

Triplices vulgo harum glandularum ordines constituunt: Brunnerianas sc. maiores, easque discretas, maxime eae duodeni parti inspersas, quae proxime pyloro subiecta est †).

Tum Peyerianas, minores, agminatas, praesertim altero intestini tenuis extremo inhaerentes ††), quo valuulam coli spectat.

Denique Lieberkühnianas minimas, quarum octonae circ. ad singulum villum pertinere dicuntur *).

Parum firmo autem talo haec mucifontium diuisio niti videtur. Ni enim grauiter fallor tum Brunnerianae, tum Peyerianae glandulae, quales nempe iconibus citatis exhibentur, non nisi ad vitiatum et morbosum statum pertinent; cum non vna vice in sanissimis variae aetatis

†) Jo. CONR. A BRUNN glandulae duodeni s. pancreas secundarium Frf. 1715. 4. fig. I.

††) Jo. CONR. PEYER de glandulis intestinorum Scafhus. 1677. S. maxime fig. 3.

*) LIEBERKÜHN l. c. p. 17. tab. III.

aetatis hominum intestinis tenuibus ne vestigium quidem eiusmodi papillarum fungosarum, poro pertusarum inuenerim; in *aphthosis* e contrario subinde vniuersum fere intestinale tubum infinita plane vi earum, partim singularium partim congregatarum, obsitum viderim †: ita vt non nisi eas minutissimas, quasi miliares glandulas muciferas, pro genuinis recipiendas esse persuasum habeam, quae subtiliter separata villosa, in auersa eius pagina faciles se visui praebent, in aduersa autem vix distingui poterunt.

§. 415.

Vti in ventriculum, ita etiam in tenuium intestinorum cauum depluere *succum*, quem ideo *entericum* vocant, praeter alia vulgato experimento, quod Pechlinus ††) ni fallor primus instituit, cui-

X 3 ctum

†) Et hae quidem *aphthae* intestinales vt ouum ouo simillimae erant ijs tuberculis, quae cl. SHELDON opere infra citando tab. I. pro ampullulis chylo turgentibus exhibuit.

††) *de purgantium medicamentor. facultatibus* pag. 509. — tab. IV.

ctum est. Natura sua haud absimilem esse gastrico liquori probabile videtur, quanquam curatior eius indagatio adhuc ad desiderata physiologica pertineat; neque de quantitate qua secernitur quidquam statuere ausim, quam Hallerus, sane nimis largiter, si quid recte video, ad octo libras per nycthemerum constituit.

§. 416.

Porro et hoc intestinis cum ventriculo commune est, ut similiter, imo vero longe viuidius *peristaltico motu* †) agitentur, qui maxime quamdiu chymosa puls ipsa transit eandem undulatoria et erratica constrictione hinc illinc leniter subigat, et a duodenali parte versus crassa propellat. Et si enim et antiperistaltica commotio negari nequeat, qua subinde retrograda agitatione conuellantur, ea tamen in sano homine priore longe debilior et rarior et breuioris momenti existit.

§. 417.

†) BENJ. SCHWARTZ *de vomitu et motu intestinorum.*
LB. 1745. 4.

JAC. FOELIX *de motu peristaltico intestinorum* Trevir.
1750. 4.

§. 417.

Et haecenus quidem recensitis viribus principibus tam mouentibus, quae modo diximus, quam menstruis et alterantibus humorum inquilinorum quas chymo passim affundi vidimus, memorabiles contingunt huicce ipso mutationes, maxime eo redeunt, ut in ieiuno aequabilis mixtionis liquidiorum pulcem referat, grisei fere coloris, odoris vero acidiusculi: postquam autem in ileum peruenerit, in binas partes secedere incipiat; faeces nempe ex flauo pallide bruneos †), nauseosi odoris

X 4 et

†) Colorem faecum biliosum ab ipsa excrementitia bilis parte deriuandum esse supra (§ 392) iam dictum est. In ieiuno quidem bilis adhuc integra aequabili intestinali pulti admixta, ideoque dispersa quasi et diluta genuinum suum colorem exhibere nequit: postquam vero ulteriore progressu in binas partes secessit, altera earum, excrementitia nempe, faecibus praecipitatis admixta, et quasi denuo concentrata, pristinum nunc colorem monstrat, eundemque faecibus ipsis impertit.

Aliter quidem de origine biliosi faecum ileo contentarum coloris sentit cl. WOLFF (in *Act. Petropolit.* a. 1779. P. II. p. 245) cum nouam portionem

et qui ipsis supernatat, genuinum chylum, e chymo emulsum, bilis ope a faecibus separatum, et resorbtioni in lactea vasa destinatum, quo eundem sequenti sectione ulterius comitabimur, iam prius visuri quaenam porro residuis faecibus via legenda sit.

§. 418.

tionem bilis circa ieiunii fines accedere arbitratur, exhalando de vesica fellea, penetrandoque in hac sede in intestinum et in intestini contenta; quae diuersa forte a bile choledochi, certe non ita cum faecibus, vt illa cum chymo misceatur, dum proprium suum colorem ad anum vsque conseruet, veraque adeo bilis permaneat.

At enim vero, praeterquam quod in promptu causa sit, quare non prius quam chymus et bilis ipsa in partes suas secesserunt, color iste obseruari possit, dubium mihi adhuc videtur num vnquam in homine viuo et sano fel ex cystide sua exhalare et in vicinum intestinum penetrare possit; cum sane in funeribus recentissimis et fere adhuc calentibus vix bile tincta viderim vicina intestina, quae vero praeterlapsis pluribus post mortem horis aut diebus, late et saturate bilioso pigmento infecta obseruaui, quando nunc atonica et iners vesica contentum fel iniquius retinebat, ideoque membranas eius largius transudans vicinas regiones inquinabat.

§. 418.

His ergo, postquam diutino per ileum itinere magis magisque inspissatae fuerint valuula coli superanda et ita in crassorum tractum transeundum est; quo scopo ilei vicinum extremum eo copiosiore mucositate illitum et lubricatum est, ut eo facilius istae faeces exinde per ipsam valuulam delabi possint.

§. 419.

Est autem *valuula coli* †) s. ut a vero inuentore non immerito appellari potest, *valuula Fallopii* *) ilei quod in crassi

X 5 idem

†) HALLER *de valuula coli*. Goetting. 1742. 4. — recens. in *Oper. minor.* T. I. p. 580 sq.

Jo. MICH. RÖDERER *de valuula coli* Argent. 1768. 4.

*) Notissimi sunt de vero memorabilis huius valuulae inuentore, auctorum dissensus, de quibus adeant quorum interest, HALLERI *elementa* T. VII. P. I. pag. 142.

Certus interim scio diu ante eorum tempora quibus egregium illud inuentum vulgo tribuitur, id ipsum ad amissim cognitum et perspectum fuisse viro summo et de humana anatome immortaliter

idem amplexentis cauum penetrat, continuatio brevis seu processus, cuius labia exteriora altius prominente ruga crassi intestini ita constituuntur †), vt non solum in aliis id genus plicis intima tantum et neruea, sed et muscularis tunicae fibrae ad eandem concurrant. Duplex exinde nascitur

taliter merito GABR. FALLOPIO. Extat enim eius codex quidam anecdotus in Bibliotheca academiae nostrae, in quo praeter alia continetur quoque EJ. *anatomia smiae*, vbi in demonstratione publica Patavii habita d. 2. Febr. a. 1553. valvulae coli structuram et vsum sequentibus explicat:

„Coeci vsus est in smiis ne regurgitet cibus ad partes superiores cum prona incedunt: quodque hic vsus fit, signum est, quia si in rectum aqua immittatur, aut flatus, perueniet in coecum, non transgreditur autem crassa. At si superius immittatur, pertransiet. Ratio est: quia ad insertionem ilei plicae sunt duae quae in inflatione et repletione comprimuntur, vt in corde fit, et prohibent regressum: vnde nec clysteria possunt peruenire ad partes illas, et pertransire, ita vt eiiciantur per vomitum in homine, nisi debilibus et morbo existentibus intestinis.,

†) Recentis et intemeratae valvulae iconem exhibet B. S. ALBINVS annotat. acad. I. III. tab. V. fig. I.

Flatu vero et exsiccatione mutatam v. in SANTORINI tab. posth. XIV. fig. 1. 2.

nascitur eius functio, vt nempe tam prae-
 posterum faecum e tenui in crassa transi-
 tum, quam eorundem ex his in illud re-
 gressum impediat.

§. 420.

Crassum intestinum, quod ipsum itidem
 vt tenue in ternas sectiones diuiserunt,
 a *coeco* incipit, [cui *processus* adhaeret *ver-*
miciformis, dubii in adulto homine vsus
 particula †)], et in vniuersum peramplum
 exhibet alueum, vt scybala in eo sensim
 colligi et ad opportunam vsque excretio-
 nem retineri possint.

§. 421.

Vti diametro ita et tunicarum crassitie
 et robore tenuia excedit. Muscularis prae-
 fertim id singulare habet, quod fibrae eius
 longitudinales si recti partem extremam
 excipias,

†) LIEBERKÜHN de *valvula coli et vsu processus vermicu-*
laris I.B. 1739. 4.

JOACH. VOSSE de *intestino coeco eiusque appendice ver-*
miciformi Goetting. 1749. 4.

excipias, in terna sic dicta ligamenta coli *) collecta sint; ipsumque intestinum in bullosa quasi segmenta distinguatur. Intima vero non adeo eleganter floccosa est ac in tenuibus, sed isti similior quae ventriculi cauum inuestit.

§. 422.

Motus peristalticus crassis minus vividus esse videtur quam tenuibus. Maior e contrario preli abdominalis in eadem actio, cum vniuersum *colon* ipsi proxime subiectum sit.

§. 423.

Et ita contenta crassis *scybala* lente promouentur donec tandem in *rectum* delata stimulo interno de excretionemoneant et vrgeant, cui facilitandae partim defectu rugarum transuersarum, praesertim vero ingenti muci copia prospectum est, id ipsum extremum intestinum interius lubricante.

Perficit

*) EUSTACHII tab. X. fig. 2. 4. 5.

Perficit vero eam excretionem maxime abdominalis præli deorsum vrgentis nixus, superans resistantiam coccygis et vtriusque sphincteris, quorum interior fibrarum annularium insignis fasciculus est, exterior vero musculus vere cutaneus; quibus peractis, remittente nixu, leuator maxime ani intestinum retrahit, a sphincteribus iterum clausum. †)

†) v. omnes has partes ex vtroque sexu in SANTORINI tab. posth. XVI. et XVII.

SECTIO XXXIV.

DE

FVNCTIONE SYSTEMATIS
VASORVM ABSORBENTIVM *).

§. 424.

Chylum quem in intestino ileo a faecibus suis liberatum reliqueramus, ex multifariis humorum generibus compositum esse, ex antea dictis per se patet. Et ingentem quidem copiam humorum *inquilinorum*, fa-
liuae, succi gastrici, pancreatici, enterici, bilis &c. quos chymo affundi vidimus, quanquam non nisi ad maxime incertos
et

*) cf. ad hanc sectionem post sparsas antecessorum labores

W. HEWSON'S *Experimental Inquiries into the lymphatic system* Lond. 1774. 8.

cl. SHELDON et WERNERI ac FELLERI opera alias citata.

it. cl. MASCAGNI *prodrome d'un ouvrage sur les vaisseaux lymphatiques* &c. Senis. 1784. fol.

et fallaces calculos redigi queat, in vni-
 versum tamen eam chyli partem constitu-
 tiuam, quae ab alimentis accedit, longe
 superare, extra omnem dubitationis aleam
 positum videtur. Solutioque problematis
 exinde deriuanda, quomodo diuersissimi
 ordinis ingesta nihilominus tamen in eun-
 dem sibi similem et homogeneous et ani-
 mali naturae adaequatum lacteum chylum
 verti possint.

§. 425.

Viae autem quas chylus legere debet,
 antequam ex intestinis ad sanguinis cui
 destinatus est massam peruenire possit,
 partem constituunt systematis absorbentis,
 cuius hactenus non nisi obiter mentionem
 iniiecimus, de quo iam vero ex professo
 agere oportet, quodque quaternas in vni-
 versum complectitur partes, venas nempe
 tam lacteas quam lymphaticas; tum glan-
 dulas conglobatas; denique ductum tho-
 racicum, de quibus omnibus sigillatim
 quaedam monenda sunt.

§. 426.

§. 426.

Quod ortum lacteorum ex intestinis attinet, vix quidem dubium est, pertinere eum ad villos tunicae intimae supra dictos; de eo autem adhuc ambigitur num ex ipsis istis villis proxime producantur, an vero tantum ope cellulosae intermediae remotius cum ipsis commercium alant. Quantum ego quidem noui haecenus nemini adhuc non magis quam mihi ipsi licuit ipsas vasorum lacteorum radículas luculenter ad ipsos vsque istos villos ita prosequi, vt immediatus earundem partium nexus exinde elucesceret, sed vasa ista hinc illinc in intestini tunicis, insigni statim trunculo originem ducere, et si coniecturae locus est dandus ex vicinae regionis cellulosa chylum, villorum ope primo haustum vltius reforbere viderentur. Id quod sane in catellis non vna vice obseruare mihi visus sum, quibus ex celebri Listeriano experimento †) vna alteraue ante eorum viuisectionem hora coeruleum indicum infuderam.

§. 427.

†) *Philos. Transact.* N. 143. collato N. 275.

§. 427.

Trunculi autem quos modo diximus prius aliquot plerumque vnciarum longitudine in ipsa intestini superficie sub tunica eius extima decurrunt, imo subinde angulosis maeandris eunt quasi et redeunt, antequam mesenterium intrent.

§. 428.

In ipso autem per mesenterium decursu hinc illinc in glandulas meseraicas abeunt, quarum duplicem seriem distinguere licet. Alteram quae intestino vicina est et dispersas minores fabaeformes exhibet. Alteram chyli receptaculo propiorem, maioribus constantem et aggregatis glandulis.

§. 429.

Vtrumque vero genus reuera nihil aliud esse videtur, quam ipsorum vasorum lacteorum glomeruli stricte compacti, infinitis vasculis sanguiferis pertexti †), cursum

†) BOERHAAVII et RUYSCHII *de fabrica glandular. opusculum* LB. 1722. 4. p. 81.

sum chyli retardantes, eo fortassis fine ut ea mora tanto melius et intimius animali naturae assimiletur et quasi maturescat, antequam thoracicum ductum intret et dehinc sanguinis fluento admisceatur.

§. 430.

Quaesitum est num et crassis intestinis venae sint lacteae, quod tum enematum specificorum, nutrientium aut inebriantium &c. virtute, tum exinde probare studuerunt, quod scybala quo diutius retineantur eo duriora et magis exsucca fiant. Quanquam autem haec argumenta nullatenus demonstrent chylum aliquem genuinum ex faecibus adhuc resorberi postquam valuulam Fallopii superarunt, hoc tamen exinde ulterius confirmatur, quod quidem ipsa autopsia pridem iam euictum est, scatere utique crassa intestina satis insigni apparatu venarum lymphaticarum, quibus in vniuersum vna fere eademque cum lacteis et fabrica et functio est, ita ut et lactea mesenterii, quamdiu
intestina

intestina chylo carent, lympham interim forbeant †).

§. 431.

Alia vero eademque grauior et solutione difficilior quaestio est, num omnis chylus quem tenuia sorbent, vnice publica ea ac regia vt vocant via, per lactea nempe et thoracicum ductum, sanguini aduehatur, an praeterea et quales extent viae clandestinae, quibus se itidem sanguinis fluento insinuare queat?

Fateri quidem oportet pleraque quibus priuatam eam chyli per venas sanguiferas ipsas resorptionem probare studuerunt, non adeo firmo niti talo; ita enim Ruyfchii assertum, indurari et constringi senio ingruente glandulas meseraicas vt functioni vltro obeundae impares fiant, pridem refutatum, imo potius euictum est, alias etiam earum glandularum affectiones, intumescencias &c. male obstructio-

Y 2 num

†) v. NUCKII *de inuentis nouis ep. anatomica* p. 146 sq.

num nomine vulgo venire, cum satis plerumque peruiæ maneant, et argento viuo facilem aditum et transitum concedant. Vulgato vero phaenomeno, quo aquam tepidam cadaueris inertibus venis meseraicis infusam in cauum intestinale transfudare constat, ad functionem viui corporis demonstrandam parum ponderis inesse mihi videtur; multo minus autem orichalceo tubo bicruri et biramo, quem ad eam opinionem roborandam inuenerat Lieberkühnius. Sed et quod assertum legimus †) de viso vere in venis meseraicis rubris chylo, vltiorem adhuc indaginem et confirmationem exigere videtur, ita vt hactenus quidem nondum mihi persuasum sit reuehere hasce venas quidquam aliud quam sanguinem validissime phlogisticatum bilis secretioni destinatum *).

§. 432.

†) WERNER et FELLER l. c. p. 12 sq.

*) Elegans est experimentum, quod quidem primo intuitu viis istis chyli clandestinis fauere videtur, et cuius notitiam cl. CALDANIO debeo; vbi agno
aut

§. 432.

Vltimi denique venarum lactearum
trunci aequae ac alii quidam ipsis simillimi e
Y 3 confluxu

aut hoedo bene antea pasto, duplex iniicitur
vinculum; alterum scil. venae, quae ipsi est pro
sinistra subclauia: alterum, idemque quam arctif-
sinum mesenterio ad ipsam eius prope lumborum
vertebras originem. Egregie tunc conspicua red-
duntur lactea et lymphatica quae vtrique vinculo
interiacent; tum et lymphatica ex artubus infe-
rioribus adscendentia. Tum vero momento primo
intumescunt etiam lactea in ipso mesenterio inter
intestina et vinculum decurrentia; sed paulo post
eadem deplentur et quasi euanescent, ita ut visui
plane se subducant.

Verum singulare hocce phaenomenon mihi
quidem non tam ex clandestino quodam chyli ex
vasis lacteis in vicinas venas sanguiferas secessu,
quam exinde deriuandum videtur, quod ista lactea
non obstantibus valvulis suis contentum chylum
retrogrado motu (quo ipso nuper satis feliciter
usus est cl. DARWIN ad illustranda quamplurima
phaenomena pathologica) in ipsum intestinorum
cauum repellant. Neutiquam enim inuincibilem
esse earum valvularum resistantiam, sed iniquius
eas lumen vasorum absorbentium claudere pridem
notum est; ita ut subinde in administratione ea-
rum anatomica non difficulter ex truncis versus
radiculas eorum propelli possit argentum viuum.

confluxu quamplurimorum vasorum lymphaticorum orti †), coëunt in *receptaculum* f. *cisternam chyli*, quo nomine *ductus thoracici* f. *Pecquetiani* infimam eamque ampliorem partem distinguere solent.

§. 433.

Est autem hicce ductus ††) membranaceus canalis, gracilis, satis tamen robustus, plus minus anfractuofus et miris subinde directionis imo et diuisionis varietatibus ludens *), muscularibus fibris aequè destitutus ac nervis, valuulis hinc illinc distinctus, denique ad infimam circ. colli vertebram postquam venam subclaviam sinistram superauerat ad eandem reflexus **), eidemque insertus, et in ipso

eo

†) cl. SHELDON l. c. tab. V.

††) v. HALLERI *observationes de ductu thoracico in theatro Goettingensi factas*. Goetting. 1741. 4.

B. S. ALBINI *tabula vasis chyli ferri* LB. 1757. fol. max.

*) cf. v. c. JO. CHRPH. BOHLII *viae lacteae c. h. historia naturalis* Regiom. 1741. 4.

cl. SABATIER in *Mém. de l'ac. des sc. de Paris* a. 1780.

**) v. HALLERI *Opera minora* Vol. I. tab. XII.

eo infertionis ostio peculiaris structurae valuula munitus.

§. 434.

Vires autem chylum tam in lacteis venis quam per ductum thoracicum propellentes maxime quidem ad contractilitatem horum vasorum, tum ad valuulas eorum, ad vim a tergo vrgentem, et ad pulsum vicinarum arteriarum referendae videntur.

§. 435.

Valuulae vero quam diximus, ostio ductus chyliferi supremo praefixae, vsum non tam ad impediendum sanguinis in eundem ingressum, quam ad modificandum chyli in eam venam transitum et non nisi guttatim in eandem destillandum inferuire, probabile est.

Ita enim cauetur ne vnquam chyli recenter aduenae nimis copiosa portio sanguinem intret, quam cordis parietes internos vehementius stimulare, et ini-

quius et difficilius ab iisdem subigi necessum foret, cum is recens chylus maxime heterogeneis elementis constet, non ex primis solum viis lacteorum ope vasorum, sed et ex vniuerso reliquo corpore per vasa lymphatica aduectis.

§. 436.

Ipsae enim istae *venae lymphaticae* †), quae tertiam systematis absorbentis partem constituunt, et in vniuersum tam fabrica quam functione sua cum lacteis conueniunt, longe latius tamen et per vniuersum fortassis corpus dominantur *), maxime autem tum ab integumentis communibus externis, tum a pleura et peritonaeo et visceribus thorace et abdomine contentis oriuntur.

§. 437.

†) cf. praeter alios passim citatos et adhuc citandos
JO. FR. MECKEL *de vasis lymphaticis glandulisque*
conglobatis. Berol. 1757. 4.

cl. ALEX. MONRO fil. *de venis lymphaticis valvulosis*.
ib. eod. 8.

*) W. HUNTER's *medical commentaries* P. I. p. 5 sq.

§. 437.

Et quidem simili ratione oriri videntur quam ad lacteorum ex intestinis originem diximus, ita vt singula lymphatici vasis radícula ex vicina tela cellulosa, tanquam ex territorio suo, contentum rorem forbeat et ulterius propellat.

§. 438.

In decursu suo lymphatica haecce crebrius rarius valuulis bigatis distinguuntur, passim etiam tantum non omnes in glandulas conglobatas abeunt, viciniore etiam hinc illinc anastomosibus nectuntur, et qui quorundam viscerum, v. c. pulmonum, hepatis &c. superficiem obducunt, elegantissima formant reticula.

§. 439.

Functionem eorum praeter alia, ex supra dictis patentia, maxime iuuat insignis eorum contractilitas et cum tunicarum teneritudine iunctum robur, quo et in administratione eorum anatomica tam

Y 5 pondero-

ponderosae argenti viui columnae resistere valent: tum vero etiam in artubus maxime, muscularis motus qui multimode eadem premens et quasi subigens, tonum eorum egregie auget.

§. 440.

De finibus vero horum lymphaticorum nuperis temporibus diuersimode disputatum est, cum ab aliis statuatur confluere eas venas ad vnā omnes in ductum thoracicum: (non fecus ac sanguiferae corporis venae in cauas:) alii e contrario eximant ad minimum lymphatica dextri brachii et dextri in collo lateris vtpote quae non in eundem ductum, sed in ipsam eiusdem lateris subclauiam inferi docent †); alii in glandulis saltem conglobatis lymphatica cum venis rubris communicare affu- mant ††); alii et quidem non sine probabilitatis specie, lymphaticas patere vias putent, quae intestinale tubum et vropoietica organa intercedant.

§. 441.

†) cf. v. cl. SABATIER et MASCAGNI ll. cc.

††) cf. HEWSONI *opus posthumum* p. 37. not. *)

§. 441.

Exinde autem quod lymphatica vasa per vniuersum fere corpus longe lateque regnent, et maxime quidem exinde quod et ingens eorum copia ex ipsa cutanea corporis superficie fluida a foris applicata resorbere possit, per se patet quam multifaria esse debeat indoles proxime resorbtae huius lymphae; quam varietatem etiam curatior in funeribus indagatio confirmat, vbi v.c. latex in hepatis aut lienis venis absorbentibus contentus, alius deprehendatur quam illorum qui ad vterum decurrunt & f. p.

§. 442.

Et hic quidem vsus princeps esse videtur *glandularum conglobatarum*, quae denique vltimam systematis lymphatici partem constituunt, vt tam diuersissimae indolis aquulae, praesertim per cutem resorbtae, lentiore motu et mora quadam (fortassis etiam noui laticis ex arterioliis ipsis aduenientis accessu) magis magisque
animali

animali naturae assimilentur, indeque caveatur, ne crudi nimis humores †) praepostere sanguini admixti nocuos in cor exferant stimulos.

§. 443.

Quod ad reliqua autem ipsae hae glandulae per totum fere corpus passim disperfae *), hinc illinc vt in inguine et sub axillis coagminatae, in vniuersum meferai-

†) Ambages istas rite perpendenti quibus prouida vtitur natura ad subigendos et assimilandos humores resorbidos, antequam vitali sanguinis fluento admisceantur, et ab altera parte dira symptomata, palpitationes cordis, conuulsiones &c. cogitanti quae vel exiguae portionis, insontis alias liquidi, ope *chirurgiae infusoriae* in sanguinem immisionem sequuntur, magis sane magisque persuasum videbitur nullam esse *venarum sanguiferarum* resorptionem vllius heterogenei laticis, praeter *ipsissimum sanguinem* (v. c. in erectione membrorum quorundam, erubescencia, placentae functione &c.): — et ad lymphaticum systema pertinere eas absorptiones, quae HALLERVS venis rubris tribuere fategit, *de c. h. functionib.* Vol. I. p. 281 sq.

*) NUCKII *adenographia curiosa* LB. 1696. 8.

meferaicis quas diximus glandulis quam
simillimae sunt, itidem ex ipforum vaso-
rum absorbentium inuolutionibus magnam
partem constantes, itidem ingenti numero
sanguineorum vasculorum prouisae, simi-
libus morboris affectionibus facile obnoxiae
&c.

SECTIO XXXV.

DE

SANGVIFICATIONE.

§. 444.

Sanguificationis vocem eo sensu heic sumi ut chyli cum sanguine assimilationem, et succedaneae iacturae quam *hic* patitur aequae succedaneam *istius* ope restitutionem denotet, vix monitu opus est.

§. 445.

In eo enim vertitur omnium corporis nostri humorum diuisio in ternas classes (§ 4. 5.) *crudorum*, *sanguineorum* et *secretorum*; ut media earum ipsius principis vitalis laticis torrentem complectatur, cui perpetuo tramite numerosi humores secreti detrahuntur, aequali vero perpetuo affluxu ab altera parte per innumeros absorbentis systematis riuulos tum chylus, tum per lymphatica resorbtus humor, accedit.

§. 446.

§. 446.

Cum vero sanguis adeo singularis plane et in suo genere vnicus humor sit, cui nullus in vniuersa natura aequalis extet (§ 6), per se facile intelligitur variis opus esse adminiculis et mediis, quorum ope heterogenei isti humores aduentitii, sanguini ex thoracico ductu accedentes, cum eo subigantur ipsique assimilentur.

§. 447.

Et primo quidem loco huc facere videntur anfractus illi, quos saepius iam diximus, quibus tum lacteae tum lymphaticae venae, maxime in meseraicis reliquisque conglobatis glandulis vltro citroque circumferuntur, simulque magis magisque animali et inquilino quasi contagio inficiuntur.

§. 448.

Porro autem considerare oportet, magnam istius lymphae partem, quae cum intestinali chylo in thoracico ductu mixta
subcla-

subclauiam sinistram intrat, ex intimis quasi viscerum aliarumque corporis partium mollium penetralibus haustam, ex ipso sanguine antea secretam, ideoque totam quantam animali iam natura imbutam esse, et facillime procul dubio sanguinis massae, ad quam tantum redit, iterum admixtam fore.

§. 449.

Tum vero et accedit, de quo supra iam monitum est, lentus et quasi stillatitius chyli in sanguinem transitus, qui non nisi guttatim per vltimam thoracici ductus valuulam in subclauiam delabitur, ita vt exiguae hae portiunculae eo intimius sanguini admisceri possint.

§. 450.

Sed et ipsa cordis interior structura eo conferre videtur, vt sanguis nouo chilo recenter grauidus miris istis musculis papillaribus, quibus cordis ventriculi scatent intime conquassetur et condepsatur.

§. 451.

§. 451.

Magnas etiam pulmonum sanguinem nouo chylo donatum excipientium, et respirationis negotii in assimilatione chyli partes esse facile patebit cogitanti tum stupendam istorum viscerum fabricam vasculosam (§ 135), tum eorundem perpetuum et aequabilem alternum, dum animam ducimus, motum.

§. 452.

Reliquum denique sanguificationis a maiore per vniuersum corpus sanguinis circulo, et qui eundem iuuant viribus, perficitur, muscolari maxime motu &c.

§. 453.

Quanquam autem tantis et tam multifariis adminiculis chyli cum sanguine connubio prouisum sit, chylo etiam ipso quoad partes suas constitutiuas aliqua cum sanguine intercedere videatur, similitudo: plurium tamen horarum impendio opus esse vulgo asseritur, antequam chylus lacteo

cteo suo colore exutus, purpureo cui destinatus est fluente, intime assimilatus sit; cui asserto probando praeter alia argumenta illo etiam ex pathologia desumpti vti solent, quod toties, pluribus post digestionem horis ex vena secta integrum effluxisse chylum observatum fuerit: quale quidem phaenomenon mihi ipsi aliquando oculis usurpare licuit, ubi vero simul nimis luculenter apparuit sanguinem eum phlogistica (et eo ipso chyli assimilationi inimica) dispositione laborare, ita ut exinde ad statum sanum circa quem omnis physiologia versatur, vix ullam deduci posse consequentiam, persuasum habeam.

SECTIO XXXVI.
DE
NUTRITIONE.

§. 454.

Praeter eam sanguinis functionem, quam alias indagauimus, igneum elementum per vniuersum corpus distribuendi et phlogisticum eius loco reuehendi, prima et principalia eius munera eo redeunt, vt corpori nutrimentum, secretoriis autem organis peculiarem quem ipsi detrahunt laticem, praebeat; de quo duplici officio proxime agendum est; et primo quidem loco de nutritione.

§. 455.

Est autem *nutritio* summum naturae priuilegium, et omnium ac singulorum in vtroque regno corporum organicorum communis et princeps praerogatiua, qua

Z 2 machinas

machinas et automata humano artificio confecta, primo statim intuitu mirum quantum longissime superant, vtpote quorum nulli vnquam artifex eam dotem indere potest, qua, ne dicam increfcere, quasi adolefcere, et se ipsam magis magisque perfectiorem reddere, verum nec proprio vt ita dicam Marte se conseruare, iacturas detritu sensim illatas sibi ipsi reparare possit & f. p.

§. 456.

Et haec ipsa est corporis nostri facultas nutritia, qua omnes istae summae et admirandae functiones peraguntur, cuius nempe ope inde a primis formationis nostrae auspiciis increfcimus, adolefcimus, et ad vltimum vsque vitae halitum iacturae qua corpus nostrum, quam diu viuit, se ipsum ab vna parte destruit et quasi consumit, ab altera succurritur et medetur.

§. 457.

Verum de istius iacturae ratione diuersimode disputatum est, maxime num et ea
in

in solidas corporis nostri partes cadat †), numue potius [quae acuti sane ingenii quorundam virorum sententia est *)] hae postquam semel formatae et adultae fuerint, intemeratae perennent?

§. 458.

Et de quibusdam quidem partibus simillaribus solidis, epidermide v. c. vnguib. &c. nullus plane dubio locus est quin vere sensim et destruantur et reparentur; sed et de ipsis ossibus rem extra dubitationis aleam positam videri patebit, vel notissima experimenta consideranti, in animantibus calidi sanguinis, rubiae tincto-

Z 3 rum.

†) cf. viri summi Jo. BERNOULLI *diff. de nutritione*. Groning. 1669. 4. qua istam perpetuam etsi insensibilem solidorum tum iacturam tum reparationem tanti aestumat, ut quouis ad summum triennio integrum corpus et destructum et denuo renatum dicere liceat.

*) v. cl. KEMME *Beurtheilung eines Beweises vor die Immaterialität der Seele aus der Medicin* Hal. 1776. 8. it. Ej. *Zweifel u. Erinnerungen wider die Lehre der Aerzte von der Ernährung der festen Theile*. ibid. 1778. 8.

rum radice pastis instituenda, aut ossium planorum, praesertim caluariae, quae in summo senio ob iniquiorem nutritionem, mirum subinde in modum attenuantur, & f. p.

§. 459.

In vniuersum autem si quid recte video, eae partes solidae ita et sensim deteri et nutriendo restitui videntur, quibus quoque *vis reproductiua* insita est, miranda nempe facultas non perpetuum tantum istum atomorum secundum naturam detritum, sed et maiorum partium fortuitam iacturam, iniuriis praesertim externis, vulneribus &c. illatam, reparandi et deperditam substantiam perfecte restaurandi, quam in ossibus †), paucisque aliis quas modo diximus partibus euictam et confirmatam nominamus.

§. 460.

†) v. post alios curatissima G. L. KOELERI nostri experimenta circa regenerationem ossium. Goetting. 1786. 8.

§. 460.

E contrario vero haecce *reproductiua vis* quantum post plurima tentamina quae eo fine institui concludere mihi licet, in homine aliisque calidi sanguinis animantibus vix ulli parti solidae similari concessa videtur, *quae praeter contractilitatem alio vis vitalis genere gaudet; irritabilitatempe, aut sensibilitate, aut denique vita propria.* *)

§. 461.

In hisce ergo partibus (huiusmodi viribus vitalibus altioris quasi ordinis gaudentibus) idem semper ac perpetuum perennare mihi videtur parenchyma, basin earum partium constituens; eatenus tan-

Z 4

tum

*) Neque praeterea in vniuersum vim sentio argumenti quo summus HALLERVS ad demonstrandam eam, de qua loquimur, iacturam et reparationem partium corporis humani mollium vitur, quando *Elementor. T. VIII. P. II. p. 54.* inquit: „*Si ossa et dentes renouantur, si adeo vetusta elementa delentur, et noua iis succedunt, de aliis corporis partibus, minus firmis, non oportet dubitare.*„

tum vicissitudini cuidam obnoxium, ut vigente nutritione interstitia parenchymatis cellulosa nutriente plastica sanguinis lymphæ iugiter repleta turgeant; iniquius vero procedente nutritione eadem interstitia lymphæ ista orbata collabantur quasi et partes gracilescant.

§. 462.

Haecce enim plastica lymphæ, de cuius dignitate alias pluribus dictum est, uti ipsa facile in cellulosam telam abit, ita et in uniuersum principem materiem corporis nutritiam constituere videtur, quæ infinita ea, toties iam dicta, sanguineorum vasculorum copia per uniuersum fere corpus dimanat.

§. 463.

Tunc vero maxime quamdiu corpus increfcit, propriæ quoque accedere videntur vires, quarum ope lymphæ ex vltimis vasis sanguiferis in cellulosam deposita, rite distribuatur, cuius proprio parenchymati

mati intime quasi assimiletur &c. quo ni fallimur, partim affinitatis quaedam lex pertinet, cuius ope partes similes ipsae sibi homogenea et maxime affinia elementa attrahunt et quasi appropriant; partim vero nifus ille formativus, de quo infra pluribus dicendi locus erit, et cui elementaris huius materiei haecenus informis iusta applicatio et in statutam figuram efformatio tribuenda videtur.

§. 464.

Ad utramque hancce vim, si quid recte video, referenda quoque maxime est nutritio eiusmodi partium similarium, ad quae ipsa vasa sanguifera proxime non pertinent, ut ungues, pili &c. et nihilominus tamen potentissimo et vere infallibili nifu primo generantur, tum increfcunt et per totam vitam aluntur, denique et si casu labantur, facillime denuo reproducuntur.

§. 465.

Vti vero haec quam diximus in univ-
ersum nutritionis ratio esse videtur, ita

Z 5 ab

ab alterâ parte multifarias eiusdem gradum et modum intercedere varietates constat, vbi praesertim a laxiore aut strictiore materiei nutritiae appositione varia ipsarum partium similiarium densior aut tenerior compages et hinc poro varium vniuersi corporis pondus specificum †) pendere videtur. Circa quod vt hominem ab homine ita etiam gentes nonnullas a gentibus differre notum est: cuius rei documento vnicum saltem borealium quarundam gentium Jakutarum, Buratarum &c. exemplum in medium protulisse sufficiat, insigni et plane singulari corporis leuitate conspicuarum.

†) J. ROBERTSON *on the specific gravity of living men.*
in *philos. Transact.* Vol. I. P. I. p. 30 sq.

SECTIO XXXVII.
DE
SECRETIONE.

§. 466.

Praeter nutritios succos alii quoque et quidem diuersissimi ordinis humores multifario fine ex sanguinis penu detrahuntur, idque secretionis ope, qua vero functione in physiologicis nihil esse obscurius, post alios neque immerito questus est Hallerus.

§. 467.

Et quidem humores secreti tanta ab vna parte varietate ludere, ab altera vero tanta affinitate inuicem quasi confluere videntur, vt non nisi ad maxime arbitrarías classes eosdem redigere liceat. In vniuersum tamen, si aliqualem rationem habere velimus leuioris grauiorisque mutationis et modificationis quam elementa
eorum

eorum sanguinis penu contenta in secretoriis organis patiuntur, sequenti ordine recensendi videntur:

ita ut a *lacte* initium facere possimus, quod quodammodo pro chylo reducto habere licet, et simplicissimo processu ex sanguine cui nuper chylus accesserat, fecerni videtur.

Sequantur *aquei* latices, quo oculi humores pertinent, et lacrumae; item sudor; vapor etiam ni fallimur, in universum cellulosae interstitiis contentus, et thoracico et abdominali cauo: a quo parum abhorreere videtur pericardii liquor, et is quo cerebri ventriculi tum et pituitarii cranii sinus irrorantur.

Ad aquosos etiam vulgo refertur, peculiari tamen indole insignis *urina*.

Magis iam decompositi videntur *salinales* humores, masticationi, digestioni et chylificationi inferuientes.

Tum

Tum *mucosi*, cauitates plerorumque viscerum quae ad naturales et genitales functiones pertinent, aequae ac aëreas narium et laryngis ac asperae arteriae vias, inuestientes.

Ab his vero non multum alienus videtur mucus internum oculum obducens; vt et qui epidermidi subiectus est.

Adiposi sunt praeter ipsum vulgarem adipem inprimis ossium medulla et cutaneum smegma.

Affine quoque huic videtur vnguentum, tam ad glandis virilis coronam sub praeputio quam in femineo genitali externo secretum.

Tum et illud quo glandulae sic dictae Meibomii palpebras illinunt.

Gelatinosi vulgo dicuntur amnii liquor et articulare vnguen. Sed de horum indole nondum liquido constat; non magis ac de ambiguo eo humore anonymo quem vterus venereo oestro correptus fundit.

Verum

Verum et istius liquoris natura dubiis adhuc premitur, qui primis post conceptum mensibus chorion et amnion intercedit; et qui vmbilicali tenerrimi embryonis vesicula continetur; et qui ipsius vmbilicalis funis terna vasa sanguifera interiacet.

Vere *serofus* s. albuminosus videtur latex Graafianis ouarii muliebris vesiculis inhaerens; et prostaticae liquor.

Virile semen sui generis humor apparet cui nullum alium aequiparare licet.

Idemque de *bile* dicendum erit.

§. 468.

Tantam vero humorum secretorum varietatem non vno quoque modo neque eiusdem generis organis ex sanguinis massa fecerni, per se facile intelligitur. Et intercedit eos vel exinde memorabilis varietas, quod alii breuiore via, alii per longas demum ambages detrahantur et vltius praeparentur.

§. 469.

§. 469.

Simplicissimus quidem istorum secretionis modorum ille dicendus est, quo per diapedesin vt vocant humor fecernendus arteriarum tunicas transfudare saltem videtur; quale quid de adipis &c. et medullae ossium secretionem statuitur; a quo forte non multum abhorret alter quo in viscera membranacea gastricus liquor, entericus &c. effunditur.

§. 470.

Magis vero compositus videtur ille secretionis mechanismus, qui *glandularum* ope perficitur, quo quidem etiam vulgo folliculos et cryptas referunt, quales v. c. in faucibus facile sunt conspiciendae: et quas glandularum *simplicissimarum* nomine insignire solent.

Proprie tamen fecernentium glandularum nomen merentur, quas (vt a lymphaticis conglobatis distinguantur) *conglomeratas* vocant, quo salivales, et pancreas,
et

et lacrumales, et mammae pertinent: quae quidem excretorio ductu prouisi e maioribus primo lobis, hi vero iterata diuisione e minoribus lobulis compositae sunt, de quarum vero interiore structura acriter quondam in medicorum scholis disputatum est. Malpighius †) quidem miliares globulos, qui facili encheiresi in plerisque eorum demonstrantur, pro acinis ut vocabat, crypta interius excauatis habebat. Ruyschius e contrario putatitios illos acinos excauatos nil esse aliud contendebat quam glomerulos vasculorum sanguiferorum, quam quidem sententiam longe magis naturae consentaneam esse felicior administratio anatomica, subtilior praesertim iniectio et armatus oculus docent.

§. 471.

Neque ab hac structura, si a parenchymate discefferis proprio, multum abhor-
rere.

†) Libellis passim citatis, tum et diss. de glandulis conglobatis Lond. 1689. 4.

Sed maxime cf. Ej. opera posthuma ib. 1697. fol. et alias edita.

rere, imo vero eidem multum lucis imper-
tire videtur, ea viscerum quorundam fe-
cernentium, hepatis maxime et renum,
quorum sane postremi luculentissime eius-
modi Ruyfchianos glomerulos, seu
acinos Malpighianos exhibent. In
horum enim cortice a capillarium arteriola-
rum lateribus emergunt ramuli, qui in
glomerulos abeunt vasculosos, granulorum
ad instar ab iis ramulis tanquam a petio-
lis pendentes; et ex his quidem arterio-
sis glomerulis vasa primo oriuntur subti-
lissima decolora fecernentia (quorum ex
arteriarum finibus originis supra iam obi-
ter mentionem iniecimus § 79. 81.); tum
vero et radiculæ venarum, in quas ipsae
arteriolæ reflectuntur, et quæ reliquum
sanguinem, secreto interim latice orbem,
in truncos venosos reuehunt †).

§. 472.

†) cl. SCHVMLANSKY *de structura renum*. Argent. 1782.
4. tab. II.

§. 472.

Denique vero et aliis quibusdam carnibus fecernentibus alius iterum et plane peculiaris est organismus, ut v. c. testibus qui toti quanti ex praelongorum et numerosorum vasorum implicationibus arcte convoluti sunt & f. p.

§. 473.

Iam vero ad caussarum indaginem accedimus, quarum virtute id ipsum obtinetur ut statuti isti humores statutis hisce in organis fecernantur: quae quidem totius de secretionis doctrinae longe difficillima est disquisitio, quamplurimis adhuc scrupulis obnoxia.

§. 474.

Id quidem extra dubitationis aleam positum videtur, principem et quasi proximam plerarumque secretionum causam in organorum fecernentium intimiore fabrica quaerendam esse, quo quidem in glandulis conglomeratis et visceribus fecernentibus

cernentibus maxime pertinet, tam peculiaris extremorum vasculorum sanguiferorum, ex quibus humores fecernuntur, directio et distributio; quam *parenchyma* cuius visceri fecernenti adeo proprium ut in multis, primo statim intuitu agnosci et ab aliis carnibus distingui possit (§ 27).

§. 475.

Tum vero et verosimile videtur, de quo passim iam haud inficianda argumenta exhibuimus, esse visceribus fecernentibus uti *parenchyma* peculiare ita et *vitam propriam*, vis nempe vitalis singularis species, a communibus eiusmodi virium generibus, contractilitate, irritabilitate et sensibilitate distinguenda.

§. 476.

Porro autem si quid recte video et absorbenti systemati summae ad sustinendas secretiones partes esse videntur; quod ex omnibus ac singulis visceribus fecernentibus eiusmodi laticem forbeant et ad sanguinem reuehant, qui iam peculiari

istius humoris qui illibi separatur contagio quasi imbutus est; biliosum v. c. ex hepate, spermaticum e testibus &c.

Perpetuus ita in secretionis systemate circulus vigere videtur, ita ut sanguinis massae continuo elementa quasi humorum fecernendorum ex ipsis organis fecernentibus aduehantur, quae postmodum quando denuo cum sanguinis fluente ad ea organa redeunt, ex affinitatis quadam lege eo facilius iterum attrahuntur, et sanguinis partes sibi maxime homogeneas secum rapiunt.

§. 477.

Quibusdam etiam humoribus fecernendis ipsa sanguinis ex quo proxime fecernuntur, specifica indole prouisum est: quale quid ad bilem vidimus ex venae portarum sanguine abstractam, cuius venae sanguis ab ipsis suis fontibus vnde confluit phlogisto est grauidissimus.

§. 478.

§. 478.

Taceo alia adminicula, quae singulares quasdam secretionem iuuant, congestionem v. c. et deriuationem, in lactis secretionem adeo luculentam, et quae sunt eius generis alia.

§. 479.

Ipso vero humores organum quae diximus, et viribus modo recensitis secretos, ea posthac porro intercedit differentia, quod alii ex ipsis organum fecernentibus proxime statim in ipsum cui destinatae sunt et in quo functiones suas exercent locum destillant, alii vero prius ad singularia receptacula abeant, in quibus aliquamdiu afferuntur, ulteriusque quasi maturefcent, antequam excernantur, quod lac in ductibus suis, tum vrina et bilis et virile semen in vesicis suis, quodammodo etiam serum Graafianis ovariorum vesiculis contentum, referenda sunt.

SECTIO XXXVIII.

DE

V R I N A.

§. 480.

Sanguini praeter nutritios succos, et humores secretos inquilinos (§ 4), inertes etiam et superflui latices excrementitii detrahuntur (excrementa vulgo secundae coctionis dicta), iidemque duplicis ordinis: alterum nempe quod perspirando exhalatur, de quo alias diximus: alterum, lotium scil. quod in renibus decolatur.

§. 481.

Sunt autem renes †) bina viscera vtriusque ad supremam lumborum regionem retro peritoneum posita; paulo complanata; figura tamen aequae ac numero frequentius quam vllum aliud corporis humani

†) v. cl. SCHVMLANSKY l. c.

mani viscus varietatibus ludentia †); a vasis pendentia vulgo sic dictis emulgentibus *) [pro partium quas adeunt portione insigni gaudentibus magnitudine]; et sebaceo quasi adipe (§ 38) suffulta.

§. 482.

Cinguntur membrana propria, eleganter vasculosa; et quoduis eorum, maxime in corpore infantili ex octonis circ. aut paulo pluribus renculis compositum videtur, quorum quemque iterum septingentis ad octingentas radiis carnosissimis constare assererat Ferreinus, quos pyramides appellabat albidas.

§. 483.

Ren vero a conuexo dorso versus concavam peluim dissectus seu discerptus
A a 4 duplicem

†) V. GER. BLASII *renum monstroforum exempla* ad calcem BELLINI *de structura et usu renum* edit. Amstel. 1665. 12.

*) EUSTACHII *tabulae* I-V. quae quidem ad classicam EJ. *de renibus* tractationem pertinent: c. rel. summi viri *opusc. anatomicis* Venet. 1564. 4. editam. it. tab. XII.

duplicem exhibet substantiam; alteram periphericam quam *corticem* vocant, interiorem alteram quae *medullae* nomine venit.

Vtraque arteriis venisque scatet sanguiferis; cortex vero praeterea vasis subtilissimis decoloribus †) lotium *secernentibus*; medulla idem *effluentibus*.

Secretorii isti ductus ratione supra descripta (§ 471) ex arteriis oriuntur in glomerulos conuolutis qui renis cortici inhaerent; et quidem ipsi longe maximam corticis renalis substantiam constituunt, et singulari suo anfractuoso decursu facile ab effluentibus s. Bellinianis tubulis distinguuntur, in quos quidem abeunt, qui vero recta decurrentes via e corticali ista in medullarem substantiam progrediuntur, cuius

†) Ductus hinc secernentes FERREINIO imposuisse videntur ut eos pro nouo plane vasculorum genere haberet, quae vasa neuro-lymphatica s. tubulos albos vocabat, quibus in vniuersum viscerum parenchyma conflatum putabat, et quae tantae tenuitatis esse assererat, ut longitudo eorum quae singulo adulti hominis reni inessent, 10000 orgyiarum, seu 5 leucarum stadium aequaret.

cuius maximam partem efficiunt, et postquam iterato confluxu in pauciores trunculos coaluerunt, denique ostiis suis *papillas*, renali pelui contentas, cribri in modum perforant †).

S. 484.

Papillae hae numero plerumque respondent loborum, e quibus singulum renem conflatum esse diximus, et lotium in corticis vasis decoloribus secretum, ac per medullae tubulos Bellinianos vterius deriuatum primo in *infundibula* sua effundunt, quae postmodum in communem *peluim* confluunt.

S. 485.

Peluis vero in *ureteres* continuatur, membranaceos canales, maxime sensiles, muco interius illitos, valde dilatabiles, in homine plerumque hinc illinc inaequalis amplitudinis. ††), posticae denique et inferiori vesicae vrinariae faciei ita in-

Aa 5 fertos,

†) EUSTACHI tab. XI. fig. 10.

††) v. NUCK *adenographia* fig. 32. 34. 35.

fertos, vt non statim eius parietes perforant, sed adhuc inter membranam eius musculosam et nerueam (quae illibi maiori quoque crassitie gaudent) altius paulo descendant, tumque demum in ipsum eius cauum obliquo ostio hient; qua quidem fabrica maxime cautum est, ne vrina quae per vreteres in vesicam destillauit exinde iterum in eos repelli possit.

§. 486.

Ipse autem lotii *vesica* †) in adulto homine plerumque duarum circ. librarum vrinae capax est; fundus eius qui in foetu in vrachum abit, tum et postica facies peritoneae tegitur, quod ad reliquas autem sui membranas in vniuersum cum iis quas ad ventriculum diximus, conuenit.

Musculosa quidem taeniis constat interruptis fibrarum carnearum, varia subinde decussata directione (in aliis aliter se habente) vesicam cingentibus *); detrusorem
vrinae

†) DUVERNEY *oeuvre. anatom.* Vol. II. tab. I-IV.

*) SANTORINI tab. posth. XV.

vrinae vulgo vocant, orbiculares vero fibras ceruicem vesicae inique cingentes inconstantis etiam tam originis quam figurae, sphincterem appellant.

Neruea et huic membranoso visceri primarium suum robur impertit.

Intima denique, quam epidermide continuam dicunt, maxime ad ceruicem mucosa est sublita.

§. 487.

Praeter vias autem quas diximus lotii publicas, alias adhuc esse clandestinas statim ex intestinis ad organa vropoietica tendentes, non vno argumento verisimile reddi videtur. Celer enim potulentorum per vesicam abitus et quod tum odore tum colore specificam ingestorum qualitatem subinde prae se ferat, vix credere sinunt, eadem tam longam interea per chyli ductum et sanguineum systema viam absoluisse; quid quod et assertum legimus innataffe lotio oleum paulo antea cum clysmate recto intestino infusum. Et notae sunt

sunt ab altera parte insignes et copiosae anastomoses, quae lymphatica intestinorum et renum vasa intercedunt. Denique vero et viuifactione euictum est ligatis vtrinq̃ue canis vreteribus et euacuata eius vesica, nihilominus tamen trihorio post iterum vrinam ipsi inhaesisse praeclusa interim solita per vretes via, vtpote quae supra ligaturam lotio valde distenta reperta sunt †).

§. 488.

Per quascunque autem vias lotium in vesicam delatum fuerit, copia sensim molestum fit, et vrgens (§ 330), vt de excretionemoneat, cui denique *vrethra* tanquam emissarium est destinata, pro sexus varietate diuersimode se habens, cuius ideo vltiorem mentionem ad sexualium functionum enarrationem differramus.

§. 489.

Euacuatur autem vesica superata sphincteris constrictione tum proprii quem diximus

†) *philos. Transact.* No. 67.

ximus detrusoris ope (§ 486), tum abdominalis preli et respirationis adminiculo; quibus denique in viris accedit acceleratorum actio, vel guttas lotii in ipso vrethrae bulbo resides adhuc eiaculantium.

§. 490.

Quod vero ipsius *urinae* indolem attinet, infinitis quidem modis ea ludit †) respectu aetatis, item tempestatis, maxime etiam temporis breuioris aut longioris quo post pastum et potum praegressum mittitur, tum et qualitatis ingestorum &c.: in vniuersum tamen si lotium spectes adulti sani hominis, post somnum quietum recentissime missum, aquosus est latex odoris nidorosi, coloris citrini, cuius copiosissimae aquae tanquam communi vehiculo varia, et proportionem in aliis aliter se habentia, insunt elementa: terrena praesertim et salina. In illis eminet plerumque

†) v. cl. HALLÉ *sur les phénomènes et les variations que présente l'Urine considérée dans l'état de santé.* in *Mém. de la Soc. de Médec.* Vol. III. p. 469 sq.

rumque calcarea terra, quae et calculis viarum vrinae, sed diuersissima et inconstanti plane quantitate inhaeret †). Ex salibus autem memoratu dignissimum est quod essentiale et natium vrinae ††), f. microcosmicum, f. fusibile, perlatum &c. vocant, quodque maiori quam aliae corporis partes portione celebre acidum phosphoreum *) continet alcali volatili nuptum.

†) cf. cl. PICKEL experimenta ap. JO. JAC. HARTENKEIL *de vesicae vrinariae calculo* Wirceb. 1785. 4. pag. 27.

††) cf. post alios JO. ALB. SCHLOSSER *de sale vrinae humanae natino* LB. 1758. 4.

JOS. WENC. TICHY *de arenulis in lotio adparentibus ut infallibili, salutaris morborum euentus, signo prognostico.* Prag. 1774. 8. p. 59 sq.

*) vid. cl. BERTHOLET in *Mém. de l'ac des sc. de Par.* a. 1780. p. 10 sq.

cl. TH. LAUTH (praef. SPIELMANN) *de analysi vrinae et acido phosphoreo* Arg. 1781. 4.

 SECTIO XXXIX.

DE

SEXVVM DISCRIMINE

IN VNIVERSVM.

§. 491.

Quotquot haftenus enarrando absoluimus corporis humani functiones in vniuersum quidem vtrique sexui communes sunt: ita tamen vt modum quo nonnullae earum peraguntur haud exigua in diuerso sexu intercedat differentia †), cuius potiora momenta antequam ad functiones sexuales proprie sic dictas progredimur, paucis recensenda sunt.

§. 492.

Et in genere quidem cuius sexui proprius suus est et ab altero discrepans *habitus*:

†) F. THIERRY E. *praeter genitalia sexus inter se discrepant.* Paris. 1750. 4.

bitus: in homine nato luculenter obseruabilis: in foetibus vero tenerioribus primo saltem intuitu vix dignoscendus, vtpote quibus neque ipsa genitalia externa si obiter saltim inspecta fuerint differre videntur, cum femineo embryoni clitoris proportionem vaegrandis †) et prominens, masculo vero scrotum adhuc vix vllum sit *).

§. 493.

Sed et infantili aetate illud vniuersi habitus pro sexus varietate discrimen parum adhuc in sensus incurrit; sensim vero sensimque magis obseruabile fit adolescentiae

†) LANGGVTH *embryo* $3\frac{1}{2}$ mensium qua faciem externam Viteb. 1751. 4.

JAC. PARSONS in *philos. Transact.* Vol. XLVII. p. 143.

*) Id quod nuper adhuc confirmatum vidi gemellis mihi allatis abortiuis diuersi sexus 16 circ. hebdomadam, qui etsi ineffabili elegantia conspicui et ad amantissimum pro sua aetate tenella perfectissime efformati sint, genitalium tamen differentiam non nisi curatiore indagine obseruabilem prae se ferunt; quod ad reliqua autem, vniuersam sc. figuram, physiognomiam, lunborum mensuram &c. &c. ut ouum ouo sibi simillimi sunt.

tiae annis, vbi vniuersi feminei corporis conformatio et teneritudo ac mollities, minorque statura ceteris paribus cum virili toroso et lacertoso corpore comparata eandem differentiam luculentissime demonstrat †).

§. 494.

Similis vero isti quae externum corporis habitum in vtroque sexu intercedit discrepantia et in ipsis ossibus obseruatur, vtpote quae in feminis ceteris paribus longe laeuiora et rotundiora esse constat, cylindrica praesertim graciliora quam in viris, plana autem tenuiora; vt singularium ossium diuersitates taceam, thoracis praesertim et peluis, tum et clauicularum, femorum &c. *).

§. 495.

†) cf. celebres virilis femineique corporis binas figuras, procul dubio ab ipso TIRIANO, pictore summo profectas, in VESALII *epitome suor. libror. de c. h. anatome* Basil. 1542. fol.

*) Curatius eas per singulas sceleti partes enarraui *opere osteologico* pag. 81 sq.

§. 495.

Quod molles vero corporis partes at-
tinet, in vniuersum feminis cellulosa la-
xior, magis obsequiosa, vt in grauiditate
facilius dilatetur; cutis vero tenerior et a
substrato adipe nitidius candida.

Capillamentum quidem plerumque lon-
gius, aliae autem corporis partes, quae in
viris pilosae sunt, feminis aut plane glabrae,
vt mentum et pectus; aut minus hirtae,
vt perinaeum; aut pube saltem tenella
et mollissima tectae, vt brachia et crura.

§. 496.

Inter singularium autem functionum
diuersitatem memorandus venit pulsus, fe-
minis (ceteris paribus) frequentior (§ 109),
thorax superiore praesertim parte mobilior.
Item os hyoideum longe minus, et larynx
arctior, hincque vox minus grauis.

§. 497.

Quod ad animales vero functiones, in
vniuersum feminis est systematis neruosi
longe

longe maior mobilitas: et irritabilitas exquisitior; ad animi quoque commotiones faciliior propensio.

§. 498.

Respectu denique naturalium functionum in eo sexu observatur minor cibi appetentia; incrementum vero corporis celerius, ac termini pubertatis et adolescentis staturae praecociores.

§. 499.

Sed longe maxima et princeps sexuum differentia ipsas concernit genitales functiones, quibus viro fecundandi, feminae vero concipiendi facultas competit; quarumque ulterior indago iam adhuc exponenda restat.

SECTIO XL.

DE

FVNCTIONE GENITALI
SEXVS VIRILIS.

§. 500.

Genitalis viri liquor testium biga paratur in scroto a *funiculis* suis *spermaticis* pendentium, qui praeter lymphaticas, quibus abundant venas, triplicis maxime ordinis constant vasis.

Arteria nempe *spermatica* quae pro portione exilis diametri omnium corporis arteriarum longissima dicitur, et sanguinem plerumque proxime ex ipsa aorta abdominali ad testem vehit:

tum *ductu deferente*, qui semen ex isto arterioso sanguine secretum ad vesiculas defert seminales:

denique

denique *venarum* plexu vulgo sic dicto *pampiniiformi*, qui reliquum sanguinem excipit et cauae aut renali tradit.

§. 501.

At enim vero non ab omni inde tempore testes ita in scroto suspensi haerent: sed in foetu masculo immaturiore longe alio situ dispositi sunt, cuius quidem situs ratio et successiuae mutationes ab Hallero primum a. 1749 Goettingae curatius indagatae †), diuersimode autem postmodum explicatae et quod ad varia momenta controuersae sunt; quarum vero succinctam notitiam vnice ad ipsam naturam dare liceat, quam in memorabili embryonum masculorum eo fine a me dissectorum serie, ad manus habeo.

§. 502.

Aperto igitur infimo ventre foetus immaturioris visitur in utroque inguine ad
Bb 3 annu-

†) HALLERI progr. de herniis congenitis recens. in EJ. opusc. patholog. p. 311 sq. Vol. III. operum minor.

annulum sic dictum musculorum obliquo-
rum, perangustum in ipso peritoneao ostio-
lum (— *Tab. III. fig. 1. e. et fig. 2. —*) ad
meatum aliquem et quasi angiportum
deorsum ducens, qui ipsum eum annulum
perforat, et dehinc in peculiarem bullo-
sum sacculum (— *fig. 1. d. —*) abit, extra
abdominale cauum porrectum, scrotum
spectantem, fibris cellulosis intertextum,
et recipiendo posthac testis destinatum.

§. 503.

Porro autem ad ipsissimum posticum
istius ostioli abdominalis marginem alius
oritur processus peritoneaei, sed qui sur-
sum vergit, et in tenello foetu (— *fig. 2. —*)
maximam quidem partem non nisi plicam
refert longitudinalem, ex cuius vero basi
exiguus cylinder seu potius inuersus conus
surgit, qui denique suprema sui parte qua
renis inferiorem marginem spectat, in
bullam terminatur, cui ipse inhaeret testis
cum epididymide (— *fig. 1. a. et fig. 2. —*)
ita vt hic primo intuitu bacculam quasi
mentiatur,

mentiatur, petiolo suo insidentem, et fere vt hepar aut lien libere in abdominale cauum dependere videatur (§ 404).

§. 504.

Quae vero postmodum constituent funiculum spermaticum vasa, retro tenerrium ea aetatula et quasi pellucidum peritoneum decurrentia visuntur, ita vt arteria et vena spermatica (— *fig. 1. b. f.* —) ad spinae latera descendunt, vas deferens vero (— *c. g.* —) introrsum versus vesicae urinae (— *h* —) ceruicem tendens in laxa cellulosa, quae retro peritoneum posita est, decurrant, et in ea quam diximus peritonei plica ipsi testi insinuantur.

§. 505.

Iam vero inde a medio circ. grauiditatis testes sensim sensimque deorsum aguntur, ita vt propius propiusque ad perangustum quod diximus peritonei ostium accedant, simulque plica ista peritonei cum cylindro suo complicitur, donec

Bb 4 denique

denique testis ipsi angiportus ostio proxime incumbat.

§. 506.

Quando nunc iam maturiore in foetu ad descensum paratus est testis, arcum hactenus ostiolum adeo dilatatur, ut ille id ipsum aequae ac annulum, quo cingitur abdominalem et vniuersum angiportum transire et se quasi praecipitem in bullosum quem diximus sacculum dare possit; quo facto peritonaei illud ostium mox arctissime clauditur, imo vero breui coalescit plane, ut vix vestigium eius in infantili aetate adhuc superesse soleat.

§. 507.

Quo lentior vero testis adhuc in abdominali cauo haerentis versus ostium illud progressus erat, eo celerior et quasi momentaneus videtur ipse eius per angiportum transitus. Vulgatum enim est dissectis foetibus maturis aut incumbentem adhuc ostio peritonaei testem; aut superato
annulo

annulo eundem in inguine iam haerentem videre: nonnisi semel vero mihi contigit esse tam felici vt in foetus gemelli cauo abdominali, cuius ideo iconem exhibeo †), dextrum testem eo ipso momento deprehenderem, quo medio angiportu arctissime inhaerens et quasi ab eo strangulatus (-fig. 1. a-) in procinctu fuisse videbatur, vt ex abdomine in facculum illaberetur; id quod sinistro testi iam contigerat, vtpote qui iam ex angiportu emerfus, et ostium huius abdominale iam arcte clausum erat (-c-).

§. 508.

Nulla quidem statuto tempore adstrictus est memorabilis hicce testium ex abdomine per inguen transitus: plerumque

B b 5 - tamen

†) cf. cum hac icone aliae hactenus editae, viz.

cl. Jo. HUNTERI in fratris GUIL. *medical commentaries*,

cl. CAMPERI in *Verhandelingen van het Matschappye v. Haarlem* VII D. 1 St.

cl. GIRARDI in appendice ad *tab. postb.* SANTORINI.

et cl. VICQ D'AZYR in *Mém. de l'ac. des sc. de Par.*

a. 1780.

tamen circ. in vltimum grauiditatis mensem incidere videtur: quanquam neque rarissime in neonatis adhuc siue in ipso abdominali cauo, siue in supremo inguine haerentes inueniantur. Nam in vniuersum etiam nouum adhuc testi ex abdomine iam emersi emetiendum est itineris stadium, vt ex inguine cum ipso suo cui iam inhaeret sacco vltius in scrotum penetret.

§. 509.

Hunc quem haecenus descripsimus esse vere testium ex abdomine in scrotum descendendum progressuum motum, toties repetita obseruatione certo constat. Iam vero *causas* et *vires* eruere, quibus mirandum illud iter debetur, perdifficile videtur. Indies enim magis magisque persuaedor, neutram earum virium, quibus hucusque tribui solebat is descensus, (cremasteris v. c. actio, aut diaphragmatis, aut sola contractilitas cellulosa tendinosae fibris intertextae, quae istis peritonaei processibus inhaeret

inhaeret et *gubernaculi* Hunteriani nomine venire solet &c.) ad explicandum tam singularem motum praesertim quod ipsum illapsum testis per angiporum toties dictum attinet, sufficere: praebere vero e contrario vniuersum hocce negotium, si quod aliud, luculentissimum vitae propriae exemplum, vtpote sine cuius peculiari quodam adminiculo tam memorabile et in suo genere vnicum iter cui nulla alia in vniuersa animali oeconomia functio comparanda venit, vix animo comprehendi poterit.

§. 510.

Inuolucra vero quibus absoluto eo itinere testes continentur, commode in *utrique commune* et in *cuius propria* distinguuntur.

Illud *scrotum* est, tenui constans cute, cui parcus substratus est adeps, quodque id prae reliquis integumentis communibus priuum habet, vt habitum mirum in modum mutet, subinde nempe laxum et flacci-

flaccidum dependeat, subinde vero (et quidem maxime sub oestro venereo, aut frigoris accessu &c.) constrictum quasi rigescat, tuncque singulariter rugis et sulcis distinctum sit.

§. 511.

Inter ea vero testium inuolucra, quae cuius propria sunt, statim ipsi scroto subiecta est *tunica dartos*, peculiari et viuida praedita contractilitate, qua egregii viri Winslovius, Hallerus &c. seduci se passi sunt, ut eidem indolem et vim musculosam male tribuerent.

§. 512.

Excipiunt hanc (post copiosam et mollem cellulosam) triplicis ordinis *tunicae vaginales* a desideratissimo Neubauero curatius distinctae et indagatae †).

Exterior nempe quae testi et funiculo spermatico *communis* est, et cui *cremaster* musculus disiunctis fasciculis adnascitur.

Interiores

†) NEUBAUER *de tunicis vaginalibus testis et funiculi spermatici*. Giesl. 1767. 4.

Interiores autem *propriae* tam funiculi spermatici quam ipsius testis, quarum posterior fundo suo tunicae isti communi plerumque adhaeret, intus vero latice lubricante (fere vt pericardium) irroratur.

§. 513.

Origo autem harum tunicarum vaginalium tam diuersimode disputata, ni fallor ex iis quae de testium descensus ratione exposui, haud difficulter explicanda videtur.

Communis nempe a bulloso sacculo seu processu peritoneaei descendente (§ 502) ortum ducit.

Propria testis vero ab ea peritoneaei propagine quae a cylindro (§ 503) sursum vergens a primis inde initiis testem investit.

Quae denique *funiculo propria* est, a plica quam diximus peritoneaei et breui cylindro in quem abit antequam ipsum testem amplectatur.

§. 514.

§. 514.

Ipsi vero testi †) corticis in modum arctissime adnata est *tunica albuginea*, ex qua sanguifera vasa in *pulpa* testis trans-eunt ††), quae tota quanta ex innumeris vasis, spithameae circ. longitudinis, in glomeratos lobulos conuolutis, constat, tam sanguiferis quam fecernentibus *), quorum postremi semen secretum per rete vasculosum Halleri **) et vasa efferentia Graafiana ***) in apices conorum epididymidis deuehant.

§. 515.

†) cl. AL. MONRO fil. *de testibus et de semine in variis animalibus* Edinb. 1755. 8.

††) B. S. ALBINI *annotat. acad.* L. II. tab. VII. fig. 1.2.3.

*) Contigit haud ita pridem cl. SOEEMMERRINGIO tam vniuersa quae testem constituunt vasa, quam integrum caput epididymidis argento viuo felicissime replendi. cf. EJ. *über die körperl. Versch. des Negers vom Europäer* p. 38.

**) HALLER *de viis seminis* in *philos. Transact.* No. 494. fig. 1. g. g.

***) DE GRAAF *de viror. generationi inservientibus* tab. IV. fig. 1. 2.

§. 515.

Quae nempe ipsi testi ad latus accumbit *epididymis*, vnico, sed 30 circ. pedes longitudine aequante constat vase, quod ab altera parte quae caput eius audit in plus minus 20 glomerulos seu conos distinctum est †), altera vero eaque inferiore sensim crassescente *) quam caudam vocant, in vas deferens continuatur.

§. 516.

Vtrumque vero *vas deferens* versus vesicae vrinariae ceruicem ascendens et sub prostata inuicem conuergens, dehinc retrorsum flectitur et dilatatur in vesiculas seminales: ita tamen vt tam ex hisce vesiculis quam ex deferentibus vasis communium pororum biga in vrethram, pone caput gallinaginis, hiet **).

§. 517.

†) v. cl. MONRO fil. *observations, anatomical and physiological* Edinb. 1758. 8. tab. I. E. E. E F. G. H.

*) B. S. ALBINI *annotat. acad.* L. II. tab. III. fig. I.

**) B. S. ALBINVS l. c. I. IV. tab. III. fig. 1. 2. 3.

§. 517.

Ipsae denique *vesiculae seminales*, quae posticae et inferiori cystidis vrinariae faciei adfident, copioso adipe circumfusae, in vniuersum intestinula duo referunt, diuersimode flexuosa et numerosis coecis appendiculis ramosa †).

Tunicis constant duabus, fere eiusmodi quales ad biliarem vesiculam diximus: altera nempe robustiore ex earum genere quae vulgo nerueae vocantur: altera teneriore interna, cellulis et scrobiculis sca-
tente, et passim iugis eminentibus (similibus iis quae in eiusdem vesicae felleae ceruice cernuntur) tanquam in loculos diuisa.

§. 518.

Et his quidem haecenus dictis viis inde a pubescentis adolescentiae annis lente et parca quantitate fecernitur et continetur *semen*, singularis plane et sum-
mae

†) v. icones GRAAFII, HALLERI, ALBINI et cl. MON-
ROI fil. II. cc.

mae dignitatis liquor, coloris ex lacteo subflauescentis, odoris prorsus peculiaris, mucosae viscositatis, et insignis ponderis specifici, vtpote quo reliquos humores secretos ad vnum omnes excedere videtur.

§. 519.

Illud praeterea sibi priuum habet, quod (obseruante primo a. 1677 Lud. Ham *) Dantiscano) infinita animatus sit multitudine animalculorum microscopiorum ex eorum ordine quae infusoria dicuntur: quibusque in variis animantium generibus multifaria quoque est figura. Homini quidem [vt asino †)] *animalcula spermatica* sunt oualia, tenuissime caudata: non autem nisi in sano et prolifico semine reperiri dicuntur, ita vt quodammodo criterion aduentitium fecundae eius maturitatis

*) V. FR. SCHRADER *de microscopior. usu in nat. sc. et anatome* Goetting. 1681. 8. p. 34.

†) cf. W. FR. V. GLEICHEN *über die Saamen- u. Infusionsthierchen* Norimb. 1778. 4. tab. I. fig. 1. col. lata c. tab. IV. fig. 1.

tatis constituere videantur : aduentitium inquam, cum ceteroquin nihilum plane ipsis inesse principii ipsius fecundantis, multoque minus ea pro futurorum homunculorum germinibus habenda esse, post tot grauissima argumenta et obseruata †), hodiernum vix adhuc monitu opus esse, speramus.

§. 520.

Genitale hocce liquidum vesiculis quas diximus sensim collectum ad futuram vsque excretionem retinetur, eaque stagnatione similes fere mutationes patitur quales bili in cystide sua detentae contingere vidimus, vt nempe aquoso latice ipsi detracto magis magisque inspissetur quasi et concentretur.

§. 521.

Vti enim vniuersi testes cum funibus, a quibus dependent, mira scatent multitudine

†) cf. praesertim cl. SPALLANZANI tam in *opuscoli di fisica animale e vegetabile* Mutin. 1776. 8. Vol. II. quam in *Dissertazioni* &c. ib. 1780. 8. Vol. II.

tudine venarum lymphaticarum, quae exin spermatico contagio infectum laticem ad sanguinem reuehant, et sic vltiorem feminis secretionem ea quam alias exposuimus ratione (§ 476) iuuent et facilitent: ita et ipsis feminalibus vesiculis eiusdem ordinis vasis prouisum est, quae inertiores resorbendo aquulam, reliquum semen eo efficacius reddunt.

§. 522.

De eo vero valde dubito, an et vnquam in homine sano genuinum semen ex vesiculis resorbeatur: — magis adhuc de eo quod aliquando assertum est, reuehi idem proxime in vicinas venas sanguiferas: — omnium maxime vero de eo, quod eiusmodi feminis resorptione (si qua daretur) intempestiuis ad venerem stimulis cautum esse possit, cum eandem, (si phaenomena spectamus animalium quae statutis anni temporibus in venerem ruunt, comparando ea cum castratarum constitutione) potius causam effrenatae et

fere rabidae libidinis esse, luculenter pateat.

§. 523.

Longe aliam potius eo fine homini (et quidem quantum hactenus noui nulli praeter eum alii animanti) concessam esse praerogatiuam probabile videtur, *pollutionum nocturnarum*, quas eatenus ad naturales viri excretionem refero, ut iisdem rarius frequentiusue pro temperamenti nempe et constitutionis varietate a molesto et alias urgente superfluo semine liberetur.

§. 524.

Ipsam vero semen nunquam sincerum excernitur, sed *prostatæ liquore* mixtum, qui, quod externum eius habitum attinet, ouorum albumini valde similis apparet, nomenque a fonte suo habet, corpore nempe insignis magnitudinis et singularis plane valde compacti parenchymatis, quod feminales vesiculas et urethrae bulbum interiacet, et vulgo *glandulae prostatæ* nomine insigniri solet. Viae huius liquoris nondum.

nondum satis notae sunt, nisi forte cum sinu carunculae feminalis communicant, cuius orificium medium inter binos vesicularum feminalium poros (§ 516) in vrethrae tubum hiat †).

§. 525.

Est autem virilis *vrethra* commune emissarium ternis diuersi ordinis humoribus destinatum: lotio scil., geniturae, et liquori prostatae. Muco sublinitur ex numerosis sinibus passim per eius canalem dispersis ††), oriundo. Cingitur autem spongioso contextu, cui alia duo, sed longe crassiora eiusmodi *spongiosa corpora* *) incumbunt, quae maximam virilis membri partem constituunt; quod anterius *glande* terminatum, in vniuersum quidem tenera et adipis experte et obsequiosa cute tegi-

Cc 3 tur,

†) MORGAGNI *aduersar. anat.* IV. fig. 1. 2.

††) JO. LADMIRAL *effigies penis humani* LB. 1741. 4.

*) RUYSCH *observat. anat. chirurg. Centur.* pag. 99.

fig. 75-82.

EJ. *ep. problemat.* fig. 2. 4. 6. 7.

tur, quae vero inde a corona balani praeputium format, et plane libera super glande fere vt palpebrae super oculi bulbo mobilis est. Interior vero praeputii duplicatura super ipsam glandem (quasi vt albuginea oculi) mutato habitu reflectitur, et ad coronam copiosis glandulis Littrianis†) [quodammodo Meibomianis palpebrarum comparandis] singulare smegma fundentibus, obsita est ††).

§. 526.

†) MORGAGNI *aduersar. anat.* I. tab. IV. fig. 4. i. k.

††) Smegma hoc in iuuenibus, praesertim quando aestu perfusi incalescunt, facile congeri et in caesum quasi coagulum abire, quod acrimonia sua irritet &c. vulgo notum est. Maxime vero huic incommodo obnoxii sunt calidarum regionum incolae, et princeps ideo *circumcisionis* vsus in eo consistere videtur, vt importunae eiusmodi congectioni praecaueatur. Hinc et sub torrido Senegambiae coelo christianos subinde praeputium sibi rescindi curare nouimus, et Europaeos contra non circumcisos in oriente degentes molestiis istis frequentissime infestari. Pridem ideo chirurgiae sui aevi celeberrimus restaurator, GUIDO DE CAULIACO, (qui sec. XIV medio cl.) *circumcisionem*

§. 526.

Ita autem constructo virili membro *erectionis* contigit facultas, vt nempe vehementer aucta et accelerata sanguinis in corpora cauernosa impetuosa congestione et effusione (nam haec nisi vnica saltem prima et princeps erectionis causa efficiens esse videtur) turgeat et obrigescat, situmque mutet, postea vero resorbto iterum superfluo sanguine denuo detumescat et collabatur.

§. 527.

Flaccidum ita membrum vbi a vesicae ceruice oritur singulariter anfractuose flectitur †), isque ad lotii sinceri excretionem aptissimus, ad geniturae vero emissio-

C c 4 nem

nem et aliis praeter Iudaeos et Saracenos multis esse vtilem dixit — : „propterea quod non congregantur sordities in radice balani et calefacerent ipsum., *Chirurgiae* Tr. VI. doct. II. p. m. III.

†) v. cl. CAMPERI *demonstration. anat. pathologic.* I. II. tab. III. fig. I.

nem plane ineptus status est †), utpote quod tunc vrethrae principium cum vesicularum feminalium ostiolis in acutiorem coëat angulum.

§. 528.

Intumescente autem sensim pene, primo prostaticus effluere solet liquor, qui saepe sincerus, vix vero vnquam iunctim cum lotio excernitur; cuius autem primarius finis est, ut iunctim cum ipso semine eui-bretur; situe ut albuminosa sua lubricitate tenaci eius inertiae subueniat et eiaculationem promoueat, situe ut ad ipsum generationis negotium partes aliquas conferre censendus sit.

§. 529.

Ipse vero ea feminis emissio *excitatur* tam copia eius in receptaculis suis urgente, quam sexuali instinctu: *perficitur* autem summa primo tentigine qua urinae via
prae-

†) GYSE, BEUDT *de fabrica et usu viscerum uropoieticorum* LB. 1744. 4. — recus. in HALLERI collect. disput. anat. T. III. tab. III.

praecluditur, geniturae e contrario sternitur quasi; tum vero spastica quadam vesicularum feminalium contractione, leuatoris ani et vrinae acceleratorum conuulsione, et vniuersi systematis neruosi breui et leniori, attamen quasi epileptica et vires deprimente, succussione.

SECTIO XLI.

DE

FVNCTIONE GENITALI

SEXVS SEQVIORIS

IN VNIVERSVM.

§. 530.

Virilia vti ad dandum, ita muliebria ad recipiendum a natura apta et in vniuersum maxime ab inuicem diuersa sunt. Quibusdam tamen in partibus vtriusque generis organa perquam similem monstrant fabricationem. Ita sub pube (cuius structurae § 36. obiter mentionem iniecimus) in commissura labiorum superiore latens *clitoris* non vna in re cum virili membro conuenit, nisi quod ab vrethra seiuncta ideoque imperforata, et in rite formatis perexigua sit. Subinde enim et in adultis eiusmodi molem seruasse memoriae proditum

ditum est, qua embryonum femineorum clitoridem conspicuam diximus (§ 492), quale obscenum vitium plerisque fabulosis Hermaphroditis originem praebuisse probabile videtur †). Similiter ceterum ea particula cauernosis constat corporibus et erectioni apta est, et praeputio tegitur, et smegma praebet Littriano (§ 525) haud absimile ††).

§. 531.

†) v. HALLER in *Commentar. soc. scient. Goetting.* Vol. I. pag. 12. sqq.

Exemplorum icones exhibet GAUTIER in *observations sur l'hist. nat.* a. 1752. 4.

††) Idemque smegma cum calidis in regionibus facile simili ac apud viros congestionem et irritanti acrimoniae obnoxium sit, simili quoque puellarum circumcissioni ansam praebuit, plurimis Africae Asiaeque calidioris gentibus sollemni. Iconem pudendorum circumcissae eiusmodi puellae Arabicae 18 annorum, ad vinum factam, rarissima opportunitate feliciter usus ex orientali itinere retulit cl. NIEBUHR (v. *EJ. Beschreib. von Arabien* p. 77 sq.) mihi quoque ut eam publici iuris facerem amice concessit.

Aeri incisam dedi in l. *de generis hum. varietate* tab. II. fig. 4.

§. 531.

A clitoride descendunt *nymphae*, itidem subinde enormi magnitudine aberrantes*), [qui excessus etiam fabulosae famaee occasionem dedit**);] aequae ac clitoris summa sensilitate gaudentes; urinae emissae radium quodammodo dirigere videntur, cum *urethrae*, in hoc sexu brevissimae, *ostium* [in perfectissimis exemplis singulariter ciliatum †)] in fundo quasi earum delitescat.

§. 532.

*) Quid quod et numero ludere aliquando visae sunt.
— cf. optimus NEUBAUER de triplici nymphaeum ordine Jenae 1774. 4.

**) De singulari nempe Hottentottarum cutaneo ventrali; quod vero pridem ad nymphas enormes pendulas retulit medicus autopta WILH. TEN RHYNE de promontorio b. spei pag. 33.

Simile quid de Kamtschadalicis feminis refert STELLER Besch. v. d. Lande Kamtschatka pag. 300.

†) Elegantissimis eiusmodi ciliis oblitum hoc ostium urethrae video in memorabili specimine genitalium vetulae annosissimae, tam hymene intemerato, quam reliquarum partium obscenarum perfectissima et quasi elaboratissima efformatione conspiciuarum, quae a cl. BÜCHNERO accepi, medico apud Gothanos longe meritissimo meique amatissimo.

§. 532.

Ostio huic subiectum est ipsius *vaginae orificium*, varii ordinis cryptis cinctum, quo v. c. lacunae vrethericae Graafii †), et orificia prostaticarum inepte sic dictarum Casp. Bartholini ††) &c. pertinent, quorum muco vnguinoso obsecnae istae partes illinuntur *).

§. 533.

Ipse vero vaginae aditus praetensum sibi habet *hymen* **): intemeratae virginitatis signum, nulli quod sciam, praeter humanum genus alio animantium generi concessum, et cuius hactenus nulla physica utilitas innotuit.

Destructi

†) v. Jo. JAC. HUBERI icones vteri, inter Hallerianas, fasc. I. tab. II. fig. 1. g.

††) Ibid. fig. 1. b. b. — fig. 5. d.

*) Huc quoque referenda foramina duo a Jo. DRYANDRO in extremo vulvae viuentium mulierum saepissime visa. v. NIC. MASSAE *epist. medicinal.* T. I. p. 123. b.

**) HUBER l. c. fig. 3. 4. 6.

it. B. S. ALBINI *annotat. acad.* L. IV. tab. IV.

Destructi laciniae sensim in *carunculas myrtiformes*, incerti numeri, abeunt.

§. 534.

Dehinc *vagina*, vrinariam inter vesicam et intestinum rectum ascendit, ex parenchymate celluloso copiose vasculoso constipata; infra musculo *constrictore cunni* *) cincta; interius verò mollissima tunica vestita; quae binis elegantibus *rugarum* **) *columnis*, antica scil. et posteriore †), distincta est, et ex ipsis hisce rugis mucum plorat cauum eius illinentem.

§. 535.

Supremo vero vaginae ambitui infidet denique *uterus*, a ligamentis latis vtrinque suspensus haerens.

Cylin-

*) EUSTACHII tab. XIV. fig. I. X. X.

SANTORINI tab. posth. XVII. I. I.

**) HUBER de vaginae uteri structura rugosa, nec non de hymene Goetting. 1742. 4.

†) V. HALLERI icones anat. fasc. II. tab. VI. fig. I. 2.

Cylindricus eius ceruix †) a vagina quasi amplectitur et angusto canali perforatur, qui simili ac vagina rugoso apparatu, arbore nempe sic dicta vitae distinguitur, et cuius vtraque extrema orificia maxime vero superius s. internum tenaci plerumque muco obstita sunt.

§. 536.

Substantia vtero plane singularis, ex parenchymate proprio perdenso et compacto ††), ingenti vasorum sanguiferorum copia, miris anfractibus serpentinis decurrentium †††), pertexto, quorum venae valuulis destituuntur. Procul dubio etiam vasorum lymphaticorum apparatu *) instructus est; nervis autem scatet innumeris **), quorum ope mirandum illum cum plerisque corporis partibus consensum alit.

§. 537.

†) ROEDERER *icones uteri humani* tab. VII. fig. 2. 3. 4.

††) Jo. GOTIFR. WEISSE (præf. G. RUD. BOEHMER) *de structura uteri non musculosa, sed celluloso-vasculosa* Vitemb. 1784. 4.

†††) cl. WALTER *de morbis peritonæi* tab. I. II.

*) cf. MORGAGNI *advers. anat.* IV. p. 135.

**) cl. WALTER *tab. nervor. thorac. et abdom.* tab. I.

§. 537.

Exterius tegitur vterus peritoneo, interna vero eius exigua cauitas et maxime quidem in fundo, molli et tenerrime spongiosa obuestitur membrana, quam alii *) vasis decoloribus (§ 80), alii **) venis lymphaticis absorbentibus constare afferunt.

§. 538.

Musculosam quod attinet texturam vtero a nonnullis tributam †) ab aliis vero negatam ††), id saltem monere liceat, mihi quidem in omnibus quotquot hactenus curatius indagavi vteris humanis, grauidis aequae ac non grauidis (et quidem vtriusque generis vteros non in praeparatis tantum sed et in recentissimis funeribus explorandi occasio fuit),

ne

*) FERREIN in *Mém. de l'ac. des sc. de Paris* a. 1741. p. 375.

**) cl. MASCAGNI l.c. pag. 4.

†) cf. v.c. cl. SUE in *Mém. présentés* Vol. V.

††) v. argumenta cl. WALTERI in *Betracht. über die Geburtstheile des weibl. Geschl.* p. 25 sq.

ne hilum reperisse quod pro muscularibus fibris agnoscere licuisset: indies e contrario magis magisque mihi persuaderi irritabilitatem vtero, muscularis fabricae experti, nullam esse (§ 306): sed vitam, si cui alii corporis parti, propriam (§ 47) tam peculiaribus plane vteri motibus et functionibus respondentem, quas a nulla earum virium vitalium quae partibus similaribus communes sunt (§ 43-46), deriuare licet: et quae veteribus pridem medicis et philosophis adeo singulares et propriae visae sunt, vt vterum inde animal in animali contentum vulgo appellarent.

§. 539.

Ex lacunaris s. fundi vterini angulis emergunt vtrinque *tubae Fallopianae* †) angusti et tortuosi canaliculi, in suprema ligamentorum latorum duplicatura decurrentes, textura sua isti vaginae similes, nisi quod interius rugis destitutae mollissima et tenerrima spongiosa carne vestiantur.

†) FALLOPII *observ. anat.* p. 197.

§. 540.

Extremum eorum ostium abdominale, praeterquam quod alteri vterino amplius est, singularis plane et elegantis fabricae *fimbriis* laciniatis et quasi digitatis cingitur, quarum in conceptionis negotio partes non infimae esse videntur, quippe quae venereo oestro aequae ac tubae ipsae turgentes subiecta sibi ouaria amplecti videntur.

§. 541.

Ipfa vero *ouaria* f. vt ante Stenonis tempora †) audiebant testes muliebres, praeter tenax et fere tendineum inuolucrum densa constant et quasi compexa tela cellulosa, cui in quouis ovario inhaerent plus minus circ. 15 ouula sic dicta Graafiana, vesiculae scil. f. potius guttae feri flavescentis albuminosi, quod vt genuinum ouorum albumen, si recens ouarium feruenti immersum fuerit, cogitur.

§. 542.

†) STENONIS enim primus mulierum testes ovario analogos dixit a. 1667. v. Ej. *elementor. myologiae specimen* pag. 117 sqq.

§. 542.

Et huiusmodi quidem albuminosa gutta princeps humor esse videtur, quem mulier ad conceptum confert, siquidem verosimile est, per virilis aetatis decursum sensim sensimque aliam harum guttularum post aliam ita ad maturitatem suam peruenire, vt inuolucrum, quo ouarium cingi vidimus, penetret quasi, donec tandem aliquando id ipsum inuolucrum rumpere et a tubae ostio abdominali excipi possit.

§. 543.

At enimvero praeter hancce ex ovario profilientem albuminosam guttulam alium quoque liquorem, quem veteres fatis ab-
vsiue quidem *feminei seminis* nomine designabant sub venereo oestro fundi constat, de cuius tamen indole et fontibus et vniuersitate non magis adhuc certi quid statuere licet ac de fine et vñibus eius †).

†) Cum haftenus vix meliora de dubio eo liquore norimus, praeterquam quae summus HARVAEVS de eo memoriae prodidit *Exercit. de generat. animalium*

malium pag. 95. ed. Lond. 1651. 4. liceat verba eius adiungere. Monet autem „non omnes quorumlibet animalium foeminas, nec mulieres quidem omnes, talem humorem emittere, nec citra eiusmodi emissionem conceptum necessario frustrari; (non enim plurimas — inquit — quae citra talem emissionem foecundae satis essent, et nonnullas etiam quae postquam emissionem eiusmodi expertae sunt, maiore quidem voluptate in coitu delectarentur, sed de foecunditate solita plurimum amitterent. Infiuta etiam exempla sunt foeminarum, quae, licet in coitu voluptatem sentiant, nihil tamen emittunt et nihilominus concipiunt.) Miror maxime, eos, qui emissionem hanc ad generationem necessariam putant, non animaduertisse, humorem illum foras eiici, et circa clitoridem vulvaeque orificium ut plurimum profundi; raro intra vuluam, nunquam vero intra uterum, ut cum maris spermate misceatur; esseque consistentia serosum s. ichorosum, ad modum urinae; non autem, geniturae instar, lentum atque vultuosum; ut tactu facile innotescit.,

 SECTIO XLII.

DE

 M E N S T R U I S.

S. 544.

Frequentissima et grauis vteri functio est vt per triginta circ. annos menstruum tributum soluat, quam legem nulli alii animantium generi †) imposuit natura, cum, vt Plinii verbis vtar, solum animal men-

D d 3 struale

†) Vulgo quidem scriptores historiae naturalis, et inter eos cl. BUFFON nonnullis praeter humanum genus aliis animantibus mammalibus (praesertim ex simiarum ordine) periodicum huiusmodi fluxum tribuunt. Postquam autem plures simias feminas ipsarum earundem specierum de quibus id memoriae proditum est, (v. c. *simiam syluanum*, *cynomolgum*, *papionem mandril* &c.) per plures continuos annos coram obseruandi occasione vsus sum, facile perspexi putatitia illa catamenia aliis plane nulla esse, in aliis, et quidem eiusdem cum istis speciei, ad parcam sed vagam et *omni periodico ordine plane destitutam* haemorrhagiam vteri redire.

struale mulier sit: nullam vero hactenus notarum gentium *) ab eadem exemtit, cum in vniuersum ad necessaria pertineat requisita quibus ad generis sui propagationem aptus fiat sequior sexus,

§. 545.

-) Peruulgata quondam sed fabulosa fama de integris gentibus, Americanis maxime, catameniorum fluxu destitutis hodiernum vix adhuc refutatione eget. Ortum vero exinde duxisse videtur, quod Europaei istas regiones inuisentes etiam si innumeras tantum non plane nudas sequioris sexus incolas viderint, nunquam tamen menstruae purgationis inquinamenta in ipsis obseruauerint: cuius vero rei duplicem fuisse causam probabile est; partem nempe quod apud istas Americae gentes feminae quamdiu menstruatae sunt, felici praeiudicio pro venenatis quasi habeantur et a sociali consortio arceantur, inque remotioribus tuguriolis e hominum conspectu remotae tamdiu benefico ipsis otio fruuntur. — Partem vero etiam laudatam ipsarum corporis munditiem et modestam crurum posituram eo conferre, vt nulla catameniorum vestigia in oculos incurrant, expresse monentem lego ADR. VAN BERKEL in *Amerikaansche voyagien na Rio de Berbice en Suriname* pag. 21.

§. 545.

Auspicia vero huius functionis nostro sub coelo plerumque incidunt in annum aetatis decimum quintum, praecedentibus ut plurimum plethoricis symptomatibus, congestione versus pectus, tensionis sensu lumbari in regione, crurum lassitudine &c. Et quidem prima ea vice ex genitalibus ab initio prodire solet humor rubellus, quem sensim intensius rubens sanguinolentus latex sequitur, denique in genuinum cruorem abiens: qui per aliquot dies lente manare pergit; cessantibus interim quae modo diximus incommodis.

§. 546.

Cruentum vero illud profluvium ab eo inde tempore elapsis quibusvis quatuor septimanis denuo redire, tuncque plus minus sex circ. diebus continuare solet, quo quidem temporis spatio in vegeta femina octo praeter propter unciae sanguinis ad integram vsque libram excerni creduntur.

§. 547.

Intermittitur vero haec actio plerumque quamdiu mulieres aut grauidae sunt, aut lactantes.

Plane *cessat* autem vniuersa functio, postquam 30 circ. annis vixit, quod itaque nostro sub climate circa quadragesimum quintum aetatis annum contingere solet.

§. 548.

Fontes catameniorum ab aliis ad vaginae vasa ab aliis et quidem verosimilius ad vterina relati sunt; quae enim in contrariam sententiam proferuntur exempla mulierum, quibus etsi grauidae aut vtero atretae fuerint aut vteri inuersi prolapsu laborarint, tamen menstrua fluxerint, nil aliud tamen probant, quam egregia naturae medicatricis conamina, quae via praeclusa regia, insolitis viis feliciter vti nouit. Sunt autem ab altera parte numerosa extispicia feminarum, quae menstruatae diem suum obierant quarumque

cauum

cauum vterinum catamenia plorasse monstrabat †); vt argumenta a priori quod dicunt defumta taceam, quibus ipsum mensium *finem* eo redire probabile fit, vt vterus menstrua tali haemorrhagia ad futuram grauiditatem praeparetur et nutriendo foetui aptior reddatur. Iisdemque quoque rationibus arteriosis potius vteri vasculis quam venis hic fluxus tribuendus videtur.

§. 549.

Quod vero *causas* periodicae huius et perennis haemorrhagiae attinet, tantis earum indago adhuc premitur difficultatibus, vt et heic non nisi probabilia sequi nec ultra id quam quod verisimile occurrerit, progredi liceat *).

Dd 5

Proxi-

†) cf. v. c. MORGAGNI *aduers. anat.* I. tab. III. M.M.M.

*) Adeant quorum interest, post alios ABR. D'ORVILLE (praef. HALLERO) *causae menstrui fluxus disquisitionem.* Goetting. 1748. 4.

GISE. VERZ. MUILMAN *an ex celebrata hactenus opinione de plethora vniuersali vel particulari vera fluxus menstrui causa explicari possit?* LB. 1772. 4.

JAC. FR. MARTLEY *de mensibus.* Edinb. 1783. 8.

THEOD. TRAUG. JAEHKEL (praef. KRAUSE) *aetiologia fluxus menstrui* Lips. 1784. 4.

Proximam ergo topicae cuidam congestioni plethoricae tribuunt, cui sane symptomata imminentium menstruorum aequae ac copia et natura vaforum vterinorum respondent.

Remotioribus vero tum situm erectum, (principem istum, qui humanum genus a reliquis animantibus distinguit characterem;) tum et singulare vteri parenchyma, vitamque eius propriam annumerare licebit.

Circa periodici autem eius decursus rationem ignorantiam fateri quam vanis hypothefibus inhiare praestabit: cum hactenus omnia ea periodica phaenomena tam fano quam aegroto animanti contingentia, *quorum termini ultra nycthemerum prorogantur*, ad naturae animalis mysteria referenda videantur.

SECTIO XLIII.

DE

L A C T E.

§. 550.

Pari vt vulgo dicunt passu cum vtero ambulant *mammæ*, fontes sanctissimi, humani generis educatores vt eleganter audiunt apud Gellium Favorino philosopho. Vtriusque enim ordinis organorum functio infantili aetate vix adhuc vlla est; iisdem tunc pūbertatis annis vtraque simul vigere incipit, vt quando primum ingruunt catamenia, fororient quoque *mammæ*; ab eo vero inde tempore passim aut simultaneas vices subeunt quando grauiditatis progressu *mammæ* quoque turgere et lac fundere incipiunt; aut alternas, cum quamdiu lactat mater, cessent interim menstrua; si vero non lactat, lochia eo copiosius fluant & s. p. Denique
autem

autem ingrauescente aetate vtraque functio simul quoque plane cessat, vt quando iam non amplius reuertantur catamenia tam vterus quam mammae aequaliter inertes et tabescentes flaccescant; vt pathologica taceam phaenomena in menstruorum v. c. anomaliis, fluore albo aliisque id genus affectionibus luculenter obseruanda, et eandem de qua agimus sympathiam demonstrantia.

§. 551.

Neque mirum videbitur tam intimum vteri et mammarum commercium consideranti, tam multifarias consensus physiologici species, alias (§ 54) figillatim enarratas, ad vnam omnes inter ea muliebris thoracis et abdominis organa locum habere †).

§. 552.

Maximi praesertim momenti quondam aestimabatur consensus anastomoticus arteriam

†) cf. JAC. ANEMAET *de mirabili quae mammas inter et uterum intercedit sympathia* LB. 1784. 4.

teriam inter mammariam internam et epigastricam obseruabilis *); cui etsi nimium tribuerint olim physiologi **), haud contemnendas tamen deberi in ea conspiratione partes, probabile videbitur luminis mutationem consideranti quae epigastricae grauiditatis tempore et quamdiu mater lactat contingit.

§. 553.

Verum et hoc vterus cum mammis commune habet, quod vtriusque ordinis haecce organa cum chylo amicam quasi affinitatem alant, eumque grauiditatis maxime tempore attrahant et peculiare in vsus vertant.

§. 554.

Constat autem *mamma* muliebris †) placentiformi glandularum conglomeratarum

*) EUSTACHII tab. XXVII, fig. 12.

HALLERI *icon. anat.* fasc. VI, tab. I.

**) Recte monente cl. G. RUD. BOEHMER *de consensu vteri cum mammis causa lactis dubia* Lips. 1750. 4.

†) cl. KÖLPIN *de structura mammarum* Gröphisw. 1765. 4. c. fig. aen.

rum congerie, numerosis fulcis in maiores lobos distincta, et adiposae massae in vniuersum quasi immersa; maxime autem antrorsum firmiore sebo tumens cui tenerrima obtenfa est cutis.

§. 555.

Quiuis autem istorum loborum iterata diuisione ex minoribus lobulis componitur, hique ex vulgo sic dictis acinis, quibus vltimae *ductuum lactiferorum* radiculae †) inhaerent ex arteriae mammariae internae extremis ramulis chylosum laticem attrahentes.

§. 556.

Abeunt autem hae radiculae magis magisque confluentes *) denique in truncos principes, numero loborum respondentes, ita vt plerumque in quauis mamma quindecim eorum aut paulo plures numeren-

†) cf. C. A COVOLO binas tabulas ad calcem posthumarum SANTORINI.

*) v. cl. GIRARDI tab. I, iisdem SANTORINI tabulis subiunctam.

numerentur. Hi quidem passim in sinus ampliores dilatantur nulla autem genuina anastomosi inuicem necti videntur †).

§. 557.

Terminantur autem hi trunci tenerri-
mis canaliculis excretoriis, qui versus
centrum mammae intercedente cellulosa
in *papillam* colligantur ††), quae subti-
lissimis vasis sanguiferis et neruulis per-
texta ad externorum quorundam stimulorum
accessum singulari erectioni obnoxia est.

§. 558.

Ambit papillam *areola* †††), quae ae-
que ac ista ipsa singulari colore *) reti-
culi

†) cl. WALTER *observat. anat.* pag. 33 sq.

††) SANTORINI tab. posth. VIII.

†††) RUYSCH *thes.* I, tab. IV. fig. 4.

*) Grauidis, praesertim quando prima vice ytero ge-
runt, flavescent plerumque papillae.

Samojedicis vero feminis, etsi adhuc intactis,
papillas nigerrimas esse, asserit autoptæ cl. KLING-
STÆDT in *Mém. sur les Samojedes et les Lapons*
pag. 44.

culi quod epidermidi **) substernitur, conspicua est, praeterea autem folliculis quoque sebaceis ***), quid quod subinde etiam ductulis raris lactigeris †) distinguitur.

§. 559.

Quod vero in hactenus descripta officina fecernitur, *lac* muliebre succus est noti coloris, aquosus, pinguiusculus, subdulcis, lenis, in vniuersum mammalium domesticorum lacti similis nisi quod non vt hoc acidis cogatur, neque vllum alcali volatilis vestigium praebeat ††).

§. 560.

Spiritu vini autem coactum eadem elementa monstrat, quibus et animalium quae diximus lac constare notum est. Praeter *aquosum* enim halitum quem recenter

**) B. S. ALBINI *annotat. acad.* L. III. tab. IV. fig. 3.

***) MORGAGNI *aduersar. anat.* I. tab. IV. fig. 2.

†) ID. *aduersar.* IV. fig. 3. et *aduersar.* V. pag. 148.

††) FL. JAC. VOLTELEN (praef. HAHNIO) *de lacte humano observationes chemicae* LB. 1775. 4.

center emulsum et adhuc calens spirat, *serum* a *caseosa* parte secedens, saccharum lactis continet †), acido constans sacchari, calcarea terra et oleosis ac mucosis partibus nupto. Butyraceum vero *cremorem* globulis constare dicunt sed variae et inconstantis magnitudinis, vtpote quorum diametrum intra $\frac{1}{200}$ et $\frac{1}{300}$ lineae ludere afferunt *).

§. 561.

Analogia vero quae chylum inter et sanguinem (§ 10. 453) et utrosque inter hosce liquores et ipsum lac praeualere obseruatur satis probabile reddit, esse hunc de quo agimus postremum humorem ipsius chyli speciem ex sanguinis massa reductam, s. potius ante plenariam eius assimilationem ex sanguineo penu, cui modo accesserat, iterum separatam; cui sententiae praeter alia argumenta tum specificae ingestorum

†) MARC. LUD. WILLIAMOZ *de sale lactis essentiali* LB. 1756. 4.

*) SENAC *Tr. du coeur* Vol. II. p. 276. ed. 2.

gestorum qualitates fauent, non raro in lacte nutricis luculenter obseruabiles: tum vero chylosus habitus aquosi lactis quale sub grauiditate et paulo post partum e mammis stillat.

§. 562.

Caussa vero, quare continuata lactatione blandum hocce foetus pabulum temporis progressu spissius et magis magisque pingue euadat, maxime ad venas lymphaticas videtur referenda, quibus mammae abundant, et quae quo vberior est et diuturnior lactis effluxus eo plus et magis continuo serosas partes resorbent, easdemque denuo sanguinis massae affundendo, vniuersum huius secretionis negotium augent et promouent (§ 476).

§. 563.

Vberrima enim lactis secretio proximis post partum diebus contingit, et si mater lactat ipsa infantis suctione vltius sustinetur, donec menstrua, quae plerumque tam diu

diu intermittunt (§ 547), denuo reuertantur. Est tamen quod et intactarum subinde virginum, quid quod et vtriusque sexus infantium neonatorum, imo vero et virorum †) [aeque ac aliorum mammalium masculorum adultorum ††)] mammas lac praebuisse, obseruatum fuerit.

§. 564.

Excretionem vero lactis sollicitat eius vbertas, qua et sponte exstillare notum est, vltius autem perficit eandem tum pressio mammae externa, tum infantis suctio.

†) Rem in Russia vulgatissimam esse asseritur in *Commentar. acad. sc. Petropolit.* Vol. III. p. 278 sq.

††) Est in vicinia nostra hircus iam nouennis, tam magnitudine corporis quam robore insignis, toties mihi visus, cui inde a sex retro annis alternis quibusvis diebus dimidiam libram saporis lactis emulgent. Simillinus capro Lemnio, de quo idem refert ARISTOTELES in *hist. animal.* L. III. p. 259. ed. G. Du VAL.

SECTIO XLIV.

DE

CONCEPTIONE

ET

GRAVIDITATE.

§. 565.

Iam ad ea accedimus, quorum causa vtriusque sexus genitalia de quibus hactenus egimus, machinata sunt: conceptio nempe, et generis humani propagatio; in quorum disquisitione ita versabimur, ut prius nuda enarremus phaenomena in admirabili eo et vere diuino negotio observanda; tum vero vires indagemus quibus ipsa ea phaenomena tribuenda videbuntur.

§. 566.

Atque primo notari meretur generi humano non ut longe plurimis reliquorum animantium (et quidem mammalibus ni fallor

fallor praeter hominem ad vnum omnibus) peculiare statutum esse anni tempus, quo in venerem ruant †), sed quamuis tempestatem perinde aptam esse ad excitandos ipsi amorum igniculos.

§. 567.

Quando ergo femina admisit virum et vterque eorum eo animali instinctu calent quo non alter siue vniuersitate siue vehementia par extat, vterus ni grauitur fallimur, inflammatorio quodammodo orgasmo turgens ††), vita sua propria (§ 538) ani-

Ee 3 matus

†) Nisi huc referre velis quod, primum in Suecia obseruante WARGENTINO, plurimi partus in m. Septembrem incidere soleant, qui praecedenti responderet Decembri. v. *Swensk. Vetensk. acad. Handlingar.* a. 1767. Vol. XXVIII. p. 249 sq.

††) cf. bina RUYSCHIO visa exempla vterorum mulierum post recentem impraegnationem dissectorum.

Alterum nempe *aduersarior. anat. medico-chirurg.* Dec. I. tab. II. fig. 3. meretricis a iuvene statim post venereum cum ipsa complexum, trucidatae.

Alterum *thesauro anat.* VI. p. 23 sq. tab. V. fig. I. mulieris paucis horis grauidae et in adulterio a marito occisae.

matus haurit quasi semen a viro euibratum *); et proprium e contra fundit (§ 543); tubae autem simul obrigescunt et fimbrias suas vicinis ouariis applicant; ex quorum alterutro vna ex vesiculis Graafianis, fere vt abscessus maturus finditur, et albuminosa quam continebat gutta ab ostio tubae abdominali sorbta in ipsum vteri cauum deriuatur.

§. 568.

Elapfa autem hacce ouarii gutta vulnufculi labia externa cicatrice clauduntur, remanens vero cui ipfa inhaeferat membranula vasculofa, abit in *corpus luteum* †) ab initio itidem cauum et plastica vt mihi quidem

*) Impetum consideranti, quo semen virile eiaculatur, et ab vtero deglutitur quasi, quamque perexigua eius quantitas (monftrantibus experimentis in animalibus captis) ad foecundandum fufficiat, facile erit ea intelligere, quae de feminis paffim referuntur, quas integro hymene concepiffe legitur et vulgo ad demonftrandam nescio quam *auram feminalem* adhibentur.

†) cf. Jo. CHPH. KUHLEMANNI *obferv. circa negot. generationis in ouibus factae* Goetting. 1753. 4. c. f. æ.

quidem videtur lymphæ plenum, quæ vero temporis progressu in carnosum vertitur nucleum, crasso cortice, vasorum sanguineorum insignibus ramulis pertexto, cinctum †).

§. 569.

Vtero nunc imprægnato, canalis, cervicem eius perforans, maxime versus orificium superius s. internum (§ 535) arcte clauditur, ita ut secundum naturam nullus superfoetationi locus supersit.

§. 570.

Interna vero vteri superficies inflammatoria quasi plasticæ lymphæ crusta obduci videtur (§ 19), quæ in *caducam* s. *deciduum* Hunteri *) abit: cuiusque bi-

Ee 4 nas

†) v. GUL. HUNTER *anat. vteri gravidi* tab. XV. fig. 5. tab. XXIX. fig. 3. tab. XXXI. fig. 3.

*) Primus de origine huius membranæ (cuius quidem curatiorem notitiam GUL. HUNTERO debemus) recte præcepisse videtur ARETÆUS Cappadox *de caus. et sign. morbor. diuturn.* L. II. c. II. p. 64 sq. ed. BOERH.

nas laminae distinguunt; alteram nempe quam *crassam* vocant, ipsum vteri cauum, exceptis ostiis tubarum et cervicis interno, inuestientem *): alteram quae ferius, postquam nempe ouulum formari et in ipsa decidua radices agere cepit, exinde super ipsam oui reliquam superficiem continuatur (— *Tab. IV. fig. 1. a. — fig. 2 —*), ideoque *caducae reflexae* nomine venire solet **).

§. 571.

Ipsam vero *ouulum* prius quidem generatur quam embryo, cui recipiendo inferretur, ita tamen ut vix ante finem alterius post

Post restaurationem autem anatomes eandem restituit FALLOPIUS *observ. anat.* p. 207.

Est *Chorion* siue nude sic dictum, siue *spongiosum*, *tomentosum*, *fungosum*, *filamentosum*, *reticulatum* sequentis aevi auctorum. *Inuolucrum membranaceum* B. S. ALBINI &c.

Primam quantum noui eius iconem exhibuit RUYSCHIIUS *thes. anat.* V. tab. I. fig. 1. F. B. C. G.

*) GUL. HUNTER l. c. tab. XXXIV. fig. 3 — 6.

**) cf. B. S. ALBINI *annotat. acad.* L. I. tab. III. fig. 1. e. GUL. HUNTER l. c. tab. XXXIII. fig. 1 — 4.

post conceptionem hebdomadis formatio eius inchoëtur †). Ante hunc terminum enim vnquam formati conceptus humani vestigia vere obseruata fuisse, valdopere dubito.

Ee 5 §. 572.

†) Quod *Tab. IV.* exhibui ouulum, ex pluribus ideo selegi, quod tenellae suae aetati eximiam pulcritudinem, et intemeratam integritatem iunctam habeat. Ob lagenae autem cylindricae liquoris plenae amplitudinem cui suspensum inhaeret, icon ceteroquin curatissimè, maius adhuc obiectum exhibuit quam reuera est, vbi amnii vesicula vix pisum maius magnitudine aequat.

Feminae est athletici habitus, tertium grauidae, cui postquam prima vice intermiserant catamenia, fortuito et repentino abortu excidit: adeoque ad primum grauiditatis mensem referendum videtur.

Recentissimum mihi allatum suspensa aperui manu, et chorion crySTALLINA sua aquula, amnion autem liquore sui nominis plenum inueni. Cetera autem neque funiculi neque embryonis minimum adhuc vestigium; siue quod formationis eius terminum nondum attigerit ouum, (et in tanta amnii paruitate huic formationi iam locum esse, valde dubito) siue quod in vniuersum sterile fuerit s. subuentaneum. Adfuisse enim iam foetulum et maceratione tantum resolutum disparuisse, cruda ouuli integritas et amnii interior superficies vndique glabra credere vetant.

§. 572.

Constat autem hocce ouulum, praeter extimum illud inuolucrum aduentitium, quod ipsi a *caduca* ista Hunteri accesserat, binis membranis propriis.

Exteriore altera, sanguiferis vt videtur vasis destituta, quae *Chorion* †) est nuperorum (— *Tab. IV. fig. 1. c* —); cuiusque extima superficies ab initio magnam partem nodosis flocculis ineffabilis elegantiae est obfusa (— *fig 1. b* — *fig 2.* —) quare et *chorion n. cosum* s. *frondosum* appellarunt. Iisdemque flocculis, quae partis foetalis futurae *placentae* rudimenta sunt, tanquam radicibus suis, ouulum inferitur deciduae vterinae (§ 569).

Altera membrana eaque interior *amnion* est (— *fig. 1. d* —), itidem sanguineorum vasorum expers (§ 5), tenera quidem, memorabilis tamen tenacitatis.

§. 573.

†) *Membrana media ROUHAULTI, HALLERI &c.*

cf. in vniuersum de variis oui tunicarum synonymis et homonymis HALLERI *elem. physiolog.* Vol. VIII. P. I. p. 194 sq.

et TABARRANI ep. ad Bartalonum in *Atti di Siena* T. VI. p. 224 sq.

§. 573.

Binae hae ouuli membranae propriae primis ab inchoata oui formatione septimanis amplitudine sua magnopere ab invicem differunt; ita vt chorion maiorem exhibeat vesicam, cui amnion tanquam longe minor vesicula ei saltem loco intus adhaeret, qui circ. centro floccosae chorii superficiei extimae respondet.

Reliquum vero interstitium, quod tunc adhuc chorion atque amnion intercedit, crySTALLINA repletur aquula dubiae originis et brevis aevi.

Cum enim amnion celeriora capiat incrementa quam chorion, huicque iam primis post conceptionem mensibus appropinquetur †) eodem gradu crySTALLINUM huncce liquorem disparere necesse est.

§. 574.

Intima vero ista oui membrana inde a prima sua formatione (§ 570) ad ipsum vsque

†) v. HUNTERI figuras (imaginarias quidem) l. c. tab. XXXIV. fig. 9. 8. 7.

vsque instantis partus terminum *liquore amnii* plena est, latice sc. aquoso, coloris subflauescentis, odoris fere nullius, saporis blandi vix subfalsi, quem vulgo alibilem putant et albumini comparant, a quo tamen mirum quantum abhorrere curatior eius indago facile docet.

Fontes eius adhuc dubii, certe neque ad foetum neque ad vmbilicalem funem referendi, cum et subuentaneis insit ouulis quae neutrum istorum continent.

Copia eius inuersa ratione ad foetus molem se habet. Eo maior nempe quo tenerior adhuc embryo & v. v..

Atque exinde vsus huius liquoris primum hariolari licebit, qui magis ad tuendum tenelli embryonis gelatinosum quasi, et iniuriarum externarum maxime impatiens, corpusculum, quam ad eius nutritionem inferuire videtur. Eam enim liquoris amnii portiunculam quae quandoque (sed adeo raro vt vel exinde praeter naturae ordinem id contigisse censendum

dum sit) foetus ventriculum intrasse visa est, neutiquam nutritioni eius destinatum esse facile patebit consideranti quam iners, inane, ad chylosin ineptum et visum fere fugiens vel maturioris foetus sit systema chyloferum; vt foetuum vere acephalorum exempla †), aliaque id genus argumenta sicco praeteream pede.

§. 575.

Ipse vero *embryo*, qui ab umbilicali fune vt fructus a petiolo suspensus huic liquori innatat, a tertia circ. inde post conceptionem septimana formari incipit *); et primo quidem simplicissima paruae fabae s. reniculi subglobosa forma apparet,
cui

†) Vulgatas contra de foetibus narrationes qui umbilicalibus plane caruisse vasis dicuntur, neminem obiecturum spero, qui vel obiter istis historiis criticam faciem attulit.

*) Fictitia enim MAURICAEI, KERCKRINGII aliorumque commenta et icunculas foetuum vnius aut paucarum dierum hodiernum refutare non amplius opus est.

cui sensim extremitatum rudimenta succrescunt, facies ulterius efformatur & f. p. *).

§. 576.

Ex ordine naturae mulier unipara est et singulum tantum foetum concipit. Non raro tamen *gemellos* gerit, quorum ratio ad solitarios partus ex Süßmilchii calculis est ut 1 : 70 †). Tuncque plerumque

*) Adeant quibus non ipsa eiusmodi humanae speciei fragilia primordia ad inanus sunt, icones curatas in RUYSCHII *thesaur. anatom.* VI. tab. II. fig. 2. 3. 4. 5. 8. 10. *thesaur.* X. tab. III. fig. 1.

it. B. S. ALBINI *annotat. acad.* L. I. tab. V. fig. 4. 5.

TREW in *commerc. litter.* Norico a. 1739. tab. IH. fig. 4. 5.

ABR. VATERI *mus. anatom. propr.* tab. VIII. fig. 2. 4. &c.

†) Verum ut in uniuersum haec ratio non adeo constans dicenda est; ita et gentilitia varietas eandem intercedere videtur.

Raritatem gemellorum apud Grönlandos expresse notat EGGEDE in *descr. du Grönland* p. 112.

Memorabilis e contrario frequentia eorum ap. Hibernos, ubi ad singulorum partus se habent fere ut 1 : 53. v. (RICH. TWISS) *tour in Ireland* pag. 18.

que cuius gemello proprium est amnion, utrique vero commune chorion †).

§. 577.

Medium vero cuius ope mutuum embryonem inter et matrem alitur commercium, umbilici est funiculus et in quam distribuitur, placenta.

§. 578.

Et *funiculus* quidem *umbilicalis*, qui ipsi embryoni coaeuus videtur, multimode ludit tam longitudine quam crassitie, tum insertionis in placentam loco, nodis varicosis &c. In vniuersum tamen ex ternis vasis sanguineis spirae modo contortus est, vena nempe quae hepar foetus petit, et binis arteriis ex iliakis internis f. hypogastricis eius oriundis; quae quidem septis cellulosis variabilis directionis *) ab inuicem distin-

†) Rarissime accidit quod gemelli communi quoque amnio contineantur. v. JAC. DE PUYR in *Verhandel. der Zeenwfsch Genootsch. te Vlissingen* T. IX. p. 423 sq.

*) GHIL. NOORTWYK *uteri hum. grauidi anat.* tab. III. fig. 5. 6. 7.

distinguuntur; intus vero nodulis f. *quasi-valvulis* Hobokenii passim coangustantur †).

In funem vero colligantur haec vasa ope cellulosae, quae singulari humore limpidissimo plena, gelatinae speciem prae se fert, exterius autem amnii continuatione inuoluta est.

§. 579.

Qua vero funi adhaeret foetus, ex huius vrinariae vesicae fundo (§ 486) medius inter vtramque arteriam umbilicalem in funem penetrat *vrachus* ††), homini per breue saltem spatium peruius, moxque totus evanescens, qui autem in aliis mamma-

†) HOBOKEN *anat. secundinae hum. repetita* p. 522 sq. fig. 38. 39. 40.

Eiusmodi fabricam ulterius in ipsis placentae ramis ornauit cl. AUG. CHR. REUSS. cf. *Ej. nov. observ. circa structur. vasor. in placenta hum.* Tubing. 1784. 4.

††) JO. NOREEN *de vracho* Goetting. 1749. 4.

cl. PH. AD. BOEHMER *de eodem, ad calcem anatomes oni hum. foecund. sed deformis.* Hal. 1763. 4.

mammalibus ad allantoidem *) ducit, qua humanum foetum plane destitui iam inter omnes constat; nisi huc referre velis aenigmaticam adhuc et brevis aevi *vesiculam umbilicalem* in humanis ouulis, chorion inter et amnion, passim visam, quam ni fallor, primus, et diu ante Albinum **) et Zinnium †), oculis vsurpauit Isbr. de Diemerbroek ††). Nuperis vero temporibus nimis frequenter, et nimis constanti ratione in ouulis humanis foecundis ad tertium vsque post conceptionem mensam obseruata est, quam vt pro fortuita fabrica, situe morbosa, situe monstruosa eandem habere liceat.

§. 580.

Sanguifera autem quae diximus funiculi vasa in *placentam* abeunt †††), de
cuius

*) cf. FABR. AB AQVAPENDENTE *de formato foetu* tab. XII. XIII. XIV. XVII fig. 37. XXV.

**) annotat. acad. L. I. tab. I. fig. 12.

†) *Epist. ad HALLER. scriptar.* Vol. IV. p. 195.

††) *anat. corp. hum.* p. 263. ed. 1679.

†††) EUSTACHII tab. XIV. fig. 5. 6.

cuius ortu ex frondosa chorii superficie, quae deciduae crassae infigitur, supra monitum est; unde et duplicis generis substantia intelligitur, ex qua contextam esse placentam constat; vterina nempe altera a decidua deriuanda et spongiosum eius parenchyma constituens; altera foetalis quae nempe ex vmbilicalibus vasis in chorion distributis, proficiscitur.

Eatenus autem iniquum est ouuli tenelli incrementum, vt glabrae chorii parti maius et celerius sit augmentum, quam muscofae, adeoque placentae ad oui ambitum ratio eo maior quo recentior adhuc conceptus, minor e contrario quo propior partui.

Simul verò progrediente grauiditate magis magisque stricta et stipata euadit eius textura, ab extima facie qua vterum respicit fulcata et lobata, ab interiore qua foetum spectans amnio vestitur, glabra. Magnitudine autem, crassitie, figura et situ s. cohaesionis ad vterum loco multumode

timode varians; plerumque tamen fundo eius agglutinata; in vniuersum tam sensibilitate (§ 204) quam genuina irritabilitate (§ 306) aequaliter destituta.

§. 581.

Etsi autem omnes in eo consentiant, esse placentam princeps cuius ope foetus nutritur instrumentum, de genuina tamen eius agendi ratione, et mutua tam ad vterum quam ad foetum relatione, diuersimode nuperis temporibus disputatum est. Omnibus tamen rite pensatis eo res redire videtur, vt quidem nulla perpetua anastomosis vasa sanguinea vteri materni cum iis funiculi intercedat; sed qui continuo tramite ex vtero in eam placentae partem penetret matris arteriosus sanguis, quae deciduae crassae originem suam debet, exin ab extremis vasorum vmbilicalium radiculis, quae in chorion muscosum distribuuntur, resorbeatur et in funiculi truncum venosum ducatur: redux vero ex foetu per arterias vmbilicales sanguis

simili ratione in parenchyma placentae effusus, a venosis partis eius vterinae radiculis hauriatur et vtero reddatur.

Respondent his cautissima sed incassā tentamina de replēndis per vterina vasa vasis vmbilicalibus, aut v. v. iniiciendis per vmbilicalem funem vterinis; tum et quae de differentia notata sunt, qua matris parientis et foetus nondum ab ea soluti pulsus ab inuicem abhorrent; respondent etiam quae alias de materni et foetalis sanguinis diuersa indole monuimus (§ 146 collata not. *) pag. 153).

Praeterea autem probabile est chyli quoque materni portionem simul cum purpureo fluento ad foetum deferri. Praetquam enim quod sanguis maternus non omni tempore aequae integer est, sed aliquot post partum horis recens aduenam neque adhuc subactum secum in orbem rapit chylum; singularem quoque vtero cum chylo et lacte esse affinitatem supra iam demonstratum est (§ 550. 553.); et
sunt

sunt utique numerosae observationes quibus lacteum succum placentae uterinae inhaesisse constitit †).

§. 582.

Progrediente vero graviditate dum foetus et secundinae tanta incrementa capiunt, utero quoque ipsi graues subeundas esse mutationes per se facile intelligitur. Et hae quidem praeter molis augmentum tam situm, quam figuram, maxime vero ipsam eius texturam attinent, utpote quae perpetua et graui humorum congestione quam uterus gravidus experitur, tum quodam sanguinea eius vasa, tum quodam intertextum ipsis parenchyma insigniter alteratur.

Et ista quidem, quo magis increfcit uterus eo magis quoque ex anfractuosis et angustis rectiora fiunt *) et magis ma-

Ff 3 gisque

†) Hinc quorundam auctorum opinio qui foetum magis lacteo matris chylo quam sanguine eius nutrirī autumant. cf. ABR. BRILL *obs. de humore lacteo in placenta humana* Groning. 1768. 8.

*) v. GUL. HUNTER *anat. uteri grauidi* tab. XVI.

gisque ampliora, et venae quidem grauiditate profecta amplissimae *), ita vt pro sinibus passim imposuerint anatomicis.

Hoc vero sensim sensimque rarius euadit laxiusque †) maxime qua ouum contentum spectat, ita vt crassus quidem sit vterus grauidus praesertim in fundo, et in viua et vegeta muliere sanguine turgens ac vi vitali vicens; simul tamen mollis et habitu suo, praesertim in funere [vbi, pridem recte monente Arantio, grauiditate prouecta lamellofam quasi texturam mentitur ††)], mirum quantum a stricta et compacta vteri non grauidi carne abhorrens.

Reliquas autem vteri grauidi mutationes grauiiores cum iis quae ouo et foetui memorabiliora accidunt, iunctim ex ordine decem mensium lunarium breuissimis exhibere

*) Ibid. tab. XVIII.

†) cf. B. S. ALBINI *annotat. acad.* L. II. tab. III. fig. 2.

††) ARANTII *de humano foetu libellus* p. 5 sq. ed. 1579.
cf. B. S. ALBINI *tab. vteri grauidi* II.

hibere liceat, secundum quos hodie graviditatis decursum fatis commode computare solent.

§. 583.

Atque vti in vniuersum vterum statim ab impraegnatione sua turgere vidimus (§ 567), ita et ab eo inde tempore mole et pondere auctior altius paulo in vaginae superiora descendit, figuram tamen pristinam tribus primis mensibus haecenus retinet, nisi quod fundus eius paulo convexior et corporis anterior paries a postico remotior euadat, cauumque vterinum antehac angustissimum et fere triangulare nunc subglobosae ouuli sese accommodet.

Ouulum vero ipsum quod circa finem primi mensis columbini oui magnitudine spectatur et vtramque deciduam ab inuicem aequae ac exiguum amnion ab ampliore chorio remotum habet, tertio ad finem vergente iam fere anserini oui molem attingit, et caduca reflexa ad crassam, amnion vero ad chorion proxime

Ff 4 accedit,

accedit, illudque magna liquoris sui nominis copia plenum est, in quo tenellus et pro portione istius liquoris valde exilis embryo (utpote qui eo termino vix iuniorem musculum magnitudine aequat,) haftenus etsi iam praeceps *) minus firmo tamen et inconstantiore situ fluctuare videtur.

§. 584.

A quarto vero inde mense vterus ovatam magis s. subglobosam induit formam, et ceruice eius magis magisque emollita et sensim sensimque abbreviata et quasi deleta s. potius versus latera distenta, de novo sursum vergit et ex minore peluim in maiorem ascendere incipit. Simul vero ipsae tubae cum conuexo vteri fundo sursum feruntur, extenduntur et elongantur; adeo autem vteri lateribus arcte adhaerescunt, ut circa mediam tantum ipsarum longitudinem ab illis recedant, et obiter tantum spectatae ex vteri medio prodire videantur; quod erroneae de ingenti fundi
vterini

*) cf. V. DOEVEREN *Specim. observat. academ.* p. 104 sq.

vterini incremento opinioni anſam prae-
buit.

Et ab eo quoque inde tempore foetus
in talem increſcit molem, quae oui capa-
citati magis proportionalis eſt, tuncque
iam in firmiorem et magis fixum ſitum
ſe componere incipit, quem ad partus
vsque terminum ſeruat, capite nempe
cernuo, facieque lumbis matris et quidem
plerumque paulo obliquius verſus ſini-
ſtrum latus obuerſa.

§. 585.

Medio grauiditatis, quod in quinti
menſis finem incidit, vterus in eam in-
creuit magnitudinem, vt fundus eius inter
pubem et vmbilicum circ. medius poſitus,
ipſaque grauiditas iam externo abdominis
habitu obſeruabilis ſit.

Simulque foetus ab eo inde tempore
corporis fui agitatione matri diſtinctius
ſenſilis fieri ſolet, etſi nec de huius mo-
menti termino ſtatuti et determinati quid

decernere liceat. Vegetior tamen nunc est et habilior, ita vt nunc ex loquendi vsu vitalis dici possit.

§. 586.

Reliquis quinque mensibus lunaribus vterus cum contento foetu vltiora incrementa capiens circa sextum mensem fundo suo vmbilicum fere attingit; ab octauo autem inde porro vltius assurgens ipsi cordis scrobiculo appropinquatur. Ceruix vero eius interim magis magisque obliteratur, complanatur et attenuatur.

§. 587.

Decimo denique mense quasi mole sua obrutus vterus (vtpote cuius longitudinalis axis tunc ad II vncias, transuersus vero ad 9 et vltra ascendere solet) denuo subsidere incipit, et orificium eius appropinquante partus termino paulatim aperitur et orbiculari ostio hiat.

Vtraque membrana caduca maxime vero reflexa quae chorio adhaeret a pluribus

ribus iam retro mensibus magis magisque attenuata nunc reticulatam quasi speciem prae se fert fibris breuibus albidis distinctam †).

Placentae tunc temporis ea moles ut maior eius diameter 9 vncias aequet, crassities vnciam vnam¹; pondus vero vnus circ. librae et quod excurrit.

Funiculi vmbilicalis longitudo plerumque 18 vnciarum et vltra.

Maturi et habilioris foetus pondus librarum fere septem; longitudo 20 praeter propter vnciarum.

Amnii denique liquoris adeo quidem variabilis quantitas, ut nihil plane definiti circa eam statuere liceat, plerumque tamen vbi vegetus fuerit foetus vix ad libram vnam ascendens.

†) cf. de vario habitu quem decidua altero grauiditatis dimidio prae se fert GUL. HUNTER *anat. vteri grauidi* tab. XXIV. fig. 3. 4. tab. XXIX. fig. 4. 5. collata tab. XXIX. fig. 2.

SECTIO XLV.

DE

NISV F O R M A T I V O .

§. 588.

Enarratis haftenus simpliciter conceptionis phaenomenis et quae tam ouo humano quam ipsi qui eo continetur foetui grauiditatis decursu contingere fida constat obseruatione, iam ad vires rimandas accedimus, quarum virtute stupendum illud generationis negotium perfici verosimile videtur.

§. 589.

Et nostra quidem memoria in eo negotio breuibus ita se expedire placuit viris quibusdam cl., vt nullam prorsus hodie amplius locum habere generationem contenderent, sed vniuersum humanum genus in alterutrius protoplastrorum genitalibus,
germinum

germinum praeformatorum specie, iunctim praeextitisse, eaque germina temporis progressu sensim sensimque euolui modo, affererent.

In eo saltim dissentientes quod alii eorum, germina ea in paternis animalculis spermaticis †) quaererent; alii e contrario eadem in materna ouaria ponerent *).

§. 590.

†) cf. W. FR. v. GLEICHEN l. c.

*) v. c. HALLERVS vir summus, qui *omnia viscera et ipsa ossa futuri foetus, sed fere fluida ideoque inuisibilia, pridem ante eius conceptionem in germine materno praeformata fuisse* nude asserbat.

Vtebatur ad huius hypotheseos demonstrationem maxime argumento a continuitate membranarum et vasorum sanguiferorum inter pullum incubatum eiusque vitellum desumpto. vid. Ej. *opera minora* T. II. p. 418 sq.

At enim vero quo saepius oui incubati phaenomena in scholis physiologicis ad naturam demonstrandi occasio mihi nata est, eo minus argumento isti roboris inesse intellexi.

Neque fatis mirari possum, qui immortalis HALLERVS inoculationem sic dictam vasorum pulli cum vasis vitelli adeo constanter, fere ut
absonam

§. 590.

Quanquam autem posteriorem sententiam ipse quondam secutus sim, tam defectu alius quae magis satisfacere videtur, quam suspicienda eius fautorum auctoritate allectus, iam eandem derelinquere et proprios meos errores fateri et emendare cogor, postquam feueriore habito generationis phaenomenorum examine longe aliter rem se habere mihi persuasit natura.

§. 591.

Indies enim magis magisque conuincor, *inesse corporibus organicis viuis ad unum omnibus peculiarem vim ipsis connatam et quamdiu viuunt perpetuo actiuam et efficacem, statutam ipsis et destinatam formam generationis negotio primo induendi, nutritionis posthac functione perpetuo conseruandi, et si forte mutilata fuerit*

absonam relicere potuerit, cum tamen in ouuli humani cum vtero grauido nexu, perfecte simillimam inoculationem receperit et defenderit!

cf. Ej. *elementa physiol.* (ed. Lausann. 1778.)

T. VIII. P. I. p. 94. collata p. 257.

*fuerit quantum fieri potest ope reproductionis iterum restituendi; quam vim ne cum aliis vis vitalis generibus confundatur nisus formatiui nomine distinguere liceat †): quo tamen nomine non tam causſam quam effectum quendam perpetuum sibiſque ſemper ſimilem, a poſteriori vt dicunt ex ipſa phaenomenorum conſtantia et vniuerſitate abſtractum inſignire volui *).* Eadem fere ratione qua attractionis aut grauitatis nomine ad denotandas quasdam vires vtimur, quorum tamen *cauſſae* etiam cimmeriis vt dicunt tenebris ſepultae latent.

§. 592.

†) Adeant quorum intereſt differentiam niſus formatiui a *vi plastica* veterum, aut a *vi eſſentiali* cl. WOLFFII vno quaſi conſpectu intuendi, ſcriptum *über d. Bildungstrieb* p. 13 – 18.

*) Ita NEWTONVS de attractione, in *quaestionibus ad calcem optices* p. 380. — „*banc vocem attractionis ita accipi velim vt in vniuerſum ſolummodo vim aliquam ſignificare intelligatur, qua corpora ad ſe mutuo tendant, cuiusque demum cauſae attribuenda ſit illa vis.*„

§. 592.

Verisimillimum itaque mihi videtur, variis istis vtriusque sexus humoribus inquilinis (§ 518. 524. 542. 543.) quos foecundo coïtu in vterino cauo confundi constat, statutum primo tempus opus esse, quo intimius inuicem misceantur, subigantur et maturescant. Elapso autem isto praeparationis termino iam in maturatis istis et intime coactis liquoribus excitari nisum formatium, cuius virtute informis haecenus spermatica materies partim in ouuli elegantia putamina (§ 571), partim in embryonis ipsis contenti (§ 575) figuram effingatur et viuificetur; eandemque causam esse, quare non obstantibus adminiculis nostris dioptricis, (hodiernum ad tantum perfectionis fastigium euectis,) nihilominus primis post conceptionem septimanis praeter informes humores vterici cauo tunc contentos, ne minimum quidem vestigium formati iam embryonis erui possit, qui tamen tertia circ. septimana subitus fere et tum quidem satis insigni statim corpusculi mole apparet. §. 593.

§. 593.

Remotiora autem vestigia nifus eiusmodi formatiui per vniuersam rerum naturam, et in simplicissimis quoque rerum elementis deprehendimus, vbi de geminibus praeformatis ne cogitare quidem licet. Nam et nubes certas suas induunt formas †), et electricus torrens statutas figuras fingit *). Sunt porro in minerali regno metallicarum crySTALLIFICATIONUM exempla, quae si formam solum spectes et vitae praerogatiuam demseris, organicis quibusdam corporibus ad miraculum fere similia sunt; cuius rei testimonio aurichalci prima vice fusi crySTALLOS hypniformes, aut Peruuiani argenti natiui eam pulcherrimam speciem, quam a figura sua filicinum vocant, nominasse sufficiat.

§. 594.

†) cl. MEISTER in *Göttingisch. Magaz.* ann. I. P. I. p. 38 sq.

*) cl. LICHTENBERG in *Nov. Commentar. soc. scientiar. Goetting.* Vol. VII. et *Commentation. eiusd. societatis* Vol. I.

§. 594.

Porro vtrumque regnum organicum exempla praebet corporum, quae spectabili satis magnitudini luculentam perspicuitatem et propagationem adeo celerem iunctam habent, vt hanc ad oculum quod dicunt obseruare et de non-existētia germinis vllius praeformati euidentissime convinci liceat. Ex horum numero inter vegetabilia confervam *fontinalem* †), inter animantia vero hydram *viridem* ††) citasse satis est.

§. 595.

Limites institutionum excederem, si prolixiore sermone argumenta ex ipsa natura petita enarrare vellem, quibus nifus formatiui in generationis negotio potentia si quid recte video longe verisimillima redditur *). Aliqua tamen eorum brevissimis

†) v. *Göttingisch. Magaz. ann. II. P. I. pag. 80. tab. II. fig. II. III.*

††) *über den Bildungstrieb p. 9 sq.*

*) Plura earum vberius exposui in *Commentation. soc. scientiar. Goettingens. Vol. VIII.*

vissimis tantum tangere liceat, quorum vis feueriore paulo meditatione facile patefcet.

§. 596.

Refero huc v. c. ex *hybridorum* historia memorabile experimentum, quo in hybridis *prolificis*, per plures generationes faepius iterata eorum foecundatione ope virilis eiusdem speciei feminis, adeo fenfim a primaeva materna forma deflexit noua ea pronepotum hybridorum facies, vt potius magis magisque in paternam alterius speciei formam abiret, et sic denique ista in hanc (arbitraria quasi metamorphosi) tota quanta transmutata plane videretur †).

§. 597.

Ita ex *monstrorum* notitia huc referri meretur notissimum phaenomenon, quo monstra (quae nempe euolutionis hypotheseos fautores tantum non omnia a prima inde creatione in ipso iam germine

Gg 2 monstrosa

†) cl. KÖLREUTER dritte Fortsetz. der vorläuf. Nachr.
p. 51 sq.

monstruosa ea fabrica praeexistisse afferunt) inter animantium *domesticorum* quasdam species (et omnium maxime quidem inter fues) tam frequentia, inter feram e contrario eorundem primigeniam varietatem adeo rarissima existere constat.

§. 598.

Tum et quod non solum connatae monstrositates sed et aduentitiae *mutilationes*, aliaeue *deformationes*, aut casu aut studio corpori illatae, *hereditariae* subinde fiant, ita vt quod primo artis opus erat, sensim in alteram quasi naturam deflectere dicendum sit †).

§. 599.

Reproductionis quoque phaenomena vti in vniuersum longe aptius ad nifum formatium quam ad germinum partialium prae-

†) Plura id genus exempla exhibui l.c.ansam praebente celebri apud HIPPOCRATEM de aëre, aquis et locis relatione de Macrocephalorum ad Pontum Euxinum craniorum forma quondam arte efficta, temporis vero progressu connata et hereditaria.

praeexistentiam referri poterunt, ita praefertim aliqua eorum, (v. c. vnguium, qui post primae digitorum phalangis iacturam in proxima media phalange renati sunt †),] nullam plane aliam solutionem admittere videntur.

§. 600.

Sed et organicas partes plane praeter naturae ordinem *morbi fortuiti* occasione et *vi naturae medicatricis* nasci videmus, vbi sane de germinum praesistentia ne suspicari quidem licet; quo v. c. ea referenda erunt officula vulgo sic dicta *Wormiana*, quae hydrocephalo interno, ad explendas ingentium fonticulorum hiatus, superueniunt.

§. 601.

Omnibus denique ab vtraque parte rite comparatis et aequa lance pensitatis, facile patet, et ipsos germinum defensores,

Gg 3 femini

†) v. TULPII *observat. medic.* L. IV. c. 55.

femini virili, praeter vim, quam ipsi tribuunt, *excitantem*, magnas insuper quoque vires *formatrices* concedere debere, eamque pro qua militant doctrinam, reuera semper tamen nifus formatiui adminiculis egere; hunc vero e contrario, absque vlllo germinum praeexistentium subsidio, explicandis generationis phaenomenis sufficere. Neque adeo opus videri, vt entia quod dicunt citra necessitatem multiplicentur.

SECTIO XLVI.

DE

PARTV EIVSQVE SEQVELIS

§. 602.

Foetus, viribus hactenus indagatis formatus, iamque absolutus et perfectus, vbi ad maturitatis suae terminum peruenit, *partu* †) in lucem edi debet.

§. 603.

Incidit autem criticus iste *terminus* ex fueto naturae ordine (circa quem solum omnis physiologia versatur), in finem decimi post conceptionem mensis lunaris, i. e. in 39^m circ. aut 40^m hebdomadem.

§. 604.

Tumque, quando istum terminum attigit vtero gerens, absoluta pariendi ne-

G g 4 cessitate

†) Jo. JAC. RÖMER *partus naturalis brevis expositio*
Goetting. 1786. 8.

cessitate vrgetur, quam minus ac ullam aliam corporis humani functionem vel minimo voluntatis arbitrio obnoxiam esse, alias iam dictum est (§ 294).

§. 605.

Et quidem de *causis* tam determinatae et subitae reuolutionis diuersimode disputarunt physiologi. Omnibus tamen ponderatis, *excitans* partus causa ad aeternam naturae legem referenda videtur, haecenus vero non magis explicabilem quam tot alia id genus naturae phaenomena *periodica*, metamorphosis v. c. insectorum, decursus stadiorum in febribus exanthematicis, crises &c. &c. Neque inepte ouum humanum maturum quodammodo et ceteris paribus fructui vegetabili compararunt, qui rite maturatus, constringentibus se vasis eum haecenus nutrientibus, demum fere sua sponte ab arbore delabitur. Et quidem obseruatum est, placentam humanam appropinquante partus termino constringi paulo et ad proxime instantem eius
ab

eius ab utero separationem quasi praeparari.

Quae enim de summa uteri expansione aliisque huiusmodi ad partum incitamentis vulgo dicuntur, praeter alia argumenta vel tot exemplis conceptuum extrauterinorum, tubariorum nempe aut ovariorum refutantur, quibus et vacuum uterum, elapsis decem post praeternaturalem eam conceptionem mensibus, solitis etsi irritis doloribus correptum fuisse constat †).

§. 606.

At enim vero praeter excitantem eam causam, potentissimis quoque *efficientibus* opus esse, ex ipsius conceptus et receptaculi eius uterini ratione, per se facile intelligitur.

Earumque *proximam* et *primariam* vnice ad *vitam* uteri *propriam* referendam esse persuasus sum (§ 47).

G g 5 Ex

†) Nuperum istiusmodi exemplum retuli in *Commentat. soc. scient. Goettingens.* Vol. VIII.

Ex *remotioribus* autem principem tenere locum videntur, tum qui respirationis ope exercentur nixus, tum nerui intercostalis cum reliquo systemate neruoso ingens conspiratio †).

§. 607.

Phaenomena vero excitati partus ratione inuasionis et decursus *) statutum quoque seruare solent ordinem, quare et ab obstetricantibus in *stadia* diuisa sunt, quorum nuperi quatuor numerant.

§. 608.

Primum, quo dolores isti, peculiaris plane indolis et progressuæ e lumbis versus inferiora vteri directionis, (vniuersum quidem partum per interualla sed varia vehementia et frequentia comitantes,) primo parturientem lenius inuadunt, tumque *praesagientes* vocantur, et vteri orificium insigniter aperiri incipit. Concidit
simul

†) v. cl. CAMPERI *demonstrat. anat. patholog.* L. II. pag. 9.

*) cf. SMELLIE'S *Set of anatomical Tables* tab. XI-XV.

simul venter, vrget lotium, et effluit e
laxe tumentibus genitalibus muci copia.

§. 609.

Alterum quo incrementibus doloribus
qui iam *praeparantium* nomine veniunt,
velamentorum oui inferius segmentum
extra vteri orificium in vaginam propel-
litur.

§. 610.

Tertio stadio cruciatus isti denuo in-
crescentes, nuncque *dolores ad partum* dicti,
iterum vehementiore impetu in vterum
agunt eumque deorsum trudent, hic vero
in foetum vrget, ita vt iam velamentorum
ista vesiculis pars, inde maxime tensa,
crepet.

§. 611.

Quarto denique sub violentissimis do-
lorum *conquassantium* cruciatibus, summo
parturientis nixu †), quem tantum non
semper

†) Notum est, innumeros fere auctores cum nixum
et foerus propulsi impetum tantum fecisse, vt
ipsa

semper horripilatio, stridor, genuum tremor &c. comitantur, capite penetrat mox nascendus infans, et quidem vertice eius plerumque pubis arcui alliso, reliquo autem capite interim vltcrius propulso, et circa verticem haerentem, tanquam circa axin reuoluto, facie primus prodit; et sic cruento sub profluuiio in lucem editur.

§. 612.

ipsa pelvis ossa exin *sub partu* aliquanto ab inuicem distendi putarent. cf. farraginem citatorum eo facientium ap. JAN. PETERS. MICHELL *de synchondrotomia pubis* p. 52 sqq. ed. Amst. 1783. 8.

Et si autem cum argumentis a fabrica partium desumptis, tum obseruationibus de ea re factis persuasus sim, intumescere utique aliquantum *sub ipsa graviditate*, maximeque ea versus finem vergente synchondroses pelvis earumque ligamenta, (cuius phanomeni causam partim quidem in diuturna humorum congestione, tum vero et in pondere prementis vteri et inde nata iniquiore et fere torpente venarum lymphaticarum eius regionis actione quaerere liceat;) eam tamen vim istis ossibus sub ipso demum partu, tam subito inferri posse valde dubito. Et quae de aliqua pubis ossium obsequiosa mobilitate passim in puerperis obseruata relata legimus, sane potius ad tumidae haecenus synchondroseos relaxationem ex cessante subito pondere antea prementē oriundam, quam ad violentam quandam dilatationem referre malim.

§. 612.

Expulsum feliciter foetum paruo plurumque interuallo sequitur *secundinarum partus* itidem dolorifico nixu, sed longe mitiore stipatus; noua quoque iterum haemorrhagia ex ea caui vterini parte †), cui deciduae crassae ope adhaeserat placenta *), exceptus.

§. 613.

Vterus vero simulac duplicem istum, haecenus sibi onustum, partum edidit, sensim sensimque contrahitur, donec denique in pristinam formam, quid quod et fere ad pristinam iterum paruitatem reductus fuerit.

§. 614.

†) B. S. ALBINI *annotat. acad.* L. V. tab. I.

GUL. HUNTER *anat. vteri grauidi* tab. X. fig. 3.

*) Eam vterini caui aut praegnantis aut recenter enixi partem post NIC. MASSAM passim appellarunt *cotyledonas*, similitudine desumpta a ruminantium bisulcorum vtero grauido, cui eiusmodi acetabula adhaerent, corpuscula sic dicta glandulosa chorii, quae placentae humanae respondent, excipientia.

Quicquid enim acetabuli in modum cauum esset, veteres *κοτυλην* vocarunt. — cf. JOACH. CAMERARII *comm. vtriusque linguae*, p. 256. 384.

§. 614.

Ab eo vero inde tempore per primam circ. puerperii septimanam *lochia* fluunt, in vniuersum catameniis fatis similia, largiore tamen aliquanto quantitate, praefertim nisi lactat mater. Cruentus autem eorum color quarto circ. die in subrubellum, dehinc in albidum abit.

Simul vero vterus a residuis deciduae ramentis purgatur, et ita praegnationis suae munere defunctus ad nouam vsque aut menstruationem aut conceptionem interim feriatur.

SECTIO XLVII.

DE

HOMINIS NATI ET NASCENDI DIFFERENTIIS *)

§. 615.

Ex iis quae de vitae ratione foetus, materni adhuc vteri carceribus contenti, balneoque calido submersi diximus, per se facile intelligitur magnam intercedere debere diuersitatem oeconomiae eius animalis functiones, si cum iisdem comparaueris
quando

*) Cf. ad hanc sectionem praeter numerosos alios, TREW *de differ. quibusdam inter hominem natum et nascend. intercedentibus* Norimb. 1736. 4.

RÖDERER *de foetu perfecto* Argent. 1750. 4.

ANDR. et FR. ROESSLEIN (fratres) *de differentiis inter foetum et adultum* ibid. 1783. 4.

tum et THEOD. HOOGEVEEN *de foetus humani morbis* LB. 1784. 8. p. 28 sq.

et FR. AUG. WALTER *annotat. academicae alias iam citatae*, p. 44 sq.

quando nunc in nato infante et qui suae spontis est peraguntur; cuius quidem differentiae principalia momenta sigillatim heic enarrare oportet.

§. 616.

Atque ut a sanguinis in orbem motu *) initium faciamus, longe alia via purpureo huic latici in foetu strata est, qui cum vterina placenta funiculi ope circulatorium alit commercium neque haecenus auram spiravit, quam quae post partum, sublato isto cum matre commercio et hausto semel vitali pabulo, a sanguine legitur.

§. 617.

Et primo quidem vena umbilicalis ex placenta aduena, annulum sic dictum umbilicalem

*) cf. HERM. BERNARD *de eo quo differt circuitus sanguinis foetus ab illo hominis nati.* recus. in OVERKAMPII collect. T. I.

JOS. WENC. CZIKANEK *de actiosa hominis nascituri vita s. circulat. foetus ab hominis nati diuersitate.* recus. in WASSERBERGII collect. T. IV.

SABATIER *sur les organes de la circulation du sang du foetus* ad calcem Ej. *Tr. complet d'Anat.* Vol. III. p. 386 sq. ed. 1781.

bilicalem foetus penetrans, hepar eius petit, sanguinemque suum finui venae portarum infundit; vnde partim per ipsos huius memorabilis venae ramos in hepar distribuitur, partim vero per *ductum venosum Arantii* †) recta via venae cauae inferiori s. ascendenti traditur.

Vterque canalis, finis scil. iste umbilicalis venae foetus abdomine contentus, et ductus hicce venosus, resecto post partum sanguifero fune clauduntur, et ille quidem in ligamentum hepatis teres mutatur.

§. 618.

Sanguini vero iam ex caua inferiore cor dextrum adeunti, pulmonalis dehinc via in foetu adhuc maximam partem praeclosa est aliaque interim ipsi legenda, qua ope Eustachianae valuulae et foraminis oualis in sinistram s. posteriorem cordis aurem deriuatur.

§. 619.

†) v. ARANTII *de humano foetu libellus* p. 97.

cf. B. S. ALBINI *explicatio tabular. Eustachii*

p. 164 sq.

H h

§. 619.

Ostio enim cauae huius inferioris ex abdomine ascendente in foetu praetenditur insignis lunatae formae *valvula* †), quae ab inuentore *) Eustachii nomen fert, et aetate adolescente plerumque sensim deleri solet, in foetu autem abdominalem sanguinem aduenam versus ostium mox dicendum, septo auricularum intermedio insculptum, dirigere videtur **).

§. 620.

Est nempe illud *foramen* sic dictum *ouale* ***), quo maxima certe ex caua inferiore adueniens sanguinis copia sub quavis auricularum diastole in sinistram a-

rem

†) HALLER *de valvula Eustachii* Goetting. 1738. 4.

*) EUSTACHIVS *de vena sine pari.* pag. 289 opusculor. Ej. tab. VIII. fig. 6. tab. XVI. fig. 3.

**) LOBSTEIN *de valvula Eustachii* Argent. 1771. 4.

***) HALLER *de foramine ovali et Eustachii valvula.* Goetting. 1748. fol. c. f. æ. — et longe auctius inter Ej. opera minora T.I. p. 33 sqq.

rem deducitur †), regressum eius impedi-
 ente praetensa foramini falcatae formae
 valuula, quae subsequente auricularum
 systole viam eam praeccludere videtur.
 Eiusdemque valuulae ope primis plerum-
 que infantiae annis eodem fere gradu fo-
 ramen illud occluditur et coalescit, quo
 respondens ipsi Eustachii valuula paula-
 tim tabescens sensim decrescit et quasi
 plus minus deletur ††).

§. 621.

Qui vero simul auriculam dextram
 intrat sanguis, maxime ex vena caua su-
 periore delabens, minimam tantum par-
 tem ab inertibus adhuc foetus pulmonibus
 recipi potest, sed ope *ductus arteriosi* *)

H h 2 ex

†) De singulari cl. WOLFFII sententia qua foramen
 otiale pro ipsius venae cauae inferioris altero ostio
 habet, quod itidem in aurem sinistram ac alterum
 vulgo notum in aurem dextram hiet, cf. *Nov.
 Commentar. acad. scient. Petropolit. T. XX. pro a.
 1775.*

††) cl. LEVELING de valuula Eustachii et foramine otiali
Anglipol. 1780. 8. c. f. x.

*) B. S. ALBINI *annotat. acad. L. II. tab. VII. fig. 7.*

ex ipso arteriae pulmonalis trunco, cuius quasi ramus princeps est, intactis pulmonibus recta in ipsum aortae arcum deferitur; qui vero ductus primis plerumque post natiuitatem septimanis in neonato occoecatur et in denso ligamenti speciem mutatur.

§. 622.

Per aortae vero truncum depulsus sanguis magnam partem iterum matri reuehendus *umbilicales* intrat *arterias* (§ 578) ad vtrumque vrachi latus annulum umbilicalem egredientes et post natiuitatem itidem in coecos funiculos abeuntes †).

§. 623.

Pulmonibus vti in foetu functio vix vlla est, ita et habitus luculenter ab eo abhorrens, quem in infante seruant postquam aëre vesci cepit. Moles quidem pro portione longe minor, color magis fuscus, substantia densior; hincque gravitas

†) v. HALLERI *icones anat.* fasc. IV. tab. III. VI.

vitas specifica maior, ita vt recentes et intemerati aquae copiosae immerſi fundum petant, cum e contrario ſi viuus natus fuerit infans, poſtquam animam hauserunt, ceteris paribus aquae innatent †). Dextro vero pulmone ea videtur eſſe praerogatiua vt prima inſpiratione prior paullo ſiniſtro ab irruente aëre dilatetur ††). Reliqua quae nouae huius functionis auſpicia attinent ſupra tetigimus, vbi de reſpiratione ex profeſſo fermo erat.

§. 624.

Ex iis quae alias de nutritione foetus dicta ſunt (§ 574. 581) per ſe facile intelligitur

Hh 3

telligitur

†) Conditiones quibus hoc fiat et cautela quibus ideo in *pulmonum* ſic dicta *docimaſia*, eiusque in foro uſu et auctoritate opus eſt, non ſunt huius loci. Legant quorum haec interſunt poſt tot alios, grauiffimum GUL. HUNTERI ſcriptum poſthumum in *medical obſervat. and Inquiries* Vol. VI. p. 284 ſq.

††) v. cl. PORTAL in *Mém. de l'acad. des ſc. de Paris* a. 1769. p. 555 ſq.

cl. METZGER de *pulmone dextro ante ſiniſtrum reſpirante* Regiom. 1783. 4.

telligitur alimentarem eius tubum et systema chylopoieticum, hactenus iners, aliter in eo se habere ac in homine nato. Ita v. c. in tenello paucorum mensium embryone *crassa intestina* habitu suo tenuibus simillima sunt; posteriore vero graviditatis dimidio meconio turgentes iam nomen, quo ab his vulgo distingui solent, vere merentur.

§. 625.

Ipsum vero *meconium* saburra est, coloris ex fusco viridis, procul dubio ab ipsis foetus humoribus inquilinis et maxime a bile eius oriunda, quod tum tempus quo primum observatur illud excrementum, primae in foetu bilis secretioni respondens, tum singularis observatio docere videtur, qua monstris hepate carentibus, meconii loco parcum saltem mucum decolorem intestinis inhaesisse, constitit.

§. 626.

Coecum quoque in neonato adhuc longe a futura forma abhorrens et vermiformi appendici ex directo continuum †) &c.

§. 627.

Alias id genus differentias passim iam tetigimus, et sicco heic transimus pede;

vrachum v.c. (§ 579.)

et *membranam pupillarem* (§ 259.)

et in masculo foetu *descensum testium* (§ 501 sq.)

Nonnullae sequenti sectione aptius dicentur; reliquas vt minoris momenti studio omittimus.

§. 628.

Tribus vere adhuc verbis partium quarundam aenigmaticarum mentionem iniciendi opportunus hic videtur locus, quod foetui proportionem maiora fient, ipsiusque praefertim oeconomiae famulari videantur, etsi genuinus earum usus (non obstantibus

Hh 4 tot

†) B. S. ALBINI annotat. acad. L. VI. tab. II. fig. 7.

tot tantisque anatomicorum in easdem disquisitionibus,) hætenus lateat incognitus. Et vulgo quidem glandularum nomine insigniuntur, quanquam parenchyma ipsis sit a glanduloso diuersum, neque adhuc vllum ductus excretorii vestigium in ipsis detegi potuerit. glandulam dicimus thyreoideam; thymum; et renes succenturiatos.

§. 629.

Atque *thyreoidea glandula* cartilagini eius nominis ad laryngem præfixa est, biloba et quasi lunata †), in foetu lymphatico humore turgens, prouectioribus annis magis magisque euadit exsucca.

§. 630.

Thymus albida et tenerrima caro est, itidem biloba, subinde in binas partes diuisa, nonnunquam insigni cauitate donata *),
sub

†) HALLERI *icon. anat.* fasc. III, tab. 3.

*) AUG. LUD. DE HUGO *de glandulis in genere et specie. tractatim de thymo* Goetting. 1746. 4. fig. 2.

sub medii sterni superiore parte locata, passim vtrunque ad ipsum iugulum ascendens †), in foetu pro portione vaegrandis, et lacteo latice scatens, adolescentibus annis sensim tabescens, senio ingruente non raro fere tota evanescit *).

§. 631.

Renēs denique *succenturiati* (s. glandulae suprarenales, it. capsulae atrabiliariae dictae) sub diaphragmate renum supremo margini incumbunt **), in adultis vt minores ita et plerumque a renibus paulo distantes, et fusco grauidae liquore, qui in foetu magis rubellus est.

†) v. HALLER *icon. anat.* l. c.

*) HEWSON's *experimental Inquiries* P. III. passim.

**) v. inuentoris EUSTACHII tab. I. II. III. it. tab. XII. fig. 1. 10. 12.

HALLERI *icon. anat.* fasc. III. tab. VI.

SECTIO XLVIII.

DE

INCREMENTO, STATV

ET

DECREMENTO HOMINIS.

§. 632.

Nil amplius restat, quam vt hominem, cuius oeconomiam animalem secundum classes functionum sigillatim hucusque indagauimus, iam adhuc in vniuersum vitalis sui decursus stadium absoluentem intueamur, et ab ortu inde per principales vitæ epochas ad vltimum vsque eius terminum succincte comitemur.

§. 633.

Et prima quidem foetus *formationis initia* in tertiam circ. post conceptionem hebdomadem incidere videntur (§ 575.):
cui

cui, vitam tunc tantum longe minimam (§ 57) et fere vegetabilem viuenti, quarta praeter propter septimana primus accedit genuinus *sanguis* (§ 13.): et *corculi motus* (§ 89.) passim rara opportunitate in tennerrimo humano embryone oculis vsurpatus †), quique in pullo incubato pridem Aristoteli visus *) ab eius inde temporibus *puncti salientis* nomine vel vulgo inclaruit.

§. 634.

A septima vero iam inde vel octaua hebdomade ni fallor *osteogenia* humana **) auspica-

†) v. JO. DE MURALTO in *Ephem. N. C.* Dec. II. ann. I. p. 305.

*) ARISTOTELIS *hist. animal.* L. VI. cap. 3. Oper. Vol. II. p. 326.

**) *Humana* inquam *osteogenia*: — in pullo enim incubato eadem longe ferius, sub initium nempe noni demum diei auspicatur, qui quidem terminus *septimae supra decimam* humanae grauiditatis hebdomadi respondet. Natura enim, si quid hariolari licet, in humano foetu aliisque viuo partu editis, ideo celerius procedere videtur in formandis

auspicatur: et quidem omnium primo fucus osseus nucleos suos formare incipit in claviculis, costis, vertebis, ossibus cylindricis maioribus extremitatum, maxilla inferiore aliisque nonnullis faciei ossibus &c., tum et tenerrima reticula in calvariae quibusdam ossibus planis, frontali nempe et occipitali; ferius in ossibus verticis &c.

In

dis ossibus (quae vniuersi corpusculi rudimenta quasi et fulcra sunt,) vt fortuitis eius deformationibus praecaveat, quibus animum pulli, testaceo suo tegmine muniti longe minus expositi sunt.

Cauendum itaque ne observationes de pullo incubato institutae minus circumspecte ad humani embryonis formationem transferantur, qui quidem lapsus ipso summo HALLERO contigit, ea quae de pullo ossibus demonstravit et etiam de aliis animalium classibus vera esse, et de ipso demum homine, nude asserenti.

Cuiusmodi praeiudicium adeo postea inualere cepit, vt non defuerint medici, qui ad forenses de partu praemature lites componendas responsa ferentes ex eiusmodi temeraria incubationis terminorum cum iis humanae grauiditatis comparatione argumenta peterent. cf. v. c. HUG. MARRETI *consultation au sujet d'un enfant* &c. Divion. 1768. 4.

In genere autem incrementum embryonis, imo vero in vniuersum hominis tam nati quam nascendi eo celerius quo propior origini suae et v. v.

§. 635.

Medio circ. grauiditatis foetus eo quem supra declarauimus sensu (§ 585.) vere *vitalis* dici potest: tumque et secretiones quorundam humorum inchoantur; vt *adipis* (§ 38.), et *bilis*.

§. 636.

Porro maturiori foetui tenellum *capillamentum* sensim propullulat et *unguiculi* nascuntur, et *membrana pupillaris* fatiscit (§ 259.); masculoque *testes* descendunt (§ 505 sq.).

§. 637.

Postquam vero decimo lunari mense ad finem vergente *partus* in lucem editus est (§ 603.) praeter supra fusius memoratas grauissimas vniuersae fere eius oecologiae animalis reuolutiones, in ipso quoque

quoque *externo corporis habitu* variae ipsi contingunt mutationes, vt v. c. pubes, qua facies neonati obsita est, sensim euanescat, rugae oblitterentur, anus iam inter nates quae nunc sensim formantur, abscondatur & f. p.

§. 638.

Sensim sensimque infans *animae* quoque *facultatibus* vti discit, †) percipiendi nempe et attendendi, et reminiscendi, et appetendi &c. &c. vnde et proximis post natiuitatem mensibus infomnia & f. p.

§. 639.

Externorum etiam *sensuum* organa magis magisque efformantur et vltius perficiuntur, vt auris externa, et nares internae, oculorum item tegmina, arcus scil. supraorbitales, et supercilia &c.

§. 640.

†) cf. cl. TIEDEMANN über die Entwicklung der Seelenfähigkeiten bey Kindern, in Hessisch. Beytr. Vol. II. P. II. III.

§. 640.

Caluariae porro ossa firmitus coalescunt, *fonticuli* sensim obturantur, et ab octauo circ. inde mense *dentitio* incipit.

§. 641.

Tuncque et *ablactationi* maturus est infans, vtpote cui dentes ad solidiorem subigendum cibum, non vero ad laedendam matris mamillam dati sunt.

§. 642.

Anno primo ad finem vergente pedibus quoque insistere discit et *situ erecto* potiri, summa humani corporis in vniuersum spectati, praerogatiua.

§. 643.

A materno vbere ita remotus et pedum vsu potitus infans indies magis adulescit et suae spontis fit, maxime accedente sensim altero humani generis summo priuilegio, *loquelae* puta vsu: quando nunc anima familiares sibi ideas linguae ad pronunciandum committere incipit (§ 154.).

§. 644.

§. 644.

A septimo inde aetatis anno labentibus
sensim viginti istis dentibus lacteis, *denti-*
tione secunda annorum progressu sequuntur
32 dentes perennes.

§. 645.

Et infantili quoque ea aetate *memoria*
reliquas animi facultates praecellit, et re-
cipiendis tenaciter rerum signis longe
aptissima est: cum postea a quinto circ.
inde post decimum anno *phantasiae* potius
igniculi praeualere soleant.

§. 646.

Atque hic imaginationis viuidior sen-
sus aptissime in *pubertatis* annos incidit,
quibus homo variis et memorabilibus cor-
poris mutationibus ad futuras functiones
sexuales paulatim praeparatur †).

§. 647.

Postquam enim adolescenti puellae
mammas fororiare ceperunt; iuueni au-
tem

†) TH. MILLER *de pubertate*. Edinb. 1781. 8.

tem mentum pubescit et quae sunt similia in vtroque sexu appropinquantis pubertatis phaenomena; ista *menstruum tributum* soluere (§ 545): hic vero genuinum *semen* fecernere (§ 518) incipit, cui secretioni vberior *barbae* †) prouentus et memorabilis *vocis* in grauiorem mutatio iuncta est.

Simul autem spontaneis quasi naturae vocibus internis iam *sexualis instinctus* (§ 288) primo excitari et homo nunc in flore aetatis

†) Fabulosam famam hodieque adhuc passim recantatam de Americae gentibus natura imberbibus, nube testium confutauit in *Götting Magaz.* ann.II. P. VI. p. 418 sq.

Ex vniuersa enim America exempla excitantium nationum quae adhuc barbam, saltem quodam partem alunt; tum aliarum, de quibus certo certius constat, eradicare sibi ipsis eandem peculiaribus instrumentis &c.

Temporis vero progressu per plurimas generationes continuatam eiusmodi barbae euulsionem in alteram quasi naturam abire, et tenuem certe barbam hereditariam fieri posse (§ 598.) ex iis quae supra de nisu formatiuo dicta sunt, certe non absolum videretur.

aetatis constitutus ad veneris vsum aptus fieri solet.

§. 648.

Definitus quidem pubertati *terminus* absolute statui nequit: varius quippe pro climatis et temperamentorum *) diuersitate; in vniuersum tamen sequiori sexui aliquanto praecocior quam virili; ita vt nostro sub coelo puellae iam decimo quinto circ. anno, iuuenes e contrario praeter propter vigesimo puberes fieri dicendi sint.

§. 649.

Paulo post et *staturae* humanae incrementi finis a natura positus est, itidem, vt a singularem hominum aut familiarum varietate discedam, pro climatis differentia multimode diuersae †).

§. 650.

*) Nam et ex Heluetia infantilis puerperae nouennis historiam a desideratissimo GOTTL. EM. AB HALLER. mecum communicatam inferui *Bibl. medicae* Vol. I. p. 558 sq.

†) Homini enim nullum priuilegium a natura concessum, quin climatis potentiam aequè ac alia corpora

S. 650.

Et tunc quoque ossium *epiphyses* hactenus a diaphysi eorum distinctae, intime iam cum ipsa coalescunt et quasi confunduntur.

S. 651.

Virili aetati, quae maiorem et praestantio-
rem vitae humanae periodum con-
stituit, quod ad corporeas functiones
vita quam maximam vocant (§ 57.),
summus scilicet earum *vigor* et *constantia*,
quod ad animae vero facultates summa
maturioris *iudicii* praerogativa competit.

S. 652.

Venturi *senii* nunciae sunt in feminis
cessatio catameniorum (§ 547) in viris ad

Li 2 venerem

corpora organica experiatur, quae ceteris paribus
frigido sub coelo longe minus adlescere quam
calidioribus terrae zonis, vulgo constat.

Giganteos vero Patagones, aequae ac creduli
 COMMERSONII nanorum gentem Madagascariensem,
 chimaericis figmentis accensendos esse, hodiernum
 vix amplius monitu opus est.

venerem fegnities, in vtrisque autem ingruens iam *siccitas* sic dicta fenilis †), et vis vitalis iam paulatim fenfibile *decrementum*.

§. 653.

Gelida denique *senecta* comites habet ingrauescentem fenfuum tum externorum tum internorum hebetudinem, longioris fomni neceffitatem, et functionum oeconomiae animalis ad vnam omnium torporem. Canescunt pili et partim labuntur. Cadunt etiam fenfim dentes. Neque cervix capiti, neque crura corpori fufstinendo vltcrius fufficienter inferuiunt. Imo vero tabescunt quafi ipfa offa, vniuerfae machinae fulcra ††), & f. p.

§. 654.

†) JOACH. H. GERNET *de ficcitatis fenilis effectibus* Lips. 1753. 4.

††) Non repeto quae de memorabili eo decremento, quod offibus fenum contingere folet, pluribus dicta funt in opere osteologico p. 36 sq.

termittentem, respirationem denique raram redeunt, quae denique validiore vltima expiratione finitur.

In aliorum vero mammalium viua sectione simul et cordis agonem obseruare licet, quo ventrem et aurim dextram sinistris aliquamdiu superuiuere et vltimas mori constat (§ III).

§. 656.

Exanime vero corpus declarant frigori iuncta rigiditas, odor cadauerosus, maxime vero cornea oculi flaccida et anus hians. Haec si adfuerint in funere *signa collectiua*, vix Plinii querelae locus datur, vt de homine ne morti quidem debeat credi *).

§. 657.

Terminum vitae naturalem (qui nempe pro frequentiore et quasi regulari prouectionis

*) cf. Jo. JAC. BRUHIER *sur l'incertitude des signes de la mort* Par. 1749, II Vol. 8.

Ita van SWIETEN *or. (posthuma) de morte dubia*. Vienn. 1773, 8.

ctioris senii meta haberi possit,) definire vix quidem licet **). Memorabile tamen quod plurimarum tabularum emortualium curata comparatione didici, satis multos pro portione senes Europaeos annum aetatis *octogesimum quartum* attingere, paucos contra eum viuendo superare.

§. 658.

In vniuersum autem etsi praeter tot alia tenellae primo aetatis imbecillitati, tum vero adultorum plurimorum intemperantiae, morborum porro vehementiae et fortuitis casibus fatalibus debeatur, quod ex millenis circ. hominibus natis non nisi circ. septuaginta octo morte hac de qua loquimur sine morbo diem suum obire dicendi sint, ratione tamen habita *humanae longaeuitatis* †) comparando eam ceteris

Ii 4 paribus

**) cf. praeter alios notissimos de eo argumento fontes
Jo. GESSNER v. cl. *de termino vitae* Tigur. 1748.
4. recus. in *Excerpto italicæ et helvet. litterat.* ann.
1759. T. IV.

†) BACON. DE VERULAMIO *hist. vitae et mortis Operum*
Vol. II. p. 121 sq. 128 sq. ed. Lond. 1740. fol.

paribus cum reliquorum mammalium quot-
quot nobis innotuerunt vitae terminis,
facile patebit post quiritationem sophista-
rum de miseria vitae humanae vix aliam
esse magis iniustam ea quam de breuitate
eius occinere solent.

I C O N V M

EXPLICATIO.

Tab. I.

Cor infantis a postica facie exhibitum;
basi paulo elatiore, et aspera arteria demta
vt reliqua eo distinctius pateant.

v. pag. 66 sq. it. p. 55. 63.

- a.* vena caua superior.
- b.* vena caua inferior.
- c.* sinus anterior f. dexter.
- d.* appensa huic sinui auricula.
- e.* eiusdem lateris ventriculus.
- f.* arteriae pulmonalis truncus.
- g.* eiusdem rami sinistri, et

Ii 5

h. dex.

- h.* dextri.
- i.* quaternae venae pulmonales.
- k.* sinus posterior f. sinister.
- l.* annexa huic auricula.
- m.* eiusdem lateris ventriculus.
- n.* arcus aortae.
- o.* truncus communis, abiens in
- p.* subclauiam dextram, et
- q.* eiusdem lateris carotidem.
- r.* sinistra carotis.
- s.* eiusdemque lateris subclauia.
- t.* arteria bronchialis communis (talis enim erat in eo funere) et intercostales ex aorta oriundae.
- u.* vena azygos.
- w.* vena coronaria sinistra, et
- x.* dextra.

*Tab. II.**Fig. I.*

Oculus adulti hominis dexter, magnitudine paulo auctiore, superiore corneae et scleroticae dimidio demto; resecto rimis limbo ab orbiculo ciliari, paululumque sublato ut utraque oculi camera pateat.

v. p. 234 fq.

- a.* sclerotica.
- b.* cornea.
- c.* chorioidea.
- d.* orbiculus ciliaris.
- e.* iris.
- f.* corpus ciliare.
- g.* capsula lentis.
- h.* nervus opticus cum arteria centrali.

Fig.

Fig. 2.

Anterius segmentum oculi foetus octi-
mstris itidem lente auctum.

v. p. 208 fq.

a. sclerotica.

b. processus ciliares.

c. uvea.

d. membrana pupillaris, vti nunc iam
centro fatiscere incipit.

Tab.

Tab. III.

Ad testium in foetu masculo ex abdomine descensum.

v. pag. 389 sq.

Fig. 1.

Ex foetu gemello fere maturo sed inique adulto; sinister testis iam ex abdominali cauo delapsus; dexter eo fere momento deprehensus quo angiportum penetrare ceperat.

- a.* testis dexter cum epididymide *ascendenti* peritoneaei processui cylindrico iam complicato inhaerens.
- b.* vestigia vasorum spermaticorum eiusdem lateris; et
- c.* ductus deferentis.
- d.* processus peritoneaei *descendens*, bullosi sacculi speciem prae se ferens.
- e.* peri-

- e. peritoneaei ostiolum per angiportum in
sacculum illum ducens, cui sinister
testis nunc iam inhaeret.
- f. vestigia vasorum spermaticorum eius-
dem lateris; et
- g. ductus deferentis.
- h. vesica vrinaria; fundo suo in vra-
chum abiens, vtrunque arteriis iuncta
umbilicalibus.

Fig. 2.

Ex foetu quadrimestri; vt testes adhuc abdominali cauo contenti, et processus peritoneaei *ascendens* tunc temporis magnam partem non nisi plicam exhibens longitudinalem, et ostiolum peritoneaei ad inferiorem et anticam huius plicae partem situm, patefcat.

Tab. IV.

Ouulum abortiuum primi vt videtur
a conceptione mensis ; dissectum, sed paulisper auctius exhibitum.

v. pag. 440 fq.

Fig. 1.


- a.* decidua reflexa.
- b.* chorii muscoli flocculi, quibus ouulum
in decidua crassa radicatur.
- c.* interior chorii pagina aquula crystal-
lina tunc temporis plena.
- d.* Amnion apertum.

Fig. 2.



Exterior eiusdem ouuli facies.


ADDENDA ET CORRIGENDA.

Pag. 70. l. 5. *cauae adde inferioris f.* — p. 90. l. 6. *nos l. nobis.* — p. 92. l. 18. *quae l. quas* -- p. 98. l. vlt. *solemnium l. solemnes* -- p. 104. l. 3. *regionum l. regionem* -- p. 111. l. 13. *post qui, ponatur* (-- p. 120. l. vlt. *cordae l. chordae* -- p. 142. l. 7. *caloris l. coloris* -- p. 144. l. I. *constituere adde liceat*, -- p. 177. l. 15. *defunguntur, l. defungantur*, - p. 216. l. 3. *lucis adde et distantiae* -- *ib.* vt *adde* ad propiora obiecta aut -- l. 5. *post arctet, l. ad remotiora vero aut debiliori luce affecta* -- p. 226. l. 17. *constat. l. solet.* -- p. 246. l. 1. *superueniunt l. superuenit* -- p. 362. l. 6. *poro l. porro* -- p. 365. l. II. *post smegma adde* (quo et aurium cerumen retuleris. -- p. 384. l. I. *post nato adde* plus minus -- p. 440. *not. l. 4. filamentosum l. filamentosum.*




Mark Jr.





1



2



